


PERKINS LIBRARY

Duke University

Rare Books





HOMILIAE

THEODORI BEZÆ

VEZELII,



IN HISTORIAM

DOMINI RESVR-

rectionis.



Ex Gallicis Latinæ factæ.



GENEVÆ,

Apud Iohannem le Preux.

M. D. XCIII.

Ex libris Schardi Hüttinger
Ab 1603

THE NATIONAL ANTHROPOLOGICAL ARCHIVES

WASHINGTON, D. C.

IN THE NATIONAL ANTHROPOLOGICAL ARCHIVES

THE NATIONAL ANTHROPOLOGICAL ARCHIVES

THE NATIONAL ANTHROPOLOGICAL ARCHIVES

THE NATIONAL ANTHROPOLOGICAL ARCHIVES

THE NATIONAL ANTHROPOLOGICAL ARCHIVES



ILLVSTRISSIMIS POTENTI-
bus & Christianis Dominis Dominis Or-
dinibus Generalibus Vnitarum Germa-
niæ Inferioris Prouinciarum, Gratia &
pax à Deo Patre nostro, & Filio ipsius Ie-
su Christo vnico Seruatore nostro.

ILLVSTRISSIMI Potentes &
Christiani Domini, versanti mi-
hi, ex eo munere quod in hac
Geneuensi Ecclesia sustineo, in
expositione resurrectionis Do-
mini, presentissimi & certissimi aduersus Mortē
antidoti, quā iam inde à multis annis, indignissi-
mis quibusque modis, tam multi puris omnibus
Ecclesiis per Galliam totā intentant: & cogitāti,
ob eas quas deinceps causas commemorabo, vo-
bis hoc quicquid est operis, cum bona vestra ve-
nia, dicare, sicut iam antea non alienū opus ab
hoc argumento, in historiā eiusdē mortis & pas-
sionis Domini, patria mee nuncupauī: commodū
visum est, paucis totā hanc historiā ad præcipuū
suum scopū cōferre. Is autē est abolitio mortis, &
eorum quæ ipsam consequuntur: ut qui nos tam
infestis animis immeruō persequuntur, sciant sese
ultro dum nos perdere student, in malorum om-
nium grauissimum præcipites ruere, & e contra-
rio imprudentes summum nobis bonum compa-
rare. Qui igitur impositam omnibus moriendi
necessitatem animaduertunt, nec eius verā cau-
sam, & quæ maxime noxia sunt ipsius effecta in-

telligunt, ferè dicere solent, aduersus quæuis ma-
 la, præterquam aduersus mortem, remedium in-
 ueniri. Sed longè melius edocti Christiani cōtra-
 ria planè sentiunt & testantur: nullum videlicet
 esse certius & paratius aduersus malum ullum
 quàm aduersus Mortem, si modò ad summū il-
 lum & singularem medicum recurramus. Annon
 enim quæso, verè dicendus est agrotum persana-
 re, qui ipso morbo pro morbi remedio usus, illum
 in integram & firmam valetudinem restituit?
 Alterutros autem hac de re, tam contrariis &
 discrepantibus sententiis dissidentes, vehemen-
 ter errare necesse est. Iam verò quoniam nulla
 grauior quæstio inter homines agitari potest, an-
 te omnia videamus, ecquæ mors ista sit, quam
 naturâ tâtopere reformidât homines, quæ ipsius
 causa, qui effectus: & eam primum ex nuda &
 simplici innata hominibus opinione considere-
 mus: deinde ex iis quæ hac de re ex vera Dei
 nobis verbo suo patefacta sapietia didicimus illā
 expendamus, tum ut eam verius cognoscamus,
 tum ut præcipuum aduersus eam remedium in-
 ueniamus. In summa igitur Mors est huius vitæ
 priuatio, per disunctionem animæ à corpore, un-
 de mox sequitur eius corruptio, id est, in ea ex
 quibus erat conflatum dissolutio. Animam ve-
 rò alij ex philosophis huius seculi, sublato o-
 mnino inter hominis & bestiarum animas dis-
 crimine, sibi, quantum quidem possunt, per-
 suadere conantur, nihil aliud esse, quàm hali-
 tum euanescentem, aut quoddam temperamen-
 tum quod aut vi dissoluatur, aut sponte nature
 ad

ad interitum vèrgat, cui sint composita omnia, quibus & animam nostram accensent, obnoxia. Hinc fit vt eiusmodi homines nihil magis quàm mortem reformident, in qua procul arcenda omnem operam ponunt. Alij, quorum paulò melior est sententia, vel infelicem vel beatam animæ ex nostro corpore emigrantis immortalitatem, sed qualè ipsis libuit imaginantur. Alij delirantes cæco mentis errore, animas è corporibus in alia corpora transmigrare somniant. In tot verò tantisque deliriis quis miretur alios quidem spem omnem abiicere, alios sibi ipsis frustrâ indignari, alios suis brutis stolidiores, in idipsum quod maximè timent præcipites ruere: & omnes istos in vniuersum in ea modò quæ sibi confinxerunt, non in ea quæ sunt intuentes, omnium miserrimos & infelicissimos mori? At sacrosanctum Dei verbum, testis certissimus, & omni exceptione maior, docet nos quòmodo, vbi, quando Deus Hominem illum primum condiderit: vt corpus quidem ipsius ex quatuor elementis fuerit temperatum: vt ei fuerit anima, simplicis, si cum rebus corporeis conferatur, essentiæ, ac proinde in sese indissolubilis, vni constituendo ὁμοῦ καὶ ἁπλοῦς vnita: duabus istis naturis inter se à conditore Deo tam arcto inter se vinculo connexis, vt vna nunquam separari posset ab altera, si modò sese homo in omnibus obsequentem ei præberet, à quo talis, id est, ad illius imaginem & exemplar conditus fuerat: singulari nimirum quadam intelligentiæ luce, & maxima tum voluntatis, tum affectuum integritate præditus: addita

etiam ei subalterna in res omnes inferiores potestate: & quod summum erat, immortalitate ipsi concessa, nisi illam ultro & voluntaria rebellionē abiiciens, sui que ipsius factus homicida, tum disiunctioni animæ à corpore (quæ prior est mors) tum morti posteriori, alteri videlicet animæ cum corpore coniunctioni, obnoxium sese redderet, per quam à Deo in sempiternum exclusus, horrendæ perpetuæque Dei maledictioni addiceretur: vtraque illa morte minimè à pura & sancta creatione, sed ex depravatione naturæ humanæ, per spontaneum primi hominis & primæ fœminæ lapsum initium ducente. Istis igitur duobus primis hominibus Satana impulsu rebellionis reis, tum suo, tum aliorum deinceps ab ipsis continua serie propagandorū hominū nomine: occæcata iam eorum intelligentia, & voluntate cū omnibus affectibus deprauata, cuncti nostro merito, in prioris & posterioris mortis seruitutem incidimus. Sed sapientissimus ille, idemque Omnipotens, & summè bonus rerum Opifex, minimè ferens præclarum illud suum opificium à Satana, hoste suo capitali penitus deleri, ita conatum illius in contrariam partem inuertit, vt ex illo ipso tam graui lapsu & tam horrenda avertentia, occasionem arripuerit, non tantum iustissimi, & seuerissimi in Satanam, & eius administratos palam exercendi iudicii, sed etiam, pro infinita sua sapientia, potentia & peculiari in miserum & perditum humanum genus bonitate, efficiendi, vt vita hæc animalis, felix primum creata & immortalis, subito verò postea infelicißima & mortalis reddita, in alteram vi-

tam

tam cœlestem, spiritualem & sempiternam, &
 quidem cum incomprehensibili gloria cōiunctam
 immutaretur. Præterea mundi istius inferio-
 ris loco, cui ad hominum habitationem destina-
 to benedixerat, sed quem mox, propter peccatū
 hominis, ei quā quotidie experimur vanitati ob-
 noxium fecit, habitationem cœlestem supra omnes
 cœlos, inenarrabili gloria refertam, ijs omnibus
 qui sui vnus opem implorarent præparauit.
 Idem ille verò sicut in eo capiendo consilio sum-
 mē admirandum sese præbuerat, sic in eo quod
 decreuerat perficiendo, illustrius etiam nobis de-
 monstrauit quā is sit incomprehensibilis, cuius
 natura tota, mera est bonitas: cuius voluntas est
 omnipotens; cuius denique operatio, mera est cle-
 mentia. Quum enim, quæ est ipsius summa pote-
 stas, tam faciliè posset vno momento inferiore hūc
 mundum suo pristino statui restituere, quā illū
 faciliè ex nihilo tam pulchrū & tam bonum con-
 diderat: longè diuersam rationem inire voluit,
 quam solus ipse & secum agitare & perficere
 potuit, vt in hoc opere vel seipso maior appare-
 ret. Quis igitur mente consequi poterit altitu-
 dinem, profunditatem, longitudinem arcani il-
 lius, quo summus ille Deus in Filij sui persona
 infimam nostram & abiectissimam conditio-
 nem suscepit? summa illa virtus tantam mi-
 seriam induit? summa illa æternitas nostram
 mortalitatem subiit? natura illa filij, vtpote veri
 Dei, ἀπαθὴς illi παθόντι vnita fuit, vt Redemptor
 ille hac quidem moriens summē Iusti illius Iudi-
 cis seueritati abundè satisfaceret, illa verò se-

ipsum à morte excitans, infinità Dei misericordiã erga eos ipsos patefaceret, in quos Deus summo iure in illius redẽptoris persona animaduerteteret, in quo nimirum crucifixo omnes electi crucifigerentur: in eiusdem resurrectione resurrecturi, & in eius ascensione tandem sursum collocandi. Sic igitur ille per se ἀόρατος, sese ὁρατὸν in nostra sibi vnita natura præbuit: ille natura ἀνὰ τὴν ἀνθρώπου, humana naturæ finibus factus est circumscriptus: qui tempora omnia antegreditur, in tempore natus est: qui denique singulis rebus existendi vim tribuit, in cruce mortuus est, vt sempiternæ gloriæ decus per crucis contumeliam, vitam denique pretio mortis suæ nobis acquireret. Omnipotens enim ille, vt illustriorem de suo nostròque aduersario triumphum reportaret, illum apertè omnipotente illâ suâ essentiâ & maiestate adoriri noluit: sed eâdem illi oppositâ naturâ, quam licet omnis peccati expertem eâdem tamen infirmissima & abiectissima conditione præditam assumpsit, in quam ab aduersario isto redacta fuerat, illum oppugnavit & simul expugnavit: vt qua ille natura nos superauerat, ipse victus, pessimè sese sibi nefarium illud scelus accersuisse experiretur: nihil redemptoris huius veri Dei & veri hominis forma serui detrahente de forma Dei, nec Dei forma serui formam absorbente: quam potius ad infimam vsque miseriam redactam perquirere bonus ille pastor non destitit, donec inuentam ad dextram in cælis collocaret. Est igitur huiusmodi hoc mysterium verè meritòque ab Apostolo

magnum

magnum appellatum, vnico illo Dei filio, Patri
 σωατὴρ καὶ ὑποστάσις in carne conspicuo factō, in
 Spiritu iustificato, & ab Angelis conspecto, vt
 supera & infera reconciliaret. Caterum non mi-
 nus sese Deus summè sapientem, summè potētem
 & summè bonum in huius sui consilij præstatione
 declarauit. Quæ enim hæc Omnisapientia est, qua
 omnem omnium hominum sapientiam stultitiã
 carnis pudefacere ab æterno decreuit? quæ Omni-
 potentia, qua omnem Satanae & hominum fero-
 citatem, vires, crudelitatem, calliditatem, nō in-
 uasit modò, sed & percussit & prostrauit? id-
 que tam exigua hominum manu, nulla huma-
 niorum literarū disciplina intrinsecus, nulla ex-
 trinsecus facundia aut robore instructorum, sed
 illiteratorū, artem exercētium alioqui vilem &
 contemptam, immo etiam ex maximè inuisa cū-
 ctis gente selectorum, & doctrinam in præcipuis
 sui capitibus communi hominum rationi ex dia-
 metro repugnantem, annuntiantium: quæ Iudæos
 quidem offenderet, & quam gentes ceteræ pro
 mera stultitia ducerent? Quandoquidem igitur o-
 pus Opificem commēdat, cedò quis alius res tan-
 tas, tã inusitatis modis & rationibus, prorsusq;
 adeo sensui humano repugnātibus, conari potuit,
 quàm qui Omnisapiens est? ecquis alius tantam
 victoriã tã tenuibus ac potius nullis adminiculis
 vsus referre potuit, quàm qui verè Omnipotens
 est? quis suos tanta misericordia fouere, suas ou-
 culas à grege aberrantes perquirere, repertas in
 humeros attollere, & ex dentibus & unguibus
 immanis illius leonis eripere potuit, quàm Max.

& summè misericors Deus? Sed & hic rursus aliud sese offert eiusdem Opificis summè admirandum testimonium, bifariam considerandum. Primum in eo quòd quanto magis Satan & eius satellites Dei voluntati obnituntur, tanto compertiuntur manifestiora & formidabiliora diuina iudicia: quandoquidem illa ipsa eorum pertinacissima contumacia, ex ipsorum induratione promanat, quam illis pœnam summus ille Index infligit: nedum vt illa ipsorum obstinatione quidquam diuinę Maiestatis imperio detrahatur: de quo nos admonens diuinus ille vates, Certè, inquit, hominum furor te celebrem reddet. Deinde, quanto officij Dei sunt in hac vita imbecilliores, tanto vis illa Dei spiritualis clarius splendet, efficiens vt quot insultibus impetuntur, tot sint ipsis plāta trophæa: nedum vt eos aut nolit aut nequeat in eiusmodi tentationibus tueri, tanti sperdū plenafiat omnium rerum restauratio. Hoc enim demum tempore, diuinitus præstituto, Diabolus, cū suis omnibus, illum quem transfixerunt intuebuntur, extremo illi sempiternæ mortis exitio addicendi: contrà verò qui passionis ipsius non moui fuerint, eum videbunt in gloriosissima sua Maiestate in quem sperarunt, & cuius hereditatem tunc demum adibunt. Ecquæ verò est ista vis & hæc bonitas: qua freti ipsius filij, cum primogenito suo fratre in vnum spiritum coadunati: anchora in ipsius Maiestatis throno, & immotis promissionibus defixa, tuti & securi in sæuissimis quamlibet fluctuum æstibus perstant? tum maxime illa tranquillitate, quam mundus nec dare nec auferre

auferre potest perfruētes, quū sāuissimis tēpestati-
tibus & procellis iactantur. Cur enim cōdemna-
tionē metuerent natiuæ corruptionis sibi conscij,
quum & natura nostra perfectissimè & supra
quàm credi possit, in hoc Redemptore sit in inte-
grum restituta, quicum, per fidei in ipsis creatæ
veluti manū apprehēso, S. Spiritus virtute, sunt
coniuncti: & cuius beneficij tandē perficiendi pi-
gnus in sese habeant: Et cur illo terribili peccato-
rum sensu consternaremur, ab iis non auro, non
argento sed illius sanguinis effusione expiati, qui
peccatis nostris debitas omnes pœnas, ad vltimū
vsque quadrantem exoluit: nisi fas sit credi, eum
qui sit ipsa veritas, falso dixisse clarissima vo-
ce, & tam sonora vt cælum terrāque concusse-
rit, omnia esse consummata. Et quānam de vitæ
eternæ certitudine dubitarent, qui longè perfe-
ctissima Mediatoris illius obedientia sunt donati,
de qua lex ipsa pronunciat, Hæc fac & viues?
quæ quidem lex proinde longè maiorem vim ha-
bet ad nos in eo seruandos qui sese illi præstandæ
obnoxiiū reddidit, quàm ad nos in nobis ipsis dā-
nandos. Huius autem beneficij testem in nostris
quidem animis Spiritum Sanctum, extrinsecus
verò nō modò verbi prædicationē: sed etiam san-
ctum Baptisma in mortem, sepulturam & resur-
rectionem ipsius: & sacrosanctam Cœnam, quæ
est alterum nostræ cum eiusdem pro nobis traditi
corporis & sanguinis pro nobis effusi commu-
nionis sigillum: vt vel morti ipsi istis Prophetæ
verbis insultemus, vbi tua ô mors victoria, vbi
tuus ô sepulchrum stimulus? Totum igitur hoc

EPISTOLA

nostræ salutis mysterium vnico nostro Mediatore nititur, nempe quatenus nostris expiatis peccatis, tum priorem tum posteriorem mortem aboleuit: & resurgens sua virtute nobis veræ immortalitatis aditum aperuit. Itaque non est hæc passio quod ad ipsius fructum attinet, arctè in vnica Christi persona consideranda: sed quod ille nostri causa prestitit in omnes redūdat, qui per veram & viuam fidem, ex illa peculiari Dei gratia, ipsi adhaerescunt. Horum autem cœtus is est quem Ecclesiam vniuersalem appellamus, cuius corpus totum congruenter coagmentatū, ad infima vsq; ipsius mēbra, pro ea quæ capiti intercedit cum suis membris analogia, Christi spiritus sua illa sapientia, potentia, bonitate vegetat, viuificat & sustinet per omnes suppeditatas ipsius corporis cōmissuras. Hunc enim manat illa συμ-
 μέρωνος nostræ nobis adoptionis testis. Nam quàm est obsecro, nostra sub cruce gloriosa conditio, vel in hoc vno, quod in eadem & tam iusta causa, filiū illum Dei socium habemus? Sic enim in rebus etiam humanis comparatum esse videmus, vt longè sit potior eorum etiam cōditio qui in bonæ causæ defensione vnà cū viris bonis fortiter occumbunt, quàm eorum qui inter sceleratos placidè vitam exigunt, illis non dissimiles. Sed altius etiam nos euehit hæc conformitas. Sic enim ad eius exēplum ab iisdem hostibus vexamur, vt simul eiusdem vnus virtute pugnando superiores facti, ipsius victoriæ fructum cum eo communem habeamus. Sed vt hoc melius etiam nouerimus., agedum, qualis & quantus sit hu-
 ius

ius conformitatis fructus propius consideremus. Filius ille Dei naturam nostram essentialiter assumpsit ut esset Θεῶν ὁμοιωτος. Hinc quadam analogia, ex Humanitatis spiritualiter nostra facta beneficio, natura diuina participes, (hoc est, interprete Apostolo, unus cum eo spiritus: non essentia quidem sed imaginis Dei in nobis instauratione) ieuadimus: unde beata illa immortalitas corporis & animi in regno illo eterno promanabit. Et hic quidem Mediator, natura humane respectu, in utero virginis Mariae conceptus est: credentes autem itidem noua prorsus per eiusdem S. Spiritus virtutem generatione, in illa sanctificata sua matre Ecclesia concipiuntur. Sic virgo quidem Maria illum concepit, quam loquentis Angeli voce auribus simul & animo recepta, respondit, Fiat mihi secundum verbum tuum: Christus autem quatenus fides est ex auditu, per verbum in auribus & corde nostro ad Iustitiam & sanctificationem concipitur. Sic tota quidem Christi vita in terris perpetua fuit aduersus Satanā, peccata nostra & mortem pugna: nobis vero iidem sunt hostes ab eo victi, & prostrati, & iisdem armis contra eosdem pro modulo nostro instrui-mur, ut eos pedibus nostris conculcemus utcumque nondum planè id quod erimus apparuerit. Sic ut Christi regnum non fuit ex hoc mundo, ita nostrum ex mundo non est, siquidem nos ipsi sumus illius regnum. Ille ab uno ex suis domesticis proditus fuit. Nū vero prorsus interiit Iudae proditoris genus? Immo si quando visum fuit illud interuisse, an non hoc nostro seculo reuixit? Archi-

sed et quondā hunc lapidem reiecerunt, quem tamen dū reiecerunt, in ipsa edificij structura collocarunt. Ecqui verò acerbius, sceleratius, immanius Christum in ipsius servis sunt persecuti, & nūc quoq; persequuntur, quā qui Pastorum Ecclesie locū sibi vēdicātes, nō modo in regnū illud nō ingrediuntur, sed ne ingredi quidē alios sinūt?

Christus ut blasphemus & seditiosus est accusatus & dānatus, & à Caiapha circumductus ad Pilatū, à Pilato ad Herodē, & ab Herode rursus Pilato remissus: ecqua verò alia via traductus est idem ille Iesus Christus, Saulo dicēs, Cur me persequeris? & quā hodie via circūducuntur in eorū persona qui pro sordibus & mūdi recrementis habentur? Immo nūc boni & piy deteriore sunt in eo quā olim conditione, quod olim quidē illa, quantūvis efferata, mundi rabies aliqua iuris speciē prae se ferebat: sed iam eò deventum est ut, nulla habita sexus, etatis, conditionis ratione, promiscuē omnes fas sit cōtrucidare, mactare, cōcidere, dirissimis quibusque proscriptionibus, atque adeò teterrimis omnīū post hominū memoriā inhumanitatibus superatis. At verò haec via sanguine illius madet, qui hanc sibi & se sequentibus consecrauit: & haec ipsa nostri cum eo in cruce *συμμόρφωσις* nos ad idem regnum ipsius deducit: momentaneis nostris perpeſsionibus, quaecumque sint, non aquantibus vel minimum illius glorie momentum quae illas consequitur.

Sepultura corporis Domini mortem eius est in cruce cōsecuta, sed tantū abfuit ut tū triumpharet Mors, quae victrix in cruce fuisse videri pote-

rat, vt contractum demum fuerit in illa tenebri-
 cosa sua specu planè confecta & destructa: adeò
 quidem vt ne in illud quidem cadauer corruptri-
 cem illam vim suam exercere valuerit: quin po-
 tius integrum illud & incorruptum, vt præclarū
 quoddam sibi commissum depositum, seruare co-
 acta sit, tantisperdum inde viuus victor que sibi &
 suis redemptor ille prosiliret. Sic quotiescunq; Deo
 visum est suos vel castigandos vel explorandos
 eò redigere, vt ad tempus intermortua quasi &
 consépulta videatur Ecclesia: tum quidem planè
 de illa actum esse sibi persuadent homines huius
 seculi, qui tamen ne de rebus quidem corporeis
 & in sensus incurrentibus aliter statuere quàm
 cæcutiendo possunt. At interim Ecclesia nūquam
 intrinsecus illa sua vita spiritali destituitur, sed
 eorum instar qui vel animi deliquium vel morbum
 lethargicum patiuntur, subsistendo interquiescit,
 & interquiescendo subsistit: omnis lethalis cor-
 ruptionis expers, & in hac sepulchri specie ita
 perstans incolumis, vt sit illi thalami cuiusdam
 instar: sic eam nimirum illo suo spōso per Prophe-
 tas suos compellante, Vade popule mi, ingredi
 in cubicula tua, & claude ostium post te: absconde
 te ipsum paruulum ad momentum, donec præter-
 eat indignatio mea.

Denique quemadmodum Iesus Christus à mor-
 tuis excitatus, pro triumphali suo curru victis
 & vinctis suis hostibus traductis, vsq; ad Patris
 dextram est euectus, summum in res omnes con-
 ditas, supremas, medias & infimas consequutus
 imperium: ita misella Dei Ecclesia grauissimè

quidem premitur, postmodum tamen ex angustijs eruitur, & horrendis aquarum gurgitibus immersa semper emergit: vt quæ non magis mergi possit quàm Dei verbum debilitari, aut eius voluntas immutari, siue illam in vniuerso suo corpore consideremus. siue in ijs sigillatim ex quibus illa constat. Nam premuntur quidem illi: sed non opprimuntur: in angustias rediguntur, sed nõ destituuntur: persecutionē patiuntur, sed non deseruntur: prostrati deniq; in cōspectu hominum qui tamen sunt ijs indigni, in summū dignitatis culmē apud Deum euehuntur, sic tandem elusa Satanae scuitia, vt per illos suos tortores nihil aliud effecisse comperiatur, quàm illorum vitæ cursu in breuiorem gyrum contracto tanto ocysus in cælum peruolandi facultatem illis commonstrasse: tanto illustriore sui memoria ad finem vsque seculorum relicta, quanto rabiosius in illos exarsit, cum perpetuo ipsius cum sui sceleris administratos apud Deum & homines dedecore. Etenim si alius esset istorum conatum exitus, licet minimè semper conspicuus, necessariò quoque veritas infalsitatem degeneraret.

Enimuero historia tota sacra Prophetica, Apostolica & Ecclesiastica, ipsūque adeò cælum & terra, certam & amplam fidem faciunt, tum huius sanctorum patientiæ nunquam, licet interdum aliquandiu dilata, gloriæ corona fraudatæ: tum administratorum Satanae rabiei, quæ nunquam horrenda illa diuini iudicii pœna caruit. Sed quorsum ista ab vltima vetustate repetita commemorare? Etenim si nobiscum animo reputemus
quanto

DEDICATORIA.

quanto cū impetu rabidus ille Satā annis ab hinc circiter octoginta, in eos irruerit quibus indignus erat mundus : vt veritatis illius cursum abrumperet tot seculis iacentis , vel potius densissimis superstitionis & idololatriæ tenebris immersæ, sed hac demum ætate nostra, velut ex inferis excitæ, & singulari Dei beneficio emicantis: liquidò comperiet nūquam Satanam furiosius sæuitiē omnē suam exercuisse: nunquā sibi obsequētiores habuisse quos suis laqueis irretitos , arbitrio suo transuersos rapit. Sed prohibente quam profite-
mur religione μννοικανειν, immo etiam precipiente vt inimicis nostris bene precemur: absit vt sese latius mea diffundat oratio in tam atrocium rerum commemoratione, quæ mentes hominum exacerbare posset. Quin potius Deum oramus vt suæ veritatis facem cæcis præferat, deuos illos tanto furore abreptos in viam reducat : sui Spiritus virtute sic eorum animos inflectat , vt pro eo quòd vltro sibi ipsis perniciem accersunt, vnà nobiscum omnes in sanctam & firmam concordiam cōeant , si non tam subito in ipso religionis negotio (quod suo tempore dabit Deus) at certè in sincero inter se affectu, mutuique officij testatione, qualem vel ipsa natura, ab ijs quibus est communis patria, efflagitat. Procul igitur sunt omnia illa dissidia, quibus fit vt sese vltro in cōmunis parentis busto & cineribus conssepeliant: malo, eheu! tanto nunc magis deplorando, quanto fit quotidie deterius, nullum tandem remedij genus admissurum.

Sed profecto maxima fuerit , neque mediocri

pœna digna ingrati animi culpa, si quo silentio
 præteriremus insignem illam Dei quam sensimus
 in his tantis calamitatibus commiserationem.
 Nam ut in eiusmodi afflictionibus, cum summa
 ignominia & crudelitate coniunctis, capiti suo
 conformes facti sunt Filij Dei, quibus vexandis
 alij rediuiui Pilati, Herodes, Caiaphæ, & Iudæ
 minimè defuerunt: ita ex aduerso ad eiusdem
 quoque gloriæ cum illo capite suo conformatio-
 nem & societatem sic peruenerunt, diuina &
 omnipotente sui ducis virtute suffulti. Exem-
 plarequirimus? Quum vel vnica vrbs illa in
 Germania, eorum ipsorū opera per quos in sum-
 mas redacta fuerat angustias, non modò furen-
 tis Satane impetū repressit, sed etiā, domū able-
 gato victore tanto Principe, penitus infregit: an-
 nō hoc insigne fuit potentis Dei dextre opus? lōgè
 sanè illustrius quàm si Dominus aduersus hostiū
 conatus, statim in principio, securam illam præ-
 stitisset? Et utinam faxit Deus ne edificiū illud,
 quod tunc non passus est Deus aliunde subuerti,
 à seipso subruatur. Rursus autem cuius alterius
 robore freta, vrbs itidem vnica in Gallia, sepul-
 chri locū dirissimis & teterrimis piorū mactato-
 ribus præbuit? atq; adeò immotæ rupis instar, in-
 uictæ vnus Dei manu, summissis etiā illi ex inti-
 ma vsque Polonia diuinitus liberatoribus, eua-
 sit firmum aduersus eundem Satanā præsidium?
 Ecquis verò in Anglia, illa tam graui Mariana
 tempestate repressa, immanium leonum fauces
 obstruxit, & ungues retudit? quænam illam o-
 mnium seculorum memoria dignam, quasi ex i-
 psius

p̄sius mortis faucibus ereptā, ab infimo quo habebatur loco, in tam altum dignitatis gradum subuexit? Quis eam tam inusitatis modis à tam nefariis coniurationibus incolumē asseruit? quæ alia quàm Omnipotentis virtus, ventorum excitationis turbinibus dissipauit, effregit, comminuit, in imos aquarum gurgites detrusit, ingentem illam & validissimam classē in eiusdē Serenissimæ Reginæ pernitiē, quæ in suis illis regnis verū pacifici illius regni Salomonis exēplar renouauit, atque adeo in totius illius florentissimi regni exitiū comparatam? Deniq; diuini istius in suos fauoris luculenta & nunquàm ullis seculis obliteranda testimonia, vnde potius quàm à vobis Illustres Domini, petierimus: quos ab immanissimis Gigantibus oppressos, & viribus impares, tot annos, contra tam furibundos hostium impetus tutatus est: eorum etiam victoriis ad illustrandam suam potentiam in infirmitate suorum abusus? Annon vnus ille verè admirabilis admirabiliū rerum omnium auctor? At enim, inquierit hostes Pharaonis exemplo indurati, nondū hæc sunt confecta. Fateor, & interea quoque nos esse quibus suis iniuriis obnoxios. Sed duo hîc esse adiicienda dicimus. Vnum, innocentium tergo non semper hæc flagella insidere, vt qui sic castigentur, non vt pereant, sed vt erudiantur. Alterum, iustos patiēdo victores euadere, quā illi ipsi qui vitæ iacturam in hac pugna faciunt, amplissimum & honoratissimum præ cæteris triumphum reportent.

Tribuatur igitur Deo Opt. Max. Seruatori no-

EPISTOLA

stro laus & gloria tum de præteritis ipsius iudiciis, tum de innumerabilibus eius in vos collatis beneficiis. Sed vno & quidem præcipuo adhuc opus est, perpetua nimirum in his iniuriis ferendis constantia, quòd præsertim nostrum non sit modum vel metam iis præscribere. Christus enim ipse, de hac re percontantibus ipsum discipulis respondens, Vestrum non est, inquit, nosse tempora siue opportunitates quas Pater in sua ipsius auctoritate posuit,

Sed habemus interim in quo acquiescamus, nempe quòd, vt idem Apostolus ait, consilium Domini teneamus, qui non tantum suis amplum illum gloriæ & triumphi campum per crucem aperuit, sed, quod amplius est, sese nunquam passurum pròmisit, vt sui supra vires in eiusmodi certaminibus, quod ipsa quoque quotidiana experientia probat, explorentur. Vt cumque enim tudites isti nullum pertundendæ Ecclesiæ, tanquam incudis finem faciant: manet tamen illa solida & integra, attritis tandem & in fragmenta disiliētibus malleis, nec aliud istis quàm certam perniciem sibi fabricatis. Eam igitur constantiæ laudem Deus Opt. Max. vobis, Illustres Domini, cum reliquis omnibus præstantissimæ notæ dotibus quàm cumulatissimè largiatur. Eius enim gratia (quod absq; vlla adulationis specie cōmemoro) sic vos adhuc gessistis, vt huiusmodi precibus potius quàm vllis acrioribus ad fortiter perseuerandum stimulis indigeatis. Neque sanè ideo superiorem institui sermonem, quasi à me doceri vos deceat, quibus datum est non solum

DEDICATORIA.

lūm in Christum credere, sed etiam pro ipsius nomine quiduis perpeti, & verum tum mente tum re ipsa Christianismū profiteri. Duo tamē sunt de quibus peto etiam atque etiam vt mihi fas sit, pro animi vestri æquitate, vobiscū agere. Vnum est, vt intāta & nunquā satis laudāda cura quā excitandis Ecclesiæ seminariis impenditis. (idcirco, vt opinor, in primis, vt Ecclesiis non desint qui præ cæteris ad opus illud Domini requiruntur) diligenter prospicere velitis, vt quam accuratissimè fieri poterit, maxima cum fide & diligentia, lingua illa sancta doceatur. Deinde, vt impurissimorum illorum & abominandorum spurcissimorum scriptorum veterum & recentiorū lectio seuerissimè interdicatur: & in omnibus vestris ditionibus quā longissimè à bonarum artium & disciplinarum scholis repellatur. Sunt enim illæ iuuentuti in vera pietate erudiendæ, & sanctitati morum à teneris etiam annis hauriendæ propriè consecratæ. Cōstat autem & experientia ipsa iam pridem ostendit, illorum scriptorum turpissimorum lectione, quibus vel ipsa terra contaminatur, iuuentutem ad turpissima quæuis cogitāda excitari, & ita sensim ad ea tantē exercēda impelli, haud secus ac si in ganeis & mediis luparū lustris educarentur: vt fortasse nulla re magis ira Dei in Christianum orbem excitetur quā huiusmodi sordiuū impurissima tractatione. Et tamen istud tam turpe dictū & factū, longo iam abusu passim non inualuit modò, sed etiam maximè excolitur & commendatur, nescio quo peruestigādæ omnis antiquitatis præ-

EPISTOLA

textu: quum tamē earum rerum memoriam quæ
 non modò nihil nos adiuuant, sed è contrario de-
 teriores nos efficiunt, iampridem obductam obfi-
 tam & abolitam esse oportuerit. Alterum illud
 est quòd licet bonis incredibile, quidam tamen
 vēstrās, vobis, palam editis etiā scriptis, impin-
 git, qui incertum est, an à vobis aliò commigrarit
 vt inde sibi facilius esset tum hæc in nos spicula
 dirigere, tum omnem illam sanctam & rectam
 politiæ Ecclesiasticæ formam subvertere, quæ
 Ecclesijs Gallicanis vobiscum est communis. Is est
 igitur qui vēstrates magistratus grauissimè re-
 prehendit, quasi bona Ecclesiastica non tantum
 in alios quàm par erat vsus conuertant, sed etiā
 dilapident, vnde iustis suis meritisque stipendiis
 fidi Ecclesiarum pastores defraudentur. Quæ si
 fortè verè diceret (verè autem dici absit vt mihi
 persuadeam, tametsi in leuioribus etiam rerum
 perturbationibus talia multa non semper caueri
 possunt) istud certè vt recte factum excusari, ne-
 que apud Dei tribunal, neque apud homines nul-
 la ratione posset: & præsens remedium require-
 ret, saltē vt huiusmodi hominibus omnis de vo-
 bis obloquendi occasio præripiatur. Sunt autem,
 quod vēstra per se prudentia summa facilè anim-
 aduertit, inter cætera diligenter hic obseruandi
 & cauendi leues & rerum nouarum studiosi ho-
 mines, à quibus si qui iā tales extiterint, quibus
 nihil nisi suum placet, nec rectum quidquam ni-
 si quod ipsis libuerit, videtur: vtinam vos istic
 Dominus, & omnes vbique Ecclesias immunes
 seruet: ac deinceps faxit ne qui tales exoriantur.

Denique

Denique ne quis hac epistola mea offendatur quasi extra mei in hac mea Ecclesia muneris fines excurrerim, quanta possum animi demissione precor; Illustres Domini, ne hanc meam, in hac quantulacunque opella, Illustri & honoratissime vestrae dignitati consecranda audaciam, aliunde profectam existimetis, quàm ex eo quòd vestram hanc sinceræ beneuolentiæ plenam, cum puris Ecclesiis Gallicanis, & speciatim cum hac nostra Geneuensi in eadem causa & contra eosdem hostes coniunctionem mecum reputans, non posse me iure culpari existimaui, si pro tenui facultatum mearum parte, conarer vos eius cōsolationis participes facere, quæ nobis pariter in hac resurrectionis Dominicæ victoria proponitur: vnica nimirum huius nostræ spei basi, qua fit vt qui tam firmo fundamento nituntur nunquam turpiter concidant. Huc accedit quòd pro Christianissima illa & plane singulari vestra cbaritate, factum fuit, vt durissimis etiam hisce & acerbissimis temporibus; quibus hæc belli flamma in intimis etiam visceribus vestris grassatur, iustissimæ Christianissimi Regis defensionem vos adiunxeritis: Regis, inquam, illius, quem cœlitus in terras videtur Deus demisisse, vt suam maximo illi & vobis proximo regno gloriam & amplitudinem restituat: & quidem in primis, vt puras in eo regno Ecclesias confirmet. Quid amplius? hanc etiam summa certè liberalitate ciuitatem Geneuensem subleuastis, & etiamnum, in tantis rerum angustijs, quibus iam totum quadriennium versatur subleuare pergatis: Hæc ita-

EPISTOLA

que tantæ beneficentię publica etiam agnitio quā
 sine maximo ingrati animi vitio diutius differri
 non posse videretur, his causis impulsus ego, li-
 cet inter multos infimus, hanc quantulamcunq;
 nostram opellam, Illustri vestro præposito, boni
 ominis causa, nomine apparere volui: eādē a-
 nimi propensione qua Deum Opt. Max. precor,
 Illustres Domini, vt vestris omnibus consilijs in-
 terfit & præsit: vos gloriæ suæ zelo maiore in
 dies incendat: vos in tantis rerum motibus, rectis-
 sima intelligētia, & sanctissima prudentia, omni
 deniq; donorum suorū agmine septos, & cōmuni-
 tos, inuicta sua potentia, & tutissimo præsidio in
 omnibus periculis protegat: denique vt, pro im-
 mēsa illa sua bonitate, primo quoque tempore ex
 densissimis hisce tenebris serenissimam lucem iu-
 beat exoriri, ad gloriæ suæ amplificationem: ad
 hostium suorum perniciem, si qui sese penitus in-
 sanabiles præbuerint: deniq; ad tot miserarū tam
 duriter acceptarum gentium incolumitatem. Ge-
 neua, Calen. Ian. anno vltimi temporis cId. Id.
 XCIII.

Illustri vestræ Dignitati & Ampli-
 tudini addictissimus
 Theodorus Beza.



TH. BEZAE.

HOMILIÆ IN HISTORIAM RESVRRE- ctionis Domini nostri Iesu Christi.

HOMILIA PRIMA.

Matth. 28.

1. *Extremo autē Sabbatho, quum lucesceret in primū [diem] hebdomadis venit Maria Magdalene, & altera Maria ut spectarent sepulchrū.*
2. *Et ecce terra motus factus est magnus. Angelus enim Domini quum descendisset è cœlo, accessit & amovit saxū ab ostio, sedebatque super illud.*
3. *Erat autem visus eius ut fulgur, & vestimentum eius album sicut nix.*
4. *Custodes autem perculsi sunt præ ipsius timore, & facti sunt sicut mortui.*

RIVSQUAM hāc tam insignem & magnificam Dominicæ resurrectionis historiam aggrediar, incumbit mihi necessitas seriem explicandi, tum aduentus mulierum ad sepulchrum, tum eorum quæ ad illud

Quibus modis concilianda quæ in huius historie prima fronte repugnātia viderentur.

conspexerunt, ac tandem ab eodem etiam recessus, quod leuiter considerati prima fronte pugnantia inter se videantur quæ ab Euangelistis recensentur. In primis notandum, ut ipse Diuus Lucas indicat, præter hic nominatas tres mulieres, Marc. 16. 1. Mariam putà Magdalenam, Mariam matrem Iacobi & Salomen, (quarum terriam Matthæus omisit) alias etiam ipsis adiunctas ad sepulchrum fuillè comites. Deinde obseruandum Euangelistas de profectiōe ab vrbe & ad sepulchrum aduentu cōiunctim loqui, quæ distinctè tamen consideranda nos historię series admonet. Nam etsi videntur quidem omnes sub tertij diei auroram se in viam dedisse, ut D. Matthæus & D. Lucas narrant, tamen, quod Iohannes 20. v. 1. speciatim obseruat, Maria Magdalene venit ad sepulchrum quum adhuc essent tenebræ: aliæ verò iam exorto sole, Marc. 16. 1. seu prior illa vrbe egressa, seu comitibus illis suis diligentior, seu ab iisdem explorandi sepulchri causa præmissa fuerat. Præterea Matthæus vnus tantum Angeli super saxum sepulchri sedentis meminit, Marcus autem hoc omisso mentionem eius tantum facit qui in ipso monumento visus est, quorum idem ad mulieres sermo fuit: Lucas autem vtrumque in ipso monumento coniungit, Luc. 24. 4. qua in re tamen nulla repugnantia nec contradiçtio est: sed ex vno supplenda quæ in alio desunt: manifestè Spiritu sancto demonstrante hac diuersitate, non autem repugnantia, nullam Euangelistarum

rum in hac conscribenda historia factam, non minus quàm in aliis, conspirationem. Tertiò notandum ea quæ de terræ motu recensentur & eorum qui ad sepulchrum custodias agebant pauore, ac eorundem in urbem reditum, (cuius meminit Matth. cap. 28. II. & eorū quæ mulieribus contigerunt narrationi inseruit) contigisse quum essent adhuc in via mulieres: sic hæc omnia administrante Dei prouidentia, ne mulieres terræ motu qui ad sepulchrum contigit, custodūque præsentia perterritæ, cœptam profectionem abrumperēt. Accipite igitur, meo iudicio seriem huius mulierum profectionis.

Domini corpus sepulchro conditum sub finem primi diei illorum trium quem diem hodie Veneris dicimus, mansit in eo primū 24. horas diei naturalis Sabbathi, qui ex Iudæorum instituto à Solis occasu diei Veneris cœperat, & sequenti occasu desierat, & vocatur apud Matth. 28. 1. Vespera, id est extremū Sabbathi, nobisque est Saturni dies. Præterea, totam sequentem noctem, quæ ex Iudæorum instituto primi diei naturalis hebdomades erat initium, quem diem Dominicum dicimus, in sepulchro quieuit, vsque ad auroram primi illius diei, quo terræ motu facto, Dominus resurrexit, vt sumus deinceps demonstraturi. Itaque mulieres istæ sub finem noctis illius sese ad iter summo mane egressuræ præpararunt. Interim ad sepulchrum sub ipsam auroram terræ motus accidit: Angelus taxum illud re-

Huius historia series ex quatuor Evangelistarum collatione.

uoluit ab ostio sepulchri : custodes metu perculsi facti sunt sicut mortui, & in urbem rem ut erat gesta narraturi fugerunt. Maria verò Magdalene, cæteris diligentior, quum ad sepulchrum sub ipsum crepusculum (paulò post terræ motum, ut est verisimile) venisset, reuolutumque ab ostio sepulchri saxū eminus cōspexisset, repentē, ut erat feruidissima, ad Apostolos in urbem, persuasa Domini corpus è sepulchro fuisse sublatum, excurrit. Aliæ verò mulieres, ut verisimile est, dum moram aliquam faciunt, aliæ alias præstolantes, & inter se deliberantes, quomodo sepulchrum, quod à Iosepho clausum aduoluto saxo magno cōspexerant, Matth. 27. 60. ingrederentur, exorto demum sole ad sepulchrum adueniunt, ubi Angelum saxo insidentem reperiunt, à quo fiunt eorum quæ contigerant omnium certiores. Matth. 28. 5. quarum aliæ, quum eas Angelus vocasset, in ipsum sepulchrum magno metu perculsæ, statim nemini quicquam dicētes, aufugerunt, Marc. 16. 8. aliæ verò animosiores sepulchrum ingressæ, alium in eo Angelum præterea repperunt, a quo sunt iisdem quibus ab altero sermonibus compellatæ : ex quibus quum magnam consolationem perceperint, & in urbem regrederentur, ecce ipsis *Domini* obuiam factus, *discipulis* suis ipsas gesta illa omnia narrare iussit. Quæ sic omnia geri nō nisi quodam horarum spatio interiecto potuerunt, interea dum Maria Magdalene iterum ad sepulchrum cum Petro & Iohanne aduenit,

nit, qui diligenter omnibus quæ in monumēto conspexerant expensis, incertiores s quam antè, domum reuersi sunt: nisi quòd Iohannes quiddam sibi iam tum de resurrectione cœpit persuadere. Verum tamen Mariam Magdalenam parui cuncta illa facientem, & ad sepulchrum constantius manentem, donec rei gestæ veritatem penitus perspectam haberet, Dominique corpus furto ablatum sibi persuadentem, tandem est hac Dei filius gratia dignatus vt illi se priori conspiciendum præbuerit. Marc. 16. 9. antequàm aliis mulieribus quæ iam erant in reditu ad urbem sese conspiciendum præberet, vt ab hac & illis tandē Apostoli de Domini resurrectione certiores facti fuerint.

Habetis, vt equidem sentio, & summam & seriem huius hystoriæ, ad cuius expositionem antequam accedo, primùm est nobis ista vox Resurrectionis expendenda, quotque sint illius in sacris Scripturis species, tum ad quam illarum Domini nostri resurrectio pertineat, ac tandem quis ad nos inde fructus redeat.

Vox itaque Resurrectionis propriè significat eius quod morte ceciderat instaurationē: ac corporis tantùm est propria, quandoquidē hominis anima sua natura immortalis est, Deo solo qui à seipso Immortalis est, sic pro sua egregia in hominem voluntate statum ac conditionem qua illam initio iussit esse, conseruante. Verùm propterea quòd illa corporis à mortuis resurgentis instaurationi fieri nisi ani-

*Triacapita
præcipua
ante huius
hystoriæ ex
plicationē
consideran
da.*

*Prima spe
cies Resur
rectionis
corporis in
stauratione
quod antè
morte ceci
derat.*

mæ in suum corpus, iterum viuificandum, reditu non potest: idcirco vox illa Resurrectionis de toto homine dicitur ratione totius, non autem distinctè singularum eius partium respectu. Idcirco in symbolo nostro non simpliciter profiteamur nos credere resurrectionem, sed expressè carnis resurrectionem dicimus, ne Christiani videantur eorum errori qui mortales cum corporibus animas statuunt a stipulari.

*Secunda
Resurre-
ctionis spe-
cies ab in-
genti ali-
quo pericu-
lo liberatio.
Tertia re-
surrectio-
nis species
pro destru-
ctione cor-
ruptionis
& instaura-
tionis ima-
ginis Dei
in anima.*

Et illa quidem huius vocis propria est significatio. Vt autem omittam eam loquendi phrasin, qua resurgere dicuntur qui ex maximis angustis emerferunt, aut summum periculum euaserunt, obseruandum est quòd quemadmodum purum intellectus lumen, voluntatisque & aliorum affectuum integritas ac rectitudo sunt velut animæ vitæ, hac ratione Deo Creatori suo, quæ vera vita est, adhærentis: sic contrà priuationem istius puritatis lucis in intellectu, & in voluntate rectitudinis, à scripturis mortem animæ vocari: minimè quidem essentia suæ respectu, quæ semper eadem permanet, sed quòd hac puritate & integritate destituta, sui Creatoris gratia & fauore excidat, à quo non alium in finem Esse tuum retinet, nisi vt in æternum hanc miseriam sentiat. Et quidem intelligendæ sunt hoc sensu quæ toties in Scripturis occurrunt phrasès, homines nasci in peccatis mortuos, donec Spiritus sancti gratia, quasi denuò creati, viuificentur, ac noui fiant homines, pedetentim moriente to-

ta natura illa corruptione, quæ vetus homo dicitur, sic in anima tanquam proprio subiecto in hærente, vt secum etiam corporis corruptionem ac dissolutionem trahat, quemadmodum contra spiritualis animæ resurrectionem corporis etiam resurrectio in vitam æternam est sequutura.

Præterea quum in Scripturis tum vitæ tum mortis etiam, ac resurrectionis primæ & secundæ mentio frequenter occurrat, age illa etiam enodemus, vt tota nobis hæc materia sit perspectior, & fructum necessarium ex ea percipiamus. Vita prior igitur, vita præsens est, quæ corporis & animæ separatione finitur, quam Apostolus vitā animalem, nobis quippe cum aliis omnibus animantibus communem dicit. Licet autem in nonnullis iterata sit hæc vita, vt in Lazaro & aliis in hoc mundo suscitatis, iterum morituris, semper tamen vita prior nūcupatur, vitæ secundæ opposita, nunquam finiendæ, quæ sunt electi tum corpore tum anima fruituri in illa cœlesti gloria, quam pluribus Apostolus explicat, 1. Cor. 15. hanc secundam vocans non animalem, vt priorem illam, sed spiritualemente: futuram nempe communem electis tum corpore tum anima, cum beatis Angelis, Matth. 22. 30. & quidem in statu nobis hodie incomprehensibili. Isa. 64. 4. 1. Cor. 2. 9.

Duabus illis vitis Scriptura duas mortes opponit, primam vnā, secundum alteram, per mortem primam intelligens separationem

Quid vocetur in Scripturis vita prior & animalis, & vita secunda & spiritualis.

Quid sit mors prior, & qua ratione tunc

*electis tū
reprobis sit
communis.*

animæ & corporis, communem Dei filiis & filiis huius sæculi, cuius tamen longè sit dispar exitus. Nam Dei filiorum animæ à corpore separatæ ad Christum supra cælos omnes efferruntur, iam tum quietis æternæ felicitatem, tantisper dum corporum resurrectio fiat, degustaturæ. Luc. 23. 43. Act. 7. 59. & 2. Cor. 5. 9. & Philip. 1. 23. Corpora verò sic dissoluuntur & liquantur in sepulchro, ut velut aurum excoctum, expurgentur & ad gloriosam immortalitatem præparentur: quam ob causam corporum ipsorum mors à Scriptura cum somno quieto & quiete placida comparatur. Quinimò, quod mors quæ natura sua vergit ad eius quod est mortuū interitum, contra naturā & vi potente Domini nostri Iesu Christi vertitur in vitæ præparationem, Iohannis 8. 81. Dei filij mortem nunquam conspiciere, id est sentire, dicuntur.

*Quid sit
mors secundā
da, felis dū
mandis propria,*

Contrà verò improborum animæ statim ab illo suo excessu in æternæ maledictionis nobis hodie incomprehensibilem miseriam præcipientes feruntur, Luc. 16. 23. & idcirco igni æterno confertur, ad quam ipsorum etiam corpora præparantur, quod horrendissimus ille & maximè stupendus status, licet nec animas nec corpora filiorum huius sæculi mors prima penitus absorbeat, aut in nihilum redigat, vitæ nomine sit prorsus indignus. Quam ob causam Scriptura vitam ipsorum secundam quam per resurrectionem, sunt consequuturi, non vitam, sed mortem secundam dicit: quam
etiam

etiam ob rem Scriptura duarum resurrectio-
num, alterius ad vitam, alterius ad condemna-
tionem meminit, Ioh. 5. 29.

Superfunt nobis explicandæ voces prioris
& secundæ Resurrectionis, ut vocantur Apo-
calyp. 20. 5. quæ solis Dei filiis conueniunt. I-
taque Resurrectio prima, esto nobis Regene-
ratio & Sanctificatio credentium, in hoc vitæ
curriculo, in Domino nostro Iesu Christo ius-
tificationum, perque ipsius Spiritum sanctifi-
cationum, vti superius plaribus exposuimus:
quæ in hac vita tantum inchoata gratia, se-
cunda Resurrectione corporumque & anima-
rum vltimo die futura coalitione perficienda
est, quod secundum mensuram suam quisque
perfectissimè, & in æternum ipsis, ante iacta
mundi fundamenta, Mat. 25. 34. præparato re-
gno cœlorum perfruantur.

*Quid per
primam &
secundam re-
surrectionem
sit intelli-
gendum.*

Diuerfis igitur illis resurrectionis specie-
bus sic expositis, pergamus ad secundam ca-
put à nobis propositum, ad quam nimirum i-
starum specierum Domini resurrectio sit re-
ferenda. Primum itaque dicimus illam refe-
rendam propriè non ad eius Deitatem, in se
infinitam & impassibilem, quæque non ipsa
quidem resurrexit, sed suum ipsius corpus ex-
citauit: non etiam ad eius animam, quippe
immortalem: sed ad ipsius corpus, à quo ani-
ma triginta nouem horarum spatio separata
(nèpe tribus horis quæ ab hora nona primi
diei, erant reliquæ, deinde viginti quatuor ho-
ris secundi diei, qui fuit Sabbatum & duode-

*Domini Re-
surrectio
propriè ad
primam spe-
ciem refer-
tur, quæ cor-
poris & a-
mæ reuivis-
cit.*

cum horis noctis diei tertij sub cuius noctis horam vltimam resurrexit) hac tandem resurrectione iterum cum illo coaluit. Verum nihilominus in symbolo nostro respectu vnitatis Personæ & Totalitatis Iesu Christi, profite-mur Iesum Christum Θεὸν ὁμοῦν resurrexisse. Nam sanè, ni hic qui resurrexit tā verus Deus esset, quàm verus homo, resurrectio ipsius nostræ fundamentum esse nequiret. Quibus adde corpus istud non ad Lazari & aliorum quorundam modum, iterum morti obnoxium, fuisse suscitatum: sed contrà mortem sua morte perempturum, primùm in se ipso vitam cœlestem & perennem in æternum viuentem, Rom. 6.10. deinde in omnibus membris suis vltimo die, quum transformabit corpus nostrum humile, vt conforme fiat corpori suo glorioso. Phil. 3. 21. & quum erit omnia in omnibus suis, I. Cor. 15. 28. prout ipse dixit etiam se resurrectionem & vitam esse, Ioh. 11. 25.

*Qua differe-
ntia sit tū
in causatū
in effecture
surrectionis
tam electo-
rum quàm
reprobōrū.*

Sin aliquis excipiat vim igitur illam & effectum inde promanans, perpetuam illam nimirum corporis & animæ coalitionem non esse tantum propriam Dei filiorum, quum sint & alij vltimo illo die resurrecturi, in perpetuum etiam tum corpore tum anima in illo statu permanfuri, ecce duas in promptu responsiones. Quarum prior est, omnes quidem reuera resurrecturos vltimo die animæ & corporis coalitione, nunquam in æternum dissol- uenda: at resurrectionem, quam mors secunda sit exceptura, non manaturam à benedictione patris

Patris in Iesu Christo, sed contra ab eius ira & furore, iustissimam suam sententiam prolaturi & executuri, iam olim aduersus eos in primi hominis condemnatione latam his verbis, Morte morieris, Genes. 2. 17. Nec enim hæ voces tantum de ea corporis humani in puluerem dissolutione, quæ deinceps exprimitur, Genes. 3. 19. intelliguntur, sed primam & secundam mortem complectuntur, vt superius diximus, *ad quam secundam mortem* damnati minime quidem esse desinunt, sed tam horrendus est ac miserandus ille status, vt vitæ nomē minime mereatur.

Altera est responsio, Iesu Christi Domini nostri potentiam esse bifariam cōsiderandam. Omnipotens enim est tum ad suos electos seruandos, tum ad inimicos condemnandos. Quatenus igitur suorum Seruator, vi spiritalis illius vnionis qua illi membra ipsius adherent, (est enim hæc coniunctio iis solis propria quos pater ipsi dedit) solos eos etiam esse suscitandos virtute viuifica sui capitis, qui vnicus est Christus Dominus, necessario colligendū est. Quapropter hæc Apostoli conclusio, Si Christus resurrexit, nos etiam resurgemus, quod si Christus non est suscitatus, non etiam suscitabimur, 1. Cor. 15. 17. & quod eiusdem capitis versu 22. dicit, sicut in Adam omnes moriuntur, ita & in Christo omnes viuificandos, ad solos Dei filios restringuntur, de quorum resurrectione non autem de damnatorum eo loco Paulus Apostolus loquitur, vt ex ipsa contex.

Inter Iesu Christi seruatoris, & Iesu Christi Iudicis virtutem non parua differentia.

tus totius serie conspicuum est. Suscitandos tamen reprobos agnoscimus Iesu Christi potentia, sed tanquam iulti iudicis, virga illa ferrea, quam à Patre in hunc finem accepit, hostes suos domantis Psal. 2. 9. condemnationis istius causa non à Iudice quidem, ut electorum salus, sed à reproborum corruptione & malitia promanante.

*Secunda re
surrectio-
nis species
spirituali-
ter conside-
rata etiam
de Christo
quodammo-
do dici po-
test, quate-
nus nimirū
vitæ anima-
tis infirmi-
tates exuit.*

Denique Resurrectio, cuius in hac historia fit mētio, propria est corporis Domini nostri, quod iterum cum anima in vitam spiritualem & sempiternam coaluit. Sed præterea, licet resurrectio quam animæ tribui diximus phrasi Scripturis vlitata (quatenus nimirum Dei Spiritus in nobis corruptionem nostram, quæ altera est animæ mortis species extinguit) de Christo dici nullo modo possit, cuius sanctissima purissimæque fuit humanitas ab ipso suæ conceptionis momento, virtute sancti Spiritus in utero Mariæ Virginis, Luc. 1. 35. nihilominus tamen quatenus corporis & animæ per resurrectionem coalitione vitæ huius animalis omnes infirmitates exuit, quibus se nostri causa subiecerat excepto peccato, hoc etiam respectu dici resurrexisse quodāmodo potest, vitæ qualitate tū corporis tum animæ longè à priore dissimili: cuius resurrectionis, spiritualiter consideratæ in animæ & corporis qualitatibus, vi & efficacia, factus est primitiæ dormientium, in vitam nempe suscitandorum, 1. Cor. 15. 20. & eorum qui eiusdem perpetuæ gloriæ & felicitatis in secunda resurrectione futuri

futuri sunt participes.

Quòd enim à resurrectione cum discipulis *Dominus à sua resurrectione non edit nec bibit, aut ex necessitate, aut illusione.*
 edit ac bibit, nequaquam necessitate coactus
 edendi bibendique fecit ad corporis alimonia-
 m, sicut prius in hac animali vita quam iam
 deposuerat. Nec verò magis visio illa fuit aut
 apparitio ecstatica vel illusoria. Nā id si esset,
 quānam, obsecro, hic esus & potus certissima
 resurrectionis veri & eiusdem quod in cruce
 spiritum emiserat corporis *τελευτή* fuissent?
 At licet corpus ipsius iam tum vitam vivens
 spiritualem alimentum ex eo cibo potu
 minimè percepit, sed eum sicuti visum est i-
 psi dissoluit, verè tamen ut antea solebat edit
 ac bibit: eoque sese demittens ut discipulo-
 rum suorum eorumque omnium quibus ad
 finem usque seculorum eius resurrectio præ-
 dicaretur, infirmitati diffidentiaque consule-
 ret. Cōtrā verò ut perspicuū faceret se resur-
 rectione sua longè alterius qualitatē à Prio-
 re diuersæ vitam assequutum, cuius in transfi-
 guratione speciem extraordinariam quandam
 eius Apostoli conspexerant, clausis ostiis ad
 suos Apostolos ingressus est, modòque illis
 variis formis apparuit, modò subito ab ipso-
 rum oculis disparuit: quæ omnia vitæ spiritua-
 lis, gloriosæ & sempiternæ, non autem anima-
 lis propria sunt, ita tamen ut natura eius hu-
 mana nullam mutationem, nec quòd ad sub-
 stantiam, nec quòd ad eius proprietates essen-
 tiales patiatur.

Cæterum præter superiora duplex maximi *Primum*

*inter Domi-
ni resurre-
ctionem &
membrorum
ipsius discer-
imen, quod
sua ipsius
virtute re-
surrexit.*

momenti discrimen obseruandum est inter Domini resurrectionem & nostram ultimo die futuram. Primum in eo quod resurrecturi sumus efficacitate potentiae roboris patris in filio suo Domino nostro Iesu Christo, Ephes. 1. 19. excitati Archægeli tuba, 1. Thes. 4. 16. quum contra Iesus Christus tanquam verus Deus Patri & Spiritui sancto coëssentialis, eiusdemque cum illis potentiae ac virtutis animam ipse suam deposuerit ac resumpserit, non aliunde accepta, sed sua ipsius vi ac potestate, Ioh. 10. 18. quod certissimum est & indubitatum essentialis Diuinitatis testimonium, Rom. 1. 4.

*Alterum
in ipsius glo-
riamensura.*

Alterum discrimen non in sola qualitate tantum est, sed in mensura quæ gloriam istius qualitatis à resurrectione comitata est. Nam etsi nequaquam eius Humanitas in Deitatem euasit, nec ab hac gloria absorpta est, ut olim Eutychiani somniarunt, & hodie docent vbi-quitarij: sed creatura mansit finita, suisque proprietatibus essentialibus tum corporis tum animæ circumscripta, tamen in supremæ gloriæ gradum est etiam super omnes res creatas, supremas medias & intimas euecta, Phil. 2. 9. & 10.

*Quo sensu
fit adoran-
dus Chri-
stus tum se-
cundum
Deitatem,
tum secun-
dum Hu-*

Quapropter etiam propter unitatem personæ in duabus naturis, quum hæc humanitas sit Filij Dei humanitas, adorandam eam dicimus, etiam ab ipsis Angelis, & adoratione quidem religiosa Dei filio debita: quod nimirum nequaquam sic ab eius diuinitate distin-

cta

Et sit humanitas, vt humanitas & Deitas duas *humanitatem in vnitatem personam.* personas constituent, sed quòd diuina natura sic assumat humanam in vnitatem personæ. Hoc igitur respectu hæc adoratio etiam religiosa. Toti personæ debetur Christi, quem vna implet gloria, Deitatis nimirum respectu directè quatenus verus est Deus: humanitatis verò obliquè, quatenus nimirum hæc humanitas Dei Filij est humanitas. Nam exempli gratia, si Regem coronatum, sceptrumque gestantem ciuilitate adorandum dicimus à subditis, nempe & animo & gestu externo colendum: hac adoratione non separante Regem à sua corona, nec à sceptro suo, sed propriè tamen Regis personam respiciente, coronam autem & sceptrum obliquè, nimirum tanquam signa & testimonia Regiæ ipsius Maiestatis: quantò magis eiusmodi adoratio propriè ac simpliciter Iesu Christi Deitati, quatenus ipse Deus est, & humanitati eius obliquè quodammodo, id est non simpliciter humanitatis respectu (nam detestanda esset idolatria, quantumlibet in seipsa excellentem & gloriosam eam agnoscamus) sed quatenus eam Deitas illa Dei Filij assumpsit: minime quidem tanquam vestimentum, quod extra personam est eius qui eo vestitur, & quod etiam quoties ei sic videbitur exiit, sed vt inseparabiliter sit vnus noster Mediator, Deus homo, & homo-Deus, in vnitatem personæ.

Deinde quum Patri visum sit in persona *Omnis hoc non est sententia ipsi* Filij per interuenientem eius humanitatem

*Christi hu-
manitati in
se se & di-
stincte con-
siderata
debetur.*

res omnes administrare, Ioh. 5. 27. in qua ven-
turus est etiam visibiliter vltimo die ad iudi-
candum viuos & mortuos, vt in symbolo no-
stro profiteamur, Aet. 1. 2. dico hoc etiam respec-
tu cum esse cuius Humanitati, prater religio-
sam obliquam illam adorationem Deitatis v-
nius propriam, maior quàm vlli rei creatæ ho-
nor ac veneratio debeat, quandoquidem, e-
tiam quatenus homo, nomē accepit quod est
supra omne nomē, ad quod omne genu se fle-
ctat cœlestium ac terrestrium & subterraneo-
rum, Philipp. 2. 10. putà Iudicis ac Gubernato-
ris rerum omnium in cœlo & terra, Matth. 28.
18. quo spectat illud Prophetæ, osculandum
esse Filium admonentis, Psal. 2. 12.

*Supputatio
anum die-
rum intra
quos se re-
surrecturū
Dominus
dixerat.*

Denique vt tertium istud caput absolua-
mus, enodanda nobis occurrit, in dierum i-
storum trium supputatione difficultas, & qui-
dem maximè quòd ipse Dominus eam ape-
ruerit, Matth. 12. 40. vbi ait, sicut Ionas fuit in
ventre Ceti tres dies & tres noctes, ita fore Fi-
liū hominis in corde terræ tres dies & tres no-
ctes. Itaque quum ipse Dominus, tertio se die
resurrecturum dixerit, satis ostendit non intel-
ligendum tertium diem integrum. Nam si
ita esset, non tertio, sed quarto die resurrexisse
dicendus esset. Phrasis autem illa, *futurum in
corde terræ* non ad sepulturam est restringen-
da, quum de toto illo vltimo exinanitionis
sue tempore, & summa Crucis infirmitate di-
catur, quæ Psalm. 68. 3. cum gurgite compara-
tur. Hæc igitur vera supputatio est. Trium
isto-

istorum dierum prior, quorum quisque viginti quatuor horas continet, diem videlicet & noctē, initium capit à nocte qua captus fuit, vinctus & abductus ad Annam, inde ad Caiapham, summoque mane condemnatus, & apud Caiapham, colaphis & omnis generis contumeliis imperitus fuit: deinde ad Pilatum deductus, & ab eo ad Herodem, rursumque ab Herode ad Pilatum reductus, flagris cæsus, morti addictus, crucifixus, modis omnibus illusus, donec spiritum emitteret: tum etiam licet mortuus, latus lancea perfossus, ac tandem sub eiusdem diei finem sepultus, ac reuera in ipsis terræ penetralibus in caverna inclusus, ubi totum secundum diem quieuit, totamque deinceps noctem à qua tertius dies initium capiebat, ad cuius auroram resurrexit: ut ita Domini veritas in omnibus eius verbis sit conspicua.

Superest explicandus scopus ad quem est tota hæc historia referenda, fructus nimirum nobis ex hac Domini resurrectione, sicut ex aliis omnibus quæ pro nobis præstitit percipiendus: illum autem primum in genere & pluribus tractaturi sumus, quod nostro seculo maligni quidam spiritus hanc doctrinam maxime si alias unquam adulterarint.

Hoc igitur esto primum fundamentum, hunc Dei Filium coæternum non sibi propriè carnem esse factum. Nam quî fieret, obsecro, maior qui naturâ verus est Deus? Humanitas autem eius inde à conceptionis momento, quam

Dei Filius non sibi propriè carnem nostram cū eius infirmis erat, bus indus, sed no

*his quan-
tūque sit
istud myste-
rium.*

vnita personæ Filij fuerit, annon iam tum erat dignissima quæ super omnes res creatas eueheretur, & non opus ei esset sese eousque demittere, vt sese etiam morti Crucis subiiceret? Ingens igitur istud mysterium, in quod ipsi Angeli cupiunt introspicere, 1. Pet. 1. 12. cuius etiam dimensiones nemo consequi potest, Ephes. 3. 18. An non enim istud est obiecto, in omnibus admirandis maximè admirandum, ita Deum miserum hunc mundum dilexisse, vt vno & eodem opere Dei coëssentialis Filius eousque se pro hominibus demiserit, vt esset *θεὸν ὁμοιωτος* in vnitare personæ, vt hunc eousque eueheret vt esset *ὁμοιωτὸς θεοῦ*; Deumque permisisse hominem sua ipsius culpa in ipsos vsque inferos sese dare præcipitè, vt gratia & misericordia in ipsum vsque Dei thronū eueheretur? atque adeò vt fide facti caro ex carne eius, & os ex ossibus eius, Ephes. 5. 30. tandem ipsius etiam coheredes fiamus? Nobis igitur hic infans natus est, & hic Filius nobis datus est, inquit Propheta, Eta. 5. 9. & Angeli canunt, Luc. 2. 11. quorum minime naturam induit, sed semen Abrahami, Heb. 2. 16. immo ipsam Adami carnem, Luc. 3. 38. Nobis igitur etiā ille mortuus, ille sepultus, ille suscitatus, ille nobis in cælum ascendit, & sedet ad dextram Patris, pro nobis in cœlis apud Patrem intercedit, inde venturus etiam ad viuos & mortuos iudicandum.

*Duarū na-
turarū v-
nā perso-*

Ab hac igitur vnione Deitatis Filij cum nostra natura, dependet nostra cum ipso spiri-
tualis

tualis communicatio, ut tum ipse tum quicquid pro nobis præstitit, & quicquid habet communicandum fiat nostrum, etiam ipsa eius gloria cœlestis, ut omnino perficiamur in ipso, Coloss. 2.10. immo vnum cum ipso fiamus, sicut ipse Patrem hoc ipsum rogauit, Ioh. 17. 22, & 23.

*nalis fundam
mentum est
nostra cū
Christo cō-
municatio
nis, & eo-
rū omnium
quæ pro no-
bis fecit.*

Ab sit autem propter hanc vñionem & communicationem, vllam substantiæ vel animæ vel corporis ipsius in nos transfusionem cogitemus, ne quidem oralem (qualem tamen crassissimam falsissimamque consecutionem necessario Transsubstantiatorum, Consubstantiatorum, Vbiquitarianorumque doctrina secum trahit) aut essentialiter nobis Spiritus sancti personam communicari, quod falsò sibi quidam hodie fingunt: aut excellentissimas illas perfectissimāsque qualitates quibus humanitas Domini prædita est, realiter in nos infundi ac defluere, veluti aqua fontis in suos riuos influit, aut vitis interior vis in sarmenta diffunditur: ut hodie quidam phanatici homines imaginantur, libenter id ipsum omnibus persuaturi. Nam in harum similitudinum aut aliarum istiusmodi loquutionum in sacris crebrò occurrentium expositione, veluti capitis & membrorum, eadem anima viuentium, res naturales spiritualibus nequaquam accommodant (quod factum tamen oportuit propter quandam analogiam rerum cum istis similitudinibus) sed contrà res spirituales naturalibus subiiciant, non minùs crasso errore

Triplex falsissimus ac perniciosissimus error in doctrina communicationis Domini cum suis.

quàm quum Anthropomorphitè Deo manus, pedes, aut os tribuunt, quòd Scriptura nonnunquam ita de Deo figuratè loquatur.

Pater Filiū nobis communicat, id est nobis offert in verbo suo & Sacramentis, ut noster fiat cū omnibus iis quæ pro nobis præstitit, fideles autem eum instrumento fidei recipiunt in Iustificatiōe nō & Sanctificationē gratuitam. Domini passiois peccatorum nostrorum peccatis satisfaciētes: eius dē perfectā obedientia, qua iustificamur iustitia quam lex requirit: perfectā que nostræ quæ assumptæ sunt naturæ sanctitas, qua purissimi reperiāmur, quum gratuito dē cur & imputentur

Non sic igitur nobis Filium Pater communicat, id est donat & nostrum facit, & omnia cum ipso, Rom. 8. 32. sed quatenus & quoniam quemadmodum Filius is est in quo, sicuti nos elegit ab æterno, Ephes. 1. 4. ita nos ipsi donat certa vocatione, Ioh. 10. 29. & ipse vicissim sese ipsum nobis cum omnibus suis bonis donat, à nobis, ex fœderis Evangelici formula, modo spiritali & fidei instrumento recipiendum.

Hoc igitur respectu, putâ, quatenus Pater non intuetur nos in nobis ipsis, sed in illo Filio, cui per coniunctionem spiritualem adhæremus, sit, primum ut quicquid ipse tanquam sponsor noster pro nobis passus est, credentibus imputetur, tanquam si ipsi met illud ipsum passi essent: perfecta verò illa obedientia qua Legis utramque tabulam perfectissimè impleuit nobis itidem imputatur, non modò ut suo sanguine deleatis omnibus nostris peccatis, ab iis absolvamur coram Dei tribunali: sed etiam ut perfecta Legis obedientia quæ soli ipsi inest, nostra etiam facta ex dono & gratia, in ipso vita æterna, solis perfectis Legis observatoribus promissa, digni cōpetiamur, ut hac unica ratione corā Dei tribunali sancti & irreprehensi & inculpati in hoc agno sine macula, Coloss. 1. 22. imò etiam in ipso completi sistamur, Col. 2. 10. Deinde, quum perfecta sanctitas, qua nostram humanitatem assum-

sumptam plenissimè pro nobis exornauit, etiam nobis imputetur, nostraque fiat, inde fit vt præter peccatorum ex naturali corruptione promanantium abolitionem, corruptio etiam illa penitus deleatur coram Deo, vt nulla sit amplius: quod beneficium Scriptura sacra vocat gratuitam Iustificationem, in qua sola nostrarum conscientiarum pax est posita, Rom. 5. 1. quandoquidem efficit vt in nobis nulla sit condemnatio, Rom. 8. 1. & 2.

Tertiò quod minimè consequimur hanc gratiam vt corrupti & vitiis dediti maneamus (quod si esset nunquam ea gloria ad quam hac iustificatione sumus ab eo prædestinati frueremur) bonus ille Pater sic nos per Filium Iustificatos & sibi reconciliatos incipit præter superiora omnia beneficia quom primùm vera ipsum fide apprehendimus in nobis per sanctum suum Spiritum Patris & Filij virtutem coessentialem operari, suisque verè cœlestibus ac diuinis benedictionibus cumulare. Discussis enim nostris tenebris in nobis veræ sapientiæ cognitionem magis ac magis accendit, Ephel. 1. 8. Deinde voluntatem nostram & affectus immutare incipit, cor purum creans in nobis, Psal. 51. 12. vt efficiat in nobis velle & efficere pro gratuita sua beneuolentia, quò nos paulatim filio suo conformes ac cohæredes faciat, Rom. 8. 9. Secundum autem istud beneficium, quod variis nominibus in Scripturis designatur, nempe Sanctificationis, Regenerationis, Nouæ creationis: quòdque mo-

creditis, tres sunt effectuales nostre iustificationis partes quas sola coram Dei tribunalis conscientia pacantur.

Sanctificatio, id est donum illud Dei quo corruptio nostra in nobis interit, Deique imago instauratur, & quod in Patri, tum Filio, tum Spiritui sancto vario respectu tribuitur, quæ tribus nobis perficiatur nec ab electione dincllatur, non potest nostras conscientias coram Deo propriè præcare.

dò Patri tribuitur, quòd ipse spiritum illum Filij emittat in corda nostra, clamantem, Abba, id est, Pater, Gal. 4. 6. modò Filio, quòd ab eo sicut à Patre spiritus hic procedat: modò ipsi Spiritui sancto hanc veritatem aperiente, & in nobis obsignante, tribus vicibus perficitur. Nam in hac vita primùm, sicuti modò diximus, inchoata sanctificatio, prout Spiritui sancto visum est in nobis operari, pro vocationum & donorum varietate, I. Cor. 12. 4. & II. continuatur separatione animæ à corpore, qua carnis & spiritus lucta illa finitur: tandem perficienda ultimo illo die, quo mors, ultimus ille noster hostis, in plenam victoriam absorbebitur, I. Cor. 15. 28. & 54. Hac verò Sanctificatione, nullo modo coram Dei tribunali conscientia nostræ pacantur, cui satis est si nostram iustificationem & electionem quibuscum inseparabiliter cohaeret testatam faciat. Tantùm enim inchoatur in nobis, & quidem ita ut minime sit nobis cogitandum, partem vnam intelligentiæ nostræ regeneratam, plenè oculatam esse, alteram verò cæcam: voluntatem vero nostram ex parte puram & rectam, sine vitio quidem, sed tamen imperfectam: ex parte verò alia prorsus fœdam. Sed tenendum potius dum hac vita præsentī fruimur, maximè regeneratorum intelligentiam esse mixtam ignorantia in eo ipso quod intelligit: fidemque mixtam diffidentia: voluntatēque quantumlibet puram, multis impuris passionibus permixtam ac pollutam: denique regeneratorum

ope-

opera optima non paucis carnis pollutionibus esse infecta. Nec enim eodē modo de hac re iudicandum ac de frumenti aceruo, in quo zizania bono frumento permixta sunt, ita tamen vt frumentum à zizaniis distinguatur & secernatur: sed tanquam de liquore ex vino & aqua constante. sic vt nec aqua pura sit, nec vicissim merum, sed ex aqua & vino mixtio quedam, etiam ad minimas vsque potionis istius particulas: licet ita temperari possit vt aliquādo vinum superet, quod regeneratis contingit, spiritu Dei in ipsis dominante: contrā verò nonnunquam sic aqua superet, vt vini vix aliquis gustus sit, quod accidit carne superante. Et hoc saepe nimis contingere minus imperfectis ipsa nos facis experientia docet, vt meritò nobis sit exclamandum cum Propheta, Ne intres in iudicium cum seruo tuo: quia non iustificabitur in conspectu tuo vllus viuens: tantum abest vt falsæ illi & sophisticæ distinctioni inter opera fidem præcedentia & subsequenta locus vllus sit.

En igitur quis sit tantorum mysteriorum sensus: sed age, vt ex iis fructum percipiamus, Quānam morte Christi placatam Dei Patris iram erga nos diceremus, si morte obrutus, ac proinde sempiternæ Dei Patris iræ propter peccata nostra mansisset obnoxius, tanquam iponsor noister qui non esset soluendo? Quomodo verò iustitia ipsius perfecta iustificaremur, si mors (rebellionis pœna quam ipse subiit peccata nostra perferens in corpore suo sub-

Sine articulo resurrectionis nihil eorum quæ ad salutē necessaria sunt consequi possumus.

per lignum, 1. Pet. 2. 24.) illi perpetuò dominata esset? Ac proinde quomodo nos Sp. S. cuius vi & energia caro hæc concepta est in Mariæ virginis utero, quique plenè templum istud sanctificauit, in quo habitat omnis plenitudo Deitatis corporaliter, Coloss. 2. 9. sanctificaret, ac tandem gloria & vita æterna tanquam membra ipsius exornaret, si in caput istud qui Sanctus sanctorum est, mors perpetuum obtinuisset imperium? Denique quomodo membra suscitarentur hac ipsa virtute qua Caput ipsū resurrexit, si caput morti succubuisse? Immo quānam nostrorum corporum corruptio, Iesū Christi corporis communicatione aboleretur, si corruptionem sensisset? Et hoc ipsum D. Petrus in eximia illa prima sua concione nos docuit, Act. 2. 31. Non igitur abs te Paulus Apostolus hæc distinguēs, peccatorum nostrorum remissionem morti Domini, nostrāque Iustificationem, eiusdem resurrectioni tribuit, Rom. 4. 25. nostrāque proinde glorificationē: quū hæc inter se nexu inseparabili connectantur, Abac. 2. 4. & Rom. 8. 29. Idcirco etiam plerumque non modò vitam æternam, sed etiam noui hominis creationem in hac vita inchoatam ad Domini resurrectionem refert, sine qua, inquit tum Evangelij prædicatio, tum spes nostra futuræ sint inanes, 1. Cor. 15. 14.

*Conclusio in
istius histo-
riæ sum ac
fructum.*

Quum igitur, fratres, tanta sit harum rerum certitudo, tantūque pondus, Deum ac patrem nostrum Opt. Max. supplices precemur,

vt

vt nostras mentes in sanctæ huius historiæ intellectum ducat, quam tot indubitatis testimoniis fecit nobis testatam: vt eam vera viuâ-que fide amplectêtes, non solùm aliqua ipsius cognitione ac scientia fruamur, sed vt eius magis ac magis in nobis potentissimos effectus sentiamus: primùm vt quandiu vitam in his terris agimus, tam iustificati & pacem in conscientis nostris habentes, quàm secundum veterem hominem mortificati, nouum autem viuificati, noua subinde in fide spe & charitate faciamus incrementa: tandêmque per gratiam & misericordiam Dei nostri Patris Optimi, Maximi, perueniamus ad vltimam illam Resurrectionem, in æternum cum nostro capite tum anima tum corpore resurrecturi, cui nostro Capiti, vt Patri & Spiritui sãcto omnis honor & gloria sit in sempiternum. Amen.



HOMILIA SECVNDA.

Matth. 28.

I. *Extremo autẽ Sabbatho, (.i. exeunte iam Sabbatho) quum luceſceret in primum [diem] hebdomadis, venit Maria Magdalene, & altera Maria vt ſpectarent ſepulchrum.*

2. *Et ecce terra motus factus est magnus. Angelus enim Domini quum descendisset è cœlo, accessit, & auoluit saxū ab ostio, sedebātque super illud.*

3. *Erat autem visus eius ut fulgur, & vestimentum eius album sicut nix:*

4. *Custodes autem perculsi sunt præ ipsius timore, & facti sunt sicut mortui.*

Marc. 16.

.9 *Quum autem resurrexisset Iesus, mane primo die hebdomadis, apparuit primum Mariæ Magdalene.*

Ioh. 20.

1. *Primo verò die hebdomadis, Maria Magdalene venit mane, quum adhuc tenebræ essent.*

*Dominus
fasciatus
est sub finē
noctis, à
qua ex Iu-
dæorum in-
stituto pri-
mus dies
hebdoma-
dis, mortē
Domini se-
quentis
quē diem
Dominicū
dicimus,
initium ca-
pitabat.*



Ic primum memorat Marcus Euangelista qua hora Dominus resurrexerit, manē videlicet tertij diei: quod expressius etiam exprimitur à Iohanne, purā sob illius diei summū diluculū. Quandoquidē enim Maria Magdalene veniēs ad sepulchrum quam adhuc essent tenebræ, iā tum tamen apertum sepulchrum reperit, quod signum erat absentis ab eo Iesu Christi corporis, sequitur quod dixi, sub finem noctis summo adhuc diluculo ipsum resurrexisse, cuius noctis vespera erat tertij diei, quem Dominicum dicimus, initium ex Iudæorum instituto, quo tempore

reliquæ mulieres adhuc erant in itinere. Hoc igitur moméro quo dies septimus & vltimus hebdomadis præcedentis finiebatur, & à quo sequens septimana sumebat initium, vt D. Matthæus loquitur (minimè quidem ipse nominatione de Resurrectione loquens, aut ipsius tempus notâs, sed tamen eâ ponens, quum de terræ motu illo, de saxo ab Angelo auoluto, de Custodum denique pauore verba facit) Dominus extra omnium hominum conspectum resurrexit.

Nec verò abs re tempus nominatim exprimitur. Primum enim Dominus quod ante mortem sæpe prædixerat tertio die se resurrecturum ratum fecit. At sanè poterat ille quidem Meridie, aut sub eiusdem diei vesperam resurgere: sed illud ei tempus maximè placuit, quominus sopitos custodes oportuit, aut defessos vigilando, quum per intervalla noctis quietem carpere potuerint, siquidem nox in multas plerunque vigilias, præsertim apud Iudæos diuidebatur, Luc. 12. 38. Et ita quidem suam potentiam magis ac magis patefecit, aduersus quam tantum abeît vt vlla vis aut dolus hostium aliquid efficerint ad eorum quæ prædixerat, quæque hostes ipsi satis intellexerât, effectum impediendum, Matth. 27. 63. vt contra ne tantillam quidem ipsi moram adferre potuerint. Quinimò tam custodes ipsi quam ad monumentum appolita sigilla magnum ad Resurrectionis ipsius veritatem confirmandam & pudorem illis adferendum pondus at-

*Dei providentia
nec impediri,
nec retardari potest,
sive eventus
sive tempus
& media
aspicias, cuius doctrina
scientia
maximi est
usus: ignorantia vero
magnopere
perniciosa.*

tulerunt. Hinc igitur elicienda nobis excellentissima maximèque necessaria doctrina ad omnem diffidentiam non modò oppugnandam, sed etiam superandam, opposito nimirum illi hoc fidei clypeo, quo maximè præter reliquam *παροπλάν* Apostolus Christianū militem instruit, 1. Thess. 5. 8. & Ephes. 6. 16. Nec enim vera fides tantum in genere Deum posse ac velle promissis stare: verum etiam cum præfixo statutoque tempore promissa præstare, & quidem quibuscunque mediis ipsi videbitur, facile superatis omnibus impedimentis ac difficultatibus, credit. Sic Israelitæ eadem nocte qua anni illi triginta & quadringenti finiebantur, de quibus Abrahamum ipse Dominus expressè præmonuerat, Genes. 15. 13. Ægyptum egressi sunt, Exod. 12. 41. quod si tempus Moses benè cognouisset aut supputasset, non ita proculdubio properasset. Act. 7. 25. Cuius etiam prope-rationis pœnam exilium annorum quadraginta sustinuisse ipsum non temerè dixerimus. Domino tamen tam longo temporis intervallo, tū ipsi Moyse prospiciente, cuius oportuit hac ratione patientiam qua in isto populo regendo maximè opus habuit, exerceri: tum ipsi populo consulente, nimium adhuc saturo & deliciis abundante: tum denique suorum iudiciorum æquitatem in Ægyptios tam citò beneficiorum à Iosepho acceptorum immemores patefaciente. Sic oportuit Babylonicæ captiuitatis annos septuaginta compleri præcisè, ut dixerat Dominus, quod patienter expe-
cta-

Sciauit Daniel, antequam eximiam illam & tam expressam precationem, quæ nono historiae suæ capite continetur, ad Deum funderet. Atque adeò si Scribæ qui sapienter Herodi responderunt, nasciturum Messiam Bethlehemi, Matth. 2. 5. tam diligenter reuelatas Danieli septuaginta septimanas supputassent, ad salutem proculdubio cognouissent eum, quem in condénationem suam reiecerunt. Porro longè præstantior & laude dignior eorum fides ac perseverantia videtur, qui Domini promissis fidem adhibentes, sine vlla temporis quo liberandi essent limitatione, patienter ad finem usque per medias tempestates perrexerunt. Exemplum esto singulare nobis David, non abs re dicens, Psalm. 40. 1. Expectando expectaui & inclinavit se ad me Deus. At hæc non sine lucta, fateor, ingenti, non tantum aduersus difficultates, quibus nascentibus promissorum effecta videantur nunquam suum finem assequutura, sed etiam aduersus nostram impatientem curiositatem. Atque huius rei testes habemus ipsos Apostolos, qui de Messiae aduentu ac populi Dei restauratione minimè dubitantes, scire tamen satagebant num illa statim contingerent, eoque ipso momento quo videbant eum suscitatum, Act. 1. 6. At Magistri responsum eiusmodi fuit, vt sit aduersus quolibet impatientiam præsentissimum remediũ, nempe ei relinquenda illa qui tempora & opportunitates in sua solius auctoritate posuit. Eadem impatientia tandem etiam incredulos

facit, ac deinceps irrisores ac contemptores, de quibus D. Petrus loquitur 2. Pet. 3. 4.

*Periculo-
sum est in
tempora
& media
qua nobis
Deus occul-
tauit velle
inquirere.*

Hic verò nobis alia Satanæ fraus iummo-
pere cauenda est, qui si hac via non potuit, ad
incredulitatem nos impellere, alia ad eundem
tamen scopum collimante incautos aggre-
ditur. Propterea quòd enim sæpenumero Deus
sefe ad captum veteris illius radioris populi
accommodans, eum per Prophetas consola-
batur, prædictis per eos liberationis ipsorum
temporibus & opportunitatibus, suscitauit e-
tiam immundus ille spiritus sæpenumero
pseudoprophetas, qui veros simularét, qualis
ille Iosaphati temporibus Sedechias, 1. Reg.
22. 24. & Ananias Ieremiæ seculo, Ierem. 28.
quales item fuerunt à quibus miserandus hic
populus reiecto vero Messia, vt testantur hi-
storix, delusus est, vt liquet ex Act. cap. 5. 36. &
21. 38. licet tam accuratè à Domino præmoni-
tus, Matth. 24. 23. Marc. 3. 17. Luc. 17. 23. vnde fit
vt quum experientia falsitatem illarum præ-
dictionum detegat, eodem loco etiam deinceps
verbum Dei habeant ac fabulas, quibus
nulla fides adhibenda. Hoc iam pridem in Ec-
clesia Christiana Satan molitus est in doctri-
na de Domini secundo aduentu, iam inde ab
Apostolorum temporibus, 1. Thess. 5. 1. & 2.
Thess. 2. 2. ad quod opus promouendum iam-
dudù abusus est viris quibusdam alioqui bo-
nis & eruditis, sed hac in parte nimium decipi
facilibus, in temporum eorum supputatione
quæ nobis Deus abscondit, aut ita in Apoca-
lypti

ypſi fidelis ſerui ſui reuelauit, vt experientia
teſtatum fecerit certam eorum cognitionem
non niſi in ipſo exitu nobis expectandam:
quamobrem etiam qui ſapiunt ſibi hac in re
temperant, hoc potius ſatagentes, ne in vlti-
mo illo Domini die reperiantur dormientes,
aduenturo quum minus exſpectabitur, quàm
curioſius indagantes ſecundi illius aduentus
tempora, quæ Dominus Angelis ipſis occulta-
uit, Matth. 24. immo ipſi Filio, diſtinctæ nimi-
rum humanitatis ipſius reſpectu, eiùſque ſciē-
tiæ quàm à ſeipſa, & ſine reuelatione poteſt
habere. Quid igitur fiet impoſtoribus illis, tam
futurorum diuinatoribus, quàm temporum
ex arbitrio ſupputatoribus, quibus hodie ter-
rarum orbis ſcatet? Nos verò pro deliris illis
temporum aucupibus, quæ Deus nobis occul-
tauit, Dei promiſſiones vera fide amplexemur,
de ipſarum veritate, tum quòd ad eius minas
aduerſus impios & incredulos exequendas,
quantumlibet tardare videatur, tum ad pro-
miſſionum credentibus & pœnitentibus ſa-
ctarum impletionē, magis ac magis perſuaſi,
quæcunque tandem ad fidem labefactandam
difficultates & impedimenta ſeſe nobis offe-
rant. De tempore autem & modo, fateor equi-
dem, quò magis mundus in omnem despera-
tam rebellionem fertur, & quò plura tum in
cœlo tum in terris à nobis ſigna iam olim à
Domino prædicta conſpicimus, eò propin-
quiorẽ eſſe aduentum Domini, ac ſummo-
pere cauendum ne idem nobis cōtingat quod

Noachi temporibus quibus cataclysmus primi seculi homines incautos & inopinante obruit: sed vicissim etiam aio Deo arcanis suis relictis, quæ nobis occuluit, ad eum corda nostra attollenda, & animas nostras cum silentio & patientia possidendas, & vigilibus oculis non somno sopiti deprehendamus, salutem eius expectandam.

Admiranda conuenientia inter lucis creationem hoc mundo creato, & Domini, vera futuræ seculi lucis resurrectionem.

Sed ad hystoriâ nostram reuersus, à qua paululum digressus sum, (adigente me temporum in quæ incidimus necessitate, quibus quum nos, cum tota Domini Ecclesia, tam diuturnam & asperam tentationem feramus, hæc doctrina valde est necessaria) circumstantiam temporis, quo Domino resurgere visum est, aio non leuiter esse prætereundam, ad primam nimirum auroram eius diei qui primò hic dicitur, non sanè tantùm illius hebdomadæ respectu, quasi nouam hebdomadarum supputationem Iudæi finxissent, sed quòd mundi creatio septem diebus peracta, à tali die cœpit, semper in orbem redeunte. Hac enim circumstantia nobis eximia & admiranda cōuenientia, repræsentatur primæ illius creationis mundi quem Adami primi parentis nostri peccato corruptioni subiectum, sentimus, cum eiusdem in perpetuam ætatem renouatione posterioris Adami virtute: vt propterea non immeritò Prophetæ nouorum cœlorum ac nouæ terræ futuræ in aduentu Domini meminert: & Apostolus ad Hebræos, ca. 2. v. 5. Mundum futurum vocet. Aio igitur quemadmodum

modum lux corporea primo die mundi corruptibilis esse cœpit, ingentem illam terræ molem & aquarum gurgitem à quo vndique tegebatur illustrans, cuius administrationi deinde magna illa duo luminaria præfecta sunt: sic Domini Resurrectionem ad auroram primi diei noui huius mundi spiritualis ac æterni factam, primum fuisse radium veræ huius Lucis spiritualis, tam densas illas tenebras à ventibus & animis, tam miseri huius populi in umbra mortis sedentis, Esa. 9. v. 1. quàm aliam nationum omnium, Esa. 49. 6. quas tot retro lapsis ætatibus suis ipsarum viis incedere Deus siuerat, discutientis, Act. 14. 16. Nam et si sub verere fœdere Dominus electos suos suæ cognitionis luce, primum, inquam, patriarchas, deinde populum istum ab Abrahamo oriundum donauit, non eadem gratia nationes omnes dignatus, Deut. 4. 6. Psalm. 76. 2. verè tamen Lucem illam dixeris Lunæ potius radiationem, quodammodo noctis tenebras illustrantem, quàm Solis verè *φωσφόρος* splendorem: quæ licet vera lux Dominus noster Iesus Christus, Ioh. 1. 9. & 11. iam suis præsentia sua in carne, & prædicatione salutis innotuisset, Ioh. 8. 12. & 12. 35. velum tamen carnis ipsius adhuc infirmæ plurimum de ipsius splendore detrahebat. Cuius rei fidem facit nobis charissimorum maximèque familiarium ipsius discipulorum incredulitas, vt non frustra sit ipsis à Christo dictum expedire ipsis vt abeat ad Patrem, quò meliùs ipsis per sanctum Spiritum

suum innotescat, Ioh. 16. 7. Nos verò miseras
 Gentes, etsi Deus non passus est se apud eas ex-
 pertem esse testimonij suæ Deitatis, tum in
 cælo & terra, tum in huius orbis administra-
 tione potissimum apparentis, Act. 14. 17. fuit
 tamen illa Lux instar fulguris, statim euane-
 scens & in densiores tenebras desinens, Rom.
 1. 19. 20. & 21. Vt non immeritò dixerim, Domi-
 ni resurrectionem ad primam auroram primi
 illius diei septimanæ, quum cœpisset finem
 adferre tam cognitioni illi vmbatili veteri
 populo datæ, sub Legis vmbis ac figuris, quàm
 densissimis illis & opacissimis tenebris, quibus
 orbis terrarum obruebatur: atque adeò mani-
 festationi illi adhuc obscuræ personæ suæ, ve-
 lo infirmitatis carnis adhuc rectæ, reuera fuis-
 se veluti primam auroram purissimam & lu-
 cidissimam diei à quo nouus hic mundus spi-
 ritualis & æternus initium docit. At quemad-
 modum adueniens aurora paulatim noctis te-
 nebras successionem temporis in hoc orbe aspe-
 ctabili dissipat: sic veri huius Solis exortus
 mundum pederentem, tantum alioqui splen-
 dorem non ferentis, suis radiis illustrauit. Et
 quidem Ierosolymam die Pentecostes hic
 splendor irradiauit, tandèmq; prophanas
 nationes, quum post Stephani martyrium Ec-
 clesia dispersa Sol iste iactis hinc inde suis ra-
 diis micare cœpit, Act. 8. 4. vt prædixerat olim
 Esa. 60. capite, & ipse Simcon post Zachariam
 Iesum Christum Orienti ex alto comparantē,
 Luc. 1. 78. hunc euentum declararat, Luc. 2. 32.

Admirandam ac consolationis plenam congruentiam circumstantiæ primæ auroræ diei illius quo Dominus resurrexit, nouum mundum æternum inchoās, cum Lucis creatione, primò die primi mundi corruptibilis adiuuistis. Ad hanc aliā non minus admirandam adiicimus, in eo quòd sicuti primus homo, à quo genus humanum per carnalem & animalem generationem ortum habet, Genes. 1. 28. veluti duabus vicibus formatus est, Genes. 2. 7. primùm videlicet, materiali eius corpore ex terræ limo conflato, vitæque huic animali subiecto, tandèmq; per peccatum tot infirmitatibus, ac tandem etiā dissolutioni in puluerem obnoxio: deinde anima in ipsum indita, essentia quidem sua spiritali & immortalis, sed non ita multò post peccato & morti secundæ subdita: sic secundus hic Adam, scaturigo omnium hominum per generationem spiritualem noui mundi perpetui incolarum ac ciuium futurorum & iam existentium, duabus veluti vicibus creatus est, minimè quidem sanè quòd ad corporis aut animæ ipsius essentiam, sed duarum istarum, non modò diuersarum, sed etiā contrariarum qualitatum respectu. Venit enim primùm in illo suo infirmitatis statu nobis simillimus in omnibus, excepto peccato, initium capiente hac eius conditione ab ipsius conceptione in Virginis utero, & in eius sepultura definēte: deinde in statu gloriæ, ab eius Resurrectione capientis initium, licet hanc suam maiestatem adhuc se-

Aliā admiranda conuenientia creationis primi Adami duabus vicibus cū duabus diuersis conditionibus posterioris Adami, qui Christus est secundum carnem. tum in ipso; tum in mentibus ipsius.

misepulcrâ per quâdraginta dierum spatium
 occuluerit, ad suam vsque Ascensionem, & ad
 Patris dextram Sessionem, futura etiam hac
 gloria sempiterna. Talis est duabus vicibus,
 generatio spiritualis Dei filiorum sese Capiti
 suo conformantium, primùm in hoc tam in-
 firmo statu, quem Apostolus corpus mortis di-
 cit, cuius se respectu miserum exclamat, eoque
 se liberari desiderat, Rom. 7. 24. 2. Cor. 5 4.
 Phil. 1. 23. deinde verò in statu illo gloriæ & in-
 corruptionis, nonnisi duabus item vicibus
 perficiendo in Dei filiis, primum anima post
 separationem à corpore cum Iesu Christo
 recepta, Luc. 23 43. Act. 7 59. deinde corpore &
 anima post resurrectionem in immortalem il-
 lam gloriam euectis: quemadmodum Christus
 antequàm in regni sui plenam ac perfectam
 possessionem ingrederetur quadraginta in his
 terris à resurrectione dies egit. Qua in re ite-
 rum admiranda, sed tamen admodum inæqua-
 lis inter priorem ac posteriorem Adamum
 congruentia conspicitur, quòd prior Adamus
 in amœnissimo illo paradiso collocatus, ab eo
 tandem per peccatum exulare coactus sit, ter-
 renùmque miserum & infectum domicilium
 habitare, posterior autem Adamus noster,
 terrenum hunc mundum ingressus, & qui-
 dem in stabulo natus, & in præsepi reclina-
 tus, Luc. 2. 7. minimè tamen sordibus ullis in-
 quinatus, licet nostris omnibus miseriis onu-
 stus, excepto peccato, tandem longè supra o-
 mnes cœlos, Ephes. 4. 10. eo suos ad se tractu-
 rus

rus ascenderit, Cant. 1. 4. & Ioh. 12. 32. in felicitatem æternam, vera de arhore vitæ victuros, Apoc. 2. 7. quam ob causam alter istorum locorum alterius figura est, putà hortus ille terrestis, diluuium cum reliqua terræ parte iundatus, alterius cœlestis ac perpetuæ habitationis vt commune sit illis Paradisi nomen, quorum ille prior, Genes. 2. 8. hic verò posterior, Luc. 33. 43. 2. Cor. 12. 4. & Apocal. 2. 7. quarum similitudinum ampliore expositionem habetis, Rom. 5. & 1. Cor. 15.

Denique notandum & illud præterea, nobis quidem primum illum hebdomadis diem, ad cuius auroram resurgere Domino visum est, repræsentare principium Lucis seculi venturi, sicut diximus: at non eandem esse creationis vtriusque rationem. Prior enim mundus sex dierum naturalium, viginti quatuor horarum, quæ in noctis tenebras & diei civilis lucem diuidantur, spatio creatus, alternatione & circumuolutione septimanarum, mensium & annorum, Solis & Lunæ orientium & occidentium circuitu, cum infinitis mutationibus fouetur & administratur. At noui mundi spiritalis dies vnus perpetuus futurus est, nullis e- gens corporeis luminaribus: in quo nihil caducum aut transitorium, sicuti Prophetæ nobis eum adumbrarunt, Esa. 19. Dan. 12. 3. Matth. 13. 43. Apoc. 21. 23. & 22. 5. Hoc sanè præ se fert eximius ille Filiorum Lucis titulus, qua excitantur qui dormiebant, ne amplius tenebrarum operibus communicent, Ephes. 5. 14. sed

Prior mundus creatus in tempore, dierum numero & continuatione, durat: at posterior mundus vna dies est perpetua, quæ à Domini resurrectione nec æpie, et si non eadē ubique lucis mensura fulgeat.

in occursum sponsi cum lampadibus ardentibus conuiuij thalamum ingressuri cum ipso, veniant, Matth. 25. 10. in perpetuum ibi cum ipso futuri, 1. Thessal. 4. 17. Fateor quidem nihilominus perpetuam hanc Lucem perpetui huius tam amœni diei à Domini resurrectione initium accipientis, vti diximus, non nisi pedetentim animaduerti in Lucis filiis, quandiu in his terris peregrinantur: atque adeò in Ecclesiæ administratione quam hæc Lux agit, multas & admirandas mutationes ac reuolutiones, immo & opacissimas Eclipses, in huius Ecclesiæ maxima parte videri, quod nostro seculo conspicuum est, vt videatur Lux ista mundum fugata reliquisse: quod ipse Dominus suam Ecclesiam tot ante lapsis seculis præmonuit, fore nimirum vt in vltimo suo aduentu vix fidem in terris reperiat, Luc. 18. 8. sed quemadmodum quum opacæ nubes & in altum surgentes, seque modò minùs, modò magis expandentes, nostris oculis Solis splendore eripiunt: non propterea tamẽ Solis splendorem imminuunt, in superiorem partem suos radios emittentis: atque adeò longè semper maximum inter noctis tenebras, & eiusmodi nubibus, quantumlibet opacis, obnubilatum diem, est discrimen: sic dies ille Domini spiritualis ac perpetuus idem est in se sui que semper similis permanet, tum in iis quorum iam spiritus illo frui contigit, tum in iis qui vitam adhuc in his teris agunt: ac licet nonnunquam istæ tenebræ splendoris eius

men-

mensuram alterent, tamen spiritualis illa semperternaque Lux in corda credentium suos semper radios iaculatur, quibus nunquam penitus destituuntur. Immo tum maximè quum videtur ista nubium opacitas, oculis tantum carnis ista tumentibus, splendorem istum penitus obruisse, quod sequissimarum persecutionum temporibus accidit, Lucis filij Solis istius radiis longè maiore vi ac efficacitate illustrati, toti collucet, mundi ac tenebrarum filios arguentes, non aliter quàm terra Gosen olim Ægypto tota densissimis tenebris obruta resplendebat. At quæcunque tandem eleuentur nubes, tandem eximius ille dies Filiis Lucis splendebit, semel omnibus tenebris discussis in perpetuum, addicto tenebris infernalibus & sempiternis Principe tenebrarum, cum omnibus qui pertinaciter oblata Lucem respuerint.

Transeamus ad ea quæ extraordinariè & *Terra tremens sub Iesu Christo* Domino resurgente contigerunt, *resurgentis* ex quibus eius Resurrectio tanto gloriosior & *pedibus, tanquam summo Creatorem* plenior Maiestatis appareat. Ingens igitur terræ motus ad sepulchrum, dum essent in itinere mulieres factus esse dicitur. En igitur apertissimum testimonium nihil huius à mortuis suscitati potentiæ detractum esse à morte, sed *ac Dominum agnoscit & veneratur,* contrà potius, quum non haberet prius in terra ubi caput inclinaret, Luc. 9. 58. è sepulchro *tanquam fide & homagio factis, cunctisq; ad idem officium mortales invitat.* exeuntem in totius terræ dominium ac imperium venire, quam ex suæ voluntatis arbitrio commoueat. Sic reuera conspiciamus prædicationis Euangelij tonitru, terrarum orbem

vnuerſum concuſſum, quaſi à fundamentis i-
pſis conuelleretur, vt ante prædixerat, Agg. 2.
7. Quemadmodum igitur terra, pendente in
Cruce Domino mota fuerat, hominum ingra-
tos animos, aut potius tam detestandorum ho-
minum impietatem abominata, & vt ita dicā,
potius in imam abyſſum hiatu ſuo deſcendere
ſe paratam teſtata, quàm diutiùs pondus illud
Crucis in qua ſuus Creator ac Dominus pen-
debat ſuſtinere; ſic Reſurgentem ipſum agno-
ſcit ad eius obſequium promptiſſima, teſtante
etiam ipſa Morte nullas ſibi vires in hoc mor-
tuo retinendo, nec aliis etiam quorum ſepul-
chra patuerunt, vt huius reſurrectionis parti-
cipes fierent : vt iam tunc profiteretur hoc
Caput reſurgens membris ſuis viam aperire,
Matth. 27. 52. ita Morte ſe victam fatente,
quum ne corruptione quidem Dominum læ-
ſiſſet à qua immunis fuiſſet. Porro ſi terra, quæ
ſenſu & anima caret, Domini tamen Retur-
gentis gloriam ac Maiestatem agnouit, coram
ipſo tremens, quas dicemus eorum eſſe partes
in quorum ſalutem reſurrexit? Ac ſi is in quem
ſperamus terram ipſam concutere poteſt, qui-
nam aduerſus ipſum inſurgentes ſtabunt? ſiue
caput ipſum directè, ſiue membra ipſius pe-
tant, in quibus ſe pati perſecutionem profite-
tur? Act. 9. 4. Hic igitur ille Filius eſt à nobis
deoſculandus : hic ille nobis omni veneratio-
ne colendus quam poſtulat eius Maiestas, cum
fiducia quam ex eius bonitate concipimus, vt
Pſal. 2. 11. docemur,

Sequi-

Sequitur apud historiam Angelum eodem momento fulgureo suo aspectu, & vestis splendore qualis esset testantem, visibiliter è cœlo descendisse, saxumque illud ab ~~Holtio~~ sepulchri deuoluisse: quibus docemur huius à mortuis Suscitati vim & imperium terræ finibus non contineri, sed supra cœlos ipsos, etiam secundum eius humanitatem ferri: quam eius dominationem ac Maiestatem ipsi etiam Angeli, iacente adhuc ipso puerulo in præsepi, futuri nimirum ipsius nuntij agnouerint, Luc. 2. 9. Quibus omnibus hoc adiiciamus, tantam nimirum istius Domini beneuolentiam, tamque egregiam erga suos esse voluntatem, ut quemadmodum ad Patris dextram sedet, sic electos suos ad suam dextram sedere velit, Mat. 25. 14. disponens illis regnum ut Pater ipsi disposuit, Luc. 22. 29. tãquam suis cohæredibus, Rom. 8. 17. quòd demum re ipsa perficietur, quum vltimum illud decretum pronuntiaturus est, Venite benedicti Patris mei, vobis ante iacta mundi fundamenta regnum præparatum possessuri. Quàm magnum igitur quàmque pretiosum Christiani nomen, ex quo nos magnus ille Dominator cœlestium exercituum pro fratribus agnoscit, etsi nihil hic terrarum orbis eo vilius aut magis abiectum existimet? Annon igitur potius quàm vllò timore percellamur, licet nos vndique tot tantique ac tam diuersi hostes aggrediantur, cum Dauide sumus dicturi, licet multæ me myriades coactæ circumseperint, non expauescam?

Angeli huius Resurrectionis nuntii, testantur huius Imperii Suscitati supra cœlos omnes ferri: quana sit gloria cum membris suis cõmunicaturus,

Psal. 3. 7. & iterū, Iehoua Lux mea (Iehoua, in-
 quam, pro me mortuus & suscitatus) quem ti-
 mebo? Iehoua robur vitæ meæ, à quo trepida-
 bo? Psal. 27. 1. Nam si vnus Angelus vna nocte
 primogenitos omnes in Ægypto cecidit, Exo.
 12. 29. & alter vna etiam nocte centum octo-
 ginta quinque hominum millia in exercitu
 Assyriorum sustulit: Réxque ille ac defensor
 noster tot Angelorum myriadas ad suorum
 tutelam in procinctu habet, qui manibus reos
 sublatos gestent, ne fortè ad vllum lapidem
 offendamus, Psal. 91. 11. ecquid erit tandem su-
 perorum aut inferorum à quo nobis metua-
 mus, si suscitatus hic à nostris partibus steterit?
 Rom. 8. 30. Hoc autem à nobis tantum requi-
 ritur vt fidos subditos illi nos præbeamus: ac si
 à fortioribus standum est, ad hunc vnicum tā-
 quam certissimum ac tutissimum asylum ac
 perfugium accurramus, quem scimus omnem
 potestatem habere in cælo & terra, Matth. 28.
 18. atque ad eò in medio hostium suorum do-
 minari, Psal. 110. 2. sub cuius pedes oportet om-
 nia subiici, 1. Cor. 15. 27. mundumque insa-
 num, & ipsa vanitate magis vanum reliqua-
 mus. Quod si factum erit à nobis, ecquis erit
 nobis metuendus hostis in superis aut inferis,
 quum, præterquàm quòd Suscitatus hic à mor-
 tuis verus est cum Patre Deus, Ioh. 5. 20. etiam
 ipsi quatenus primogenitus noster est, Rom. 8.
 29. res creatas omnes superas, medias & infi-
 mas oporteat subiici, Dominumque confite-
 ri, Philip. 2. 10?

Deni-

Denique, quò sit huius Crucifixi Suscitari
 vera virtus in huius historiæ circumstantia no-
 tior & illustrior, age nonne nostro seculo ve-
 piratem hanc obruere maximè nituntur ij qui
 ad Ecclesiæ Christianæ gubernacula sedent,
 non meliore conscientia quàm Caiaphas cum
 affecclis, Iesu Christo iterum condemnato &
 crucifixo in miseris suis membris, ac ipsa Dei
 veritate tanquam sepulchro condita mundó-
 que nunquam apparitura? An non ad hoc ef-
 ficiendum bullis illis suis fulminant, quæ si-
 gilla quorum hic fit mentio repræsentant, &
 viribus omnibus vtuntur quas ab Herodibus
 suis ac Pilatis mutuuntur? At nonne præfixo à
 Deo diluculo, missi cælitus Angeli potius
 quàm homines, Flammeū illū verbi diuini gla-
 diū vibrâtes, & puro veritatis Euāgelicæ splē-
 dore coruscantes, impedimenta omnia sophi-
 stices & idololatriæ reuoluerunt, vt verita-
 tem illam iterum mundo repræsentarent, Dei
 filiis magis ac magis illuminatis, & cæcorum
 tenebris ingeminatis? Norint igitur isti rebel-
 les, sibi inuicem succedentes, non aliam fore
 suam conditionem quàm eorum quos in tam
 desperata rebellionē sectantur: Deique verita-
 tem, vel ipsis inuitis in Dei domo resplensu-
 ram, donec plena Lux illa perpetua in secun-
 do aduentu nostri Domini suscitari à mortuis
 appareat, Filiis Lucis perpetuæ, in sempiter-
 nam Principis tenebrarum, & suorum satelli-
 tum confusionem.

Cæterum hic quæri solet, an Christus clau- *Ex hac li*

*Quemadmodum reuoluto ab Angelis saxo ab ostio sepulchri, fracta sunt eorum consilia quò Iesum Christum sepulchro retine-
 re cupiebant: idem hodie per nuntios suæ veritatis Dominus perfecit.*

*storia colligi non potest
Christum ante
re uolutum
saxum fuisse
suscitatum.
Quod si es-
set, nihil ta-
men eorum
falsam do-
ctrinam ad-
iuuaret qui
praesentiam
reale essen-
tialem Iesu
Christi in
Cena sta-
tuunt, aut
eius corpo-
ris Ubiqui-
tatem ima-
ginantur.*

so sepulchro resurrexerit, saxo illo penetrato:
an verò facta sibi via per Angelum aperto se-
pulchro exierit. Harum prior opinio iam
dudum apud plerosque ex veteribus inualuit,
quod hodie nobis obtrudunt, qui sibi & aliis
persuadent praesentiam corpoream ac realem
corporis & sanguinis Iesu Christi, alij quidem
in Missa, Catholici nimirum hodierni Roma-
ni, alij verò in pane & vino sacrosanctæ Cœ-
næ Domini, esse Ubique in cœlo & in terra, ut
docent hodie noui Eutychiani Ubiquitarij.
Quibus quum responderetur præterquàm quòd
modus ille praesentiae non modò nulla ratione
conuenit cum spiritali Iesu Christi & mem-
brorum coniunctione, cuius istud Sacramen-
tum est sigillum, etiam ex diametro realem il-
lam praesentiam repugnare & contradicto-
riam esse fidei nostræ articulis, veræ incarna-
tionis, resurrectionis, & Ascensus Domini
à terris in cœlos, & ab iisdem quem speramus
Reditus, regerunt Christum licet ex uirgine
intemerata natum, verum tamen humanum
habuisse corpus: & clauso adhuc obsignatò-
que sepulchro resurgentem: & post resurre-
ctionem clausis hostiis ad discipulos ingre-
dientem. Sed esto, concedantur ipsis hæc o-
mnia, non tamen quod volunt efficient. Lon-
gè enim inter se differunt quæ præter ordi-
nem naturæ fiunt, & quæ rei alicuius essen-
tiam, qua est id quod est & non aliud quip-
piam, euertunt. Exempli gratia, Aquæ na-
tura sua liquidæ & deorsum tendentes, præ-
ter

per naturam substituerunt in rubri maris transi-
 tu, vi diuina & extraordinaria, Exod. 14. 22. &
 Jordanis Ios. 3. 16. instar muri in acervum con-
 sistentes. Eadem sub Iesu Christi pedibus, im-
 mo & Petri super eas incedentis, solidatę sunt,
 Matth. 14. 25. & 29. Nec propterea tamen ami-
 serunt aut immutarunt aquarum essentialem
 proprietatem, quemadmodum factum est quū
 in verum sanguinem versę sunt, Exod. 7. 19. &
 in vinum, Ioh. 2. 9. propterea quodd liquidum
 & fluidum esse non sit de aquę essentia, quod
 ipsa docet experientia, quum licet glacie con-
 creta atque adeo dura vt magna vi sæpe con-
 fringatur, esse tamen aqua non desinat. Simili
 modo prophetarum securis aquis superna-
 tans, 2. Reg. 6. 6. vi supernaturali, ferream es-
 sentiam non perdidit, quodd grauitas non sit
 essentia ferri. Quum agitur itaque de corporis
 essentiali veritate, magnum aut paruum esse,
 durum aut molle, graue aut leue, crassum aut
 tenue, huius aut illius coloris, istis vel illis cō-
 stans lineamentis, non sunt de corporis essen-
 tia. At Materiaturum esse, suisque dimensionibus
 circumscriptum, altitudine, longitudine,
 latitudine, ex essentiali definitione, ac proinde
 visibile, & certis spatiis quocunque loco sit
 contineri ac circumscribi, propria sunt corpo-
 ris ἀχώεστα. Quum igitur Dominus verum
 humanum corpus assumpserit, pluribus simul
 esse locis non potest, nec inuisibilis ac impal-
 pabilis in se dici, quin veritate sui corporis

spolietur, quod si esset, salutis nostræ spem funditus euerteret. Nec verò quicquam eos glorificati corporis effugium iuuat. Nam si eò vsque glorificatio extenderetur, nequaquam ornamentum esset istius corporis, sed abolitio contra & destructio. Sed ipse præterea Dominus quum post resurrectionem discipulis suis apparuisset, & disertis verbis dixisset, Venite, videte, Palpare, vt ostenderet per resurrectionem corpus suum tantum animalis vitæ infirmitates exuisse, non autem veritatem ipsius animalem, satis testatur illam distinctionem corporis glorificati & non glorificati, inanem esse prorsus ac nullius momenti hac in parte. Quid amplius? quòd visibiliter excessit, & è terris supra cælos omnes euectus est, vt aperte docet Ascensionis historia: & quod ipse Petrus expressè dicit, oportere illum cælis, supra quos ascendit, contineri, vsque ad tempora restitutionis rerum omnium, Act. 3. 21. quòdque Angeli declararunt conspiciendum ipsum redeuntem ad iudicandum viuos & mortuos, sicuti conspectus est cælum ascendens, nobis omnem dubitationem eximunt, tum de veritate corporis ipsius, tum de eiusdem manitione nunc supra cælos omnes, & non amplius in terris: sicuti nemini dubiū est eius humanitatem quandiu in terris cū discipulis versaretur, in cælo nō fuisse: nec Angelū esse mentitū quum clarè & aperte diceret, ipsum egressum sepulchro, non amplius ibi esse: quemadmodū non erat in sepulchro quā esset in Cruce, nec Hiero-

rosolymis quum esset Capernaum. Nam quid
 erit alioqui Domini ascensus quàm dispari-
 tio? & eiusdem reditus quàm apparitio? Quod
 Ecclesia Christiana sanè nunquam credidit:
 sed detestandi Marcionitę. Sed demus ista nul-
 lius esse momenti, quorsum tandem ista glori-
 ficatio, quum Cœna sit à Domino instituta,
 summæ suæ infirmitatis tempore: & tam Ca-
 tholicos Romanos, quàm Vbiquitarios, Trās-
 substantiatores & Consubstantiores opor-
 teat agnoscere hæc verba, Hoc est corpus
 meum, & Hic est sanguis meus, non aliter esse
 vera in administratione, seu Missæ, qualem i-
 imaginantur, seu Sacrosanctæ Cœnæ, quàm
 fuerint tempore primæ huius Sacramenti in-
 stitutionis? At verò realis & essentialis corpo-
 ris Iesu Christi à terris absentia, ad vltimum
 vsque ipsius reditum quem expectamus, nihil
 detrahit de veritate & effectu præsentia Sac-
 ramentalis, per quam nobis repræsentatur,
 non tantum nunc essentialiter in cœlis & non
 alibi existens Iesu Christi humanitas, sed eius
 etiam mors ac passio, immo quicquid pro no-
 bis fecit ac passus est, licet illa quidem in sese
 iam præterierint. Exhibentur autem illa nobis
 minimè quidem tanquam reuera hîc in terris
 vbi sumus existentia, & non alibi: nec etiam
 per somnium, aut vanam aliquam imagina-
 tionem: sed intellectui nostro offeruntur fide
 illustrato, res illas omnes spiritualiter ad salu-
 tem intuentem ac percipientem, quatenus easdem
 nimirum in iis quæ fidei credentium signifi-
 cantur & offeruntur, tum in Sacramentali

verbo, tum in additis signis. Habetis quid de hac tota controuersia aduersus supradictos errores Ecclesia Dei, ex Dei verbo semper docuerit & adhuc doceat. Sin aliquis ampliùs quærat, quomodo igitur contigerit realis illa penetratio corporis Domini, sine vlla continui dissolutione aut aperta, nec intemeratæ Virginis, nec saxi sepulchri, nec denique ianuarum clausarum, differam hanc quæstionem in locum illum, in quo de ianuis clausis dicturi sumus. Hoc tamen hîc obiter dicam, quicquid plerique ex veteribus senserint, non posse ex hoc loco, nec alio vlllo Sacræ Scripturæ erui, Iesum Christum ante reuolutum saxum exiuisse de sepulchro: quum sit illud potius verisimile Dominum vium esse ad istud opus Angeli ministerio: minimè quidē quali per se istud Dominus non posset efficere, (quū istis longè maiora præstiterit) seu per Omnipotentem suam Deitatem, seu per Humanitatis etiam instrumentum ac mandatū: sed ut gloriæ suæ Maiestatem redderet illustriorem, cui ipsos etiam Angelos ex officio ministrare oporteat.

*Cui Domini
reuoluerit
ab Angelo
saxū reuol
ui, & sigil
la cōfringi,
videntibus
ac sciētibus
qui ad se-
pulchrum
excubabāt.*

Super sunt explicanda in historiæ serie quæ militibus contigerunt ad sepulchrum excubantibus, ut ipsum Deum ac Iesum Christum mendaces facerent. Nam etsi non erat hæc eorum mens, quatenus nimirum Iesum Christum non pluri quàm mortuum hominem facientes, sibi cum solis eius discipulis esse negotium arbitrabantur, Matth. 27. 64. tamen si

voti compotes essent facti, Deum oportuisset, qui hanc per Prophetas resurrectionem prædixerat, & Christum qui toties eandem tamque expressè declararat, mendaces inueniri. At contra Deus semper esto verax, omnis autem homo in vanitate sua mēdax. Quis igitur strenuis istis militibus animos abstulit? quis manus eorum stupefecit? quis velut mortuos in terram prostrauit? An discipulos dixeris, quos nihil minus cogitasse certum est? Petrum ne qui vnus ancillulæ voce tantopere percollus, non cogitabat de gladio euaginando, sed de grauissimo peccato suo potius deffendo? Non denique Iosephum, non Nicodemum: sed eum aduersus quem nihil efficit dolus, nec vllæ vires, qui ad hunc effectum tum terræ motu vsus est, tum Angeli è cœlis descensu, qui cum fulgureo aspectu saxum deuoluerat miro impetu laceratis & con fractis signis ac sigillis, à bonis, scilicet, istorum militum dominis sepulchro appositis. Longè igitur factum istud admirabilius fuit quàm si opera hominum ad id vsus fuisset Dominus: quos etiam poterat ille quidem funditus vel sola sua voce, sicut antea perterrefecerat eos qui comprehensuri ipsum accesserant, Ioh. 18. 6. (at erant isti prorsus indigni, quem suscitatum audirent, viderent-ve) vel alia quapiam ratione & modo perdere. At verò Dominus admiranda sua prouidentia voluit istos conuictos teneri sensibilibus & non dubiis testimoniis: nuntiūque suis ferre magistris, quo tum de innocentia, tum de po-


rentia eius quem Cruci affixerant coarguerentur tam magistri quàm milites, atque adeò de suscepto quod deinceps audituri sumus consilio conuincerentur.

Conformitas inter mortem, sepulturam & resurrectionem Domini, totaque Ecclesie ipsius afflictiones, oppressiones & ab ipsa liberatio. mes, & quidem plus quàm humanis & verè celestibus mediis.

Discamus igitur primùm ex hoc loco, Dominum si quom tam sæpe suam Ecclesiam semisepultam, ut ita dicam, reperiat, nec tam repentinum quàm optarem auxilium adferat, non indigere tamen nec viribus nec egrègia in ipsam voluntate, sed insigniorem eius esse liberationem velle, mediis utendo nec prævius nec expectatis, cuius rei non hæc tantum historia, sed infinitæ aliæ fidem nobis faciunt. Et ne procul excurramus, quæ nos ipsi nostris oculis inspeximus, & adhuc inspicimus, nonne sunt tam insignia, ut vacordè esse oportat qui non animaduertat? Faxit igitur Deus Opt. Max. ut nos bonos in hac schola discipulos præstemus, animasque nostras in silentio & patientia possideamus. Nam, quicquid tandem ingruat (sicut iam supra diximus, sed ista decies repetita placent, diligenter meditanda) tam parum promouerunt aut promoturi sunt, quicunque aut vi aperta, aut occultis consiliis ac dolis impedire nituntur quo minus Ecclesia Domini sepulchrum istud & antrum idololatriæ ac superstitionum, in quo tam diu iacuit, quàm potentissimè ac magnificentissimè pertampens egrediatur, quam isti sigillis suis, saxo ingenti ac illi custodiendo satellitibus adhibitis promouerunt in impedienda aut retardanda ne tantillum quidem præfixo

momento Domini resurrectione.

Denique sicuti nos hic terræ motus, Angeli- *Iesu Christi*
 que ministerium docēt, in omnibus pericu- *inimici n*
 lis in huius Suscitari pro nobis robur ac po- *sunt quibus*
 rentiam recumbere, veluti supra docuimus: *omnia sunt*
 contrā etiam hinc discendum nobis quos o- *metuenda,*
 porreat timere, quum verissimum illud sit an- *et qui sibi*
 tiqui Doctoris dictum, Vis nihil timere, Deum *ipsis ruinam*
 time, & tutus eris: quem si non times, omnia *et exitum*
 time, immo etiam minima quæque, ranas, in- *adferunt.*
 quā, muscas, pediculos, quibus vltoribus Ec-
 clesiam suam à Pharaonis tyrannide Domi-
 nus vindicauit: tum ingentes illos exercitus
 locustarum, bruchorum & erucarum, de qui-
 bus Ioel. 2. 25. & alibi. Quis enim non tremat
 rugiente in syluis leone? Amos 3 8. Dominum
 igitur nostrum reueremur, sub alarum eius
 perfugio quieti: supplicēsque precemur ipsam,
 vt nostris cordibus ad debitam ipsi obedi-
 tiam formatis, nos magis ac magis protegar,
 & in suos hostes pessima ipsorum consilia re-
 torqueat ad Nominis sui gloriam, & suorum
 quam ipsis expedire nouit tranquillitatem.
 Amen.



HOMILIA TERTIA.

Matth. 28.

I. *Extremo autē Sabbatho, (.i. exeunte iam Sabbatho) quum lucefceret in primum [diem] heb-
 d. ij.*

domadis, venit Maria Magdalene, & altera Maria ut spectarent sepulchrum.

2. *Et ecce terra motus factus est magnus. Angelus enim Domini quum descendisset è cælo, accessit & auoluit saxū ab ostio, sedebátque super illud.*

3. *Erat autem visus eius ut fulgur, & vestimentum eius album sicut nix.*

4. *Custodes autem perculsi sunt præ ipsius timore, & facti sunt sicut mortui.*

5. *Respondens autem Angelus dixit mulieribus, Vos[verò] ne timete, scio enim vos Iesum crucifixum querere.*

6. *Non est hic: resurrexit enim, prout dixit. Adeste, videte locum ubi iacebat Dominus.*

7. *Et citò profecte dicite discipulis eius eum surrexisse à mortuis. Et ecce prout vobis in Galileam: illic eum videbitis, ecce dixi vobis.*

8. *Tunc egressæ cuò à monumento cum timore & gaudio magno, currebant ut renuntiarent discipulis eius.*

Marc. 16.

1. *Et exacto intercedente Sabbato, Maria Magdalene, & Maria Iacobi[mater] & Salome, emerant aromata, ut venientes ungerent eum.*

2. *Et[egressæ] valde mane, primo die hebdomadis, veniunt ad monumentum, exorio sole[Maria nempe mater Iacobi & Salome: nam Maria Magdalene, aut quòd alias præcesserat, aut gradū accelerarat, venerat ad monumentum, quum adhuc essent tenebræ & repente in urbem redierat, Iob. 20. 1.]*

3. Dice-

3. Dicebântque inter sese, *Quis reuoluet nobis saxum ab ostio monumenti?*

4. Intuita verò conspiciunt saxum esse reuolutum: nam erat magnum valde.

5. Ingressæ autem in monumentum, viderunt iuuenem sedentem ad dextram, amictum stola candida: & expaauerunt.

6. Ipse verò dixit eis, *Ne expauescite: Iesum queritis Nazarenum, illum qui fuit crucifixus: resurrexit, non est hic: ecce locus ubi posuerant eum.*

7. Sed abite, dicite discipulis eius & Petro, [ipsam] præire vobis in Galileam, illic eum videbitis, prout dixit vobis.

8. Tunc abeuntes citò fugerunt à monumento, tenebat enim eas tremor & stupor: neque cuiquam quicquam dicebant: timebant enim.

Luc. 24.

1. Primo autem die hebdomadis, profundo diluculo inerunt ad monumentum, ferentes quæ parauerant aromata: & nonnullæ cum ipsis.

2. Inuenerunt autem saxum auolutum à monumento.

3. Et ingressæ non inuenerunt corpus Domini Iesu.

4. Et factum est, dum in ea re hesitarent, ecce, duo viri superuenerunt eis, induti vestibus fulgurantibus.

5. Quum autem expauescæte inclinarent faciem in terram, dixerunt eis, *Quid inter mortuos queritis eum qui viuit?*

6. Non est hic, sed surrexit, Mementote ut
d. iij.

loquutus sit vobis quum adhuc in Galilea esset.

7. Dicens, oportet Filium hominis tradi in manus hominum peccatorum, & crucifigi, & die tertio resurgere.

8. Recordata sunt igitur verborum illius.

9. Et reuerse à monumento annuntiaverunt hæc omnia illis undecim & reliquis omnibus.

Quæ in hac
historia de
mulieribus
coniunctim
recitantur.
distinctè
sunt intelli-
genda.



PER O neminem miraturum aut fallam iudicaturum textus huius dispositionem meam, historiarum seriem accuratè considerantem, sicuti ante quindecim dies à me fuit declarata. Ostendi enim has mulieres quæ hic nominantur cum aliis nonnullis, ut Lucas loquitur, non dedisse se in viam simul, nec simul etiam ad sepulchrum peruenisse, nec ex eodem simul digressas esse: sed distinctè intelligenda quæ coniunctim in huius historiarum principio de ipsis à tribus Euangelistis memorantur: & illud quod de Angelorum visione Lucas coniunctim recitat. Itaque istis omissis transeo ad historiarum expositionem, in qua tres enodandæ nobis difficultates occurrunt.

Cur Domi-
nus hoc mo-
do resurge-
re seque pa-
refacere vo-
luerit, &
non alio.

Prima, cur Dominus mundo suam Resurrectionem patefacturus, ad suorum hostium confusionem, Dei filiorum autem consolationem, non egressus sit sepulchrum, videntibus eius custodibus, nec deinde palàm sit Hierosolymam ingressus, ipsúmque templum atque Pilati prætorium: quo facto sceleratos illos ac impios redargui, & omnes ad eius cognitionem

nem perduci pōtuisse fortasse viderentur. Hęc enim sunt de Christi factis eorum iudicia qui in Dei sapientiam inquirunt, quam eos adorare potius oportebat. At longè aliæ sunt Domini in perficiendis operibus suis viæ quàm istorum ferat sententia. Nam à minimis principiis, magna sua opera & duratura solet ordiri, vt sapientes & robustos huius seculi pudefaciat, eligendo quæ in mundo stulta sunt & infirma, immo quæ non sunt, vt ea quæ sunt aboleat, vt ne gloriatur vlla caro coram eo, 1. Cor. 1. 27. 28. & 29. Inimicos verò Domini multò magis aio, & cum maiore dedignatione, conscientiarumque morfu acriore conuictos, tum resurrectionis tum infinitæ potestatis ac Maiestatis illius Crucifixi & suscitati, per Apostolicæ prædicationis effecta, (quam frustra pro viribus oppugnarunt, quum toties potius sibi exprobari animum ingratum clarè & apertè senserint, quoties illam audire vel inuiti coacti sunt, Act. 2. 22. 23. & 24. & 4. 10. & 5. 30. & 7. 51. & alibi) quàm si oculis suis illa conspexissent. Ac sanè se illius conspectu reddiderunt indignos, qui tamen iniusti furoris Domini diem vltimum differtur, quo visuri sunt quem transfixerunt, Ioh. 19. 37. & Zachar. 12. 10. & ad montes vociferaturi, Cadite super nos, & abscondite nos à conspectu eius qui imbet throno, & ab ira Agni. Apoc. 6. 16. Filis verò Dei non defuerunt quadraginta dierum spatio, quibus à Resurrectione in terris commoratus est, crebræ subinde apparitiones, Act. 1. 3. De-
d. iiij.

nique tempus aduenerat quo non ampliùs erat
 quærendus nec cognoscendus Iesus Christus
 secundum carnem, vt loquitur Apostolus, 2.
 Cor. 5. 16. id est, oculis carnis, & in statu infir-
 mitatis vitæ huius animalis, à quo tamen ipsi
 Apostoli nimium pendebant, vt ipse Domi-
 nus Thomæ exprobrat apud Iohannem 20. 29.
 Sic Deus omni tempore consuevit operari,
 siue in Ecclesiæ structura generali, siue in sin-
 gulorum fidelium salute promouenda: ita mû-
 di huius sapientiam, aut potiùs insaniam pu-
 defaciens: vnde etiam Euangelium, quod est
 potentia Dei ad salutem cuius credenti, Rom.
 1. 16. his quidem scandalum, illis verò stultitia
 est, nimirum pereuntibus, 1. Cor. 1. 18. & 23. Ab-
 sit igitur, fratres, vt ita delipiamus, sed potiùs
 Dominum, quacunque deduxerit, sequuti, stul-
 titiam nostram in nobis agnoscamus, vt in
 Deo sapiamus, 1. Cor. 3. 18. sæpe in memoriam
 reuocantes acrem illam obiurgationem Do-
 mini, qua discipulum etiam charissimum, præ-
 posito zelo ipsi contulere tentâtem, excepit,
 Matth. 16. 23. Caueamus, inquam, nobis ne in
 grauissimum errorem illum delabamur, in
 quem præcipientes ruerunt olim, & hodie ruunt
 non tantùm profani illi homines qui religio-
 nem sibi fingunt partim ex Dei verbo, partim
 ex Philosophorum lacunis scientiæ nomen e-
 mentitis conflatum, contra quod Apostolus
 tam expresse præmonuerat, Coloss. 2. 8. sed e-
 tiam, ij delapsi sunt & hodie delabuntur qui
 cum summo Ecclesiæ Domini detrimento,

proh

proh dolor! multum paleæ ac fœni Ecclesiæ fundamento superstruxerunt, tam in doctrinæ puritate, quàm in Sacramentorum administratione, & Ecclesiæ gubernatione: egregiis illis scilicet coniecturis & humanis inuentio- bus nixi, quibus tandem Ecclesia Christiana in tantam tàmque horrendam confusionem deuenit, vt ne eam quidem ad hunc vsque diem, ignis verbi Domini consumere potue- rit.

Et hoc etiam responso satisfactum esto mi- rantibus, & quærentibus, cur se Dominus mu- lieribus istis potius conspiciendum, quàm suis Apostolis aut quibusdam aliis discipulis præ- buerit. Voluntas enim Dei vnica & perpetua omnium rectè factorum dictorumque regula ac norma esto. Sed præterea, satis perspicuè docemur in hac historia, mulieres istas, etsi multa in ipsis meritò, vt deinceps visuri su- mus desiderata sint, & Apostoli tàm in iis in quibus lapsi erant, infirmitate peccauerint, vt in historia passionis ostēdimus, plus tamē fidei & constantiæ quàm Apostolos ostendisse, quæ mortuum & sepultum Dominum erant comi- tata, nunc autem eundem in ipsum vsque mo- numentum profectæ quærebant, discipulis contrà sic attonitis, vt penitus suum Magi- strum obliuioni tradidisse viderentur, atque adeo dubitantibus nunc falsò sibi persuasum esset illum esse Messiam patribus promissum: & quidem accepto iam à mulieribus resurre- ctionis ipsius nuntio, Luc. 24. 21.

*Mulieres
minus incre-
dula fue-
runt quàm
Apostoli.*

*Deus extra
ordinariè
visitur ma-
gis abiectis
quam sic i-
psi videtur,
ad maiores
deiciendos.*

Non tantùm igitur expediebat, sed etiam veluti necessarium erat sic ipsos à Domino corripì, ac quodammodo pudefieri, velut in eorum locum his mulieribus surrogatis. Sic olim Iudicum temporibus Schamgarem bubulcum excitauit, qui stimulo quo boues agitantur percussis hostibus populi Dei, ab ipsorum eostyrannide vindicaret, Iud. 3. 31. Sic Deborah & Iahelè illustres fœminas impulit, vt grauissima cœsura procerû populi sui segnitie increparet, Iud. 5. 16. 17. 18. & 23. Quid amplius? Iephthæ nothus rebus stupendis agèdis electus est, Iud. 11. 1. Quid inter ipsos etiam Prophetas, annon Amos ex bubulco vocatus est Propheeta, ad summæ & infimæ conditionis homines increpandos? Sic lapis pretiosus quem reprobarunt ædificantes, à duodecim electis Apostolis maxima ex parte prius piscatoribus & idiotis ac illiteratis hominibus in caput totius ædificij positus ac erectus est, Act. 4. 13. ad quos tertius decimus accessit, obscurus tabernaculorum artifex, quo tamen organo electo Dominus sapientissimorum stultam sapientiam confunderet, Act. 18. 3. & 9. 15. & 2. Cor. 10. 4. Quid verò notis temporibus? Nonne ingentem illum Goliathum miser monachus oppugnauit? Qui si non penitus est expugnatus, per quem stat, obsecro, nisi per mundum suæ visitationis tempus non agnoscentem? Quot tamen eximias Ecclesias hac ratione nostro seculo plantatas conspeximus? Immo per quos maximè Dominus triumphum egit in mediis flammis.

flammis, nisi per obscuros & tenuissimæ conditionis homines? Annon vilissimorum coram hominibus homuncionum chartis ac monumentis ingentes ignes suffocati sunt?

Nec propterea tamen cuius licere dicimus se ipsum obtrudere, aut non eligendos esse ex Dei præscripto, quantum fieri potest ad amulsum quam dedit Apostolus, eos quibus aliquod munus in Ecclesia Dei sustinendum est: sed hoc tantum obseruandum vigente ordine à Deo constituto, & licet parte aliqua ædificij Domini labefactata, sæpe tamen nondum prorsus euulsa & destructa: quod contigisse videmus in Ecclesia Dei toto Christianismo, veniente ingenti illa apostasia quam Apostolus ante prædixerat, 2. Theff. 2. Omnia igitur ordine inuiolato fiant, 1. Cor. 14. 40. & habeantur fures ac latrones quicunque per fenestram ingrediuntur, aut ostium, si quod est, perumpunt, Ioh. 10. 1. & omnes schismatici, & altare contra altare erigentes, & nouarum sectarum auctores. At quum fures & latrones, ipsum adhuc hæredem in miseris membris suis cædentes vineam inuascerunt: & quum excubitores, sponsam quarentem sponsum suum cædant, quam ad ipsum eos oportuerat adducere, Cant. 5. 7. denique quum de destruendo Damasi altari agitur, vt Domini collapsum restitueretur: annon obsecro licebit Domino vineæ fures illos ac latrones extra suam vineam eicere per eos quorū ad id opera vtitur, eamque melioribus vinitoribus committere à quibus

*Ordinaria
vocatio quā
diu ipsi lo-
cus est, san-
cti & inui-
lati est obser-
uanda. Sed
eam cessan-
tem aut desi-
cientē. Deus
per quos
ipsi visum
redinte-
grat.*

ſuo tempore fructus percipiat? Matth. 21. 41. Annon etiam tunc nouos Eldras & Nehemias ſuſcitaturus eſt, quibus ducibus iterum ædificet primùm templum ſuum, deinde vrbiſ ſuæ Hieroſolymæ circuitum, etiam ex ea eiectis peregrinis mulieribus, & earum liberis peregrinam linguam & populo ſuo ignotam loquētibus, ideſt primùm doctrinam verūmque Dei cultum inſtauret, vt ſuas hinc inde diſperſas Eccleſias iterum colligat, vt vnum corpus efficiat ſanctam ſuam Ciuitatem: totāque illam diuini cultus ab hominum cerebro manantem farraginem aboleat, partem ab Ethniciſmo, partem à Iudaïſmo iam abolito trahentem, quod olim Prophætæ tantopere tamque grauiter reprehenderant, Eſa. 29. 13. & ipſemet Dominus, Matth. 15. 3. & alibi non ſemel? An verò putamus Domino propterea maturandum reditum vt cauponatores iſtos terribi magnis flagrorum ictibus domo ſuo eiiciat, quaſi verò non poſſit oris ſui ſpiritu domum ſuam repurgare? 2. Theſſ. 2. 8. An verò noſtro tempore cœperit iſtud opus, & quidem magna virtute ſui ſpiritus, ipſi iudices ſunt qui oculis ſuis, ſi quos habent, iſta intuentur, & de operatoribus ex opere ferre iudicium poſſunt: ſolis peccatis noſtris opus Domini impediētib, aut ſaltem remorantibus. Eia verò, fratres, ne nos ita geramus, immo, inquam, quod non ſine dolore poſſum dicere, ne amplius ita pergamus, ne durius quàm alij vapulemus, Luc. 12. 47. neue quum Spiritu inceperimus
carne

carne perficiamur quod Apostolus Galatis exprobrat, Gal. 3.3. sed contrà Filium illum osculemur, Psal. 2. 12. qui verè nos ex alto inuisit, Luc. 1. 78. qui nos virga sua & pedo fretos tam opiparè, videntibus ipsis suis & nostris hostibus, tum corporis tum animæ cibis aluit, Psal. 23.5. qui tam potenter fouit hæcenus & fouet, tam intus aduersus tot hostiū nostrorum prodiones & occultas molitiones: quàm foris aduersus tam potentes & barbaros hostes, quos sæpe nobis intuentibus obruit ignominia & dedecore: qui denique tam patienter nos ad resipiscentiam inuitans tolerat, quam vti-
nam ex sua ingenti misericordia nobis largiatur, vt in infirmitate nostra Dei virtus perficiatur, deque mundi sublimitate triumphet. Amen.

Sed ad historiam reuertor, in qua quæritur, & non immeritò quidem nec nimis curiosè, cur Dominus prius quàm ipse se ipsum conspicendum præberet Angelorum ministerio suam resurrectionem patefecerit, quum satis esset ei nota discipulorum tarditas, immo duritas ingenij, qui etiam videntes eum suis oculis vix ipsum esse sibi persuaferint. Aio itaque factum id, vt verisimile est, primùm, vt custodes ipsos conscientia sceleris magis argueret, multòque magis Caiapham & eius adieclas, calumniam illam deinceps contingentes, qua facti huius veritatem obruere conati sunt. Matth. 28. 13. Deinde vt tum Apostoli tum tota Dei Ecclesia pluribus extraordinariis & non

*Cur Domi-
nus ante
quam se con-
spiciendum
præberet,
suam resur-
rectionem
tum terre
motu, tum
Angelorum
nuntio p. ate-
fecit.*

dubiis testibus de Domini resurrectione certiores essent in omne venturum ævum, quam ipse terræ motus, & Angeli è cælo descendentes, nullo modo suspecti testatam facerent. Hinc igitur eximia & necessaria doctrina nobis elicienda, qua nostram impatientiam frænare discamus, Domino non ex nostro desiderio & arbitrio, seu Ecclesiam conservante, seu mundum administrante. Nam, quicumque tandem euentus sequatur, experientia sani iudicii homines docet ac fateri & agnoscere cogit, bene ipsum fecisse quæcunque fecit, Marc.

7.37.

*Non miran-
dum quòd
se se pedes
tim Christum
pateficeret,
sed potius
quid illi se
conspicien-
dum prabe-
re post resur-
rectionem
dignatus
sit.*

At quæ in historia deinceps notantur, de mulierum in suscipiendo hoc itinere proposito, spei resurrectionis ex diametro repugnante, satis docet nos pro eo quod novum aut insolens Domini se se pedescentim conspiciendum præbentis consilium videretur, contra potius in eo infinitam & admirandam eius bonitatem & misericordiam intueri: resurrectionem suam ulli mortalium, viro vel fœminæ patefaciētis: quum dignissimi potius essent omnes ut relicto sepulchro repente in cælum ascenderet, mundo suis densissimis tenebris relicto. Nam obsecro, ut de desperatis eius hostibus nihil dicam, quem ex suis istam resurrectionem, sine qua tamen Evangelij tota doctrina vana est, expectasse putas? An mulieres illas, quæ tã familiariter ipsum in Galilæa noverant, quæ toties declarantem ea quæ sibi Hierosolymis erant euentura, tertioque die futu-

futuram suam resurrectionem audierant? quæ ad mortem usque comitata fuerant & mortuum fleuerant? quæ denique mortuum tanto amore complectebantur? Minimè gētium. Nam eâdem cura qua reliquos mortuos aromatibus conditum sepulchro condere cogitabant. Non Petrus etiam, qui tamen eum iam ante diu Dei Filium agnouerat, & singulari amore prosequabatur, licet eum infirmitate lapsus abnegasset. Non alij denique Apostoli, tam fideliter tamen ab eo de rebus istis omnibus præmoniti. Quid de aliis igitur cogitandum putamus tum Hierosolymis, tum in tota regione dispersis? Magnum igitur est istud infinitæ Domini misericordiæ argumentum, quòd eousque se demiserit ut in hoc mundo quadraginta dies adhuc à resurrectione maneret, antequam in gloriæ suæ possessionem veniret: & tot rationibus hominum incredulitati ac diffidentiae dignatus sit occurrere.

Nos verò, fratres, in istis exemplis miseram à *Singulare*
 natura nobis insitam rebellionem intuiti, di- *innata in*
 scamus magis magisque detestari, Deumque à *nobis rebel-*
 quo solo mutari potest, supplicibus votis in- *lionis exom-*
 terpellare, ut in nobis per sanctum suum Spi- *plum in his*
 ritum magis ac magis operetur, ut discitis re- *mulieribus,*
 nebris, in hac luce crescamus, & in ea indefes- *eum in ipis*
 so cursu ad metam usque decurramus. In istis *Apostolis.*
 etiam tanquam in speculo contemplemur,
 quò usque labantur etiam melius edocti, &
 qui maiores aliis fecisse progressus videban-
 tur, si sibi ipsis fidant, momento facturi iactu-

ram eorum quæ longo tempore didicerant. Cauendum autem summopere ne quibusdam obuiis exemplis abutamur, Dauidis putà post patrata tot atrocità flagitia, in gratiam tamen recepti: aut Petri post abnegatum Dominum redintegrati: aut Apostolorum denique post tantam incredulitatem, alios ad fidem adducientium. Nam illis ex particulari gratia ista contigerunt, cum dono resipiscentiæ coniuncta, quod non datur omnibus, 2. Timoth. 2. 16. ac speciatim non conceditur contemptoribus qui dicunt, Peccemus, vt magis abundet gratia, Rom. 6. 9. sed iis qui Prophetę exhortationem audiunt, Psal. 95. 7. & 8.

Ablutio & unctio mortuorum in Dei populo, & sub tñzium Ecclesiæ Christiāne, professio fuit fidei ac spei resurrectionis.

Cæterum morem illum sepeliendi mortuos aromatibus cōditos, ex Scripturis apparet in Dei populo fuisse vsitatissimum, etiam ante datam Legem, prout mortuorum erat qualitas & conditio, quorum etiam corpora lauabantur priusquam vngerentur: quem morem initio Christianam Ecclesiam retinuisse colligimus ex Actorum capite nono v. 37. Neque verò cogitandum est id omne quod circa mortuorum funera gerebatur à fidelibus solo superstitum animi erga defunctos studio & affectu profectum, multò minùs vana quadam opinione cadauerum à corruptione vindicandorum, nec etiam ambitione, ad maiores suos aut nobilitatem inuita morte ostentandam, vt apud prophanos populos, & nominatim inter Ægyptios factitatum illud est, Gen. 50. 3. & veteres historici & Latini monumentis suis testantur,

stantur: fidemque hodie faciunt ea quæ inde adferuntur corpora, quibus vtuntur qui Medicinam faciunt. Minimè, inquam, existimādum hunc fuisse populi Dei animum in hoc more obseruando, sed fuisse potius superstitib. quandam resurrectionis mortuorum resseram, ac fidei professionem, quasi mortuorum corporib. purè & pretiosè in lecto iacentibus, & ad resurrectionem vsque dormituris, non autem in sepulchro perituris.

Huius rei fidē facit Apostolus, vsus argumēto huius ceremoniæ ad resurrectionis testimonium. 1. Cor. 15. 29. in quo loco hæc verba *baptizandi super mortuis*, malè iam pridem expōsitā sunt de Sacramento Baptismi, quum ablutionem mortuorum significet, sicuti vox etiam Baptismi vsurpatur. Marc. 7. v. 4. & Heb. 9. 10.

Locus Apostoli perperam de Baptismo intellectus

Sin autem quærat quispiam, an hodie retinenda sit illa consuetudo, quam in monasteria videmus introductam aut seruata: aio, quum Domini resurrectione reali nostra resurrectio nitatur, non posse sine superstitione ceremoniam illam reuocari. Testis esto abominatio aquæ illius non lustralis, sed infernalis, quæ quum pars aliqua sit superstitiosæ ceremoniæ illius Legalis quæ Num. 19. 9. describitur, mox in detrahendam idololatriam abiit, aut impietatem potius abominandam: vt cui tribuatur virtus quæ vnico filij Dei fide apprehenso sanguini debetur, non autem aspergillo resposito, sed viuis applicato ad eorum peccata delenda, mortuis autem ad resurrectio-

In sepulchris obseruanda quæ ratione nituntur, & ad adificationem spectant.

nem in gloriâ, vt docet Apostolus I. Petrus I. v.2. Regum verò, Principum aliorumque Dominorum corpora sic lauari cōdirique, si è re publica est, aut ad familiarum memoriam seruandam facit: aut eorum etiam erigi monumenta, non sanè simpliciter reprehendero, sed magnopere verendum dico ne sic vanitas & ambitio, quæ, moriētibus aliis vitiis, mori nō possunt, foueatur, quod nec in summæ nec in minimæ conditionis hominibus probo.

*Differētia
in exteriorē
vitæ austeritatis
Iohannis
Baptistæ
& communis
Domini
nostri Iesu
Christi: &
summa cō-
gruentia e-
iusdem ad
eundem sco-
pum & ef-
fectum col-
limantis.*

De vñctione porro pretiosa illa Domini, fa-
teor pro vitæ austeritate, qua Iohannes Bapti-
sta verū vñctum docuerat sensus iræ Dei, in hanc
nationem incumbētis, ob quam decebat eos
cibi ac potus, vt ita dicam, oblitos, atque ad eò
vitæ huius, pœnitentiam agere, & Liberatoris
aduentum expectare, Dominum nostrum Ie-
sum Christum vitam hominibus communem
egisse, sed sanctam illā & modis omnibus ab-
solutam, quicquid eā hypocritæ ipsius aduer-
sarij calumniati sint, vt etiam, flocci factis illis
contumeliis, bis se passus sit vnguento delini-
ri in conuiuio, quod solebant diuites in deli-
ciis habere: semel apud Simonem Leprosū
Capernaumi, à muliere quæ fuerat in vrbe pec-
catix, Luc. 7. 37. deinde Bethaniæ à Maria so-
rore Lazari, Ioh. 12. 3. vnguento pretiosissimo.
At in vtroque conuiuio longè in alium finem
quàm putarent aditantes conuiuæ, putà inusi-
tatum, disertis verbis exposuerat se vñctio-
nem illam gratam habuisse. Minimè nimirum
se passum hoc, quod erat aliòquin respectu
quo-

quorundam ἀδράφον, vt superfluas illorum delicias comprobaret: sed prima vice factum ad Pharisei fastum arguendum, cui ex diametro miseræ istius peccatricis contritio erat opposita: altera verò, vt adstantibus mortis suæ ac sepulturæ conditionem repræsentaret, de quibus, licet imminerent, tamē parum ij quos alloquebatur cogitabant, Ioh. 12. 7. Denique licet omni honore dignus esset Dominus, vt ipsemet discipulos docuit, Ioh. 13. 13. nihilominus qui se eousque demiserat vt discipulorum pedes lauaret, semper à talibus se alienum esse demonstrauit: exemplum præbens iis quos honore spiritualis ministerij dignatur, expressè à mundi gubernationibus distincti, Matth. 11. 8. & Luc. 12. 14. & 22. 23. quæ hac in re sint eorum partes: ac proinde quo loco sint habēdi, tum qui crepidam deosculandam præbet cum comitatu suo aurato & argentato, tum qui Episcoporum Christianorum nomen præ se ferentes, non verentur tamen Principum ac Dominorum instar viuere, specioso videlicet prætextu Euangelij ministerium honorandi. O impudētiam intolerandam, quam ipse Dei Filius toties tam expresse verbis & re ipsa redarguit: totiusque Ecclesiæ, quandiu viguit aliquis ordo in ipsa, calculo damnatā: ac tanē Dominus tantum abusum suo tempore condemnare & pœnis coërcere non morabitur.

Porro quòd ad vñctionem qua de hic agitur, non est vsus ea Dominus Iesus Christi.

Cur Dominus passus sit ad se con-

e. ij.

*diendum
aromata cō
parari: illis
autem nec
ungi nec
condiri vo
luerit.*

Itus, licet iam eius sepulturam Nicodemus attulisset misturæ myrrhæ & aloës libras quasi centum, & iam tum eius corpus linteis cum eiusmodi mistura sepulchro fuisset conditum, Ioh. 19. 39. & 40. Nam quæ de aromatibus dicuntur, insequentem diem sunt intelligenda fuisse præparata, quandoquidem exiguum temporis spatium, quod ab eius ex Cruce depositione & in sepulchro locatione ad diei usque Sabbathi principium, supererat, vix otium illis dederat quæ in talibus ceremoniis requiruntur perficiendi. Quibus & hoc adde hanc unctionem fieri solitam cum interiorum partium corporis exenteratione, quod sibi tamen integrum Dominus conseruauit, ut non passus sit ossa tibiæ suarum, cum latronum illorum tibus confringi. Præterea, nequaquam fidei propriè aut obliquè fuit istud opus, sed ex amore mixto ignorantia inexcusabili resurrectionis Domini, quo impellente mulieres istæ hoc opus aggressæ in viam se dederunt: licet in hoc toto negotio nihil sine Numinis prouidentia gestum sit, quo apud homines etiam tanquam honoranda commendaretur eius sepultura, quem in Cruce ipsius hostes tantopere calumniis & probriis prosciderant. At Dominus hunc omnem defectum tolerans, & sincerum affectum harum mulierum intuitus, quo viuum & mortuum ipsum prosequutæ fuerant, & post mortem adhuc eandem retinebant, eos a quibus condemnatus erat condēnantes, nō eis eas de dignatus

fecit

sed sese meliùs ipsis quàm antea cognoscendū exhibuit. Ac proculdubiò nisi Dominus ex imensa sua misericordia excusaret vitia quę iustissimorum etiam optimas intentiones, sermones & gesta fœdare solent, sed ad iudiciorum suorum trutinam, quę Lege continentur examineret, quis mortalium coram ipso subsisteret, aut eius irę iustissimę ferendę par esset? Testis Abraham esto credentium pater, quem nulla opera, nec ante, nec post fidem quam acceperat à Domino, iustificarunt, ut illis coram Deo iustus & gratus effec: sed sola fides, id est, solus fide receptus Dominus, cuius diem vidit & gauisus est, Rom. 4. 1. & Ioh. 8. 56. Sola enim hæc est tranquillandę pacandęque conscientię ratio, Rom. 5. 1. Quam doctrinam qui non nouit nec admittit, sanè nec Dei iudiciorum seueritatem, nec legem, nec Euangelium, nec seipsum nouit. Sin autem quærere aliquis pergat, cur Dominus vngi se non passus sit: aio sic testatum ipsum fuisse sese sua ipsius virtute à corruptione immunem fuisse, non vnguentorum aut aromatum vlla vi. Quinam enim speraremus ab eo liberationem à mortis corruptione, cui ipse met succubisset? Præterea mortis imperium non tantum in separatione corporis & animę, sed etiam in corporis inanitione & corruptione consistit. Quapropter Dominus ut sciremus animam ipsius morientis verè fuisse a corpore separatā, quòd ita voluisset, nulla vi mortis coactus, mortis etiam robur ipsum fregit, & quidem

c. iij.

1.

omnino fregit respectu corruptionis sui corporis. Denique hac ratione certi sumus, nos hac eadem virtute qua factus est immunis à corruptione, tandem etiam à nostra liberandos esse, nec ullis aromatibus opus ipsi esse ad hoc efficiendum, quum ipse sit pretiosissimum in vitam æternam balsamum: quo respectu sponsa in suo Cantico ait, propter vnguentorum tuorum odorem, nomen tuum est instar vnguenti diffusi, Cant. 1. 4.

Dei Providentia se contentis sic adest, ut illi praevisis, tamen non praevisis diffinitionibus pro videat.

Sequitur apud historiam, Marc. 16. 3. has mulieres in itinere inter se colloquutas, quævisse quis saxum illud eis à monumento reuelleret, quum nominatim tres Evangelistæ prius dixerint, eas diligenter locum sepulchri, & quomodo corpus eius ibi fuisset collocatum, observavisse. At hic miranda mulierum istarum simplicitas occurrit, quòd non cogitassent antea de hoc saxo reuolviendo: aut si cogitauerant, quomodo non inuenta ratione illud reuolvendi sese in viam dedissent. Quæ sane simplicitas, etsi non omnino laudanda, tamen non est parvi momenti ad testimonium ipsarum extra suspicionem omnem conspirationis ponendum: non frustra monente nos alioqui Domino, simplicitatem nostram esse prudentia temperandam, Matth. 10. 16. modò tamen è pura scaturigine manet, & ad bonum via recta feratur: cuius rei multa passim in sacris occurrunt exempla, præsertim autem Apostoli, Act. 23. 6. & 17. Cæterum ex historia perspicuum fit has mulieres ignorasse sigillum saxum

saxum obsignatum, aut sepulchrum à militibus custodiri: ac longè magis de hoc impedimèto, id si sciuiſſent, laboraturas fuiſſe, quàm de lapide reuoluendo: atque adeò vix procul ad monumentum accessuras fuiſſe. Hoc autem eas ignorasse non est mirum. Trium enim horarum spatium à morte Iesu Christi interceſſerat ad quietem vsque Sabbati, intra quod tempus oportuit Iesu Christi corpus à Pilato rogantibus illud concedi, de Cruce deponi, linteis inuolui, atque sepulchro condi, vt vix aliquod spatium Iudæis superſuerit Pilatū accedendi, saxum sigillo obſignandi, custodes præficiendi, niſi ſerò admodum, omnibus iam in urbem receptis. At verò Dominus, ne fortè iſtarum rerum apprehenſio mulieribus metum adferret, quominus hoc iter ſuſciperent, quas tamen primas ſuæ reſurrectionis nuntias eſſe volebat, antea prouiderat, terræ motu excitato, terroréque percuſſis militibus, & iam in urbem reuerſis, quum adhuc eſſent in itinere mulieres, quæ demum exorto Sole ad ſepulchrum peruenerunt, Marc. 16.2. ad quod veriſimile eſt ipſas non auſuras accedere, ſi cuſtodientes monumentum milites imò, ne ſi ſemimortuos quidem humi proſtratos conſpexiſſent. Sic agit plerunque Dominus cum ſuis, non tantum difficultatibus præuiſis & ἀμυχάνοις καὶ ἀπαλάμοις apparentibus occurrens: ſed multa impedimenta non præuiſa nec viſa tollens, quòd veriſſimum illud ſit apud Prophetam, Pſal. 12. Non dormitat neque dor-

mit custos Israël. Quapropter soli Dei filij verè, postquam vociferati sunt, Quàm multi me coarctant, possunt cum Propheta gloriari, Cum habimus tamen, & somnum capiemus & euigilabimus, quoniam Iehoua tuetur nos, Psal. 3. 2. & 6. secundum Abrahami patris nostri satis notam tesseram, DOMINVS PROVIDEBIT, Genes. 22. 8.

Nunquam frustra Dominus quaeritur, etiam occurrens ipsum non quaerentibus, ubi et sicut oportuit.

Dum igitur hae mulieres de hoc impedimento cogitant, ecce duos Angelos offendunt, alterum sedentem supra saxum, alterum in ipso monumento quo viso territas fuisse vehementer verisimile est, si praesertim in fulgureo illo aspectu se conspiciendos praebuerunt: mulieribus longè adhuc magis pauidis & tanto splendore terrari quàm illi milites facilioribus: quum praesertim eiusmodi visionibus ex insperato occurrentibus, fortissimi quique facile terreantur. Sed praeterquam quod verisimile est Angelum ipsis cum vultu facili ac benigno apparuisse, quum tam comis & placidus ipsius sermo, satis testaretur non offendendi, sed tutandi potius causa, si quis laedere niteretur ipsum praesentem adstare, adeo sunt animis confirmatae, (exceptis iis de quibus Marcus loquitur 16. 8. quae metu aufugerunt, & nemini quicquam eorum quae viderant dixerunt) ut etiam sepulchrum ingredi veritatem non fuerint, sicut ab Angelo fuerant inuitatae: atque ita quum essent magnopere recreatae ex ex iis quae viderant & audiuerant, non aliarum quae fugerant vestigia sequutae sunt, sed celeri

gra-

gradu Apostolis, quod erant iussæ nuntiarunt:
hoc beneficium assequuntæ vt redeuntibus in
itinere Christus ipse fieret obuius. Hinc itaque
discamus primùm quousque se Dominus ad
infirmorum sincerè quærentium captum tum
verbo suo tum etiam effectis ipsis accommo-
der, & quidem aliquando quum sic ipsi vide-
tur, illis à quibus vbi non est quæritur sponte
occurrens: in cordibus sic erga se affectoram
efficiens quod in his mulieribus hac extraor-
dinaria apparitione fecit. Quot verò istiusmo-
di diuinæ bonitatis exempla conspeximus in
cuiuscunque conditionis homines, quos ad sui
cognitionem Dominus etiam lectione libro-
rum mendacium & falsitatis plenorum traxit,
eum quem minimè quærebant, & qui etiam
ibi non erat, reperiens? Contrà etiam non ra-
rò contingit eos qui quotidie sacras scripturas
volunt, qui locus est in quo Dominus hodie
quærendus, indoctiores & incertiores quàm
dudum recedere, quòd nimirum pro sincera
affectione & docilitate, falsa sua præiudicia &
conclusiones ad hanc lectionem afferant. De-
nique nunquam Dominus frustra quæritur,
quoties sincerè quæritur, quum etiam fugien-
tibus ipsum vtrò nonnunquam occurrat: te-
ste Adamo, Genes. 3. 8. teste Saule de tam cru-
deli persecutore factò tãto Dei præcone, Act.
9. 1. & 2. & 15. testibus iis denique de quibus a-
pud Prophetam Deus, Inueniri, inquit, feci me
iis à quibus non quærebar, Esa. 65. 1. Et hoc i-
psum mulieribus istis contigit, nihil minùs

quàm quod inuenerunt, quærentibus, Angelos nimirum, Iesumque Christum à mortuis suscitatum, quem ut mortuum vincturæ quærebant in sepulchro. Ac sanè priores esse Domini semper hac in re partes oportet, quandoquidem ipse non à nobis eligitur, sed ipse nos eligit, 2. Thess. 2. 13. Quam gratiam si Deus istis largitur, annon eam multò magis est erga eos continuaturus, qui semel inuentum nunquam deserunt, sed propiùs semper accedunt, eidemque semper magis ac magis cohererent, sicuti de se vera illa sponsa loquitur, Cant. 1. 1. & 4.

*Contraria
effecta sensus
diuinæ
Maiestatis
humilibus
aut super
bis appare
tis.*

Hinc deinde discamus quantum inter se Dei filij, & ij qui prauam conscientiam fouent, in maiestatis & potentiae diuinæ apprehensione differant. Nam quando Deus se qualis est magnum ac fortem præbet, sanè rem creatam tremore concuti par est, quãdoquidem montes ipsi & cœli maiestatis ipsius sensu perterriti, velut in sudorem soluuntur, Psal. 68. 9. & beati ipsi Angeli faciem ante tribunalis huius magnificentiam operiunt, Esa. 6. 1. Hoc ipsum historiae sacrae docent maximis & sanctissimis viris contigisse, putà Danich, 8. 17. & D. Iohanni, Apocalyp. 1. 17. & 19. 10. At paucior hic subito sedatus, Dei filiorum cordibus solam sanctam reuerentiam relinquit, cum tantò maiore spe coniunctam, quantò maiorem supremæ huius Maiestatis ac potentiae cognitionem habent, qua vna nituntur: quod ex sanctorum precibus in Sacris Scriptis, ac nominatim in maxi-

ma

ma Psalmodum parte comprehensis fit conspicuum. Et quidem hic scopus est ad quem tam pretiosa Angeli verba feruntur, sic mulieres illas compellantis, Vos ne timete: pro vobis enim hic mortuus est & resurrexit. Contrà verò maximè superbos & indomitos Dei hostes contingit, postquam furorem suum vomuerunt, vbi vel minima diuinæ Maiestatis scintilla oculos ipsorum irradiat terreri, & velut capitis reos coram sui Iudicis tribunali trepidare. Sic perfidi Angeli coram eius vultu subsistere non potuerunt. Sic Cain ille ferox de superbia statim remisit, Genes. 4.9. Sic potens ille ferusque Nebucadnezar repentinè in feram mutatus est, Dan. 4.30. & 33. Sic Balsasar ille animi impotens in mediis dapibus, quibus Deum Israël ludibrio habebat cum Nobilibus, momento risum & gaudium in trepidationem vertit, cuius etiam suorumque Nobilium præterea luctuosissimus fuit exitus, Dan. 5. 6. & 23. & 30. Sic custodes isti Angelo conspecto, semianimes prostrati iacuerunt, contrà mulieribus consolationem ab eodem Angelo capientibus, & erectis. Erat enim illis sanè metuendus qui superbis maximè resistit, nam reuera Sapientis illi dicto locum esse oportet, fore ut domum superborum Dominus destruat: & elatum animi hominem Deum abominari, Prouerb. 15. 25. & 16. 5. atque etiam Domini nostri sententiam illam perfici, Quisquis se ipsum extulerit, deprimetur: qui verò deprefferit, humilitate non fucata, quæ

inter Dei filiorum notas non vltima est, extolletur à Domino.

*Qualesit
& esse de-
beat funda-
mentum co-
rū quæ no-
bis creden-
da sunt ra-
tione præ-
teritorū, &
Speranda
futurorum
respectu, ne
in salutis no-
stræ negotio
decipia-
mur.*

Cæterum observatione dignissima sunt horum Angelorum Dei verè nuntiorum & feruorum verba, quibus istis mulieribus quæ acciderant, quæque sunt inter articulos fidei nostræ præcipua, Domini nimirum resurrectionem persuadeant. Igitur sui nuntij fundamentum ponunt, id ipsum quod voce sua Dominus toties ipsis disertis verbis prædixerat, fore nimirum ut postquam condemnatus & crucifixus esset tertio die resurgeret. Tum ad huius sui sermonis maiorem fidem addūt quæ ipsemet oculis intuebantur, sepulchrum vacuum, lintea sic disposita ut furto sublatum fuisse corpus ne suspicari quidem ullus potuerit: ut etiam Angelorum ipsorum maiestatem omit- tam. Quam viam si semper institissent quos Deus hoc Angelorum, idest verbi sui præconum titulo dignatur: nunquam in deuia sic aberrassent, nee miseram plebem in tot errores secum traxissent, quod in hoc populo factum sæpius ante Domini aduentum, ac deinceps post eius aduentum in toto Christiano orbe, prohi dolor! aspicimus. Nunquam igitur obtrudendus fuit, est, aut erit ullus Ecclesiæ Dei fidei articulus, nisi ex verbi diuini puris ac indubitatis fontibus exhaustus. Nihil, inquam, pro fidei articulo obtrudendum, nisi quod Apostolorum ipsorum temporibus tam perspicuè tamque fideliter in symbolum quod Apostolicum dicunt, relatum fuit, erutum tam ex

im-

impletis Prophetiis per Iesum Christū, quàm ex iis quæ ipsimet ex suo magistro didicerant, & in eodem viderant, tum rerum iam implendarum respectu, tum adhuc implendarum, putà reditus è cœlo ad viuos & mortuos iudicandos, resurrectionis carnis, & eorum quæ hanc consequutura sunt. Hæc itaque si ad amissim observata fuissent, quânam porta, quæso, infinitæ corruptiones articulorum fidei nostræ in Ecclesiam irrupissent: infinitæ fabulæ sacrarū historiarum veritatem polluentes? denique omnis generis falsitates, verbo Dei mutato, truncato, ampliato, non tantum ex pastorum (quorum alij crassissima ignorantia, alij superstitione laborarunt, alij verè impostores ac diuinæ maiestatis contemptores fuerunt) sed etiam non semel ex cuiuslibet voluntate & arbitrio?

In rebus igitur quas præteritas esse & impletas credendum est, verbum Dei & impletionem earum fidem illis oportuit facere, non quæ hodie viderentur ipsis oculis, quemadmodum quod tunc in sepulchro videbatur, sed quæ verorum Christi discipulorum non dubiis scriptis niterentur, quales sunt fidei nostræ articuli Symbolo Apostolico comprehensi. In iis autem quæ adhuc exspectamus, effectis nimirum spei nostræ, positum hic ab Angelis fundamentum sufficiat, Dominum dixisse: ac proinde certò persuasi sumus ipsum suo illud tempore perfecturum, cuius vna & eadem est veritas præteritorum ac futurorum.

*Ignorantiæ
non excu-
sant negligē-
tia vel diffi-
dencia, præ-
sertim hoc
tempore.*

Et hæc quidem hætenus dicta, tum pasto-
ribus, tum ouibus normam esse oportet, quam
secuti tum doctores tum auditores Dei verita-
tem ducem sequantur. Porto non sunt Angeli
mulierum defectum arguentis verba hæc le-
uiter prætereunda, *Quid uiuentem quæritis inter
mortuos?* Meritò enim responsuræ videbantur
mulieres, non hanc esse suam mentem: sed cō-
trà mortuum à se in mortis domo, sepulchrō
nimirum quæri. At maiorem reprehensio-
nem ita responsantes incurrissent. Nec enim
Iesum Christum vt mortuum inter mortuos
quærere posse videbantur, quin se incredulita-
tis accusarent, aut obliuionis: quum sæpius ab
ore Domini audiuisent ipsum tertio die re-
surrecturum, nec ampliùs in mortuis futurum.
Sic plerunque contingit nos lapsibus nostris
ignorantiam prætexere, qua magis premimur;
quum ad ignorantiam accedat aut negligē-
tia aut contemptus. Age verò, quum ab hinc
annis octoginta Deus tam clarè, tam apertè,
tam patienter mundum compellarit, superatis
omnibus impedimentis, dolis ac fraudibus &
occultis machinationibus, & vi omni, quò ab
omnis generis, ætatis, sexus ac conditionis ho-
minibus audiretur, an potest ignorantiam vl-
lam prætexere qua coram Deo excusetur? quū
præsertim repulsam pariat, his quidem illum
vi tradētibus, illis verò contemnentibus: aliis
verò, à quibus erat exceptus, pessimè ipsū tra-
ctantibus, & hac in re infaustam urbem Hie-
rosolymam imitantibus, quæ tanto cum gau-
dio

dio die Dominica missum à Domino quum excepisset, paucis post diebus cum tantis vociferationibus ad Crucem flagitavit, vt etiam à Iudice, contra ipsius conscientiam, ad id supplicium cõdemnationem extorqueret. Quum verò simus ex eorum numero quos Deus erudiit, eius etiam opem & auxilium supplices imploremus, ne in iis reperiām̃r qui malo vno spiritu fugato, septem aliis longè peioribus portam aperiunt, Matth. 12. 45. cuius rei, proh dolor! nimium hodie frequentia exempla conspiciamus. Ac si nos obliuio quædam eorum cœpit, quæ prius didiceramus, quod his mulieribus ac discipulis ipsis contigit, earum etiam exemplum sequamur, quæ reuocatis in memoriam iis quæ obliuioni tradiderant, Luc. 24. 8. ex hac admonitione non parum profecerunt.

At si meritò hæ mulieres corripuntur, quòd Iesum Christum mortuum, & sepulchro conditum adhuc esse reputarent, quòd viuentem & sepulchro egressum, inter mortuos quærent: nunquam eum in sepulchro nec mortuum nec viuentem quæsituræ, si hoc scissent, quam tandem exultationem adferent miseri illi supersticiosi, immo cæci & insani prorsus, qui Iesum Christum in cœlis hodie viuentem quærent, non in verbi sui prædicatione, Sacramentorumque administratione, non in vera Hierosolyma cœlesti, Domini Ecclesia, quocunque terrarum loco Dominus cognoscitur & colitur, sed desertis vxoribus, liberis, patria

pe-

Iesus Christus adhuc inter mortuos quæritur à superstiosis sepulchrum eius hodie visitantibus, & aliis non paucis.

peregrinantur, ac terrenam Hierosolymam
 petunt, ut antrum istud inuisant, quod nonnisi
 ex opinione, si non falsa, tamen incerta fuerit-
 ne Domini sepulchrum scitur, propter maxi-
 mas paulò post secutas tum vrbs tum vicinæ
 regionis mutationes & vastationes? Esto verò,
 de loco certo constet, quo tamen fundamento
 nititur hæc superstitio, quæ in maximis votis
 habetur, ut nonnisi Papæ ipsius ore suscepta
 semel dispensetur? Iesus enim Christus semel
 illud egressus, non est amplius illic, nec in æ-
 ternum futurus est. Ac si in terris quærendus
 est, (spiritualiter in verbo & Sacramentis quæ-
 rendus, in quibus ubique locorum reperitur;
 in quibus in spiritu ac veritate colitur, ut non
 sit opus, in has aut illas oras excurrere, sicuti
 Legis, & templi Hierosolymitani tempore fa-
 ctitatum est: ut ipse Dominus tam expressè
 nos admonuit, Ioh. 4. 20. & Apostolus ipse
 Mosis verba referens, Rom. 10 8. ut non sit aut
 cælum conscendendum aut mare tranādum.
 Instructio verò si quæritur ad ædificationem,
 quæ tandem à muto & sensus experte saxo
 sperari potest? Terrenum igitur Iesu Christi
 sepulchrum hodie quærant qui sepultum fuisse
 nolunt credere, nisi suis oculis illud intucā-
 tur: Iesumque in hoc sepulchro quærant qui
 suscitatum à mortuis persuaderi sibi non pa-
 tiuntur. Nos verò Iesum Christum in terris lo-
 quentem audiamus, ubicunque sacro: anctum
 eius verbum purè annūtiatum personat: quæ-
 ramus autem non carneis oculis, aut pedibus

sed fidei, loca superna, in quibus ad dextram Dei Patris seder, ex Apostoli exhortatione, penetrantes, Coloss. 2. Quanta fuit igitur patrum nostrorum cæcitas, qui ducibus aliis cæcis, vitam & facultates exposuerunt, ut Sarracenis, aiebant, sanctum sepulchrum eriperent: solis hac in re questum faciētibus Indulgentiarum præconibus? At si tanta hæc est cæcitas: & Deo nostro Opt. Max. gratias immortales agere debemus, quod tantas imposturas & impostores nobis detexerit, quid futurum putamus iis qui millies adhuc hebetiores, minimè quidem mendicāt, sed charissimè peccatorum suorum remissionem, vitæque præsentis commoda, immo vitam æternam, mercantur à mortuorum ferculis, reliquiis ac ossamentis, eorum quorum fortasse maxima pars in inferos est detrusa, quibus tamen animarum mangones ex arbitrio suo nomen imponunt: & quæ habent præcipua sui Christianismi capita, Christianorumque præcipuas notas? Quid verò sum ad hæc ego dicturus: nisi ut tu, Deus, propter sanctum nomen tuum, breui manum admoueas, nec amplius sinas cælum ac terram tam detestandis idololatriis pollui?

Denique superest adhuc nobis magni momenti caput explicandum in hac historia, mandatum nuntiatum expressum quo iubentur hæ mulieres Apostolis ista nuntiare: in quibus duo sunt quæ scire & in usum nostrum referre nos operæpretium est. Horum prius est, quæcunque beneficia Deus in nos confert siue

*Donorum
omniū Dei
communica
tionem, ex
vere chari
tatis affe
ctu, inter
Christianos
eff. oportet
miseracorde*

*gij rei esse
velint.*

temporalia siue spiritualia sint, ad communem totius Ecclesiæ corporis ædificationem esse referenda: quod ni vera fide & charitate præstiterimus, sacrilegi sumus, & in eius condemnationis partem venturi, quam minatur Dominus acceptum ab ipso talentum abscondenti, Matth. 25. 30. Quodd si charitas singulos ad hæc obligat, quid iis futurum putamus, qui præter hanc vocationem generalem, etiam speciali vocationi ad hoc vel illud munus temporalis vel spiritualis, non respondent?

*Deus suis
personarum
acceptatione,
quibuscun-
que ipsi vi-
sum est, uti
tur, ut tamē
in domo Dei
stabilitas or-
do non vio-
letur.*

Alterum est, licet in Ecclesia Dei non omnes Prophetæ sint nec Apostoli, ut non erant etiam hæc mulieres, & in domo Dei cuncta fieri ordine oporteat, I. Cor. 12. 29. & 14. 40. esse tamen ex officio Christianorum sese inuicem docere, monere, hortari, arguere, consolari priuatim, ac mutuis dextrarum amplexibus vna in Domini templum ascendere, sic alij alios cohortantes, Eamus, ascendamus, in templum Domini, ut quæ prædicta sunt, Mich. 4. 2. impleantur. Ideò verò summopere cauendū nobis ne imitemur eos qui ipsos arguenti Domino exprobrabant cognatos, quos sibi notos aiebant, & fabrilem artem quam cum fabro lignatio Ipsepho exercuerat, Matth. 13. 55. & Apostolis vilem conditionem, quodd non essent ex Iudæorum præcipuis, Ioh. 7. 48. nec in ipsorum scholis eruditi, Act. 4. 13. Contrà, Deum per quemcunque volet nos alloquentē audiamus, quandoquidem Apostolos a mulieribus semel doceri voluit, atq; adeò Petrū nomina-
tum

natim qui hîc, nô honoris sanè gratia, nominatur, sed quòd eius esset quàm lociorum grauior lapsus. Dauidè sanè Abigail vna à summo facinore auertit, quod ipsemet ingenuè fatetur, 1. Sam. 25. 33. Huius verò rei, quàm multa quæ lubens omitto exempla, nobis istud seculum nostrum suppeditat?

Agite verò, fratres, quum ex hac historia, *Huius de-
ctina vsu* tanquam ex amplissimo thesauro, multum auri, multumque pretiosissimarum gemmarum eruerimus, faxit Deus Opt. Max. vt hæc probè cognoscamus, laudemus & in vsum nostrum quisque secundum suam vocationem reuocemus, fide sincera in hunc verè Suscitatum è mortais recumbentes: & eius potentiam ac virtutem quibuscumque intus ac foris tentationibus opposcentes, vt eius gloriæ ac honori penitus nos consecremus: duo in primis extrema fugientes, ne nimirum in oculis nostris sapiamus, & contrà, ne per socordiam & ignauiam ab officio recedamus, quod harum mulierum nonnullis contigisse videmus, de quibus agitur, Marc. 16. 8. quæ timore perculsæ, nemini verbum facientes, quum domum redissent, non sunt etiam à Domino hanc gratiam consequutæ quam sociæ ipsarum, vt Dominum ipsum in itinere offenderent, & ab eo consolationem acciperent. Agite igitur, inquam, fratres, rectam viam semel ingressi decurramus ad metam vsque, ibi demum coronæ immarcescibili coronandi. Amen.



HOMILIA QVARTA.

Matth. 28.

9. *Quum autem proficiscerentur ut [hoc] nuntiarent discipulis eius, ecce, Iesus occurrit eis, dicens, Aue. Illæ autem accesserunt & prehenderunt pedes eius, & adorauerunt eum.*

10. *Tunc ait eis Iesus, Ne time, abite: annuntiate fratribus meis ut abeant in Galileam, illic me videbunt.*

Harum mulierum emor, alium Iesum Christum, & alibi quam esset, quærentes eum earum testimonium minus suspectum facit.



Vò magis errarunt hæ mulieres, Iesum Christum alium quam esset, & ubi non erat, quærentes, & quidem errore: non excusabilis: eò minùs est suspectum minùsque eleuari potest editum ab ipsis resurrectionis testimonium: tantòque maior & ineffabilior apparet Domini bonitas, suorum infirmitatem, quam nulla excusatio tegebat, benignè tolerantis: quò maximè hæc hystoria spectat. Verùm Spiritus sanctus nobis hoc exemplum, etiã aliquid amplius edoctrus, proponit. En igitur mulierum turbam eandem, quarum eadem mens, & eadem via, sed tamè à recto aberrans, qua de re moneñtur à duobus tãto dignis Magistro nuntiis, Angelis. Et harum quidem aliarum duces Angelos sequuntur, plus etiam quam sperabant inuenerunt: aliarum subito percussarum timore

re fugerunt, & hoc beneficio seipsas priuarunt. Age igitur, quânam hoc contigerit expendamus.

Huius seculi sapientes pulchrè sanè dixerunt, domos, familias, status omnes tum recta imperandi scientia, tum obedientia stare: quæ in re non mirum est si in negotiis terrenis vtrinque grauiter peccatur, alius quidem ad bene imperandum aut ineptis, aut æquò segnioribus, etsi nemo non regios animos gerit: alius verò ferè omnibus, aut paucis admodum exceptis, rectam ac sinceram obediētiam detrectantibus. Idem in Domini domo plerunque cōtingit, in qua, vt omittā hypocritas & contemptores, plerique omnes Christū querūt, & non reperiunt: & quidem suo proflus inexcusabili errore: alius quidem adeò in imperando audacibus, vt hi quidem conscientis ipsis fingendi Leges autoritatem sibi vendicent vnius Dei propriam: illi verò Deum & ius omne ac æquum contemnant, seque ipsos & alios ex suo arbitrio & libidine regere posse sperent. Alios verò, quorum obediendi sunt patres, videas, præter quàm quòd omnes naturâ Deo rebelles nascimur, partim tam stupidos ac hebetes, partim tam superstitiosos in iis quæ cōscientiam & salutem spectant, vt faciliè ab animarum scaturum manonibus, id nequaquam in rebus humanis, etiam exigui momenti, facturis, pendeant.

His maximis erroribus, quos horrenda & inuitabilis ruina comitatur, veram Ecclesiam

*Autoritas
imperandi
conscientiis
(quod v-
nius Dei
proprium
est) & fide-
lium obse-
quium pro-
ptum, vera
Ecclesiæ
sunt funda-
menta.*

*Qualis sit
pastoris of-
ficium in*

*Magistri
præceptis
docēdis &
oniū in re
cipiendis: vt
suā quisque
vocationem
sequatur.*

in sempiternum permanfuram opponamus. Ea est quæ sic vnico Regi huic sese subiicit, vt ij quorum ad alios docendos vtitur ministerio, intra sibi commissi muneris cancellos sese contineāt, illud fideliter adhibitis necessariis admonitionibus, exhortationibus & increpationibus exponant: &, tanquam à Domino missi, iubeant, quod fieri iussit, inhibeant autem quæ fieri Deus ipse prohibuit, Matth. 28. 20. & 1. Cor. II. 23. vt fideles arcanorū Dei dispensatores, 1. Cor. 4. 1. Ques contra veri Pastoris per ministros suos eos alloquentis vocem audiant & sequantur, non autem alieni, Ioh. 10. 4. & 5. Quemadmodum autem in bene constitutis omnibus Rebus publicis, legibus fixis parere singulos non confuse, sed ex cuiusque vocatione par est, ad vitandam confusionem: sic in vera Ecclesia, singulos oportet Dei voluntati sese subiicientes diligenter expendere vocationem suam, qua Dominum colant & proximo inseruiant, quod non temerè toties Apostolus inculcat, quum ex huius ordinis violatione tot confusiones & calamitates procul dubio promanent.

*Satana cō
silia quibus
homines à
vocatione
auertat, ex-
penduntur.*

Quoniam autem nostræ salutis hosti & eius satellitibus ista mirum in modum displicent, vt vix aliquid inuenias difficilius quàm hominem esse frogi (quod est viam illam de qua loquimur insiltere) contra obfirmandas est animus, vt de Dei voluntate certò persuasū, & vocationis testimonio freti, in cæpro curriculo decurramus, donec tandem metam & indefe-

so cursu currentibus propositam coronam, adipiscamur. Quamobrem esto nobis etiam ad hanc laudem stimulus, meditatio tot excellentissimarum in hac lucta victoriarum, ex quibus agnoscamus quàm felix sit stadium istud decurrentium exitus, istiúsque iacturæ ac detrimenti quod sibi accersunt, qui metus sibi fingentes ab officio resiliunt: multoque magis qui animum ab eo aduertunt ad quod eos aduertere maximè decebat.

Et quidem hæc historia, quam die postrema Dominica non absoluiamus, utrorúmque nobis exempla suppeditat. Pars enim harum mulierum præsentis animo sepulchrum ingressarum duobus nuntiis recreantur, & accepto mandato, rem totam discipulis nuntiandi, plenæ insigni gaudio, parentes, aliud à Domino beneficium consequuntur, ut obuiam ipsis fiat, & ipse coram quæ ab Angelis duobus audierant, rata faciat, ut hoc nuntio Apostolorum ipsorum, ut ita dicam, Apostolæ, cum immenso & ineffabili gaudio factæ sint. Pars contrà, de quibus agit, Marc. 16. 8. formidine perculsæ fugientes, suscepti itineris fructum sibi & aliis tum perdidierunt, quas melius deinceps edoctas fuisse verisimile est.

Hinc etiam eruenda nobis singulis horis doctrina pernecessaria. Nam hæ mulieres paruerunt mandatis quæ primum ab Angelis duobus acceperant, deinde à Domino, ipso coram modo externo & in sensus incurrente, licet tamen extraordinariis signis. Nos verò hanc

Huius historie applicatio ad superiora.

Qua ratione cuiusque conscientia confirmari possit in sua vocatione: & quid hic opus factum sit.

hodie rationem ne expectemus, & à Satanæ fraudibus caueamus, phanaticis hominibus persuadentis somnia sua, seu deliria, vigilantium aut dormientium, esse diuinas reuelationes. Ne, inquam, hæc oracula nobis fingamus. Nā tempus illud, Ecclesiæ Christianæ administrationis respectu, præterit, semper tamē Deo prout ipsi visum est operante. Viam igitur Regiam sequamur: vt opus aliquod aggressuri, aut aliquid dicturi, primū diligenter excutiamus, illūd ne sit à Deo vel non, hoc autem ex eius voluntate in Lege patefacta facillimè cognoscemus. Deinde an vocationi respondeat, expendamus: putā an id de quo suscipiendo deliberatur sit eiusmodi, vt si fecerimus, obsequamur Deo, nisi autem fecerimus ab officio vel in totum vel ex parte resiliamus. At Deo præterea gratiam hanc largiente, vt non modò conscientia probè eradita suadeat aut dissuadeat quid agendum fugiendūve sit, sed accedat externè mandatum, quo de Dei voluntate certiotes fiamus, tum maximè, si aliās vnquam, Spiritus discretionis à Domino, suis eum nunquam recusaturo, precibus est impetrandus.

*Exempla
insignia ex
quibus su-
periorum
resum disca-
mus?*

Huius rei duplex in Apostolo exemplum adferam, eximiū exēplar quod in difficultatibus, in quas quotidie fideles Dei serui incurrūt intueamur: ad quod accedet tertium in re ad nos fallendos valde procliui. Prius esto factum illud Apostoli, qui quum per biennium ex sua vocatione feliciter Ephesi promouisset opus Domini

Domini, virtutes multas per manus eius operante Domino, tandem coorta seditione per Demetrium illum statuarium, prodire in populum apud se constituerat. Ecquis autem non dicat Paulum ab incepto non auocandum, qui, si vllus vnquam inter Dei seruos, Dei spiritu in vocatione ageretur? At discipuli non fuerūt eū prodire, seque ipse regi hac in re ab ipsis passus est, Act. 19. 10. & 30. & 20. 1. Cōtrā in vltima Hierosolymā profectiōe, premonitus ab Agabo propheta, vincula & afflictiones eū ibi manere, per singulas Ecclesias rogatur vt profectiōē illā abiiciat: sed tamen obfirmato animo pergit, nō quidē pertinaci, sed qui sciret quo spiritu ageretur, vocationi suæ prorsus conformi: & quòd sola pericula imminētia illi obiicerentur, Act. 20. 23. & 21. 13. At verò duodecim Domini discipuli, non sanè Dei zelo, sed ex indignatione & cupiditate vindictæ, specioso tamen prætextu studij erga magistrum, & pœnarum quas loci illius incolæ, Dominum excipere dedignati, merebātur, & quidem pro se adferentes Eliæ simile exemplum, grauissimè à Domino, his verbis corripuntur, Nescitis quo Spiritu ducamini, Luc. 9 54. Quæ si ante nostros oculos exempla verentur: facile quid in istiusmodi negotiis facto sit opus, modò affectiones rectæ sint, etsi aliquo defectu laborantes, iudicabimus.

Ad has mulieres reuertamur, quæ parentes mandato quod ab Angelis Domini acceperant, non tantum se dant in viam nuntium il-

*Vera obedientia proutudinem
& zelum*

*moderatum
requirit.*

Ad perlaturæ, sed cum festinatione currunt, ex quo discimus fugiendum nobis reporem illum quo laborantes Dominus euomit, Apoc. 3. 16. ac potius in violentorum illorum qui vim regno cœlorum faciunt esse nos oportere, Matth. 11. 12. zelum habentes scientiæ qualem hæ mulieres.

*Dei benedi-
ctiones su-
pra omnem
spem eis qui
benefacien-
do nunquā
defatigan-
tur, sed ta-
men ex me-
ra gratia, cō-
tingunt.*

Ecquid autem hic amplius? quum Dominus ipsis occurrisse dicitur, non ipsæ Domino: docemur quum Dominus nobis ipsum quærentibus & obsequentibus occurrit, ex mera gratia id facere, nosque præuenire primū vt velimus quærere: deinde voluntatem quam efficit in nobis bonam comitari. Discimus insuper ex iis quæ istis mulieribus contigerunt, idem hic accidere quod in rebus humanis, vt docent cum experientia sapientes, sæpe artem versando tyrones in magistros euadere, seu fabricando fabros fieri, sic etiam salutis viam continuo cursu terentes ex fide in fidem progredi, donec tandem speratam omnibus beatam hanc viam insistentibus metam assequantur, felicem nimirum ac beatum illum Domini, hoc longè feliciorem occursum, qui ab Apostolo describitur, 1. Thess. 4. 17. quum rapiemur in nubes in occursum Domini, cum ipso futuri in sempiternum.

*Dicere Do-
mini Facere
est: nisi illud
effectum in
credulitas
impediat.*

Porro Domini benignitas in hoc occursum longè adhuc maior apparet in his verbis, *Auete, aut, Gaudete, & ne timete.* Et horum quidem verborum ab ore Domini manantium longè alia vis est & effectus, quàm si ab hominum ore,

ore, licet corde cum ore consentiente profecta essent. Nec aliud homines possunt quam amicis bene precari, & eosdem hortari. At dicere Domini, Facere est.

Nec sanè dubitandum est quin hæ mulieres *Quomodo nobis occurrerit Domini no respondendum.* intus perceperint eorum fructum quæ auribus hauriebant: illud externo facto testatæ, non tantum Dominum adorantes, sed etiam pedes ipsius amplexantes, quasi sic eum compellerent, Vah! Domine, quàm feliciter abs te sumus in maxima nostra socordia & incredulitate deceptæ. Nam obliuioni traditis iis quæ tam expressè prædixeras, quæque iam impleta cernimus, ibamus ad te tanquam ad nos amplius non reuersurum: at te ipsum iam nobis occurrentē vtrò conspiciamus. Vngendum te cum mortuis in sepulchro quæsiuimus, tu nos alio consolationis vincturus ades balsamo. Supplices veniam deprecamur, culpam fate-mur: te Dominum ac Magistrum nostrum ad pedes prostrantes salutamus. En quis iste beatus occursum vtrinque fuerit. Eia verò, fratres, quid obstat quominus eodem felici occursum Domini fruamur? Quoties enim in calamitatibus Domini occurrit, seu internis consciëntiæ motibus, seu quauis alia ratione, sed in primis anima pœnitente in gemitus illos inenarrabiles, de quibus Paulus Rom. 8. 26. erumpente, quos sanè beatissimos occursum Domini dixeris, quis oro nobis esset felicior, harum mulierum exemplum imitantibus, & oblatum beneficium eadem reuerentia recipientibus,

aceandem habentibus aduersus quæcunq̃ue pericula fiduciam, quam in eiusmodi visitationibus Dominus secum adferre solet?

Benedictiones Dei filiorum propriæ de sunt qui bus immorantur, etsi hac in parte filij huius seculi dupliciter hallucinentur.

Etsi verò ab hac vnica scaturigine omnia beneficiorum genera promanant, ab eo nimirum qui Solem suum oriri facit super bonos & malos, tamē de benedictionibus filiorum Dei propriis ac peculiaribus ista dicta sunt. Quapropter solos in hoc mundo filios mundi spe sua excidere videas, non modò vana specie mundi deceptos, 1. Cor. 7. 31. sed etiam sibi persuadentes se bonis perfruituros, peccatis suis eum prouocando, in cuius vnus potestate sunt, vt ex suo arbitrio vel largiatur illa vel auferat, quum præter eum solum Deus alius non sit. Et tamen sic hodie viuatur in mundo, cum suam quam quærit vanitate perituro. Nos verò contrà, si vera Domini Ecclesia sumus, idest à mundo separati, pro comperto habentes pietatem solam habere promissiones tam præsentis quàm futuræ vitæ, hunc qui nobis occurrit, à quo vnico tanquam vero fonte bona illa promanant, 1. Tim. 4. 8. amplectamur & retineamus, noctesque diesque versemus in his negotiis certissimum hoc asylum, Quærite primum omnium regnum cælorum & cætera omnia vobis adiicientur, Matth. 6. 33. & pretiosissimam aliam illam Apostoli sententiã, Si proptio filio non pepercit, sed pro nobis omnibus tradidit eum, quĩ non etiam cum eo omnia nobis gratificabitur? Rom. 8. 31. At coniunctim ea cum ipso flagitemus. Nam sine ipso nul-

nullæ maiores aut grauiores maledictiones Dei benedictionibus, quum quis ipsis abutitur.

Hæc verò verba, *Ne timeate*, quum tali ore proferantur, quis satis expenderit? Nullam enim esse passionem qua magis homines percellantur, quàm metum, nemo dubitat, quum sæpe nocentior sit re ipsa quæ metuitur. Quot verò quantisque periculis, & quidem sæpe in-
 euitabilibus, misera hæc vita nostra, quoquo nos conuertamus, est obnoxia? At leuiâ illa, respectu terrorum conscientia, quæ flagitiosis & sceleratis hominibus quantumvis repugnâ-
 tibus, est accusator, testis idoneus, iudex & car-nifex: vt à se accusatum, conuictum, iudicatum nunquam esse quietum sinat. Aduersus peri-
 cula autem nobis exterius in his terris immi-nentia, remedia prout Deo visum est, inue-niuntur, non tamen aduersus mala quælibet, nec semper tuta, nec ad statum tempus: & ple-runque periculi vnus fugam aliud excipit. Conscientia verò terrores quis sedauerit, nisi solus qui offensus est, Deus æternus? Et quidem hoc vno solius Chriitianæ religionis veritas innotescit, falsitatis redarguens alias omnes, quotquot vnquam aut sunt, fuerant olim, aut futuræ sunt religiones. Hoc enim retinet qui-dem omnes fundamentum, necessariò placan-dum esse Deum, & hoc nituntur superstitioso-rum deuotiones ab hominibus excogitare. Sed vt falsorum deorum multitudinem omittam, esto, feratur totus ille cultus in verum Deum,

*Variæ me-
 tus species:
 & verū ac
 vnicum re-
 medium ad
 uersus per-
 culosissimū
 metum, con-
 scientia mi-
 rum terro-
 res.*

vanus tamen omnino futurus est. Aliæ enim religiones omnes falsa duo fundamenta ponunt, nempe Deum ab homine offensum, posse ab eodem oblato dono placari: Deumque sic nobis lapsus nostros, ut solent homines alij aliis condonare, ut tantundem de sua iustitia remittat. Quæ sanè nullo modo Dei naturæ, rei nullius indigæ, cōueniunt: quandoquidem omnia sunt ipsius & in ipso, in sese perfectissimo, nullique passioni obnoxio: nec retineret Deus id quod est (summè iustus nimirum, non minùs ac summè bonus) si peccatum vllum impunitum secundum suæ iustitiæ seueritatem dimitteret. At sola Christiana religio verum Deum agnoscens & colens nouit summam eius misericordiam cum summo iure conciliare, in eo qui nobis à Patre datus est, & qui ideo seipsum fratrem nostrum fecit, & tanquam sponsor noster, tum corpore tum anima pœnas luit pro peccatis eorum omnium quos ipsi Pater dedit, tanquam verus homo, & gratissimus persolutor, pro nobis, non autem pro se, hominè iustissimo, & sine vlla peccati macula: sic tamen ut pretium istud pro peccatis suorum Patri offerens, non sit eius ira absorptus: erat enim ille sicuti est, futurusque est in sempiternum, verus cum Patre Deus, Omnipotens.

Quibus modis conscientia pauciores sedari possunt.

Quo igitur metu verus Christianus percellitur, hunc sponsoem & vadem nostrum vera fide amplexatus, ex Patribus promissi fœderis formula, tandem suo tempore mundo exhibi-

ti, & rati facti per oblationem perfectam, semel ab hoc nostro præde ac sponse factam? Hic igitur verè mulieres compellans dixit, *Ne timete*: idémque quotidie singulis huius Ecclesiæ veris membris occinit. Nec enim spiritum emittens frustra clamauit, nostræ salutis omne mysterium impletum esse, Iohan. 19. 30. Si verò Deus pro nobis, quid iis omnibus futurum qui sunt contra nos, Rom. 8. 30. Quæ verò nos afflictio terruerit, quum iis qui Deum diligunt omnia simul conferre dicat Apostolus, Rom. 8. 28. quos neque sublimitas, neque profunditas potest à Dei charitate separare quæ est in Christo quem nobis dedit, Rom. 8. 38.

Timor igitur ille Domini, tantopere nobis in sacris commendatus, qui est diuinæ Maiestati debita veneratio, longè alius est quàm metus ille ac pavor, quo homines iram Dei aut ingens aliquod damnum dum metuunt, torquentur & excruciantur. Absit autém Christianos saxi similes faciamus, vt periculis imminentibus nec tangantur nec moueantur, ex naturæ affectione, quæ sibi contraria timet ac fugit. At licet Dei filij ex ossibus & carne vt alij homines composui hanc apprehensionem habeant, ramen sibi placatum eum sentientes sine cuius arbitrio & voluntate nihil aduersi ipsis contigerit, sic à Spiritu sancto, suorum consolatore sustentantur, vt sit ipsis hæc apprehensio stimulus ad preces tantò ardentiores. Porro qui dixit Deus, Inuoca me in die tribulationis & erua te, Psal. 50. 15. nunquam

*Longè inter se differunt
Timor Dei
& pavor
de quibus
hic agitur.*

patitur à tentatione constantiam, quam suis largitur, superari: atque adeò ingruentibus maximis propter nomen ipsius persecutionibus, tum maximè veri Dei filij de timore & pauore ex Domini mandato, Matth. 5. 11. & Apostolorum exemplum Act. 5. 41. sequuti, triumphant. Quid ni verò triumpharent, quum sit ipsis hæc persecutio speciale testimonium gloriæ ipsos manentis, quando quidem capiti cōformes in afflictionibus, etiam eiusdem gloriæ fieri participes oportet? 2. Tim. 2. 12. At Deo iustas pœnas de peccatoribus repetente, quid quæso tunc facto opus est? Nonne tunc saltem ex iræ Dei apprehensione, terrori locus est? Omnino sanè: & tanto quidē ut illi sæpe quò se vertant dubij sint: quorum exempla frequentissima, etiam sanctissimorum preces & suspiria. Verū, nec ista superius à me dictis repugnant: nam longo interuallo duæ istæ conclusiones inter se distant, Christiano nihil metuendum, & Christianus adhuc aliquid timet: quum prior illa conclusio de iis qui iam victoriam reportarunt, hæc verò de luctantibus adhuc intelligatur. Ac pròinde quum in diuersa subiecta cadant hæ conclusiones, non sunt inter se contradictoriæ. Quid miramur igitur adhuc, si, quum fides in mediis huius vitæ tempestatibus tantum inchoata sit, & adhuc oppugnetur à diffidentia: & spiritus regenerationis aduersus carnem luctetur, nondum perfecte verborum istorum, *Ne timeate*, fructus in peccantibus producat? Verumtamen fiducia

et tandem cedit timor, nosque cum Dauide in hæc verba cogit erumpere, *Quàm bonum mihi fuit à Domino affligi*, Psal. 119. 71. quandoquidem hæc castigatio testimonium ipsius paterni amoris est, Heb. 12. 6. & Apoc. 3. 19. nonnunquam suos in ipsos usque inferos trudentis, inde tandem educendos, 1. Sam. 2. 6.

Adiicitur deinceps mādātum, quo discipulis dicere iubentur vt eant in Galilæam, cum ibi visuris: quod & ipsum ab Angelis mandatum acceperant, & ab ipso Domino paulò ante mortem erat prædictum, Matth. 26. 32. Ne verò putetis ista de subita profectioe intelligenda extra Hierosolymam, vt in Galilæam se reciperent in urbem non amplius reditori. *Quomodo mandatum istud eundem in Galilæa intelligendū & cur Dominus noluerit suos adhuc Hierosolymis excipere.*

Contrà enim deinceps audituri sumus cum iubentem ipsos in urbem conuenire, & ibidem Sancti Spiritus missionem expectare: nam oportebat, sicut erat à Prophetis prædictum, ab Hierosolymis Euangelij prædicationem, in vniuersum orbem terrarum propagandam, manare: sic volente Domino in suorum hostium confusionem, & suorum consolationem, throni sui Maiestatem ibidem vbi Crux eius plantata fuerat erigere, Esa. 2. 3: Mich. 4. 1. Hæc igitur ipsis nuntiata sunt, vt non esse confictum à mulieribus hunc nuntium ex his signis agnoscerent: ac proinde ad Domini & Magistri sui conspectum magis excitarentur ac præpararentur: tum verò maximè vt intelligerent, se, licet in ipsa Hierosolyma, velut horum tigridum & leonum antro & faucibus versarentur,

à quibus erat verisimile non meliorem expectandam discipulis quàm Magistro conditionem, eius tamen præsidio fore aduersus eorum ferociam tutos. Neque verò semper eos in hoc versari metu ac periculo voluit: quos sanè mirum est tanto terrore perculsos, & nihil minùs quàm Domini resurrectionem sperantes, non procul aufugisse, sed vnà omnes Hierosolymis coactos subtituisse. Arcana igitur Domini providentia gesta hæc sunt omnia, discipulorum infirmitatem sustinentis.

Satan persequens greges Domini instumentum est quo Deus vultur ad eos ipsos cogendos quos dissipare Satan viscebat.

Et quidem ab omni æuo se talem præstitit erga suos, ita suorum hostium consiliis in contrarium versis, vt quos Domini greges dissipare lascitatis persecutionibus nitebantur, eosdem cogerent tantò arctiùs inter se vnanimis coniungendos. At si fortasse quædam dissipatio contigit, nouis Domino gregibus excitandis inseruit: quod à Stephani morte factum videmus: qua veluti malleo minimè cõtulsæ sed excussæ sunt hinc inde scintillæ ignis oris Domini, ad salutem etiam ad onginquas & remotas nationes propagandam. Quot verò, obsecro vos, istiusmodi exempla Dominus nostro seculo conspicienda, tum in afflictissimo Galliarum regno tum in inferiore Germania nobis exhibuit? Sed ne procul abeam, mecum fratres, expendite quis nos ex tam diuersis nationibus in hunc locum coegerit. Annon enim maxima ex parte persecutorum Dei hostium rabies? Et quidem Dominus nos in hunc locum (ausim dicere, & soli Deo laus sit) tan-

quam

quam nouam Hierosolymam coactos ita protexit, vt non solum ipsis nostris & suis hostibus videntibus, tam opiparè nobis hic victum corporeum & spirituale porrexerit, sed etiam præpararit & efformarit eos quorum opera suum Euangelium à Septentrione in Meridiem, & ab Oriente in Occidentem propagauit. Eheu verò quantopere nobis cauendum ne miseræ Hierosolymæ similes simus, cuius tantò fuit atrocior pœna, quantò maior fuerat rebellio: contrà viribus omnibus nitendum, vt per eius misericordiam pars simus veræ illius Hierosolymæ cœlestis, licet adhuc in terris ex parte commorantis, cuius illa propria promissio est, Requies ipsa mea est in perpetuum: habitabo in ipsa, quoniam mihi grata est: quod utinam faxit Deus.

Sed præter illa superiora diligenter istud aduertendum elogium quo suos discipulos ornat, his verbis, Ite, nuntiāte fratribus meis eant in Galilæam. Nam quæ fraternitas intercedit Domino cum iis à quibus erat desertus, & qui tam statim obliuioni tradiderant de quibus toties fuerant præmoniti: quique vix ipsum coram eos alloquentem agnouerunt?

Annon saltem Petrus, qui nominatim hic inter hos fratres appellatur, eo nomine se indignum præbuerat? Fatendum igitur discipulos, etsi non sunt inter apostatas reponendi, nec etiam in omnino ingratorum numero censendi, tamen quantum in ipsis erat hoc se nomine indignos reddidisse. At si naturalis cogna-

Fraternitas inter Iesum Christum & veros fideles, est in se immutabilis. & si nonnunquam per interual la interrumpatur.

rio viuentibus cognatis manet, licet inter eos
 nonnulli propter aliquod indignum facinus
 hoc effectu priuentur: multò minus profecto
 potest aboleri illa electorum Patris cœlestis
 respectu filiatio, spiritalis & inuariabilis, ex
 qua inseparabili nexu cognatio illa inter Ie-
 sum Christum & ipsos Ephes. 3. 15. dependet.
 Ratio est in promptu: quòd æterno & immu-
 tabili Dei Patris solo decreto, non autem no-
 bis, nec in totum, nec ex parte nitatur, Ephes. I.
 II. & fieri non possit vt vnquam excidat sermo
 Dei, Rom. 9. 6. Idcirco merito dicit Apосто-
 lus, hominū incredulitatē, minimè Dei fidem
 inanem reddere, Rom. 3. 4. & in æternum stare
 immotum fundamentum illud, Deus suos no-
 uit, 2. Tim. 2. 19. Itaque nexu indiuiduo inter se
 decretum æternum electionis, vocatio quæ ci-
 ius est declaratio & exhibitio, Iustificatio, ac
 tandem ad salutem prædestinatorum glorifi-
 catio cohærēt. Atque adeò quidem vt tamen si
 nonnunquam fides & spes, immo etiam ele-
 ctorum sanctificatio, quòd ad puræ & integræ
 vitæ effectum, interrumpantur, & ad tempus
 in maxima ipsorum culpa veluti sopiantur, ta-
 men hæc dona semper sint ἀμετάμελῆτα, Rom.
 II. 29. ex Dei nostri bonitate immentā, nun-
 quam imperfectum opus suum relinquentis,
 Psal. 38. 8. Quinam enim alioqui semel lapsus
 erigeretur? Digni quidem igitur erant Apo-
 stoli, quos hic primogenitus frater à se abiice-
 ret, sed eos non modò nō abiecit, immò con-
 trà ad se vocatos vniuit, nominatim etiam in-
 ter

ter reliquos appellato eo qui terna ipsum negatione reiecerat: vt ratum illud efficeret quod alias ex ipso didicerant, se nullum eorum quos accepisset à Patre foras eiicere, Ioh. 6. 37. Nec verò istis contraria sunt quæ de ramis fructum in hoc stipite non ferentibus, & idcirco recisis, & in ignem vt ardeant abiectis, Ioh. 15. 6. dicuntur. Loquitur enim Dominus in illa promissione de verè in hoc stipite insitis, & in ipso manentibus (quanquam plerunque contingat eos quasdam hyemes pati, quibus nec folia nec fructus edunt, sed tamen ex Dei gratia vere suo redeunte reuirescunt) quales fuerunt Apostoli, sũntque omnes electi: quibus opponuntur sic insiti, vt tamẽ non inoleuerint, nec succum trahant, hypocritæ nimirum qualis Saul, Judas proditor, & illis similes: aut qui cibum hunc degustant vt statim euomant, Heb. 6. 4. de quibus parabola sementis agit, Matth. 13. 20. & 22. & Matth. 12. 45.

Cæterum, quid est Fratrem esse Iesu Christi? Nempe à Deo Patre cœlesti, in filiorũ numero censi, eodem amore diligi quo filium vnicum suum ac coessentialẽ prosequitur: nomen ac ius habere cohæredum in Regni cœlorum fruitione: immotum ac intrepidum esse per spem quæ nunquam confundit, licet vniuersus orbis corruat, ac cœlum terræ misceatur. Sed quæ mens humana perceperit? quis oculus vnquam est intuitus, quæ vnquam auris hauserit, quæ Deus suis præparauit, quorum fruitione nunquam excidere possunt?

*Quid hæc
fraternitas
est quàm
pretiosa.*

*Horrenda
eorum stultis-
sia qui hunc
fraternitatis
non omnia
pariter possunt.*

Mundus igitur quantum volet vanitate vanitatum delectator: Reges ac Principes sceptris ac coronis suis gaudent: auari auro & argento suo, quorum tam laboriosa est acquisitio, & quidem animæ plerumque dispendio: tamque brevis ac momentanea possessio, eaque incertissima fruuntur: voluptarii suis voluptatibus, quas in hac vita miseriæ horrendæ excipiunt, & tandem æterna Dei maledictio, explentur, ambitiosi quantum poterunt venturi, dum crepent, deglutiunt.

*Comparatio
status fratrum
Iesu Christi
cum huius
seculi filiis.*

Dei filij, Iesu Christi fratres, contra semper pacifici, hilares & ea quam cœlitus ipsis admittitur mensura Deus contenti, dulcedinem in amaritudine reperientes: verè diuites in media paupertate: quò sunt corâ mundo viliores & abiectiores, eò apud Deû & eius Angelos sunt honoratiores & commendatiores: tandemque vitam in media morte videntes & inuenientes, in cœpto curriculo superatis omnibus impedimentis pergunt, donec metam contingant, in qua reperiunt & donantur corona illa longè pretiosissima, manibus fidelissimi illius depolitarij, cui in medijs suis difficultatibus & angustiis cum Dauide dixerunt, Iehoua fors est portionis meæ & calicis mei: tu sustentas sortem meam, Psal. 16. 5. Agite igitur, fratres, firmiter istis adhæreamus, quando quidem ad id per Dei immensam misericordiam vocati sumus: & quum Deus nos separarit ab hoc mundo, cuius species præterit, & interit, eo sic viuamus ne abutamur, 1. Cor. 7. 31. ne Dei nostri

tem-

temporarias benedictiones in maledictionis instrumenta conuertamus: ne concessam nobis lucem in densiores quàm vnquam tenebras transformemus: denique summopere caueamus ne Esauum imitati Iacobi benedictionem, nostram putà filiationem ac fraternitatem, offulæ postponamus. Contrà, in cœlos semper eleuatis & intentis oculis, tanquam cum Christo suscitati, superna iam nuuc quæramus, membra nostra terrestria mortificantes, propter quæ venit ira Dei super filios contumaces: denique testemur omnibus effectis, nos exuto vetere illo homine cū factis ipsius nouum hominem induisse, qui magis ac magis renouatur in agnitionem congruentem imagini eius qui ipsum condidit, Coloss. 3. 9. & 10. Quod si à nobis erit præstitum, ne dubitemus quin primogenitus ille frater noster nos in æternam apud Patrem suum agnoscat & beatos efficiat. Amen.



HOMILIA QVINTA.

Marc. 16.

9. *Quum autem resurrexisset Iesus, manè, primo die hebdomadis, apparuit primum Mariæ Magdalene, ex qua eiecerat septem demonia.*

10. *Illæ prædictæ annuntiavit iis qui cum ipso fuerant, lugentibus ac fletibus.*

g. iiij.

II. Illi verò quum audiissent eum viuere, & conspectum fuisse ab ea, non crediderunt.

Luc. 24.

9. Et reuerse à monumento annuntiauerunt hæc omnia illis undecim, & reliquis omnibus.

10. Erant autem Maria Magdalene, & Iohanna, & Maria Iacobi[mater] & reliquæ cum ipsis, quæ hæc dicebant Apostolis.

11. Sed visa sunt apud eos quasi deliramentum verba ipsarum, neque crediderunt eis.

12. Petrus autem surgens cucurrit ad monumentum: & quum introspexisset, videt lintea sola [illic] iacentia: abiitque apud semetipsum miratus factum.

Iohan. 20.

1. Primo verò die hebdomadis, Maria Magdalene, venit manè, quum adhuc tenebræ essent, ad monumentum, videtque lapidem sublatum à monumento.

2. Currit ergo & venit ad Simonem Petrum, & ad alterum illum discipulum quem amabat Iesus, & dicit eis, Sustulerunt Dominum è monumento, & nescimus ubi posuerint eum.

3. Exiit ergo Petrus, & aliter ille discipulus, & venerunt ad monumentum.

4. Currebant autem duo simul: sed alter ille discipulus præcurrit citius Petro, venitque prior ad monumentum.

5. Et quum se incuruasset vidit posita lintea: non tamen introiit.

6. Venit ergo Simon Petrus sequens eum, &

in-

introiuit in monumentum, & conspexit linteā [ibi] posita.

7. Et sudarium quod fuerat super caput eius, non cum linteis positum, sed seorsum inuolutum in vnum locum.

8. Tunc ergo introiuit etiam alter ille discipulus, qui venerat prior ad monumentum, viditque & credidit.

9. Nondum enim nouerant scripturam, videlicet quod oporteret eum à mortuis resurgere.

10. Redierunt ergo illi discipuli ad suos.

11. Maria verò flens stabat ad monumentum foris. Dum ergo fleret, incuruauit se in monumentū.

12. Et conspexit duos Angelos albatos, sedentes, vnum ad caput, & alterum ad pedes [illic] ubi iacuerat corpus Iesu.

13. [Qui] etiam dixerunt ei, Mulier, quid fles? Dicit eis, Sustulerunt dominum meum, nec scio ubi posuerint eum.

14. Et quum hæc dixisset conuertit se retrorsum, conspexitque Iesum stantem, nec sciebat Iesum esse.



RIVS QVAM huius textus expositionem aggrediar, historiæ series est explicanda, vt de Euangelistarum inter se consensu melius cõstet: quod erit facillimum si vt à Iohanne perscripta est, eandem sequamur, quum sit hæc, vt gesta sunt, omnia cum circumstantiis omnibus persequutus. Patet igitur ex iis quæ D. Marcus apertè dicit cum D.

Series huius
historiæ.

Ioanne consentiens, Mariam Magdalenam alias omnes mulieres præcessisse, quæque hic memorantur de illa sola intelligenda esse, sic ut reliquas mulieres nec in processione, nec in reditu offenderit: nisi fortè dicamus omnes illas simul in secundo Magdalenes è sepulchro ad Apostolos reditu conuenisse. Ex Ioanne patet etiam Magdalenem bis in urbem reuertisse: primò nimirum quum sub ipsam auram conspecto monumento aperto, furto sublato Domini corpus arbitraretur, & Apostolis, qui verbis eius fidem non adhibuerunt, illud nuntiasset, quam ad monumentum redeuntem Petrus ac Iohannes secuti sunt, quod etiam Lucas narrat, sed coniunctim cum aliarum mulierum nuntio: quæ tamen, tum ratione temporis, tum personarum, sunt distinguenda. Secundò, quum ipsi Dominus ipse ad sepulchrum stanti apparuisset: quod Marcus exponit, de primo eius tamen nuntio non facta mentione: Matthæo verò neutrius ipsius reditus mentionem faciente. Nostra igitur expositio circa Ioannis textum versabitur, in historia finem reiectis iis quæ à D. Marco 16. 10.

*Error eorū
qui Mariā
Magdalē
eandem esse
voluerunt
cum illa peccatrice
quæ
seruare Luca
ri, de tribus
mulieribus
vnam consti-
tuentes.*

& 11. & D. Luca 24. 11. narrantur.

Non tamen prætereunda leuiter est huius Mariæ Magdalenes à Marco hic & Luca 8. 2. qualitas expressa, miseram prius fuisse dæmoniacam, seu, demoniis septem obsessam, à quibus à Christo liberata fuerat. Et hoc allegoricè nonnulli intellexerunt, de peccatrice illa muliere dictum putantes, misero, inquam, scor-

scorto illo de quo Lucas loquitur cap. 7. 37. quemadmodum hanc eandem cum Maria sore-
 ro Lazari quæ pedes etiam Christi vnixerat
 confuderunt. Et ita de tribus mulieribus vnã
 fecerunt, contra sacræ historiæ veritatem, sine
 vllò fundamento, quum Euangelistæ sæpe de
 Domini miraculis in genere loquuti sint, o-
 missis tamen gestorum ac personarum circum-
 stantiis, vt Matth. 4. 24. & alibi. Nihilominus
 tamen quæ de hac muliere fuerunt nominatim
 recitata, nimirum tam propè Crucem cum ma-
 tre Domini stetit, Ioh. 19. 25. tam curiosè se-
 pulchrum obseruasse, Matth. 27. 61. & Marc. 15.
 47. quibus adde quæ hic fusius recitantur, o-
 stendunt ea quæ Dominus de muliere pecca-
 trice pronuntiauerat, nimirum magnam illam
 dilectionem testari ipsam ingens aliquod be-
 neficium esse consequutam ab eo quem tan-
 topere diligebat, rata etiam in hac Maria Ma-
 gdalene fuisse.

Nos verò missum facientes errorem illum, quo de tribus mulieribus vna facta est, age quæ
 hic ad nostram ædificationem obseruatu di-
 gna fuerint expendamus. Nec enim parui mo-
 menti est ex hac muliere sic notata discere,
 quid de nobis & aliis nobis sperandum sit in
 peccatorum apprehensione, quæ maxima lu-
 cta peccatorum est. Alij enim in hac tentatio-
 ne aut de seipsis, aut de aliis prorsus desperant:
 alij pœnitentiam sibi quum volent fingentes,
 ad suarum ipsorum conscientiarum admoni-
 tiones aures obturant, & in cœptis flagitiis

*Tripliciter
 magnopere
 peccatur à
 multis, pec-
 cata sua aue-
 aliorum ap-
 prehendenti-
 bus.*

pergunt. Alij de infinita Dei misericordia sermonem audientes, sibi que ante oculos proponentes summis peccatoribus maxima ex mera gratia condonata peccata, putà Dauidi, Manassæ, toti veteri populo toties, misero illi cum ipso Christo crucifixo latroni, publicanis & meretricibus, Matth. 9. 13. & 21. 31. tum miseræ huic dæmoniacæ & aliis non paucis, tanta Dei bonitate abutuntur ad contemptum vsque, vt in has voces erumpant, Peccemus, vt magis abundet gratia, Rom. 6. 1.

*Certissima
remedia
duo aduer-
sus mala su-
periora.*

*Prius, ne vn-
quam sepa-
retur venia
peccatorum
ab eorundē
resipiscētia
vt solent cō-
temptores,
nec resipiscē-
tia à remis-
sione, quod
faciunt, qui
nimium de-
sperant. Al-
terum ne si-
bi quis res-
piscendi,
quum volet
potentiam
promittat.*

Ecce horrendissima præcipitia, quibus hæc opponenda sunt remedia ex huius mulieris & aliarum similium exemplis eruta, nempe ne vnquam veram pœnitentiam, cuius vitæ in melius immutatio finis est, à peccatorum remissione distinguamus: quū à se inuicē nulla ratione diuelli queant: Deinde, ne hanc à nobis esse resipiscētia cogitemus, quum ab vno Deo vt speciale donū promānet, 2. Tim. 2. 25. & Ioh. 6. 44. ac proinde ne benemontem conscientia silentium indicamus, sed monentem audiamus, & ab ea sic excitemur, vt nunquam, si fieri poterit, procrastinemus, aut in aliud tempus vocem eius audire reiiciamus, à quo ad peccatorū agnitionem & meliorem frugem inuitabimur, Psal. 95. 8. ne fortè tandem oclusas fores inueniamus, Matth. 7. 23. & 25. 10. Quoniam verò in tanta peccatorum atrocitate & multitudine multi cadunt in desperationem, tum sunt in memoriam eiusmodi exempla reuocanda, non quidem vt in lapsibus

bus eorum ipsos imitemur (nā hoc esset aperte pœnitentiam à remissione diuellere) verum vt (quandoquidem non minora, sed fortasse vel maiora vel æqualia sunt peccata nostra illorum peccatis) eandem nobis à Deo gratiam concedi postulemus, pœnitendi nimirum & ad meliorem frugem redeundi, vt eandem cum ipsis misericordiam consequamur. Atque huius quidem rei exemplo nobis sunt ij ipsi quos nobis proponimus, ad eò quidem vt ipsa verba suppeditent, quæ in hunc etiam finem in sacris literis exprimentur: quæ faxit Deus diligenter & attentè legamus, cognoscamus ac meditemur dum viuimus, tum ad priuatum nostrum vsum, tum ad proximorum in talibus angustiis consolationem. Nam omnes in hac parte, nos verò præcipuè quibus hoc Deus imposuit munus alios docendi, monendi, corripiendi suo nomine, immo tempestiuè & intempestiuè arguendi & corrigendi, opus habemus à Deo postulare spiritum discretionis, vt non modò morbum cognoscamus ac discernamus, sed etiam ægotantis statum ac dispositionem, vt ex eo medicinam laboranti faciamus, legem induratis prædicantes, Euangelium autem corde contritis: peccatum quidem semper condemnantes, sed ex eo peccatorem eruere studentes.

Cæterum in hac muliere, etiam humanitus considerata, speciosum veræ amicitie testimonium, ex quo maxima pars hominum arguitur, nobis proponitur. Annon enim, obsecro,

*Rarissimū
exemplum
veræ amicitie
in hac
muliere er-
ga suū bene-
factorem*

iam ab omni æuo est illud verissimum, nihil inter homines vera & constanti amicitia rarius esse? Non tantum, inquam, in genere inter omnes inter se homines aliquo beneficio aut familiaritate iunctos, quæ statim omnia facile traduntur obliuioni, sed inter eos maxime quos vel sanguine cognationis vel affinitatis iure coniunctissimos esse oportebat. Testes huius rei aduoco filiorum erga parentes non tantum contemptum, sed summam etiam impietatem: querelas & odia capitalia & implacabilia patruelium & nepotum, fratrum & sororum, aliorumque cognatorum aut affinium ut non tantum acta publica, sed etiam tot familiarum euersiones, tum aduersus istiusmodi perditos & ingratos, coram Deo & hominibus, testimonium horrendum ferant: tum aduersum vos, procuratores & aduocati, qui mala fide querelas ac lites eiusmodi fouetis ac promouetis: tum aduersum vos Iudices nimium in admittendis istiusmodi litibus faciles, quas aut omnino reprimere, aut saltem, siquod illis fundamentum inest, breui sententia ex æquo & bono terminare, vos oportebat, antequam maius excitaretur incendium, quam plerumque tamen eas foueatis ac prorogetis, at tanquam bouem presentem mulgeatis, ne fugientem persequamini, multiplicatis incedentibus, non castigatis temerariis appellationibus, nec contumeliis & conuiciis aduocatorum & procuratorum, sic inter partes odia ferrentium: crebris interlocutoriis sententiis in-

feriectis, aut eiusmodi decreta facientibus, ut
 ex vnico multa pullulent. Atque vtinam ista
 quæ commemoro non tam frequenter accide-
 re, cum viduarum, & multorum orphanorum
 detrimento, totiùsque huius status & prope &
 procul summo dedecore conspiceremus, ut
 nisi crebris nostris monitionibus & hortatio-
 nibus maturè locus detur, magnopere veren-
 dum sit ne horrenda ruina nobis immineat.
 Illis omnibus opponitor huius mulieris sin-
 gularis amicitia exemplum, quæ tanto amore
 Dominum adhuc viuum, à quo fuerat ex tanta
 miseria liberata, sequuta est deinceps, ut ne
 mortuum quidem obliuisci potuerit: sed con-
 trà, vitam, mille periculis obiciens, nunquam
 quieuerit, quin sciret quid eius corpore fa-
 ctum esset, ut in mortuum amoris, quo viuum
 erat prosequuta, signa conferret: ex quo factò
 multos etiam hominum nomine indignos o-
 portet rubore perfundi, tantùm abest ut pre-
 tioso Christi nomine digni sint. Absit tamen
 superstitionis hic vllam ansam tuendarum stul-
 tarum deuotionum circa mortuorum curam
 præbeamus. Longo enim intervallo distant
 inter se hæc circa Domini corpus mulieris hu-
 ius cura (pro charitatis illius officio, quæ, ut su-
 pra diximus illis temporibus erat in vtu) & su-
 perstitiones à Deo per sacrosanctum verbum
 suum condemnatas, ad quod ut ad normam
 vnicam recti omnes nostræ cogitationes, ser-
 mones ac denique facta sunt exigenda.

Obseruandum insuper, non simpliciter hu-

Tam nāc

*starum mu-
diorem stu-
dium altius
manavit
quàm à na-
tura ipsorū,
fide nimi-
rum. Sed
Sp. S. in no-
bis pedeten-
tim opera-
tur: multas
ob causas
grauissi-
mas.*

manam fuisse hanc affectionem, ob acceptum tantum beneficium, ab eo quem tam insigniter dilexit: sed alio fundamento sanctificatam hanc affectionem, quòd hæc fœmina Domini sermones diligenter audiuiſſet, & animo infixiſſet, etſi non huc uſque promouerat ut cognosceret ipſum, ſicut ad ſalutem eſt cognoscendus, ſed eò uſque tamen, ut, quicquid aduerſus Dominum iudicatum & factum fuerat, condemnaret, eumque pro insigni Propheta Dei haberet, potente operibus & ſermonibus coram Deo & toto populo, ſicuti duo illi diſcipuli loquuntur, Luc. 24. 19. Per gradus igitur quorſdam & momenta cæcitas noſtrorum oculorum pellitur, cuius noſtræ regenerationis paulatim perficiendæ imaginem habemus in cæci illius, a Domino per gradus & momenta facta ſanatione, Matc. 8. 24. Nam alioqui fruſtra nos hortaretur Apoſtolus ad noua ſubinde fidei incrementa, Rom. 1. 17. quod etiam docet nos ille, Dominum rogans, ut fidem ipſi **adaugeret**, Luc. 17. 5. & Apoſtolus in Chriſto nobis adoleſcendum docens, Eph. 4. 13. Quinimo quandiu in his terris agimus, nemo poteſt mortalium in vitam perfectam ſpiritualem & ad menſuram ſtaturæ adulti Chriſti peruenire: ſed primùm in noſtræ regenerationis primordiis oportet nos lacte primùm, deinde cibo ſolidiore cibari, 1. Cor. 3. 1. tantum vitium in nobis & incrementi capiente nouo homine interiore, quantum exterior decreſcit, donec non amplius ex parte cognoſcamus, ſed

per-

perfectio nostra tandem impleatur, 1. Cor. 13. 10. quum Deus erit omnia in omnibus, 1. Cor. 15. 28. Ac sanè posset quidem vno momento Deus hoc opus perficere, quemadmodum non nunquam momento quosdam vehementer immutauit : sed præterquam quòd ex materia vehementer indomita, minimèque ductili constamus, vt in nobis denuò formandis, vt ita dicam, Dominus labore, qua de re toties per Prophetas conqueritur, ac nominatim Mich. 6. 3. & Luc. 19. 42. sic pedetentim in nobis operatur, vt melius ipsi nobis innotescamus, & gratiam eius diligentius expendamus, quam in nos guttatim tanquam rorem instillat, vt tantò melius nos subigat & molliat. Porro nobis hæc doctrina summè necessaria est, ad duo extrema perniciosissima fugienda : quorum alterum est, ne, si ad modum exilia & tenuia sunt initia nostra, despodeamus animum : (remedium sanè necessarium omnibus sibi nimium diffidentibus) alterum, ne si aliquos progressus fecimus, nimium nobis placeamus, quo remedio sibi nimium confidentibus opus est.

Quid igitur opus est factò ? Nempe nos ea quæ a tergo sunt obliuiscetes, oportet ad anteriora semper contendere, Phil. 3. 14. Nam si tantum beneficium hæc mulier à Domino est consequuta, licet tam malè cœpisset, quòd Dominum quæreretur, et si quæreretur vbi amplius nō erat, quid ipsum vbi est, & vt oportet, querentibus sperandum dicemus ? Modò tamen ne retrogradiamur, sed contrà non desistamus ab

Perseuerantia in nobis quod bene cœptum est augetur.

h. j.

co quærendo, huius mulieris exemplum sequuti, quæ hac ratione longè aliud quàm expectabat, reperit. Vt verò melius intelligamus quanta fuerit in hoc sancto desiderio perseverantia, etsi magna cum infirmitate coniuncta, age expendamus quantum de eius studio decedere potuerit, quòd Apostoli nuntium eius tam parui fecissent, Luc. 24. 11. Ex quo docemur nunquam mutuas collationes contemnendas, cum iis à quibus ædificari nos posse speramus: & ita quidem, ut licet minimè nobis ab iis ex animi voto satisfiat, sed aliquando potius fastidium adferant, à quibus gustum nobis iniiciendum putabamus, non tamen ab incepto desistamus.

Insignis eorum impudentia qui Iesum Christum Matri suæ primæ omnium apparuisse fingunt.

En verò textum quo magnopere forent offendendi Mariæ Virginis cultores, nisi maturè providissent. Fieri. ne enim posset, aiunt, ut Christus matre posthabita, Mariam Magdalenen tanto sit honore dignatus, ut priori personaliter apparuerit, sicuti Marcus narrat cap. 16. 9. Quid ergo boni illi Doctores Contemplationi itatuerunt? Euangelistæ, inquit, matris apparitionem omittere potuerunt, ut Petri & Iacobi, quas tamen Paulus Apostolus, 1. Cor. 15. 5. & 7. memorat. Ac sanè ipsi Euangelistæ testantur non fuisse à se perscripta singula quæ diebus illis 40. contigerunt, quibus in mūdo est à sua resurrectione versatus, Ioh. 20. 30. nū verò propterea cuius licebit novas apparitiones sibi ex arbitrio fingere? At quæcunque tandē excusatio aut effugium quæritur, næ
fi

si Iesus Christus Mariæ Virgini, aut vlli alij priori quàm Mariæ Magdalenæ apparuit, D. Marcus mendacij reus perageretur. Immo nec verum est, nec sit cuiquam verisimile, Euangelistas fuisse matris Domini nomen, si cum aliis mulieribus se in viam ad sepulchrum dedisset, silentio præterituros, quum aliarum quarundam præter Magdalenæ nomen expresse-
rint. Nos ergo fabulosis illis apparitionibus omissis, veris & indubitatis Dominicæ resurrectionis testimoniis, quæ à fidelibus, & omni exceptione maioribus, testibus nobis recitantur contenti, fallas omnes incredulorum inuentiones iisdem arguamus. Sanctam verò ac beatam Virginem, ne dubitemus quin ipse Dominus, in maximis illis suis angoribus, de quibus eam Simeon præmonuerat, Luc. 2. 35. à morte sua, & dū in sepulchro iaceret, sustentaret ac solatus sit: vt eandem quam ad Crucem, & dum ipse Spiritum emitteret, constantiam habuerat, retineret: Ioh. 19. 25. ac magnos illos gemitus & ululatus abominemur, & eximias illas, scilicet, picturas ab idololatriis, præter historiæ veritatem, & in sanctæ Virginis maximam contumeliam, inuentas, adeò cæci sunt magni illi Virginicolæ, detestemur: quum verisimile sit mortuo in Cruce Domino, & sancta virgine in ades Ioannis tunc assumpta, Ioh. 20. 25. quietam illam ibi remansisse: & ab illis protectionibus cum aliis mulieribus abstinuisset. Minimè verò dubitandum reor, quin ad dolorum suorum solamen ipsa inter primos

fuerit, ad quos, tum hic mulierum nuntius est perlatus, tum aliarum deinceps apparitiones: ut tamen ad has sacrosanctas historias nihil addiciendum sit: quum praesertim Spiritui Sancto visum sit, tum hoc loco, tum alibi, ex quo Dominus coepit sibi à patre commissum munus exequi, ratam admodum de Virgine Domini matre mentionem facere: prauidens spiritum erroris non desitutum, quin multa ludicra & impia confingeret, quod experientia tot seculorum est testata, & adhuc hodie testatur.

*Non omnis,
bona licet,
terra ad ger-
men educent-
dum, & fru-
ctum ferent-
dum aequali-
ter: bono se-
mine acce-
pto est dispo-
sita.*

Porro non ita negligi hunc nuntium Dominus passus est, quin ab eo quidam excitarentur. Ex quo exemplo discimus, non modò bonum semen non semper in bonam terram incidere, quod ipse Christus apertè docuit in parabola feminis: sed etiam bonam terram, quæ illud excipit, non semper eadem à Spiritu sancto mensura præparatam esse, ut bona sit, nec æqualiter aptam esse, ad germinandum, fructumque adferendum. Hoc duobus istis discipulis contigisse videmus, qui, aliis aut dormientibus, aut adhuc nimio stupore attonitis, ad sepulchrum excurrerunt, sed alter altero celerius. Quin etiam, qui prior ad sepulchrum aduenerat, illud inspicere sat habuit, qui verò posterior venit aliquid amplius egit, ipsum etiam sepulchrum ingressus. Ex quo monentur qui bene coeperunt, alacriter pergere: qui verò tardiores fuerunt sibi ipsos stimulos addere, ut tandem etiam, si fieri potest, eos qui bene coeperunt anteuertant. Ac verò non iam in sepul-

chrum nobis Hierosolymam excurrédum est, mortuorum nempe domum, qua de re mulieres illas obiurgantem Apostolum audiuius, Luc. 24. 5. sed in cœlos, in quibus est Dominus in æternum viuens, Coloss. 3. 1. in quibus fides per verbum & Sacramenta veluti ascendens, nobis eum contemplandum & amplectendum exhibet.

Sequitur apud historiam Iohannem in ipsum sepulchrum intuentem & incuruatam, vidisse lintea in quibus Dominus sepultus fuerat seorsim posita: quod pluribus verbis adhuc sequentibus versiculis exponitur, quum lintea quibus corpus inuolutum fuerat seorsim posita, sudariumque (nimirum linteum quod super caput eius fuerat, vt ex alio Iohan. Euang. loco, de Lazaro loquente, patet, Ioh. II. 44.) seorsim inuoluta in vnum locum, dicuntur. Quæ quum tam expresse recitentur, & possint etiam ex more quem Iudæi adhuc retinent mortuos sepeliendi sic esse comprobari, quis non miretur reliquias illas, non modò, vt pleræque aliæ sunt, falsas, sed etiam bruta ignorantia excogitatas Sancti illius Sudarij, quod vocant, ad quod visendum miseri idololatræ prius Cameriacû in Sabaudia, iam verò Thuringum in Pedemontio certatim excurrunt: in quo, mangones illi miserarum animarum veneno illo infectarum, efficta hominis à fronte & à tergo imagine, à capite ad calcem, miseris persuadent corporis Domini effigiem, in illo linteo sepulti, sic expressam remansisse? O in-
.h. iiij.

Ridicula idolatria eius quod falso dicitur Sancti Sudarium.

signem impudentiam, quam ipse textus Euan-
gelistæ tam disertè coarguit!

*Tres ratio-
nes propter
quas Domi-
nus voluit
esse a in-
quibus se-
pulchro fue-
rat in sepul-
chro rema-
nere, & quo
modo dein-
ceps vesti-
tus apparuit
viri.*

Verùm hoc omisso tam aperto tamque stu-
pido commento, age potiùs expendamus cur
illa linthea relinquere Domino visum sit, & qui-
dem ita seorsim in sepulchro posita. Primùm
igitur, ut veterum in hunc locum explica-
tiones allegoricas præteream, aio Dominum
sepulchro egredientem etiam voluisse mortis
propria tegumenta deponere. Deinde resur-
gentem, non denuò vitam hanc animalem vi-
cturum (in qua tum honestas, tum necessitas,
vestiri corpora postulat) sed iam tum vitam
spiritualem acturum, cœlestem & tali necessi-
tati exemptam, cum solo suo corpore, mox o-
mni gloria & splendore decorando resurgere
voluisse: quod factum esset tū & talis apparuis-
set, nisi ex mera gratia quadraginta dies illos
voluisset inter suos in mundo conuersari, tam
ad suæ resurrectioni fidem faciendam, quàm
ad suos discipulos confirmandos, non ipso-
rum tantummodo commodo, sed totius Ecclesiæ ad
finem usque seculorum duraturæ, Act. 1. 12.
Quapropter, etsi non luserit suos vana ima-
gine, quum toties ipsis intra quadraginta die-
rum illorum spatium apparuit, & quidem mo-
dò hac, modò illa forma, (nam id si esset, non
sufficerent eiusmodi visiones probandæ eius
in vero suo corpore resurrectioni) non tamen
id necessitate, quemadmodum etiam nec cum
necessitas eodem tēpore cū discipulis edere
coëgit: sed ex speciali & peculiari dispensa-
tion

tione fecit, ob eas quas superiùs causas attigimus. Terriò voluit hæc lintea sic seorsim inuoluta in sepulchro deposita iacere, quò fur-
tim ablati corporis opinio tolleretur: quum
nec verum sit, nec veri similitudinem habeat
tale quid aggressos, & in primis discipulos,
(quod à Sacerdotibus deinceps impositū est
ipsis factum) tantum otij habituros, corpus il-
lud exuendi fasciis ac linteis, multòque minus
ea sic complicandi & seorsim ponendi.

Habetis hac in parte Domini mentem. At-
que adeò noster Euangelista testatur D. Iohan-
nem in sepulchrum etiam ingressum, post so-
cium suum Petrum, & diligentius animaduer-
uersis linteis sic seorsim inuolutis ac disposi-
tis, vt per orium, tū cœpisse credere non fuis-
se furto sublatum, sed verè surrexisse, præ-
sertim sepulchrum sepientibus custodibus,
non sanè aliò ipsum asportaturis, sed potiùs ne
ex loco in quo positus erat egrederetur pro
viribus impedituris. Non idem verò de Petro
dicitur Luc. 24. 12. sed è sepulchro digressum
esse, factum illud apud se mirātem: ex quo di-
scimus Deum in suis operari secundum men-
suram quam ipsi visum est, quum Iohannes
hinc recesserit quàm Petrus confirmatior: cu-
ius tacita illa admiratio dubitationem animi
prodit, etsi verisimile est in hanc illum potiùs
quàm illam partem inclinasse, nempe Domi-
num potiùs surrexisse quàm furto sublatū,
aut asportatum aliò fuisse. Nec verò dubitan-
dum quin duo illi discipuli, & Maria Magda-

*Quis factū
sit vt Iohā-
ne resurre-
ctionem cre-
dente, Pe-
trus adhuc
dubitarit,
Maria verò
Magdalene
in incredu-
litate per-
manserit.*

lena, de hac re inter se disputarint. Ac Mariam Magdalenam historia sequens ostendit in sententia perseverasse, Domini corpus aliò fuisse asportatum: Dium autem Iohannem contrà tunc suscitatum à mortuis credidisse: Petrum contrà dubium animi fuisse: iis quæ sic disposita lintea prædicabant opponentem quæ humana ratio dicit, fieri non posse nimirum ut mortuus à seipso resurgat. Huius mali causa sequente vers. 9. exponitur his verbis, *Nondum enim nouerant scripturam, dicentem, oportere ipsum à mortuis resurgere.* Huius, inquã, mali causa, quòd Iohannes nimirum suscitatum non credidit antequam sepulchrum ingressus, lintea sic inuoluta & seorsim posita vidisset: Petrus verò dubius adhuc hæsit, Maria verò Magdalena in incredulitate perrexit, à Prophetiarum de Domini resurrectione ignorantia manauit: quæ sunt insignes, Psal. 16. 10. Psal. 110. 1. Esa. 53. 8. & 55. 3. Quibus adde, nostræ redemptionis finem, putà vitam æternā membrorum Domini, suum effectum manente in morte ipsorum capite, consequi non posse. At discipulorum mentem falsa illa opinio Regni Messie in terris excecauerat, non modo quum hæc contigerunt, sed etiam probè cognita & credita Domini resurrectione sicut, ex Act. cap. 1. 6. apparet, adeò verum illud est Apostoli dictum, Rom. 8. 7. Intelligentiam carnis Deo subiici non posse.

*Exemplum
etiam illo-*

Multa igitur nobis hic discenda: primùm quidem à Deo supplicibus votis hanc gratiam dari

dari nobis postulandū, vt naturalem sapien-
 tiam loco stultitiæ, quum agitur de scientia
 salutis, habeamus. Deinde quum sic dispositi
 fuerimus, adeunda Sacrarum scripturarum
 schola est, vt eum ibi quæramus, nec vspiam a-
 libi, qualis vult à nobis ad salutem agnosci,
 Ioh. 5. 39. Act. 17. 11. & Ioh. 17. 3. Tertiò tria ho-
 minum genera nobis hic proponuntur, & qui-
 dem eorum qui non malitiosè, nec pertinaci-
 ter, veritati resistunt, vt Sacerdotes de quibus
 agitur, Matth. 28. 11. Alij igitur ad aliquam qui-
 dem Iesu Christi cognitionem venerunt, sed
 progressus in ea maiores facere nequeunt, ab-
 iectis suis erroribus, nisi temporis spatio, & diu
 multumque luctati: cuius rei exemplum esto
 Maria Magdalena, & reliquorum discipulo-
 rum, vt deinceps visuri sumus, pars maxima.

Alij, Petrum in hac historia sequuti, ita cre-
 dunt, quæ credenda quidem vident, vt tamen
 adhuc hæreant: alij, Iohannis exemplo, singu-
 lari Dei beneficio, progrediuntur vltius, ve-
 ritati cedentes, & eam semel amplexaram se-
 quentes. Secundum quam hominum distin-
 ctionem, Pastores præsertim decet commissas
 sibi ouiculas regere: immo & singulos Chri-
 stianos inter se viuere: se ex charitatis lege ad
 eos accommodantes qui in fide infirmi sunt,
 vt cum omni lenitate & patientia ipsos ædifi-
 cent, Rom. 14. 1. & 2. Tim. 2. 24. & 25. vt omni-
 bus omnia fiant: exemplum imitati ipsius A-
 postoli, dum modò nec veritas, nec conscien-
 tia, lædantur, 1. Corinth. 9. 22. & quidem adhuc

*rum diuer-
 sorum gene-
 rum homi-
 num qui
 nec inimici
 sunt verita-
 tis nec hy-
 pocrita.
 Aduersus
 hac mala
 remedium,
 & pastores
 hac in par-
 te officium.*

lōgè perfectiūs Domini nostri Iesu Christi exemplū sequuti, tum in hac historia tota erga suos discipulos prorsus inexcusabiles, tū in totius vitę suę ac muneris curriculo, vt tamē nec veritatis contumacibus hostibus, nec aliis istiusmodi profanis hominibus sit vnquam adulatus, quos saepe vt hypocritas & dealbatos parietes increpauit, Matt. 23. & alibi. Sic ante Christum Iohannes Baptista, progeniem viperarum, etiam ad se venientes, dixerat. Sic Apostolus testatur se ne ad momentum quidem ipsis cessisse, Gal. 2. 4. & 5. quum tamen se cōsueque infirmis accommodasset, vt Timotheum circumcideret, Act. 16. 3. Verū enim uerò peritissimos quosque nostrę salutis nosse oportet, in se inesse plus ignorantię semper quàm scientię, ac proinde doctores ipsos in Domini schola discipulorum nomine censendos: sicuti minimè dubium est quin licet verè D. Iohannes credidisset, ac proinde non sit inter eos reponendus de quibus in genere, Marc. 16. 11. & Luc. 24. 11. loquuntur, Domini tamen Iesu Christi coram apparentis conspectu valde sit confirmatus.

*Exemplum
in Maria
Magdale-
na quantū
homines la-
borent in
conciliāda
fide cum
sensu suo
nat.uali.*

Ad Mariam verò Megdalenam reuertamur quam historia recitat in sua opinione perseueratē, flentem sterisse ad sepulchrum, inter ea dum ea gesta sunt quę de mulieribus aliis audiuius, dum ipsa in urbem excurrerat, & cum Petro ac Iohanne reuersa fuerat. Quapropter hæc Angelorum visio, & Domini ipsius in propria persona apparitio, prorsus alia est ab ea

ab ea quę de aliis mulieribus quę tū erāt in re-
ditu recitata est. Et istud diligenter obseruā-
dum, vt huius historię series intelligatur, quod
hac in re multi ex veteribus & recentioribus
nō parū sint hallucinati. Maria Magdalena i-
gitur cum fletibus ad sepulchrum permanet.
ex quo discimus in quot difficultates & angu-
stias præcípites nos ipsos demus, etiam quum
bene agere meditamur. Quod non tantum de
iis dictum volo quos naturalis cæcitas deti-
net, sed etiam de iis quibus Deus aliquam suę
cognitionis notitiam dedit, & tamen à sensu
suo proprio adhuc reguntur, quod huic mu-
lieri contrigisse videmus. Nec enim ex perdi-
torum illorum erat incredulorum numero,
qui seipsos ne Christum Iesum cognoscerent,
excæcabant, quem contrā Dei Prophetam ex-
cellentissimum cognouerat, quicquid aduer-
sus eum erat peccatū toto pectore abomina-
ta: & miro affectu & cura erga mortui corpus
prodebat obsequium quo viuum obseruarat,
à sepulchro nolens recedere quin sciret quid
esset ipso factum, & quidem ingentibus gemi-
tibus quā lugeret amissum testata. At quis
eam in has angustias redegit, quis dolorem e-
ius auxit, nisi quòd malè Magistri retenta do-
ctrina, in sola eius morte inhæret? & sensus
humanus eam impedit quominus credat quæ
linthea illa sic separatim posita palàm prædica-
bant, nempe non fieri verisimile eum quem
quærebat, & quem in hoc sepulchro deponi
viderat, vt expressè notarunt Euangelistæ,

Matth. 27. 61. & Marc. 16. 47. & Luc. 23. 55. furto
 fuisse sublatum? Quis vero non est, obsecro, in
 ipsius Dei etiam Ecclesiæ gremio, similiū,
 ne dicam longè grauiorum lapsorum reus?
 Nam vt immensum eorum numerum omit-
 tam, qui pulchrè secum agi putant si Christi
 & Christianorum nomen sibi placeat, & qui-
 dem sanè non per hypocrisin, doctrinæ tamen
 & vitæ morūque Christianorum planè ru-
 des & imperiti, vnde quæso maxima pars hæ-
 reseon manauit, ex quibus postea mille hor-
 rendæ confusiones oriuntur, nisi quòd cum
 stulta hominum ratione confunditur Dei sa-
 pientia, quam reuelauit in sacrosancto suo
 verbo, in se quidem clarissimo & lucidissi-
 simo, sed pereuntibus tantum recto, & qui-
 bus Deus huius seculi mentes excæcauit, 2.
 Cor. 4. 3. & 4. Vnde verò tādē tot labores &
 molestiæ in quas multi præcipites feruntur, &
 quibus tandem corpora cum animo pessun-
 dantur, nisi aut ex ignorantia inexcusabili, aut
 à promissionum Dei diffidentia, quòd in Dei
 sacrosancto verbo non sint eruditi? Sola igitur
 sua culpa tandem homines in has misérias
 lapsi pereunt, cui vt occurratur, orandus est
 Deus, vt si veritatis suæ gustum aliquem nobis
 dedit, dociles etiam reddat vt in diēs profectus
 maiores faciamus, stultitiam nostram eius cœ-
 lesti sapientiæ subiicientes, & affectus omnes
 nostros coërcentes aduersus omnem diffidē-
 tiam ac terrenarum rerum sollicitudinem, vt
 sēper hilares & contēti data nobis hereditate,
 sola

sola nobis necessaria, & nunquam eripienda,
Luc. 10. 42. vitā cum sanctimonia traducamus.

Hic verò ex contrario Dei bonitatem im-
mensam perpendamus, minimè quidem pec-
catis nostris indulturi, & in iis delicias nobis
facturi: sed animos collecturi, si hactenus aut
pares aut maiores adhuc fuerunt nostri lapsus
quàm huius mulieris: modò patiamur Deum
in nobis pedetentim operari. En igitur rem vt
gesta est. Dicitur Maria non semper flens stetit
se ad sepulchrum, sed in illud se inclinasse in-
specturam quod duo discipuli se vidisse nun-
tiauērant, lintea nimirum sic inuoluta ac scor-
sim posita. Quis autem eam ad hoc impulit,
nisi quòd quæ prius neglexerat apud se dili-
gentiùs expendit? At quid illa, quæso, mere-
batur? Næ, vt illi quoque resurrectionis Do-
mini præcones oculis ipsius subducerentur.
Contra tamen, ecce pro præconibus natura
muris duos cœlestes conspicit præcones, cœli-
tus ad eam non solum docendam, sed etiam
consolandam missos, etiam si nec ore quidem
essent loquuti. Altero enim Angelo stante ad
caput, altero verò ad pedes loci in quo iacue-
rat corpus Domini; nonne his vocibus ipsā
compellare videbātur, Quid hic agis? Is quem
quæris amplius hic non est: En vbi caput eius,
en vbi pedes iacuerunt. Alibi igitur ipsum
quære, nec flendo hic tempus ducito. At, quòd
non esset his verbis satisfactum ipsi, procul du-
bio excepturæ se reuera id ipsum satis ani-
maduertere, & ideò maiorem inde sibi luctum

*Quæ mi-
nus fidei
habuit
quàm ali;
ex infirmi-
tate tamē,
non rebel-
lione, specia-
lem gratiā
supra o-
mnes est
consequen-
ta.*

surgere, scire cupienti quo loco positus esset, Dominus ipse velut seipsum gratia & misericordia superans, eam tanto honore dignatus est, vt omnium primæ se ipsum coram inspicendum præbuerit, Mare. 16. 9. vt omni sublato scrupulo & animi anxietate fletus ac gemitus eius in summum gaudium & consolationem verterentur. Qua in re præiuit Dominus nobis exemplo, docens de infirmis minimè desperandum, nec indiscretè durius habendos, sed patienter erudiendos, Rom. 14. 1. & 2. Tim. 2. 25. quum sæpe contingat eos tandem à Deo maximis donis exornari.

Sic plerunque Deus agit cum liberis suis, quibus hanc gratiam concedit, vt quum suas cogitationes in deuia sequuti aberratint, morsus conscientiæ audiant, & quæ prius neglexerant, aut nimis leuiter præterierant, diligentius pensitent & attendant. Tunc enim nisi per seipsum steterit, pro errore priore, aut etiam maiore sequuturo, cognoscunt qua in re decepti sint, & quod maius est, emendant, vt etiam in suum commodum superiores errores vertant, & stultitia sua ad Dei sapientiam veniant. Non aliter hæc mulier, conscientiæ morsu excitata, inspexit in sepulchrum, quæ in eo esse prius audiuerat consideratura, & ecce, viuum eum offendit quem inter mortuos tam pertinaciter quærebat: & eo quod resurrexisse ipsum sibi persuaderi non sinebat, de resurrectione ipsius longè certior facta est: tam bonus erga suos Dominus: tam in viis, qui-

quibus eos ad se trahit, admirāndus. Porro meminimus eiusmodi mutationes esse à Domino priore nobis occurrere, quod ex hac historia plus satis est conspicuū: sicut olim à Nathano Dauidē à veterno excitatū legimus: & Petrum Domini aspectu. Sic Dominus prior Adamū latitantem quæsiuit, Genes. 3.9. quod in se veri Dei filij quoridie experiuntur. Contrā propriæ conscientiæ morsus extinguentes (quo plerunque morbo superbi & ambitiosi homines laborant, quibus cum Dauide dicere, Peccaui, & cum Petro flere amarē, dedecus est) tandem in sensum reprobū traduntur, Rom. 1.28. pedetentim eorum conscientia putrescente, donec tandem cauterio rescetur, 1. Tim. 4.2. Talium exempla omnibus seculis videmus, ac præsertim infelici hoc nostro, siue falsæ doctrinæ seminatores, de quibus agit Paulus, Tit. 4. 11. siue denique mores plerorumque hominum deprauatissimos & corruptissimos inspicias.

Superest igitur nobis hæc apparitio pluribus explicanda, sed prius enodatis tribus in hunc textum incurrentibus difficultatibus. Harum prior est Mariam Magdalenam ad Angelorum aspectum non dici fuisse attonitam, sed vtrò & confidenter ipsos alloquutam, quasi duos homines fortuito occurrentes cōpellasset: altera quòd inter loquendum dicitur se auertisse, vt retrò aspiceret, nulla tamen eius rei causa addita: tertia, quòd Iesum Christum nec ex vultu, nec ex sermone agnouerit, De

*Quomodo
Maria Ma
gdalena cō
fidenter
Angelos sic
alloquitur.*

priore illa, qui simpliciter aiunt Angelis instar hominum apparentibus, Mariam non obtupuisse, non omnino satisfaciunt. Nam præterquam quòd vestimenta alba & splendentia nouum aliquid & insolens illi repræsentabāt, nemine ex quo ad sepulchrum stererat illud ingresso, & inde profectis Apostolis, qui prius illud ingressi fuerant, quānam simpliciter homines esse cogitasset? Et tamen eos non aliter quàm homines alloquitur. Aio igitur, licet quæ superius attigi cogerent quodammodo hanc mulierem aliquid plus quàm humanum in iis quos intuebatur agnoscere, nihilominus tamen sic ingenti illo desiderio sciendi, quid Iesu Christi corpore factum esset (quod eius tum ad Angelos, tum ad Iesum Christum sermones produnt) occupatos omnes ipsius sensus fuisse, vt nihil aliud cogitaret: quemadmodum sæpe contingit vehementibus illis affectionibus sic visum, auditum, cogitationes in vnum quid occupari, vt vnum hoc sensus videant, audiant ac cogitent. Quæ ex re discimus hanc mulierem longè superasse discipulos, & socias suas, immo tum quidem omnes homines, amore illo insigni & sancto quo Iesum Christum Dominum, licet, vt ipsa putabat, mortuum prosequeretur. Et quidem tam gratus Domino hic amor, etiam multis natus plenus, vt prima sui apparitione à sua resurrectione mulierem hanc dignatus, eandem esse mortalibus exemplo voluerit, & discipulis & aliis omnibus incredulitatem ac torporem
velut

porem exprobrare: sic ratum faciens quod ante dixerat, à violentis, sancta nimirum violentia, Regnum cœlorum rapi, Matth. II. 12. Quid futurum igitur putamus tanta nostra glacie: quid torpore tanto quo sic ab officio procul remouemur, vt si quæ bona cognatio nostris mentibus à Domino iniiciatur, vel vnus muscæ volatus vel atomi conspectus eam eripiat, vel plerumque prorsus obliuione sepeliat?

Altera difficultas, quod Maria, retro aspexit, sic à quibusdam soluitur, vt dicant Angelos intuentes Dominum pone Mariam, honorem ipsi aliquem exhibuisse, quo animaduerso Maria retro aspiciendi occasionem habuerit. Sed ista leuia, non meliore nixa fundamento, quàm quod sibi quidam persuaferunt, Iohannem noluisse Petro priorem honoris gratia sepulchrum ingredi. Magis igitur est verisimile, Mariam Magdalenam accedentem Dominum quodammodo sensisse, quod plerunquæ fit, nisi fortè quis ita leui passu incedat vt animaduerti non possit. Fateor tamen Dominum etiam hanc mulierem docere voluisse, se licet instar cuiusuis alterius hominis ipsi appareret, tamen alio quàm hortulani loco habendum, quod Angelorum ipsorum Dominus esset agnoscendus: & hoc ab ipsa deinceps accuratè expensum fuisse non dubito.

Quod ad tertiam quæstionem attinet, quæ factum sit vt Iesum Christum hæc mulier nec vultu, nec voce agnouerit, aio licet vt supra diximus, Iesus Christus à resurrectione idem

Qua occasione Maria Magdalena alloquentis Angelos retrò se conuertit.

Quæ factum sit vt Maria Magdalena Christum non agnouerit,

*me ex facie
mes ex voce.*

quod antea corpus habuerit, essentiae nimirum ipsius ac proprietatum essentialium respectu: iam tum tamen spirituale factum fuisse, putà qualitatibus iis exornatum quas hodie mente assequi non possumus, quod pluribus deinceps, dante Deo in historia apparitionis duobus discipulis factae, sumus exposituri. Absit igitur cogitemus varias illū induisse formas & in hanc se aut illam vertisse, quod de Protheo suo Poëtae fabulantur: sed quid mirum si dixerimus ipsum retenta forma sua, statura & voce consueta non tamen agnitum, cuius erat in potestate, ut qui sensus nostros crearet, eosdem extraordinariè retinere, ut oculi ad videndum, aures ad audiendum non aliam vim habeant quàm eam quam ipsi visum est? Nec verò nunc ita primùm Deus operatus est in quibus voluit, vel ipsis illis detestandis Sodomitis testibus, Genes. 19. 11. & Regis Syriæ militibus, 2. Reg. 6. 18. & 20. Sed ne procul abeamus, idem duobus illis discipulis, eodem die in vicum abeuntibus, contigisse videmus, sic Domino ipsorum aures & oculos retinente, ut ipsum non agnoscerent, Luc. 24. 16. & 31. ut nulla sit in Domini persona transformatio nobis imaginanda.

Utinā verò Dominus, quē verè dicere possumus ratione cognitionis personae ac veritatis ipsius, nō sesquidiei spatio fuisse veluti sepulchro conditum, sed tot seculis, quum nostro tempore pro illa sua verè immentā misericordia, veluti denuo resurgere voluerit, seque nobis

bis in sacrosancto verbo suo conspiciendum, longè adhuc excellentiore modis omnibus ac diuiniore ratione quàm illa præsentia sua corporea in hoc mûdo discipulis patefacere, mēris nostræ oculos illuminare dignetur, vt verè ipsum agnoscamus, vera & viua fide amplectamur, dum alterum eius aduentum expectamus, quo verè ac perfectè tum corporibus tum animis facti participes virtutis ac gloriæ resurrectionis ipsius, præparatum ab ipso nobis ante iacta mundi fundamenta Regnum feliciter possideamus, Amen:



HOMILIA SEXTA.

Marc. 16.

10. *Illā profecta annuntiauit iis qui cum ipso fuerant, lugentibus ac flentibus.*

11. *Illi verò quum audiissent eum viuere, & conspectum fuisse ab ea, non crediderunt.*

Iohan. 20.

13. *Dicit ei Iesus, Mulier, quid fles? quem queris? Illa putans hortulanum esse, dicit ei, Domine, si tu ipsum asportasti, dicito mihi ubi posueris eum, & ego eum tollam.*

16. *Dicit ei Iesus, Mária, illa se conuertens dicit ei, Rabboni, quod dicitur, Preceptor.*

17. *Dicit ei Iesus, Ne me tangito: Nondum*

1. 13.

enim ascendi ad patrem meum: sed proficiscere ad fratres meos, & dic eis, Ascendo ad Patrem meum, & Patrem vestrum, & Deum meum, & Deum vestrum.

18. *Venit Maria Magdalene annuntians discipulis quod vidisset Dominum, & [quod] ea sibi dixisset.*

*Ineffabilis
Dei bonitas
in eo quod
Apostolorū
Apostolam
facit eam
qua in cre-
dendo dissi-
cilior erat
visa.*



SUBSTITIMVS die proxima Dominica in sermonis initio quem Dominus habuit cum Maria Magdalena, magni sanè momenti, quod, dāte Deo, sumus ex eius expolitione cognituri: quandoquidem eius conclusio ac finis fuit, non tantum simplex mandatum, quod aliae mulieres acceperunt, Apostolos de sua resurrectione certiores faciendi: sed quod longè ulterius eam progredi voluit, ut duplex hic beneficium quo affecta est sit nobis agnoscendum: primum quod illi omnium primæ corā in propria persona se conspiciendū dedit, Marc. 16. 9. alterum, quod eā ipsorum Apostolorū Apostolam, ut ita loquar, cōstituerit, ex qua tū ipsi tum nos etiam deinceps huius Resurrectionis & Ascensionis Dominicæ finem ac scopum disceremus. Non igitur ideo mulierem illam interrogavit, ut ex ea disceret, quid ibi rerum ageret, aut quem quæreret. Nec enim qui omnium peritus est ab illa moneri opus habebat, Ioh. 2. 25. quibus etiam adde satis parere ex eius responso, Dominum superuenientem illi, cum Angelis loquen-

quenti, quid ipsis respondisset audiuisse. Mulierem igitur interrogat, ut verba eliciat, quò Domino ipsi patefacto, proprio nomine illam appellante, tantò meliùs errorem suum agnosceret, ac tam pertinacem opinionem suam adhuc inter mortuos ipsum iacere, aut furto sublatum & alio asportatum condemnaret. Perinde fuit igitur ac si sic eam compellasset: amorem equidem tuum illum, quo me hætenus præ reliquis omnibus prosequuta es, & adhuc prosequeris, laudo probòque: sed quandoquidem aliis meæ resurrectionis testimoniis fidem non adhibuisti, nunc saltem oculis tuis crede. En enim quem tam constanter quæsiuisti, quémque non reperisses, ubi & quomodo ipsum querebas, sponte tibi in propria persona occurrentem. Hic igitur habemus insigne testimonium accurata consideratione dignum tum in hac muliere, constantis amoris aliorum erga alios, tum in Domino bonitatis immensæ, suorum infirmitates sic tolerante, ut etiam eos requirat & longè maiora ipsis quàm sperare audent, concedat, tum etiam quum ut ita dicam, quid agant, nesciunt. Quid igitur facturum putamus, si corde nostro sic nos ipsius nomine interpellante, Quærite faciem meam, ipsi, Davidis exemplo, Psal. 27. 8. pareamus, eúmque ubi, & quomodo vult, requiramus?

Cui verò se Dominus conspiciendum præberet? Flenti nimirum, non autem Hierosolymis latantibus, ac quasi se bene gesta cachinnan-

Cur plerumque Deus velit suos latere dum

*impj gau-
dio exultat.*

tibus, quos sua longè fefellit opinio, non ita multò post implente Domino quod discipulis prædixerat, his apud Ioannem 16. 20. verbis, Amen. amen dico vobis, flebitis & lamentabimini, mundus autem gaudebit: vos verò tristes eritis: sed tristitia vestra euadet in gaudium. Etsi igitur veri gaudij occasio penes solos Dei filios sit, Rom. 5. 3. ad quod eos ipse Dominus in maximis & asperissimis afflictionibus inuitat, Matth. 5. 12. tamè, ob multas rationes manifestissimas, fletus ac gemitus Dei filios in hoc mundo potius quàm gaudium & lætitia commitantur: primùm quòd hoc omnibus à natura insitum est, etiam sapientissimis viris, cuius rei fidem historiæ sacræ ac prophanæ faciunt, vt modum in prosperis seruare nequeant, & idèd necesse sit in summum nostrum commodum res prosperas aduersis temperari: adeò vt amarum dulci præponderet: verere illo tritòque prouerbio locum hic habente, rebus prosperis, sopiri, aduersis homines excitari, Deinde, quæso, an illum qui hydropotæ potum ad satietatem præberet medici nomine dignum iudicaremus? Quinam verò sine castigationibus tandem saperemus? Tertiò: si secus accideret, quid filiorum Dei patientia fieret, hac ratione promissiones suas ratas facientis, Rom. 5. 3. Iacob. 1. 3? vbinam illa esset membrorum cum suo capite conformitas? 1. Pet. 4. 13. 2. Timoth. 2. 11. quomodo interni hominis renouatio perficeretur, nisi corrupto externo homine? 2. Cor. 4. 16. Denique quomodo glorificaretur

retur Dominus in suorum infirmitate? 2. Cor. 12. 9. Inseparabili nexu igitur hæc duo inter se cohærent, amor Dei paternus, & castigatio, Heb. 12. 6. Apoc. 3. 19. Crux ac vera pietas, 2. Tim. 3. 12. Amicitia Dei & inimicitia mundi, Iacob. 4. 4. At quæ tandem nostra spes si solæ nobis aduersitates in partem cadunt? quid fiet nobis si virga semper in dorsum nostrum incumbat. Itaque tribus modis Dominus prouidit. Primum nunquam sinens suos supra vires teneri, 1. Cor. 7. 13. Deinde omnibus aduersis modum ponens vt expedit, Psal. 25. 3. Terriò supra cælos omnes euehens, quos in inferorum barathrû detrussisse videbatur. Nam, ait Paulus Apostolus, 2. Cor. 4. 8. In omnibus premimur, at non coarctamur, hæsitamus, at non prorsus hæremus: persecutionem patimur, sed in ea non deferimur: deicimur, at non perimus.

Et quidem huius rei in hac muliere speciale nobis exemplum proponitur: cuius etsi tristitia non ex satis puro fonte manabat, seque ipsam inopia fidei fatigabat, tamen Dominus eam non esse ex malitiosorum incredulorum numero cognoscens, sed contrà summo ipsius ardere amore, à quo tantum beneficium erat consequuta, sponte ipsam requisivit, seque conspiciendum præbuit, quæ sita tristitiæ ipsius occasione: remedium nimirum illi allaturus vera solidâque consolatione, licet initio Maria conspectum illum exceperit in infirmitate pergens: nondum quippe agnouerat ipsam se

*Quomodo
in aduersis
Domino sic
responden-
dum, quum
à conscientis
nostris ve-
lut ore no-
stro respon-
sum postu-
lat cur in
tali statu
simus.*

alloquentem. Quantò igitur alacriorem ac promptiorem fore Dominum in iis consolandis sperandum est, quibus hanc gratiam concedit, ut ipsos vltro compellati Domino, causamque à conscientiiis ipsorum lachrymarum & fletuum sciscitanti melius respondeant? En quæ apud se quæcunque tandem ingruat afflictio quilibet cogitare debet, quasi Dominum propriis auribus ita se compellantem audiret. Vnde miser hoc in statu iaces? quî fit ut tantopere afflicteris? Cui sic ilico respondendum, Næ tua Domine hæc est voluntas, cui, ad Iobi exemplum, acquiesco, Iob. 29. 37. & quidem conscientia nostra nos in nullare accusante aut condemnante. Quid si verò propter peccata nostra castigemur (quò sanè deueniendum est nobis si officium quod Deo debemus, ac sepe nimis si quomodo nos erga proximos gesserimus expendamus) quid Domino conscientiam nostram interroganti, quî sic affligatur, melius responderimus quàm quod ipse nobis David suppeditat, Quoniam peccaui, Domine, agnosco, fateor: at ne me Deus, alia quàm paterna virga castigato, ne intres in iudicium cum seruo tuo, licet officio suo tam malè defuncto. Mihi cor illud contritum & abiectum largire, ut tibi feram acceptum. Quid Dominus autè ad hæc responsurus est? Nèpe quod Dauidi per Nathanum, 2. Sam. 12. 13. & quod ipse Dauid agnouit, Ps. 32. 5. his verbis, Peccatū meum tibi notum feci, & iniquitatem meam non abscondi: dixi enim, confitebor aduersus me

me scelus meum lehouæ: tu verò remisisti mihi noxam peccati mei. Si verò propter iustitiam affligimur, & propter sacrosanctum Dei nomen, cum si flemus, ex gaudio fleamus, & Apostolorum exemplo lætemur, Act. 5. 41. quam afflictiones, quibus capiti nostro simus conformes, totidem nobis futuræ nostræ cum capite glorificationis pignora exhibeant, Rom. 8. 17. Habetis fratres, rationem qua tum in aduersis, tum in prosperis corda nostra consolemur, verbisque ad eò gratias agamus Deo, siue castigemur, siue tentemur, aut exploremur, siue Deus corpora nostra & animas ad suam gloriam ad sacrificium obedientiæ deposcat.

Age verò quanto feruore animi mulier ista æstuarit ex verbis ipsius consideremus, sperat enim à se corpus Domini posse auferri si modo quo asportatum fuerit, rescuerit: quod ab illa fieri potuisse non est verisimile: nec etiam videtur per alios se id curaturam indicare voluisse: quod etsi perfecisset, vix tamen locum quo eum conderet esset reperienda. En quanta vis non fictæ amicitiae, ut nihil nimis arduum aut *admirabile* tibi persuadeant tam constanter ac vehementer amantes, aut saltem nihil tam difficile quod in amicorum gratiam non oporteat ipsos tentare. At quemadmodum sepe in amicitia nō est modus, & malo nititur plerumque fundamento, sic etiam contingit ut quæ temerè suscipiuntur, infelicem exitum fortiantur, quum præsertim eiusmodi causæ sunt, ut longè consultius sit amicos à multis

Nihil videtur impossibile iis qui sincero affectu ducuntur.

consiliis auocare, quàm mutuas operas conferre in multis rebus, de quibus pœnitentiam agendi vix tempus ac locus conceditur. Cuius rei nimium, cheu! nimium inquam multa quotidie conspiciamus exempla, propter nimiam vindictę cupiditatem, tam diserte à Deo prohibitam, quam hodie tamẽ Caput præcipuum honoris vocant, splendidi nominis obtentu vitium regẽres execrandum. At Dei spiritus quę sint amanda, quousque, & cur amanda sint, docet: quod si erit obseruatum accurate, nũquam aut in Excessu aut Defectu peccabitur, quibus duobus extremis omnis actio corrumpitur. Qua in re maximẽ illud deplorandum, vt quò magis homines pro rebus humanis quodlibet vitæ aut fortunarum periculum ardēt adire, hoc magis in Dei gloria promouenda, & charitatis officiis erga proximum obeundis torpescant.

*Dominus
non tantum
in genere
omnes suas
alloquitur
in Ecclesia,
sed vnam-
quamque
nominatim
compellat.*

Narrat deinceps historia Domino hoc accepto respõso Mariam proprio nomine compellatam: qua voce repentẽ sic eius mens & sensus excitari sunt, vt & voce & factò eum agnouerit, ad eumque conuersa Rabboni eum vocauerit. Respondet autem Syriaca illa vox Rabboni, vocis paræ linguę Hebraicæ, Rabbi, quæ Magistrum & Doctorem significat, quo tunc nomine Pharisei & Scribæ in Synagogis docentes vocabantur, quod ex historia tota Evangelica cuius satis conspicuũ est. Hic verò primũ subit illud obseruandum, Dominũ longẽ dissimilẽ fuisse sui temporis Phariseis,
Matth.

Matth. 23. 4. & nostri seculi pseudepiscopis, Caratis & aliis istiusmodi lupis voracibus, à quibus iam pridem nobis esse cauendum, tum ipse Dominus, tum eius Apostoli sedulò præmonuerunt: præstitit enim ipse quod à fidelibus omnibus pastoribus postulat, vt singulas oues suas ex nomine agnoscant & designent, in bona pascua ducendas, Ioh. 10. 3. Act. 20. 20. Et hoc ipsum adhuc quotidie per fideles suos seruos exequitur, addita ad verbi sui prædicationem, quæ fit toti gregi in genere, Sacramentorum administratione, quibus singuli fideles nominatim compellantur: vt singulis nominatim ouibus sua nomina, vbi primùm in hunc gregem cooptantur, per Baptismum imponantur, deinceps sigillatim fouendis & educandis verè vitali cibo, sacrosancto Dei verbo, in ipsius domo, & sacrosanctæ cœnæ administratione. Habemus igitur in hoc Iesu Christi erga hanc mulierem facto, pulcherri-
 mum exemplar vocationis ouium Domini, quas cognoscit ipse & prior requirit, vt loquitur Apostolus, Gal. 4. 9. addita ad verbum eternum Sancti sui Spiritus, veritatis omnis doctoris, Ioh. 16. 13. virtute intrinseca, vt ex tenebris eruti ad lucem admirandam, & ex potestate Satanæ ad Deum adducantur, 1. Pet. 2. 9. & Act. 26. 18.

At verò, quò hæc in nobis efficiatur, quem admodum intrinseca virtute sua cor nostrum aperit, vt vocē eius audiamus, sic nos ipsi respondere decet, exemplum Apostoli sequu-

Quale singularium ouium sic nominatim compellatarum esse respondent.

tos, ita respondentis, Domine, quid me vis facere? & Lydiam imitatos, non tantum verbo quod audiuerat, sed eius etiam verbi præconibus apud se receptis, Act. 16. 15. Nominatim verò hanc mulierem sequi nos oportet, docentem quibus conditionibus vox hæc audienda sit, nimirum ut reiectis repudiatisque omnibus aliis doctrinis, vni illi adhæreamus quam docet vnicus ille verus doctor scientiæ, quam verè ac meritò pater Iohannis Baptistæ Zacharias salutis scientiam dicit, Luc. 1. 77. & Apostolus, potentiam Dei ad salutem, Rom. 1. 16. quandoquidem hac cognitione vita æterna continetur, Ioh. 17. 3.

*Quomodo
veri pasto-
res, quos o-
porteret audi-
ri: à falsis
quos vitari
discernendi
sint, & eo-
rundem do-
ctrina falsa
de fide quã
vocant im-
plicita iudi-
canda.*

Quibus probè cognitis facilis erit distin-
ctio verorum pastorum, quos audire, Luc. 10.
16. à falsis, quos etiam execrari, iubemur, etiam
si Angeli è cælo essent, Gal. 1. 8. Facillimum e-
tiam fuerit falsissimam doctrinam eorum co-
gnoscere ac fugere, qui à Sacrarum Scriptu-
rarum lectione miseræ ouiculas arcent, fidem
nescio quam implicitam docentes, quasi ad
salutem ouiculis sufficiat à Doctorem suorum
conscientia, & Ecclesiæ quam vocant, fide, quæ
tamen illa sit Ecclesiæ fides ignorantibus, pen-
dère. Non minus sanè absurdo & noxio ad vi-
tam spiritualem & æternam consequendam
errore, quàm si quis corporeo & mortali mor-
bo laborantem iubeat à sola medici scientia
& pharmacopæi thecis ac pixidibus, quarum
tamen nihil percipiat, pendère. Aut si quis fa-
me laborantem, iubeat optimo esse animo, &
fa-

fatietatem ab iis expectare qui lautè epulentur, sic tamen vt ipse cibū ne attingat quidem aut delibet. Nam vt concedā illis Missam (quā boni isti pastores miseris ouibus persuadere nituntur opus esse salutem viuīs ac mortuis conferens) id esse quod volunt, age quānam ad solos spectatores fructus aliquis ex illa redierit? Contrā igitur discamus, veram Christianorum fidem non esse in indefinita & confusa imaginatione positam: nec fide vicaria niri: sed singulos Religionis Christianę articulos fundamentales percipere, quos sibi applicet & obliget, vera firmāque fiducia veritatis diuinę promissionibus eius comprehensā ac probè cognitā, Ioh. 3. 33. quæ deinde omnibus bonis effectis ex abundantia cordis manifesta fiat, Rom. 10. 10. cuius scientiæ suæ rationem etiam cuicunque petenti reddere parati sint, 1. Pet. 3. v. 15. Et hoc nisi adlit, sciant quicumque Christianorum nomine gloriantur, se titulo tenus Christianos esse, pessimōque niri fundamento nixos pseudopastoribus illis & animarum mangonibus, quos tandem iudicio cadere necesse sit cum omnibus qui cum Propheta dicere nequeant, Credidi, ideo etiam loquutus sum, II 6. 10.

Transeamus ad illa Iesu Christi verba, *Ne me tangito, Nondum enim ad patrem meum ascendi.* Admiranda sanè prima fronte vox: primum quòd paulò post alius mulieribus in urbem redeuntibus factus obuiā, Matth. 28. 9. passus sit eas pedes suos amplexari: & quod lōge maius

Peculiaris ratio cur nō passus sit Iesus Christus Dominus noster se à Maria Magdalena tāgi.

est, à discipulis suis deinceps tangi palparique voluerit, Luc. 24. 39. Deinde, hæc videtur eius esse ratiocinatio, se ab hac muliere aut aliis tangendum non esse, nisi prius in altum ascendisset, tanto à nobis intervallo diffitum, quanto à terris distant cœli, supra quos omnes euectus est: quum tamen contactui illi nimirum corporeo locus esse non possit in tanta locorum distantia: ac proinde necessariò videatur intelligendus, de spiritali manu fidei facta apprehensione. Ac reuera Dominum oportuit, prout antea discipulis dixerat, his terris corpore suo excedere, ne amplius corporeæ præsentia adhererent, quod nimium pendentes ab iis quæ oculis intuebantur, non nisi terrena cogitarent, Ioh. 16. 7. Fœminam igitur hanc admonere quidem voluit se non resurrexisse in eodem quo prius erat, infirmitatis statu, nec eadem qua antea ratione cum ipsis conuicturum: verum tamen, quum, meo quidem iudicio, de corporeo contactu hic loquatur, & non dicatur Maria nimium ardenti affectu ad pedes eius profiliisse, sermonem hunc reor habitum à Christo eodem omnino momento quo agnitum eum Maria ut Magistrum salutavit. Pulchrè igitur omnia inter se convenient, longèque simplicior erit huius loci expositio, si dixerimus Dominum quum videret Mariam ad se accedere, & prævideret fore ut vi amoris quo ipsum perlequebatur non tantum in pedum suorum deosculatone, sed etiam in diuturniore mora, & longioribus ser-

sermonibus inhæreret, ac proinde hius apparitionis nūtiū, quo miseros discipulos, luctu & mœrore confectos, protinus recreari volebat, tandiu differretur, noluisse ipsam in his moras tam necesse: quasi sic eam compelleret, Nondum ad Patrem meum abeo: quare tibi licebit me deinceps per otium contemplari, mecūque pluribus loqui: quare ne longiores hic moras necesse, sed confestim ad discipulos meos abi, nuntiatura ipsis quæ à me ad eos consolandos & docendos, auditura. Non simpliciter igitur Dominus contactum hunc reprehendit: sed eo in aliud tempus Mariam voluit abstinere. Sic Propheta quondam famulum suum ad Sunamitidem missum prohibuit quenquam in via salutare, aut quenquam à quo salutem accepisset alloqui, 2. Reg. 4. 29. & Dominus ipse missis illis septuaginta discipulis præconum officio functuris, idem prohibuit, minimè quidem ut vetarent ne saluantes obuiam factos resalutarent, sed simpliciter ut maturandum ipsis esse sublatis omnibus vel leuissimis impedimentis docerent.

Et hæc quidem simplicissima maximèque genuina huius loci esse sententia mihi videtur, ex qua necessariam omnino, sed malè inter nos obseruatam doctrinam discimus. Ecquis enim, obsecro, eorum omnium qui Deo in sua vocatione sua seruire cupiant, hanc rationem secum ineunt, ut ad ea quæ retro sunt oculos non conuertant? Immo quàm multi sæpe rebus terrenis & priuatis sic occupantur, ut ne

*Dominum
vult coli si-
ne procrastina-
tione vlti-
ma, qua in re
grauissimè
peccatur.*

que vnde digressi sint, neque quò tendant memin-
 minerint? Atque utinam istorum hominum
 non essent inter nos tam frequentia exempla.
 Vos templi huius columnas testor, vos parietes,
 vos sedes istas ac vacuas cathedras, vos appello
 contra statorem dièrum auditores, Dominicorum,
 Iouis, septimanarum, mensium denique tantum,
 ut ingentem numerum eorum omittam qui corda & aures non ad audiendum
 & percipiendum præparata adferunt, sed quæ habent in patinis, officinis, vstis,
 monopolis, & rebus aliis longè etiam de-
 terioribus: quos ad D. Petri locum, 2. Pet. 2. 14. ablego.
 Denique, quod nimium multorum mores testantur,
 etiam hac nostra tempestate sunt quorum alij ad conuiuium vocati, cau-
 sètur se prædia & villas emisse, & quibus arti-
 bus plerumque Deus nouit, alij bouum aliquot iuga,
 & illa forsitan ex rapto: alij se vxores duxisse,
 quod diebus Noë contigit, Luc. 14. 18. Quod verò præmium
 harum excusationum referent? Nempe nullum fore ipsis tandem in
 conuiuium locum, quòd serò nimis lugebunt. Alij speciosiores
 scilicet excusationem adferunt, sepeliendum sibi Patrem, aut domesti-
 cis valedicendum. Quid verò se istis responsurum Dominus minatur?
 Nemo qui manu sua admota aratro respexerit ad ea quæ retro sunt,
 appositus est ad regnum Dei, Luc. 9. 62. & Qui patrem aut matrem
 plus quam me dilexerit, non est me dignus, Matth. 10. 37. Ecquis etiam
 non nouit ab Aggæo factam olim reprehensio-

sionem, Domus mea desoluta iacet, inquit Iehoua, & excurritis quisque pro domo sua, idcirco contra vos cohibetur cœli à rore, & terra cohibetur frumento suo. Quid igitur dicturus sum de iis qui Dei cultum inambulationibus, aut sphæristeriis postponunt? Tu verò Deus, Optime, Maxime, qui tantâ patientiâ nos ad pœnitentiam vocas, miserere nostri, priorumque peccatorum oblitus, meliorem da nobis mentem in posterum, vt melius quàm hactenus cogitemus ac faciamus, quandiu vox illa adhuc in auribus nostris personat, nec adhuc oclusæ sunt, vt in aliis plerisque locis, fores: & in mentibus nostris insculpe, si non comminationum tuarum metum, Matth. 7. 23. saltem pretiosissimam illam promissionem, Quærite primùm regnum cœlorum, & ista omnia adiicientur vobis, Matth. 6. 33.

Sequuntur in hac hystoria verba legationis ad Apostolos huic mulieri commissæ consideranda: qua legatione nulla fuit Prophetarum nec Apostolorum maior nec honoratior, & quæ doctrinam continet quæ Angelorum ipsorum captum longè superet. At tamen factum hoc non vltius est protrahendum, eius personæ respectu cui id temporis munus istud commissum est: neque enim ordinaria domus Dei administratio, mulieres in cœtu docere permittit, quæ contra iubentur in silentio discere, 1. Cor. 14. 34. Verumtamen Dominus ostendere voluit, se, quum possit etiam lapides, cessantibus hominibus, excitare, Luc. 19. 40.

k. j.

*Impositum
munus huic
mulieri fuit
extraordi-
nariū per-
sonæ respec-
tu: nec tra-
hi in exera-
plū potest.*

posse etiam quotiescunque visum ipsi fuerit, nulla vel ætatis vel sexus habita ratione, minimis os aperire: quemadmodum olim Bileamum Prophetam ab asina voluit coargui, 2. Pet. 2. 16. Age igitur huius legationis expendamus verba singula, Deumque precemur ut quæ in illis arcana continentur benè percipiamus ac meditemur.

*Quomodo
voces illa
Ascenden-
di & De-
scendendi
tribuantur
utrique
Christi na-
tura, Divi-
nae & hu-
mana, sine
ulla natura-
rum confu-
sione, nec
proprieta-
tū earundē ef-
fentialium.*

Primum igitur occurrit illa vox *Ascenden-
di*, quæ faciliè de Domino dici potest, humani-
tatis eius nimirum respectu, quam tunc scire
suos discipulos voluit verè esse suscitatum, mi-
nimè sanè ut antea in his terris victuram, sed
in gloriam cœlestem euehendam, sicuti tam
clarè ipsis exposuerat in excellentissimis illis
sermonibus quos apud eos in vltima illa sua
cœna habuerat. At quânam Deitati vox illa
tribuetur, quæ ut infinita est, nec loco moue-
tur, ita nec ascendit, nec descendit? Et tam en
hæc intelligenda sunt de eodem qui è cœlo in
infimas terræ partes descendit, ut loquitur A-
postolus, Ephes. 49. & 10.

At non descendit è cœlo secundum suam
humanitatem. Nec enim illic erat, sed in terris
formata est in utero beatæ Mariæ Virginis. I-
taque dicemus illud *Ascēdere*, si Descēdendi op-
ponatur, de Deitate quidem Filij Dei dici, sed
non absolute, nec in propria significatione,
quæ mutationem inferioris loci in altiore
significet: sed quatenus hæc Deitas eousque
sele demisit, ut naturā nostram in unitatē per-
sonæ assumeret, ut esset Θεὸς ὁ ὁμοιωμένος, catenus,

in-

inquam, videtur, vt ita loquar, ex maiestatis suæ folio in has terras descendisse. Vice versa quum naturam nostram supra cœlos omnes extulit, videtur in folium iterum ascendisse, vt se patefaceret, αὐτῷ ὑποτάξας, sine confusione tamen vlla, nec mixtione, nec duarum eius naturarum, nec proprietatū ipsarum essentialium. Et hoc ipsum Apostolus indicat, Philipp. 2. 7. quum ait, hunc Dei filium sese exinaniuisse & summisisse factumque obedientem vsque ad mortem, mortem, inquam, Crucis, vt in summam sublimitatem efferretur. Quod ad ipsius autem humanitatem, etsi ex quo Filij Dei persona sibi eam vniuit, inde à momento conceptionis eius in vtero beatissimæ Mariæ Virginis, vox illa *Descendendi* non illi conueniat, quum per hanc vnionem euecta sit in gradum omnibus Angelis longè sublimiorem, nedum vt exinanita sit: tamē si ea infirmitas cui se ad tempus pro nobis obnoxiam reddidit, vt pro nostris peccatis maledictio facta sit, Gal. 3. 13. cōparetur cum ea gloria per quam nunc realiter euecta est ad dextram Dei Patris, illud etiam *Ascendere & Descendere* de quo hic agitur, dici de ea possunt, ac proinde Iesus Christus *Totius* personæ suæ respectu, seruata tamen superiùs allata distinctione, *Descendit & Ascendit*.

Sed quidam etiamnum superest scrupulus ex hac loquendi phrasi, Patris ac Dei, quæ voces diuersè tribuuntur naturis distinctè consideratis. Iesus Christus igitur quatenus ab

Prima persona Deitatis Pater Iesu Christi secundæ Deitatem

*proprie dici
tur: secun-
dum huma-
nitatem ve-
rò respectu
vniuersis dua-
rum natu-
rarum in
vinitatem
persona.*

æterno filius Dei coessentialis est Patrem vocat primam ordine personam Trinitatis, tanquam Dei filius naturalis & vnicus. Humanitatis autem respectu Patrem etiam vocat, non quòd secundum ipsam genitus sit ab essentia Patris, sed quòd hic homo personæ Filij sic vnitus est, vt in hac persona non sint duo filij, sed solus Dei Filius, Θεὸς ὁ υἱὸς & ὁ υἱὸς Θεός. Quocirca non idèò toties in sacra Euangelij hutoria, Filius hominis dicitur, quasi duæ sint Filiationes, aut duo Filij, sed quòd vnicus hic Dei Filius verè assumpsit personaliter hanc veram naturam humanam, creatam & formatam ex substantia virginis, ex Adamo oriundæ, ad quem etiam vsque propterea D. Lucas Domini genealogiam deduxit, Luc. 3.24. & 38.

*Error eorū
qui Iesum
Christum
diuiserunt
vocantes eū
filium Dei
adoptiuum
secundum
humanita-
tem.*

Mentio igitur damnata & explosa est eorum hæresis, qui ex Nestorianismo dicebant Iesum Christum esse filium Dei adoptiuum secundum carnem. Longè enim inter se distant adoptio, quæ vocatur, & hæc unio personalis: tametsi illud verissimum est, quòd Iesu Christo Dei filio visum est suæ Deitati, sic nostram naturam vnire, fundamentalem esse rationem propter quam qui spiritualiter & per veram fidem Iesu Christo coniunguntur, Dei filij adoptiuu fiunt & dicuntur, Iohann. 1.12. Rom. 8. 15. Et hæc quidem hæctenus de voce Patris.

*Quo sensu
Pater dica-
tur Deus &
caput Iesu
Christi.*

Quòd verò idem Pater, non hoc tantum sed pluribus aliis locis, dicitur Deus Iesu Christi, summopere cauenda nobis Arrianorum blasphemiam, aut aliorum similium detestandorum hæ-

hæ-

hereticorum, quorum alij Dominum sua Deitate spoliant, alij creatam ipsi Diuinitatem attribuunt: quod si vt verum ipsis concederetur (quod absit) Christiani vtique omnes essent idololatræ, meram tantum creaturam adorantes, & in eum etiam inuocatum spem ac fiduciam omnem collocantes. Sciendum igitur quod Patris persona hic & alibi nominatur Deus Iesu Christi, & quidem caput Christi, 1. Cor. II. 3. minimè dici respectu essentiæ vnice illius & integræ, in vnaquaque trium personarum, nec etiam respectu personæ Filij in se, quum in personis quidem ordo sit, non autem vllus gradus inæqualitatis inter illas tres personas, sine vlla rapina, Philip. 2. 6. sed primùm humanitatis Iesu Christi respectu, secundum quam, sine personæ tamen separatione: sed tantum ex naturarum distinctione, se ipso minor est: quatenus nimirum hæc humanitas Deitati semper subiacet: quemadmodum è contrario, quatenus Deus est, se ipso maior est, quatenus nimirum ipsius Deitatis ratione, sua humanitate superior est. Deinde respectu officij dictum illud est, Mediatoris inquam & Reconciliatoris apud Deum Patrē, vt qui se inter Patrem & nos, quorum ipse caput est, medium constituerit.

Quis verò hîc non adoret immensam sapientiam, bonitatem ac misericordiam Dei nostri, Patris, Filij & Spiritus Sancti in huius arcani immensa abyssu, quod reuera magnum arcanum est, Ephes. 6. 32. 1. Tim. 3. 16. in quod

k. iij.

ip si Angeli cupiunt introspicere? I. Pet. I. 12. Et hoc Cherubim illi sub lege adumbrabant, sic operculo arcæ (quæ Domini figura erat, in quo inhabitat omnis Deitatis plenitudo corporaliter, Col. 2. 9. & in quo sunt omnes thesauri sapiëntiæ & intelligentiæ, Col. 2. 3.) incumbentes, ut eorum facies deorsum versus operculum ferrentur, quasi nosse cuperent quæ intus continebantur, Exod. 37. 9.

*Quomodo
Deus
Pater Iesu
Christi
et us sit no-
ster Pater
nosterque
Deus.*

At quemadmodum exposuimus, quo sensu Iesus Christus Patris personam vocet Patrem suum ac Deum suum, sic inquirendum quo modo suum Patrem, nostrum patrem, suumque Deum, nostrum Deum dicat: qua in re magna differētia est. Nam ipse naturâ verus Deus Patris personam verè & naturaliter Patrem habet, nimirum à Patre genitus ab æterno cōmunicata ipsi à Patre tota sua paterna essentia, diuina prorsus & ineffabili generatione. Nobis verò Pater est, quatenus in hoc Filio nos ad salutem prædestinauit, spiritualiter illi coniunctos per sui Sancti Spiritus virtutem & energiam, & instrumentum fidei, ut fiamus eius filij adoptiui, Ioh. I. 12. nobis eadem cōmunicata dilectione qua Filium hunc diligit, ut tandem in ipso & per ipsum glorificemur, Ioh. 17. 24. Non aliter, Iesu Christi Pater & Deus uti diximus, noster etiam est, quatenus gratum illum & acceptum habens tanquam mediatorem nostrum, in eo etiam & per ipsum sibi reconciliatos gratos & acceptos habet.

Quomodo,

Vocem autem *Ascendendi*, ex qua fortassis
malè

malè intellecta, videretur Iesus Christus suos *quòue respe*
 deferuisse (quod obsecro, quàm alienum foret *At Iesus*
 ab immensa dilectione quæ in his vocibus *Christus*
 cōtinetur) sciamus propriè dici, situs nimirum *Ecclesiæ*
 respectu ipsius humanitatis (cui nec ascensio *sua præ-*
 nec Sessio ad Patris dextram supra cælos o- *sens aut ab-*
 mnes quicquam ademit, nec essentiam abo- *sens dica-*
 leuit aut mutauit, nec proprietates essentielles) *tur.*
 quæ hodie tanto interuallo distat, & ad secun-
 dum ipsius vsque reditum distabit à nobis, &
 ab hoc vniuerso terrarum orbe, quanto sum-
 mum cælum à terris. Verùm enim uerò tātum
 abest vt ipse nos deferat, vt contrà sursum a-
 scenderit realem huius regni cælestis posses-
 sionem accepturus, Ioh. 14. 21. tanquam inter
 omnes fratres primogenitus, Rom. 8. 28. vt ad
 se nos attrahat, sese nobis cum omnibus bonis
 suis communicans, per sancti sui Spiritus vir-
 tutem, & vltimo tandem die nos partæ illius
 gloriæ secum participes faciat, Matth. 25. 34.
 nostræ interim fidei oculis præsentissimus,
 cum omni efficacia & virtute, secundum men-
 suram sui Spiritus, Ephes. 1. 23. & 4. 16. vsque
 ad seculorum omnium consummationem,
 Matth. 28. 20.

Minimè verò præter superiora omnia leui- *Quàm pre-*
 ter prætereūdum tam eximiū, tamque pretio- *tiosam opor-*
 sum illud fratrum nomen, quo nos in Apo- *teat esse fra-*
 stolorum suorum persona dignatur, id ipsum *ternitatem*
 re ipsa implēs quod sub Davidis persona pro- *qua nos Ie-*
 miserat, Psal. 22. 23. etsi, quales in nobis ipsis & *sus Chri-*
 à nobis nascimur indigni simus qui in rerum *stus digna-*
tur.

creatarum numero censeamur. Ecquid autem amplius expetere possumus? Nam si fratres ipsius sumus, nā ipsius pater etiam noster est: quis verò tali patre non sit beatissimus? contrā verò quis infelicior eo qui hoc patre careat, quandoquidem in hoc ipso, & ab ipso patre sunt omnia bona? Nam quum hic Pater Deus sit, Deus quoque noster est. Porro qui pro se Deum habet, à quo tandem sibi metuet? Quid verò contrā non metuat qui Deum hunc pro se non habet? Annon ipsos pædones & muscas, restibus Ægypti plagis formidabit? Age igitur, quid toto vitæ nostræ curriculo diligentius & attentius nobis meditandum, ac nocte dieque versandum animo, quàm huius sapientiæ longitudo, latitudo, & profunditas, ad exemplum Apostoli? Ephes. 3. 18. ut ipsas Dei per Sanctum Spiritum qui nobis datur profunditates scrutemur? 1. Cor. 2. 10. nequaquam imitati fanaticos in ea sese ingerentes quæ non viderunt, sed quæ sibi finxerunt, & commenti sunt? Col. 2. 18. aut quæ nobis etiam occultata sunt, donec sursum recepti perfectè cognoscamus, quæ hic tantum ex parte cognoscimus, 1. Corinth. 13. 9. quum nempe Deum nostrum qualis est visuri sumus, 1. Ioh. 3. 2. Interim omnem nauem operam & animum applicemus ad ea percipienda, credenda & ad vsum reuocanda quæ nobis in Ecclesia reuelantur, & tam exiguis in hac historia verbis comprehenduntur.

Suspende

Quis non igitur meritò dicat eos infelicitissimos,

simos, & sibiipfis hostes capitalissimos, qui terrena hæc & caduca, & vanitate ipsa vaniora pro Deo colunt, pro Patre obseruant, pro hæreditate amplectuntur? Ecquis verò dubitet sit ne Lux tenebris præferenda? Mors vitæ, & quidē sempiternæ? Totum denique, nihilo, & plus quàm nihilo? Sic tamen homines hodie viuunt quotquot carni auscultât & inseruiûr, quæ ad omnem incredulitatem, ac proinde maledictionem abducit, nisi Deus ex ea singulari gratia nos eripiat. Cuius rei triste oculis nostris exemplum huius historiæ finis suppeditat.

Narrat enim Marcus 16. 10. hanc mulierem officio suo pulchrè ac fideliter defunctam in ferendo nuntio Apostolis, quos valde mœstos ac lugentes inuenerat, nullam in dictis fidem consequutam, licet oculatam & auritam testem eorum quæ nuntiaret. Quod sanè in ipsorum laudem dici non potest sed potiùs in vituperium, vt inexcusabiles reddantur, sicuti nec aliarum mulierum verbis credidisse dicuntur, quarum nuntius cum huius Mariæ nuntio coniungitur, Luc. 24. 10. & 11. Sic igitur in historiarum sacrarum lectione versandum nobis sciamus, in quibus præstantissimorum quorumcumque Dei seruorum tam vitia quàm virtutes notantur, vt quæ ad imitandum nobis proponuntur, ab iis discernamus quæ ante oculos nobis ponuntur, vt in nobis agnoscere & condemnare discamus quæ in aliis reprehendere condemnareque debemus. Præ-

incredulitas exemplum etiam in ipsis Apostolis.

Quale indicium adhibendum in legendis & ad usum reuocandis historiis sanctissimorum quorumvis quorum sacra scriptura meminit.

rerea Spiritus sanctus rationem in iis edocet qua lapsi prius respuerint: vt eorum exemplo discamus, non modò quanta sit vel fortissimorum quorumcunque infirmitas, sed etiam qua ratione à recta via sint abducti, ne illos in deuia illa sequamur: & contrà qua ratione in viam redierint, vt vestigia ipsorum hac in parte, Deo nobis hanc gratiam largiente, sequamur.

*Quibus viis
in deuia il-
la homines
incidat &
longius in
iis proce-
dant, &
quod ad-
uersus istius
modi mala
remedium.*

Et quidem istiusmodi exemplis Sacrae scripturae plenae sunt: sed vt in eo quod hic nobis offertur, hæreamus, quânam, age in tãtam incredulitatem Apostoli lapsi sunt? Nempe Dei potentiam caulis secundis, naturalibus & ordinariis alligarunt. At quânam in eadem pertinacius perstiterunt? Obliti nimirum, Domini ac Magistri sui verborum tam luculentorum tamen, & toties inculcatorum, vt vel infestissimi & infensissimi eius hostes ea non ignorarent, Matth. 27. 63. Hoc igitur elto aduersus incredulitatem vnicum remedium, quò nostrae salutis arcana, & verum Christianorum alphabetum credamus, quamlibet renitente sensu nostro corruptissimo, cui tamen nisi renuntiemus non est nobis vlla pars in regno Dei, Matt. 16. 19. Luc. 9. 23. Dei nimirum verbo scripto penitus hæreamus, & quicquid illi reluctatur insanissimae stultitiae loco habeamus, quamcunque sapientiae & rationis vim iactet. Et si verò Satan in Angelum lucis se transformet, siue sua somnia & inuentiones pro Dei verbo obtrudat (quod iam pridem factum

&

& etiamnum hodie factitari videmus in tam
variis superstitionibus) siue Dei verbum
adulteret, aut verborum, aut sententiæ ra-
tione, quod facere illum coram Christo i-
pso non puduit, Matt. 4. 6. in promptu reme-
dium est, vt de verbi huius quod adfertur veri-
tate certis testimoniis constet: deinde attentè
consideretur, actandem memoriæ fixum in-
hæreat. In quibus omnibus quum Apostoli
turpiter errarint, & quidem se hac ratione in
tantum periculum coniecerint, vt in eo peri-
turi fuerint, nisi Deus pro sua immensa boni-
tate misertus eorum fuisset, age Deum Opt.
Max. precemur, vt tam longæ suæ patientiæ
minimè pertæsus, quæ nos ex tam horrendis te-
nebris erutos huc vsque tolerauit, tam poten-
ter in posterum in nobis operetur, ne vnquam
deflectamus ab iis quæ ab ipso audiui-
mus ac didicimus: quod si fieret denuò miserandę no-
stri ingenij seruituri manciparemur, longé-
que in deteriori conditione positi, in plurima-
rum personarum, familiarum, vrbium ac tota-
rum prouinciarum tum præteritæ ætatis tum
præsentis etiam exemplum essemus: quod v-
tinam atque vtinam, pro sua immensa miseri-
cordia, Deus malum à nobis auertat. Amen.



HOMILIA SEPTIMA.

Matth.28.

11. *Proficiscentibus autem ipsis, ecce, quidam ex custodia venerunt in urbem, & nuntiauerunt primariis Sacerdotibus omnia quae facta fuerant.*

12. *Ipsi autem coacti cum Senioribus, consilioque capto, nummos multos dederunt militibus.*

13. *Dicentes, dicite, discipuli eius nocte venerunt, & eum furati sunt nobis dormientibus.*

14. *Quod si hoc auditum fuerit apud praesidem, nos persuadebimus ei, & securos vos prestabimus.*

15. *Ipsi verò accepta pecunia fecerunt sicut errant edocti: & divulgatus est ille sermo apud Iudeos usque ad hodiernum diem.*

Marc.16.

12. *Postea autem duobus ex ipsis ambulantibus apparuit alia forma, quum rus proficiscerentur.*

13. *Et illi abierunt, & annuntiauerunt reliquis: qui ne illis quidem crediderunt.*

Luc.24.

13. *Et ecce, duo ex iis ibant eo ipso die in vicum distantem stadiis sexaginta ab Hierusalem, cui [vico] nomen est Emmaus.*

14. *Et colloquebantur inter se de istis omnibus quae euenerant.*

Ante-



NTEQVAM ad nostri contex-
tus expositionem accedamus,
iterum hic totius huius historie
series nobis considerata, quæ
alioquin esset inuolutior, quod

*Huius his-
toria se-
ries.*

non potuerint quæ variis in locis eodem tem-
pore gesta sunt, simul recitari: quæ in historia-
rum tum sacrarum tum profanarum lectio-
ne nõ diligenter animaduersa, nil mirũ si tan-
tũ obsecratis & erroris adferant, quod ex hi-
storiæ præcedenti vel satis liquet. Nã quod de
Maria Magdalena dictũ est in secundo ipsius
ab vrbe ad sepulchrum aduentu cum Petro &
Iohanne, contigit dum aliæ mulieres, quæ po-
stremæ ad monumentum venerant, reuerte-
rentur in urbem. Hic igitur etiam notan-
dum ea quæ de custodibus narrantur, & apud
Matth. 28. II. recitantur, summo mane conti-
gisse, iam tum quum prius illæ mulieres ad
vngendum Dominum ad iter se accingerent:
ita vt nec Maria Magdalena, quæ prior adue-
nerat, & in urbem confestim reuersa fuerat,
nec item aliæ mulieres, quæ Sole iam exorto
aduenerant, hos custodes ad sepulchrum of-
fenderint. Nam si offendissent, cui sit verisimi-
le, fuisse ausuras ipsas ad monumentum pro-
pius accedere, aut eos vtrò compellat? Quid
si vetò dum terræ motus factus est, aduenis-
sent, ac semimortuos illos humi prostratos
conspexissent, quanto maiore metu perculsæ
fuissent? His etiam quiddam maioris momen-
ti accedit, nam si relcuiissent aut intellexissent,

sub vesperam diei illius quo sepultus est, aut etiam postridie eius diei à Iudæis sigillo saxum illud ingens obsignatum, militéque ad monumenti custodiam collocatos, non tantum anxias ac sollicitas futuras fuisse de saxo à sepulchro prouoluendo ut in illud intrarent, ut Marc. 16. 3. dicitur, sed longè magis de horum militum occursum fuisse laboraturas, ac de sigilli ad saxum appositi fractione, si posthabitis omnibus istiusmodi impedimentis quod animo susceperant perficere constituissent: Quid igitur aut sigillo aut custodibus factum esset ignorabant, quod à Iudæis sub vesperam diei Veneris admodum serò hæc gesta essent, & ut est verisimile, magno silentio, postquam à Iosepho Domini corpus sepulchro conditum, & saxum ad illius ostium aduolutum fuisset, statim etiam reueris in urbem mulieribus, ubi diligenter quid à Iosepho gestum esset animaduertissent, sicut expressè dicitur, Matth. 27. 61. & Marc. 15. 47. & Luc. 23. 55. His positis ad contextum accedamus.

*Quò magis
Satan cum
suis satelli-
tibus veri-
tatitene-
bras offun-
dere sata-
git, eò ma-
gis veri-
tas elucet
& quales
ipsi sint ma-
gis ac ma-
gis se pate-
faciunt.*

Haftenus igitur intelleximus, ut Dominus aduersus hominum & quidem suorum indignitatem luctans, pro immensa sua misericordia & bonitate cœperit incredulitati ac diffidentiae ipsorum mederi, resurrectione sua tum per Angelos patefacta, tum apparitione sua in propria persona, tam Mariæ Magdalene omnium primæ ad sepulchrum, quam aliis deinde mulieribus. Præsens autem historia narrat nobis, qua ratione Satan & Iesu Christi

inimici ab ipso Sarana excæcati, veritati huic suis dolis & molitionibus tenebras offundere conati sint : quibus tamen suorum hostium consiliis ita Deus occurrit, vt contrà magis magisque sese detexerint, & victoria penes veritatem remanserit: vt non magis improbi illi homines resurrectionem eius potuerint occultare, & ne in omnium notitiam veniret impedire, quàm clausum sepulchro derinere potuerant.

Quas verò Saran alias ab omni seculo artes versauit, & ne procul abeamus quod ab hinc annis octuaginta contigit, & quod oculis nostris quotidie conspiciamus, quid aliud est quàm huius historiæ expressum quoddam simulachrum? Nam humanæ omnes illæ traditiones, & tota illa Theologia Scholastica, quid aliud fuerunt quàm sigilla, quibus hæc Dei veritas in spelunca ignorantia & tot seculorum barbariei veluti conssepulta iaceret? Saxi autem illius ingentis à Iosepho ad sepulchrum, minimè tamen mala mente appositi, nonne imago nobis proponitur in falso illo Primatu quem sibi Romanus Episcopus falsò vindicat, tanquam præcipuus Sacerdos inter eos quos non pudet reale & essenziale Iesu Christi sacrificium, & eius se sacrificos iactitare? Et quod longè maius est, nonne admiranda Dei providentia factum est (quò sit manifesta relatio inter hoc saxum à Iosepho appositum, & ea quæ ab istis impedimenta obiciuntur) vt hæc omnia, & quicquid ab iis pender

*Collatio cō
siliorum ve
terum sacer
dotum Le
uiticorum
cum Papi
sticorū con
siliis in ve
ritate Do
mini sepe
lienda*

Petri nomine, sed falsò tamen velentur? Aliquid amplius addam, nempe quemadmodum à Iosepho & Nicodemo, prorsus eorum ignaris quæ deinceps à Caiapha & suis essent gerenda, saxum illud aduolutum est ad ostium sepulchri, sic Primatum istum primùm introductum à veteribus quibusdam, minimè omnium malis Patribus, ordinem tantùm stabilire cogitantibus, quem ad fovendam pacem & concordiam in Dei domo inter eius œconomos necessarium arbitrabantur, nec prauidentibus quæ pedetentim deinceps in Ecclesiam non sine magno detrimento sunt inuecta. Quam si manifestissimam conformitatem ulterius urgeamus, nonne nouus hic Caiaphas, cum nouis Cardinalibus istis suis assessoribus, eadem ratione per cuniculos aggressi Imperatores, Reges ac Principes totius Christiani orbis ipsis imposuerunt, & eorum auctoritate abusi hoc saxum aduoluerunt, & sigillis obli gnarunt, ne veritati pateret ullus exitus paulatim sepultæ, sic prius, & eadem conscientia qua vetus ille Caiaphas cum satellitibus Pilatum adierunt, & faciendi quod vellent ab ipso potestatem acceperunt? Quid amplius? Nonne sancta hæc veritas, perrupis omnibus illis impedimentis exiit, & apparuit iis quos ex mundo visum est Deo eligere, ex quo saxum istud, effractis sigillis reuolutum est, & quidem cum maximo terre motu, & prostratis custodibus a fidelissimis Dei seruis & huius veritatis præconibus, à Deo ad hunc effectum cælitus, ut ita di-

dicam, missis? Postremò, nòne egregia illa Hispanica inquisitio, & eximij illi Nuntij in vniuersum orbem, ad veritatis resurrectionem impediendam, missi, eorundem sunt armati milites (& quidem duplici gladio tēporali & spiritali armati) instructi & opima stipendia capientes ex horrenda illa & plus quàm abominanda mercatura quam ex pauperum reditibus exercent, quorum alij miserè vñum exponuntur, alij donantur, aut denique prout se res eorum habent administrantur? Age verò Concilium illud Tridentinum nonne vna est imago huius consilij de quo hæc historia meminit, à quo eandem consequuti sunt gratiam apud huius seculi Gubernatores quotquot fascinarunt, vt hætenus fumos suos vendiderint, & suas inuentiones ac perditas molitiones vt bonas ac sanctas obtulerint? At fratres, estote forti animo, Qui hostibus omnibus inuitis surrexit, ac nostris temporibus suam veritatem in cordibus nostris veluti suscitauit, & eorum omnium quibus aures aperuit, eadem adhuc hodie potestate armatus est & erit aduersus omnes aduersarios, & eandem gerit coram salutis Ecclesiæ suæ per regnum veritatis, quam habuit quum ista contingerent. Quicquid denique cōtingat, veniet tempus quo Babylonem illam Romanam iidem euersuri sunt qui construxerunt, quum ipsius oculos Dominus aperuerit, vti reuelatum ac promissum est in Apocalypsicis cap. 17. Inrim animas nostras in spe & silentio possidea-

mus, quod expressè monet qui tēpora & momenta habet in manu posita, Luc. 21. 19. Matt. 10. 22. Act. 1. 7. patienter expectantes, dum quæ in deserto nutrita est reducat ac possessioni suæ restituatur, Apoc. 12. 6.

*Admiranda
Dei prouidentia in
præueniendis
hostium
veritatis
consiliis.*

Porro dixi præuisam à Domino omnem itam hostium suorum molitionem, quod ex singulis huius historiæ circumstantiis erit perspicuum. Nec enim omnes custodes, sed ex illis tantum quidam ad Sacerdotem hunc nuntium tulisse dicuntur: qua in re dupliciter admiranda Dei prouidentia elucet: primum in eo quod Dominus totidem testes præparauit ad inimicos suæ falsitatis arguendos, per suos ipsorum satellites, quot ex illis ad Sacerdotes non uenerunt: quibus Dominus hanc fortasse gratiam largitus est, ut cordibus compuncti sint iis ad sepulchrum conspectis quæ nonnisi uiuentis æterni Dei potentia contingere poterant: quæ minimè dubium est quin alibi narrauerint. Deinde hac ratione Deus ostendit, tantum abesse ut mors illi victo dominaretur, ut contra per eam suorum hostium Iudex euaserit, & quidem in eorum animas & corpora sententiam laturus, qua nullam seueriorem aut asperiores in mundo improbi ex periantur. Quis enim eos hic excæcauit? quis indurauit? quis in sensum reprobum tradidit, ut gloriam suam patefaceret, Rom. 1. 21. & Exod. 9. 26. nisi hic à mortuis Suscitatus, ut in medio tuorum hostium dominetur? Psal. 110. 2. Porro nobis hæc duo capita ad maximam ac certissimam nostram

stram consolationem confidentissimè notanda sunt. Quum igitur audimus veritatis hostes ad horum exemplum coire ac conspirare, Deū facile viam inuenturum sciamus, quum opus erit, etiam ex medio ipsorum suscitatis quibusdam, qua fraudes & occultæ molitiones ipsorum detegantur, vt coram omnibus mortalibus pudore suffendantur. Sic orante Deum Dauide vt Achitophelis consilium, diuisis hostium suorum linguis turbaret, Psal. 55. 9. Deus Chusai suscitauit, cuius consilio iam Absalom quàm Achitopheli ipsi vltima perniciēs allata est, 2. Sam. 17. 14. & 23. suscitatis ipsi iam antea Ionathane, & vxore Michol, à quibus Saulis insidiis eriperetur, 1. Sam. 19. 11. & 20. 9. Sic Paulus Apostolus Iudæorum insidias à fororis filio detectas effugit, Act. 23. 16. Denique talibus exemplis historia Ecclesiastica plena est. Et ne longius in exquirendis illis abeamus, annon idem non semel à Dominò præstitum est nostro seculo, in ipso Concilio Tridentino? Idem sanè me ipse possum sæpe expertū esse profiteri. Deo laus esto.

Sin excipiat aliquis, pergere tamen hostes, licet consiliis suis detectis: aio primū non semper id contingere: deinde quoties id accidit, id est, quoties Dominus permittit eos aduersus seruos suos quæcunque volunt facere, (sicuti de Ioanne Baptista Dominus loquitur, Matt. 17. 22.) in exitium vltimum ac perniciem improborum id cedere, & ipsos in suum ipsorum macronem flagitiis suis incurrere, suoque

*Improbi,
quū maxi-
mè videtur
voti sui com-
potes facti,
tandem sen-
tiunt se à
suo scopo
procul aber-
rassi.*

ipforum laqueo capi: quod miseris istis de quibus agimus, tandem profecto admirandis rationibus contigit. Nam quum Romanos adigissent in Pilati persona vt suæ crudelitatis & perfidiæ in Deum ministros se præberent, tandem & ipsos experti sunt vindices & ultores seuerissimos tantæ ingratitude, vt à quibus occisione deleri iusti Dei iudicij in ipsos luculentum exemplum exhibuerint, ex ipsius Domini varicinio, Matth. 24. 2. & 23. 38. Et hoc nō ignotum ipsis prophanis, quorum illud est antiquum prouerbiū, Malum consilium cōsultori pessimum. Et proculdubio, ne procul excurramus, horum temporum facies satis illud ipsum testatum facit, quum horrenda Dei iudicia iustissimè miserorum Dei filiorum carnificibus inflicta omnibus sint conspicua: furore Dei hodie reliquos insuper insequente, & potentissimas qualque vrbes innoxio sanguine conspurcatis premente: vnde fit vt argumentum abundè nobis suppeditetur, quod & in posterum fauente Deo suppeditabitur, cum Propheta dicendi, A Iehoua factum est istud, quod mirabile est in oculis nostris, Psal. 118. 23.

*Asutissimi
calumniato
res Dei fi-
liorum tan-
dem depre-
henduntur
minus soter
tes in suis
consiliis.*

De secundo verò capite, quod superius attigimus, excacatione & induratione conspirantium aduersus Deum & eius veritatem, clarissimum nobis hic ante oculos exemplum proponitur. Nam quæ magis inepta & ridicula deliberatio & consultatio potuit esse ea quam fraudulentis isti homines ineunt, iubere nimi-

rum

rum istos custodes, qui tamen non pauci fuerunt, & pulchrè armati, clauso præterea monumento ingenti saxo obsignato, dicere, miseros illos Domini discipulos, dormientibus ipsis sublatum corpus abstulisse? Nam aut altum ac profundum somnum eos dormiuisse necesse est, si strepitum tam ingentis saxi reuoluti, & sigillorum fractionem non audierunt: aut si vigilabant, quomodo non sunt eos insecuti, aut vnum saltem aliorum omnium indicem futurum apprehenderunt? En igitur hic apertissimè videmus, vti dixi, præter quàm quòd conscientiaè sensum omnem exuerunt, eum solum, cuius gloriam obscurare studebant, mentem illis omnem eripuisse, vt à seipsis, non minùs ridiculi quàm improbi coram Deo & hominibus fierent. Ac sanè Caiaphè & satellitum ipsius successores agit hodie idem spiritus cecitatis & stuporis, vt easdem cum illis artes versent, qui quū sanctæ veritatis vim nullo pacto possint eludere non erubescunt infinitas calumnias tum voce tum scriptis confictas in vulgus spargere, quibus Dei fideles seruos infament. At Dei beneficio, tam falsas, tamque impudenter confictas, vt aliis argumentis non opus sit, quibus non tantùm praua ipsorum conscientia deregatur, sed etiam ex quibus appareat, eos, quum iam non habeant quod ogganniant etià in sensum reprobum datos, ac sensu & intelligentia communi spoliatos ab eo qui non minus intercipit sapientes in astutia ipsorum, quàm fortes in suo

robore, Iob. 5. 13. 1. Cor. 3. 19. Agite igitur, fratres, quid nobis amplius metuendum, si à nobis stat ille defensor, tam eius scientiæ veritatis quam tuemur, quàm bonæ conscientiæ, quam accepimus ab ipso, qui hostium nostrorum corda & linguas habet in sua potestate, non minùs quàm manus & brachia ipsorum, ut nullis aliis instrumentis quàm illis ipsis opus habeat, ad eos quales sunt detegendos, & suam illis mercedem retribuendam.

*Horrenda
confusiones
toto mundo
passim re-
gnantes in-
ter conscien-
tiarum inā-
gones, tum
in Romana
Ecclesia ho-
dierna, tum
in admini-
stratione In-
stitutæ, tum
in mutua
hominum
inter se con-
versatione:*

Sed insuper expendamus quibus mediis cōsilia sua conentur ad finem perducere. Nempe affatim numerata presente pecunia conscientiam & linguas perditorum istorum, redimūt. Nec enim tantum numerasse pecuniam dicuntur, sed eius magnam vim confecisse: quod sane illis minimè fuit difficile, quū certissimū sit thesauros templi argumentum illis quotidianorū sacrilegiorū admittendorū præbuisse, Domino, nō sine iustissima ratione, ipsis exprobrante, Dei domum ab ipsis in speluncam latronum fuisse conuersam, Matth. 21. 13. Minimè verò dubitandum est, quin apud Pilatum boni isti viri versarint easdem artes, quem satis nouerant se hac ratione facillimum expecturos, non ignari quomodo se in istiusmodi rebus gerere consueuisset, quod testantur historiæ tam de ipso quàm de Felice, Act. 24. 27. & Festo, 25. 9. qui Iudeæ etiam præfuerunt, aliis præsulibus nihilo meliores. Sed ô nefandam ac detestandam mercaturam. Et tamen nonne vel hac nostra tempestate, & quidem maximè,
si

si aliàs vnquam vniuersus terrarum orbis est
instar fori cuiusdam publici in quo versan-
tur dies noctesve istiusmodi venditores &
emptores? Atque in primis Curia Romana se-
des est in qua istiusmodi detestanda mercatu-
ra, nullo pudore prorsus, exercetur, frustra iam
ante septingentos vel octingentos annos o-
mnibus illud intuentibus, ac conquerentibus,
& tamen sese miserè decipi tolerantibus? Et
quidem ita se re habere palàm est, ex eo quòd
iam ante multa secula Papæ suffragia magna
vi pecuniæ redimunt. Testes sunt historiæ e-
lectionum, & Romanorū Pasquillorum. An-
non verò certo pretio galeri rubri vaneunt?
Quinam verò galeris istis, lituis ac tiaris non
esset suum pretium, quum nullum tam dete-
standum sit facinus cuius redimendi pretium
non constet, vel ex publicè excusis scriptis, eò
impudentiæ isti mercatores deuenerunt? Qua-
si verò non sufficiat à viuis tributum exigere,
nonne fabula illa Purgatorij, & mysteria o-
mnia quæ ibi peraguntur, certo pretio ven-
duntur ab illis animarum mangonibus: & à
miseris stultis redimuntur, quod ex Indulgen-
tiarum ac Remissionum æstimatione conspi-
cuum est? An vllus vetus est Canon, aut vllum
vllius Concilij decretum, quod aliquam recti
speciem habeat, quod non irritum fiat clausu-
lis illis bullarum derogatoriis? An vlla parti-
cula est in toto ipsorum cultu diuino, quem
vocant, in qua videntibus ac sciētibus omni-
bus non perpetua nūdinatio exerceatur, & ita

quidem vt non ipsa cœmeteria, non ipsæ Ecclesiæ sint immunes? Quousque verò, Deus Optime, tantam tamque diuturnam tuæ domus profanationem feres? At si isti detestandi, quid reliqua mundi parte fiet? Nam si de mutua hominum consuetudine agamus, ecquis recenseat aut capiat, quot dolos, quot fraudes, quot monopolia, quot artes tractent, retrahant singuli in emendis aut vendendis inuicem conscientis? Fœneratores qui miserorum necessitate viuunt, quorum malis artibus annonæ caritas paratur, qui totas familias depredamini, quando tandem cogitabitis in cœlo Deum esse cui vobis factorum ratio reddenda sit? corā cuius oculis nihil occultum esse possit, licet vestris dolis hominum iudicia fugiatis? Quinam verò fieri potuit, vt hæc tam misera tamque detestanda mercatura Christianum orbem ita peruaferit, & quidem cum tãto applausu recepta sit, vt pro veneranda Iustitia, quam ipsi profani Iouis filiam dixerunt, passim detestandæ corruptelæ locum obtineant? Annon ibi, saltem in maxima terrarum orbis parte, vaneunt Iudicum officia? Annon illie sedent institores, qui quod in solidum emerunt particulatim distrahant? Annon ad has Iustitiæ sedes non pauci horum aut illorum quos prensarunt fauore promouentur? Nonne ibi maxima pars eorum etiam qui meliore via promoti sunt statim donis ac muneribus excantur, aut impotentia animi abiepti sua authoritate abutuntur? Annon denique is est

sco-

scopulus ad quem allidentes omnes naufragium oportet pati, quem contra tutissimū aduersus quaslibet iniurias esse portū oportuit? Et, vt vno verbo absoluaui, ordo ille est, ordo, inquam, ille apud quem vnū meritò illud valere dici potest abominandum prouerbiū, Omnia Regina pecunia donat: hoc eò sanè grauius malum, quòd ex bonis legibus ac statutis & earum executoribus, hominū vita tota dependere videatur. Nec verò tantum istud malū ab istis aut à Pilato cœpit cui vetustissimos Legislatores, & ipsum Dominū occurrere voluisse compertum est. Sed non ideo leuius malum, quod creuit serpēdo: cuius rei testes sunt non tam Prophetarum querele, & omnium gentium ac nationū historiæ, quàm quod hodie conspicitur ab Oriente in Occidentem, & à Septentrione in Meridiem: certissimum signum magnum illum Deum tam deplorandæ sacrosanctæ Iustitiæ prophanationis ultionem diutius non prolaturum, mensura iam plus quàm exundante. Annon oportuerat nos ex maximorum etiam imperiorum ruinis, singulis prope seculis, non quòd Legibus, sed quòd Iustitia carerent, saltem aliquam maiorem æquitatem integritatem discere, quàm eos qui solo naturæ, licet corruptissimæ ductu reguntur, nos, inquam, qui Reformatarum Ecclesiarum nomine tantopere gloriamur? Sed, quo iure, obsecro? Certè quòd ad doctrinam, optimo, & Dei beneficio valde singulari: sed si ysum respicias, planè

nullo. Te verò, Deus bone testor, quandoquidem surdis canimus, & nullis nostris hortationibus locus relinquitur. Nam quid singulis momentis litigantium causidicorum, proclamatorumque multitudinem commemorem? quid quotidiana litium sine fine semina? Quid te igitur, Geneua, fieret si ampliorem agrum à Domino esses consequuta? Horret animus sola illorum quæ coniici facile possunt cogitatione. At, vos Iudices, litigantes, procuratores, aduocati seriò ad hæc mentem aduertite. Tempus enim est, atque ô vtinam ne serò nimis.

Denique sic Hierosolymis vixerunt tum emptores tum venditores conscientiarum. Sin aliquis excipiat, nihilominus tamen huic fraudi locum fuisse, sparsumque falsum illum rumorem inter Iudæos, & creditum: ac proinde non ludere operam mentientes, quum vel tri-duani mendacij fructus sit vberimus, vt ille Cardinalis, infelicis memoriæ, cuius etiam sine nominis designatione plus satis notus, iactitare solebat. Aio non posse rectum ferri iudicium de causæ illius statu, nisi re perfecta & ad exitum suum perducta: quo posito, nunquã à scopo longiùs aberrasse comperientur istiusmodi homines, quàm quum ad consiliorum suorum finem peruenisse sibi visi sunt. Qua in re si mihi fides non habetur, expectent stulti & insani quod suo damno & vltimo periculo tandem sunt experturi, quod istis de quibus hîc agimus contigisse conspiciamus.

Gradatim

Accedamus ad historiam quam Marcus cap.

16. 12. paucis attigit, sed quam Lucas pluribus diligentissimè persecutus est, cap. 24. 13. ac non immerito, quum hæc historia complectatur amplissimam resurrectionis Domini confirmationem ex Scriptis Prophetis & aliis circumstantiis, & fructum vberem qui nobis ex hac historia colligendus est. Eodem igitur resurrectionis die, paulò post allatum Apostolis, & iis qui simul aderant, nuntium illum tam à mulieribus, quàm à Maria Magdalena, Dominus dicitur, tarditatem suorum discipulorum magis magisque correpturus, missis ad ipsos post mulierum nuntium duobus testibus oculatis, apparuisse duobus ex eorum numero qui mulierum nuntium acceperant, & quibus eadem cum reliquis suspecta fides nuntij fuerat: nihil minus cogitantibus quàm quærere aut offendere eum, qui ipsis obuiam factus est, euntibus in proximum vicum ob quædam negotia, quorum quum nulla fiat hic mētio, frustra laborarunt qui curiosius de illis inquisuerunt, sicut etiam de alterius discipuli nomine, quod hic non exprimitur. Nam quòd ad Cleopam, verisimile est eum esse, de cuius uxore nominatim fit mentio apud Ioannem, cap. 19. 25. tanquam sorore matris Domini. Quæstionibus igitur istiusmodi curiosis & inutilibus omissis, huius historiæ circunstantias diligenter consideremus, quas Spiritus sanctus meditandas nobis proponit. Ac primùm quidem hic notemus quæ iam in duabus præcedentibus historiis obseruauimus, nunquam

*resurrectio-
nem suam
Dominus
voluit pate
facere, quò
melius no-
stra natura
tarditatem
ac stuporē
gratiæ autē
immensita-
tem agnosca-
mus.*

obliuioni tradenda: quantas nimirū quāmq̃ profundas radices incredulitas in nostra corruptissima deprauatissimāque natura agat, & quidem diutiùs in schola Domini edocta, ac proinde quoties Domino videtur nos, siue in primo aditu, siue iam viam ingressos alloqui, non eò fieri quòd preparatos ac benè ad ipsum excipiendum dispositos inueniat, sed ab eius immensa gratia & misericordia manare, qua sola mouetur ad opus suum inchoandum, promouendum ac perficiendum, in iis quos eligere ipsi visum est.

*Non tātū
audiendum
Dei verbū
in cœtu pu
blico, sed e
tiam magno
pere necessa
ria sunt pe
culiæres col
lationes, mo
dò illis mo
dus adhi.
beat.*

Nec verò vel ipsos Apostolos, vel alios discipulos, nec duos istos nominatim propterea in incredulorum peruicaciū & ad apostasiam vergentium numerum reiiicimus. Nam qui in vrbe remāserant in vnū coacti omnes fletibus ac luctibus indulgebāt, Mar. 16. 10. Hi duo verò sermonibus suis testantur Christū à cordibus ipsorum non abfuisse, nec excessisse Hierosolyma, quasi calculo suo probantes quod aduersus Christum fuerat gestū, aut quasi quam ab ipso doctrinam hauferant, reprobarent, etsi procul aberant à cognitione tum personę Iesu Christi, tum eius doctrinæ, ad salutē necessaria. Ergo dicuntur inter se colloquuti de his omnibus quæ euenerant: ex quibus facile dignoscitur luctatam esse aduersus Crucis scandalum ipsorum fidem, qua Iesum Christum, & quæ de illo sciebant amplexi fuerant, vt nondum cesserint. Nam etsi dubij hærebant, in meliorem partem tamen inclinabant, minimè omnium

omniū de Iesu Christi præstantia & innocen-
 tia dubitantes. Hinc discimus veris Christia-
 nis esse volētibus non sufficere leuem aliquam
 salutis cognitionem, sed certam scientiam re-
 quiri qua in Iesu Christo radicemur & ædifi-
 mur, ac in fide magis ac magis confirmemur,
 Eph. 3. 17. quod non vno momento perficitur.
 Prius enim plantari rigarique & incremen-
 tum accipere oportet arbores, antequam in
 domo Dei in proceras arbores, omni tempore
 fructum ferentes, euadant, Psalm. 1. 3. & 92.
 14. qua in re duo extrema summo opere fugien-
 da. Quidam enim quum de conscientia agitur
 de nulla re ambigunt, nec quæstionem vllam
 mouēt, ea fide contenti quā huius seculi pseu-
 doprophetæ fidē implicitā vocant, aut fidem
 carbonarij: quasi quod nunquā auditū est cre-
 di possit: & quasi Christianū esse & pecudē esse
 nihil inter se differāt. Alij contrā semper quæ-
 rūt, semper hærent dubij, nunquā vanæ & pro-
 fanæ suæ quā ad sacrarum Scripturarū lectionē
 adferunt curiositati, satisfaciētes, pro humili
 illa animi demissione quæ domū Dei ingressos
 decet, & docilitate qua se ab eo doceri patiā-
 tur qui simplicibus dat sapientiā, vnde fit vt i-
 stiūmodi homines (vt eos Apolt. notat, 2. Tim.
 3. 7.) semper discant, & nunquam tamen ad co-
 gnitionē veritatis veniant. Denique quum di-
 ligētissimi quique ac studiosissimi procul ad-
 huc absint ab ea scientia, quā Deus nos ex ver-
 bo suo vult consequi, ad ipsius gloriam & no-
 stram salutem, Domini Dei nostri doctrina

non tantum audienda legendave est, sed etiam noctes diesque versanda, Psalm. 1. 2. ac voluendae scripturae, Ioh. 5. 39. Act. 17. 11. atque adeo Dei profunda scrutanda, sed duce sancto Spiritu, si tamen ut intra fines nos continere discamus, eorum quae nobis in Apostolicis ac Prophetis scriptis reuelata sunt, ad exemplum Apostoli, 1. Cor. 2. 2. docentis ipsos etiam doctores sic esse discipulos oportere, iuxta monitionem illam ad discipulum suum Timotheum, quantumlibet excellentem in domo Dei doctorem, 1. Tim. 4. 13. à quo etiam sibi libros suos & maximè membranas mitti postulat, 2. Tim. 4. 13. Huc accedit quòd quum Dominus dona sua distribuatur, cui & qua mensura ipsi visum est, ad mutuam utilitatem & instructionem, ut pulchrè monet Apostolus, 1. Cor. 12. idcirco mutuae collationes sint necessariae, singulis quod à Domino acceperunt in medium conferentibus, & id ad Lydium lapidem expendentibus & examinantibus: mulieribus viros suos domi interrogantibus, 1. Cor. 14. 35. patribus domesticos Abrahami exemplo docentibus: Genes. 18. 19. filiis vicissim patres interrogantibus & ab eorum ore pendentibus, Genes. 12. 26. Psalm. 44. 2. matribus ipsis etiam liberos suos erudientibus, 1. Tim. 1. 5. quo respectu familiae ipsae generali nomine Ecclesiarum insigniuntur, 1. Cor. 16. 19. Huic rei fidei facito magnus ille vir Apollos, in Aquilae & Priscillae uxoris eius familia veluti doctor factus, Act. 8. 26. En quid ex officio nostro sit, quod

quod sanè si fieret totidem paradisos in terris quot familias haberemus. Porro, non tantum dicuntur hi duo inter se colloquuti, sed etiam disputasse, & Iesus Christus sermonibus ipsorum superueniens, cum ipsis etiam disseruisse, quætionésque ipsorum ex sacris explicuisse. Sed longè aliud est sanctè & religiosè disputare, & in vnam veritatem indagandâ, & firmis fundamentis fulciendam intentum esse, quàm contentiosum, curiosum, ambitiosum esse, mordicus allatas prius conclusiones & præiudicia retinere: quod quum accidit, tantum abest vt eiusmodi disputationibus Lux vlla veritati in ædificationem adferatur, vt contrà diabolica sit sacrarum rerum prophatio, & tenebrarum in dies densiorum multiplicatio. Et huius sanè rei tristissima ob oculos exempla versantur, non in hac tantùm salutis scientia, sed in omnibus etiam humanis scientiis & disciplinis, in totius mundi summam perniciem, licet sapiens singulos in Proverbiis multis locis & Eccles. 12. 15. sedulò præmonuerit, & Apostolus, Rom. 14. 1. 1. Tim. 6. 4. & 2. Tim. 3. 9.

Præterea verò quum hi sermones in via dicantur habiti, aliquid docemur, cui si locus apud nos daretur, næ multæ contentiones, quærelæ, odia sæpissimè atrocia præciderentur, ex quibus tandem horrendæ confusiones profisciscuntur. Nā vnde quæso tot cōtentiones, vnde tot lites emanant, à quibus sæpe ad verbera & his multò grauiora deuenitur, nisi ex oblo-

quii & detractionibus, ut sæpe vel vna vox magnū incēdium exciter, vix vnquam extinguendū? Sed vbi locorum hę plerūque merces vaneunt? Nōne vel ad fontē, vel in molēdinis aut pistrinis maximē verò in priuatorū cœtibus ac colloquiis? Annō enim ibi singulorum vita excutitur? Quōd si fortē quis de hoc vel illo cœpit obloqui, nonne reliqui suū etiam symbolum adiiciunt, & scommate feriunt, ut sermo sermonem pariat? Nec verò priuatis ista parietibus creduntur, sed mox eliminata totam urbem putidis istiusmodi sermonibus complent, licet tam expresse nos Apostolus moneat, ne verbum vllum exeat ore nostro quod non sit ad ædificationem, & auditorum utilitatem, Ephes. 5. tum etiam scriptores aliqui prophani, à quibus tot præclara documēta in eam rem accepimus. Nec verò silentio sermones futiles hic prætereundi, quos tamē plerique tanquam nemini noxios, tueri vel eleuare contendunt. Quasi verò data sit lingua ad garrulitatem: ac non potius Deo ratio reddenda sit singulorum vitæ nostræ momentorum: præsertim quum diserte Dominus denūtiarit, homines vltimo die iudicij rationem omnis otiosi verbi reddituros. Nullus verò hic excusationi locus, nempe res huc tandem est reditura. Quapropter, fratres, seriò de istis cogitemus. Aio enim, & quidem non vne mœrore aio, reprehensionem istam in nos nimium competere. An non verò contrā, tu Geneva, vna es in multis ciuitatibus cui Dominus de se

CO-

cogitandi longè maximas offert occasiones, & os aperit ad laudes eius prædicandas, & in mutuam ædificationem magnificas eius res gestas concinendi? Agite igitur, si Deum nobiscum semper esse cupimus, quocūque loco, & apud quoscunque fuerimus, ac proinde si expectamus ab illo in ingressu & egressu nostro benedicendi, de Deo semper cogitemus, & loquamur, fide & charitate nobis semper præcuntibus, ac tum optimum rerum nostrarum exitum speremus. Nam, inquit, Matth. 18. 20. Vbi duo vel tres coacti sunt in nomine meo, illic sum in medio eorum. En verò Domini mandatum expressum, Deut. 6. 6. Sinto verba ista quæ ego præcipio tibi hodie in corde tuo: & ea diligenter inculcabis filiis tuis, & meditaberis sedens in domo tua, & ambulans in itinere, dormiens atque consurgens. Id si à nobis erit præstitum, ne dubitemus quin quemadmodum in hac historia memoratur Dominus superuenisse istis discipulorum sermonibus ad opus suum in ipsis perficiendum, & certiores faciendos de nuntio in quo vera omnis posita est, tum vitæ præsentis, tum futuræ, felicitas, ita in nobis vi sancti sui Spiritus magis ac magis operetur, nobis semper præstò adsit, & nostram salutem, cui sit ad eius nominis gloriam honor & gloria in sempiternum. Amen.



HOMILIA OCTAVA.

Luc. 24.

15. Et factum est dum colloquerentur, & si mutuò rogarent, ipse Iesus accessit, & unà interfaciebat cum ipsis.

16. Oculi autem eorum tenebantur, ne ipsum agnoscerent.

17. Dixit autem eis, Qui sunt hi sermones, quos conferitis inter vos ambulantes? & quid estis tetrico vultus?

18. Respondens autem alter, cui nomen Cleopas, dixit ei, Tu solus commoraris in [urbe] Hierusalem, & ignoras quæ in ea facta sunt his diebus?

19. Ipse vero dixit eis, Quæ? At illi dixerunt ei, Quæ facta sunt, Iesu Nazareno, qui fuit Propheta, potens re ipsa & verbis, coram Deo & toto populo.

20. Quomodo eum tradiderunt principes Sacerdotum & magistratus nostri, ut morte damnetur, & crucifixerunt eum.

21. Nos autem sperabamus illum esse qui redempturus esset Israel: atqui præter hæc omnia, tertius hic dies agitur ex quo hæc facta sunt.

Res ea in
quibus Do-
mino pla-
cet operari
miraculose
non semper



XPOSITO à nobis, superiore die Dominico huius historiae initio, reliqua nobis longè maioris momenti sunt excutenda, sermones nimirum ultro citroque

citroque inter Iesum Christum & duos illos discipulos habiti, quum ipsis in itinere factus esset obuiam. Hic autem occurrit quæstio, si necuius certa solutione tota hæc historia nec vera nec verisimilis esse videatur, nempe, quum à discipulis illis duobus, nec vultu nec voce sit agnitus, quibus antea fuisset familiarissimus. Ad hanc quæstionem vno verbo responderet Euangelista, retentos nimirum eorum oculos fuisse: egent autem ista fusiore explicatione, licet nonnihil suprâ iam attingerimus, quum Mariæ Magdalenæ idem accidit, ipsum initio non agnoscenti, sed hortulanum esse putanti, Ioh. 20. 14. Sciendum igitur in istiusmodi *ὑπερφυσικαῖς* & extraordinariis, ac proinde miraculosis factis, nonnunquam rerum ipsarum mutatam essentiam ac proprietates essentielles, veluti quum virga Moïsis in serpentem versa est: & Dominus aquam in vinum mutauit, quod initium fecit signorum: nonnunquam verò nec mutatam essentiam fuisse, nec proprietates essentielles, sed ad tempus tantum retentâs & impeditas, veluti quum aquæ maris & Iordanis steterunt: & ut ait poëta ille non ignobilis, Curuata in montis faciem circumtetit vnda, dum populus Dei per siccū gradio posset: & quum ignis ardor tribus illis Danielis focis in fornacis flammam coniectis cohibitus est. Sic ad tempus aquæ natura fluidæ sub Iesu Christi ac Petri pedibus solidatæ sunt, Matth. 14. 25. & 29. sic ferri pondus secure emergente retentum est, 2. Reg.

immutatæ sunt nec in essetia sua, nec in qualitatibus, sed earum qualitates, tantum retentæ sunt & ad tempus impeditæ.

66. Nec verò mirum videri debet cuiquam, si Deus qui eandem potestatem habet in rebus creatis immutandis quam habuit in creandis, etiam quod minus est quoties ipsi videtur, facit, pro arbitrio suæ voluntatis retinens aut impediens qualitates & effecta rerum à se creatarum. Quapropter extraordinarium quidem fuit oculos & aures Marię Magdalene, & duorum discipulorum, sic quòd ad vsum audiendi & videndi, sine vlla naturali & ordinaria causa retineri, vt Iesum Christum nec vultu nec voce potuerint agnoscere, quandiu nimirum Domino visum fuit, oculorum & aurium nostrarum conditore. Sic olim à Domino Sodomitæ cæcitate percussi sunt, Genes. 19. 11. sic etiam Syriæ regis serui, percutiente ipsos Deo, caligarunt, 2. Reg. 6. 18. & 20.

*Quomodo
intelligen-
dum Iesum
Christum
alia forma
apparuisse.*

Quod itaque Marcus dicit 16. 12. Iesum Christum istis discipulis alia forma apparuisse, non intelligendum quali realis quæpiam in Domini vultu mutatio facta sit, sed eius formę respectu, quæ ex Domini voluntate in oculos caligantes Marię Magdalene, discipulorumque istorum incurrebat. Et quod de oculis tantum hic dicitur, de auribus etiam intelligendum aio. Nam si verè Iesu Christi vultus ac vox immutata fuisset, quid opus erat eorum oculos retineri: nam alioqui miraculum, non in discipulis, sed in Christo contigisset. Nec difficilior erat ipsis Christum auditu cognoscere quàm visu, nisi retentæ fuissent etiam ipsorum aures.

Sed

Sed alia rursus hic aliter soluenda difficultas occurrit, de Iesu Christi vestimentis, cuius corpus quum sepulchro nudum esset conditum, exceptis linteis quæ inuoluta manserunt in sepulchro, nunquam tamen se nudum exhibuit, nec vestimenta sua à militibus à quibus erat crucifixus recepit: itaque quum his vel illis apparuit, & quum in cælos ascendit, verè se ostendit, non autem tantum specie tenuis, co habitu quo voluit, modò hortulani, Mariæ Magdalena: modò viatoris, succinctis nimirum, ut verisimile est, vestibus, cum baculo in manu, quem fuisse Iudæorum peregrinantium morem compertum est. Nam alioqui si dixerimus verè nudum ipsum fuisse (quem non est verisimile supra cælos asportasse terrena vestimenta, sed tantum spectantibus exhibuisse vestimentorum speciem quam volebat, quod non erat alienum ab eius potestate) dicendum etiam fuerit toties illum oculos hominum retinuisse quoties & quibuscunque se conspiciendum exhibuit. Sed num mirum videri debet, eum qui res omnes condidit, id etiam potuisse: quique iam ipsis Abrahami temporibus, eoque sese illi accommodavit, ut appareret ipsi ad id momentum & actum, vero corpore formato, duobusque secum Angelis, cum vestimentis peregrinantium, & quidem hominum more biberet ac comederet (et si non comedebat alimentum percepturus, nec diutius assumptum illud corpus seruaturus, ut deinde assumptam humanitatem nostram in

*Christus cæ-
lis vestimē-
tis appa-
ruit quibus
voluit, ac
reipsa post
resurrectio-
nem nō spe-
cie tenuis
tantum e-
dit ac bi-
bit.*

vnitatem personæ conseruauit & in æternum est conseruaturus, Genes. 18. capite integro) se-
se etiam suis discipulis accommodasse quodd
ad vestitum, & quidem eòusque etiam vt cum
ipsis ederet ac biberet, vt sensibilibiter ac palpa-
bilibiter ipsos de sua resurrectione certiores fa-
ceret?

*Minus do-
ctrina v-
sua.*

Habetis huius difficultatis solutionem, ex
qua discèdum nobis quàm necesse sit nos sin-
gulis momentis Dei misericordiæ commen-
dari, vt sensus etiam corporis nostri naturales
regat, ex quorum integritate & recto vsu mi-
sera nostra vita dependet: quo recto & integro
vsu ipsorum nobis conseruato, non decepti
externa rerum forma, rectū amplectamur, &
quantum ferre potest miserorum corporum
infirmetas, sequamur. In primis autem, quum
de conscientia agitur, & recto sensuum no-
strorum, atque adeò totius nostræ vitæ fine,
Deus à nobis supplicibus votis dies ac noctes
inuocandus est, cum timore & reuerentia, vt si
quas ingenij & recti iudicij vires in rerum ter-
renarum negotiis dedit, easdem augeat ac cō-
seruet: ac ita nobiscum statuamus eum qui, si-
ue nascentibus, siue deinceps per optimam e-
ducationem & rerum vsum istud donum lar-
gitus est, idem posse minuere, vel etiam peni-
tus eripere, quando & quemadmodum ipsi vi-
sum fuerit. Et quidem horum exempla satis
frequentia sacræ & prophanæ historiæ nobis
suppeditant, & experientia quotidiana satis
docet, vnde satis tritum & verissimum illud
prouer-

proverbium, Sapientissimorum plerumque esse facta stultissima. Quoniam verò hæc humana sapientia & prudentia in nefarium hominem cadens fit instrumentum perniciosissimum ac maximè noxium ea sapiētia prædito, tum quibuscunque aliis bonis artibus & scientiis: & naturalis omnis illa Lux, tenebrarum potiùs quàm Lucis nomine digna, nobis tantum arguendis & inexcusabilibus reddendis sufficit: Rom. 1. 20. 21. & 22. deferens nos quum maximè necessaria est, ad veri Dei cognitionem in Domino Iesu Christo, ad quem sensuum omnium nostrorum dicta, facta, cogitationes referamus, istud potissimum Deus à nobis orandus est, ut quum ab ipso deprehendamus in tenebris cum rebellionē coniunctis nati, Rom. 8. 7. Ioh. 9. 41. transferat nos è tenebris in admirabilem Lucem veræ suæ sapientiæ, 1. Pet. 2. 9. Ephes. 5. 8. illuminatis oculis mentis nostræ, Ephes. 1. 18. velle & facere in nobis creet, Phil. 2. 13. oculos nostros auertat ne videant vanitatem, Psal. 119. 37. ne huius mundi fallaci specie decipiamur, 1. Cor. 7. 31. cui nos esse crucifixos, & eundem nobis oportet, Gal. 6. 24. ne vnquam Pulchrum à Bono seiungamus, ut prima nostra parens fecit, Genes. 3. 6. aures nostras perfodiat, Psal. 40. 7. ut ex auditu generata fides ipsa cordis penetralia penetret, Rom. 10. 17. doceat nos manus in innocentia lauare, Psalm. 37. 13. pedes nostros à lapsu retineat, Psalm. 116. 8. tantum nobis suæ bonitatis gustum infundat, Psal. 34. 9. ut huius mundi

delicias flocci faciamus : sed donum illud celeste radices in nostris cordibus altissimas agat, Heb. 6. 4. Denique anima & corpore nos ipsi voueamus ac dicemus, Deumque vnicum requiramus, exemplumque imitati Prophetæ, Psalm. 42. 2. vehementi desiderio ipsum litiamus.

*Cur Dominus istos
diatores in
interrogavit
de iis quæ
iâ sciebat,
& quomodo
quotidie
idem faciat
apud suos
per propriam
ipsorum con-
scientiam.*

Sed ad historiam reuertamur, in qua Dominus dicitur eos discipulos sequutus, quum altiùs eos ex animi vehementia loquentes audiuiſſet, & propius agnitos animaduertisset colloqui de rebus quibus grauitè offenderentur, vltro compellasse, quosque sermones agitarent interrogasse. Ne verò cogitemus factum id ab ipso ex illis cognituro quod melius quàm ipsi nouerat : (nam præter quàm quòd Deus erat cordium ipsorum scrutator, Ioh. 2. 25. is ipse erat passus ea de quibus inter se discipuli conferebant) sed potiùs eos docendi quæ nesciebant ab ipsismet occasionem caprante. Etsi verò ratio hæc agendi veluti per ambages non necessaria quibusdam videri possit, aio contrà nos ex ea discere quæ ad salutis perfectam cognitionem omnino sunt necessaria. Nam ex eo discimus quàm malè isti discipuli præparati essent ad Domini resurrectionem credendam, quem instar cæterorum mortalium putabant in diem vsque vltimæ resurrectionis esse mortuum: quibus tamen tertius ille dies, cuius Cleopas meminit, in memoriam reuocare debuit quod à Præceptore toties prædictum audierant, mortem nempe suam,

suam; ac tertio die futuram resurrectionem, addeò vt qui Dominum crucifixerant huius predictionis non essent ignari, Matth. 27. 63. Annon igitur istud est immensæ diuinæ bonitatis insigne testimonium, quòd quos poterat tanquam indignos sua gratia reiicere, dignatus sit ipsemet clariùs quàm antea docendos quærere? Quoniam autem Adami filij, ad primi sui parentis exemplum, Genes. 3. 12. peccata solent vel prorsus inficiari, vel saltem extenuare, licet manifestissima, idcirco Dominus, etiam vt cordium scrutator, melius quàm ipsimet quid in pectore & in ore haberent nouisset, tamen sciscitatur eos vt ab ipsismet suas cogitationes expiscaretur, vt ex ipsorum ignorantia quam agnoscerent occasionem captaret eos docendi, & remedij quod erat ipsis allaturus capaces reddendi. O admirandam Dei bonitatem erga nos, totidem nobis suppeditantis occasiones ex tenebris, lucem, & ex ignorantia nostra, sapientiam eruendi, quot suggerit admonitiones, siue conscientia nos remordeat, siue aliunde moneamur: siue nos iudicia ipsius quæ ex misero & infelici statu nostro cognoscimus, arguant: ex quibus tum ignorantiam eorum quæ scire nos oportuit, tum peccata quibus immersi torpescimus agnoscere nos par est, quasi Domino ipso nobis, vt olim duobus his discipulis de quibus agimus, occurrente.

Hæc igitur in vsus nostros vt conuertamus, sciendum nullum in nobis esse vel leuissimum

*Quomodo
in vsu re
nocandum*

*illud, Quæ-
rite, & inue-
nietis.*

motum ea cognoscendi quæ de Deo ad salu-
tem scire & credere nos oportet, quin is à quo
in nobis bonus iste motus ac desiderium crea-
tur, quantacunque humana infirmitate labo-
remus, illud augeat ac promoueat ad nostram
eruditionem, siue defectus nostros aut in do-
ctrina aut in moribus arguat, siue aduersus
quaslibet difficultates nos soletur, & in iis quæ
ab ipso didicimus magis ac magis confirmet:
modò tamen ad eum ubi se patefacit, in verbo
suo nimirum confugiamus, quod ideo vult in
Ecclesia sua nobis dispensari: eodémque zelo
quo duo isti discipuli aures attentas ac dociles
præbeamus, tantisper expectantes dum videa-
mus eum qualis est, longè modis omnibus ex-
cellentiore præsentia quàm in his terris appa-
ruerit.

*Tripliciter
peccatur
graviter &
perniciose
in iis in qui-
bus vendis quæ
sunt ad sa-
lutem singu-
los oportet.*

Sequitur Cleopæ responsum, non agnosce-
tis eum quem alloquebatur, & arguentis tan-
quam ignarum facti tam stupendi, quod Hie-
rosolymis summo facinore gestum, omnibus
patere debuerat: malè sanè congruens Domi-
no responsum, sed bono fundamento nixum,
si quod Cleopas ponebat verum fuisset, eum
quem alloquebatur, ignarum fuisse facti tam
celebris ac tanti momenti. Quare, licet in ap-
plicatione peccatum sit à Cleopa, dico tamen
huius reprehensionis usum esse maximum, no-
stróque sæculo, si ulli alij vnquam in re simili,
conuenientissimum. Quid enim, obsecro, in
tantis de Christiana Religione, quæ hodie
passim in toto Christiano orbe mouentur cō-

tro-

proverſis nos magis vrget, quàm vt cognitionem adipiſcamur veræ doctrinæ & veræ Eccleſiæ? An verò fuit vllum ab Apoſtolorum temporibus ſeculum, cui melius conueniat, quod de ſui temporis hominibus dicebat Apoſtolus, 2. Cor. 4. 3. ſi rectum eſt Euangelium, iis qui pereunt rectum eſſe, in quibus Deus huius ſeculi mentes occæcavit? Alij igitur illud adedò contemnunt, vt ne inquirent quidem: alij, etſi Lux oculos eorum & aures feriat, oculos ſibi eruant & aures obturant, ne hanc veritatem videant aut audiant: alij eandem à ſe remouent, abigunt, furioſè denique perſequuntur. Ac ſi de rebus omnino vanis & inutilibus agitur, vt vaniſſimus ſit maximam earum cognitionem aſſecutus, aut de argutiis, à ſe ipſis clara ſatis, obſcurantibus: aut de ſcientiis, (ſi modò ſcientiæ nomen merentur) quarum ipſe Diabolus author, & quas Deus diſcretè prohibuit: annon ea quiſque penitiſſimè rimatur? Ac ſi de caducis opibus congerendis, aut humanis aliis negotiis agitur, nonne videtis vt ſinguli, non eant, ſed currant præcipientes, nullam vel animo vel corpori noctes atque dies quietem concedentes? En vt mundus viuat, parui faciens eam ex qua beati ſumus ſcientiam: vt ex eiufdem ignorantia, infelices, tum in hac vita tum in altera, & contrà diligentiffimus in iis inquirendis quæ ſecum corporis & animi laborem, & vtriuſque tandem extremam perniciem vehunt. Arque ô vrinam à nobis tam procul malū iſtud exularet quàm

frequens est, licet Domino indefinenter, sed frustra nos monente & hortante. Quousque verò tandem iste Dei contemptus, & regnum mammonæ iniquitatis est duraturum? Equidem Propheta non sum, ut certum terminum præfigam: at quum videam, quæ quotidie in oculos occurrunt, & sciam, quæ scio, quid sperare aulam, nisi mensuram ad cumulum peruenisse? Ac proculdubio, nisi meliorem mentem induamus, num fore putamus nostram conditionem meliorem quam fuit urbis Hierusalæ, de qua hic agitur, quod suæ visitationis tempus non agnouerit? Quinimo si peius adhuc nos geramus quam legessit vnquam Capernaum aut Bethsaida, nunquid imminet nostris ceruicibus multò magis horrendum iudicium quam id de quo minatur Dominus apud Matth. II. vers. 21? At Deus pro immensa sua misericordia malum istud à nobis auertat: verum hanc gratiam sine seria & matura immutatione consequi nos posse ne speremus.

*Exemplum
summæ in-
firmitatis
in Cleopæ
respõso, par-
tim falso,
partim in
eo quod est
verum ma-
co ac defe-
ctus.*

Iam autem responsum audiamus Cleopæ de sermone cum comite habito, cuius duo sunt capita: primum, testimonium de Christo eximium, alterum causas continet quibus ipse & alter adhuc herent dubij & incerti. Primum igitur, eum quem non agnitum alloquebatur, Iesum dicit, sed de Nazareth. Prophetam deinde agnoscit, & quidem excellentissimum coram Deo & hominibus, operibus & sermonibus coram Deo & toto populo. Testi-

monium

monium partim falsum, partim in eo quod verum est mancum & defectiuum. Nec verò propterea duos viros istos in eorum quos incredulitas totos occupat: nec in Iesu Christi inimicorum aut Apostatarum numero reponimus: etsi tamen agnoscimus exiguum tum illis fuisse Lucem Euangelicam, Christianæque fidei prima rudimenta valde tenuia, quæ fides deinde in ipsis creuit ac irrigata & aucta, eius ipsius virtute à quo in ipsis fuerat plantata, fructum tulit. Sic monet Apostolus vt qui maiores profectus fecerūt, infirmiores in fide tolerant & ad se assumāt, Rom. 14. 1. & Philip. 3. 15.

Primum igitur quòd Nazaretham putat locum esse natiuitatis eius quem Iesum vocat, aut ignorans, aut non expendens eius vocis significationem, quam ipse Gabriel Angelus indicarat, Matth. 1. 21. falsum est. Nam Bethlehem Iesus natus est. Deinde his verbis pugnatialo qui planè videtur, hunc enim esse Iesum, & Nazarethæ natum, sunt contradictoria, quum expressè prædictum sit, hunc Iesum, (idest Seruatorem, qui Christus est Dominus, & Patrum expectatio) nasciturum Bethlehem Iudæ, non autem in Galilæa: vel ipsis testibus Scribis Herodi apud Matth. 2. 5. respondentibus de loco nascituri Messie, ex Prophetæ Michæ loco cap. 5. 2. Cleopas itaque quid diceret non intellexit, & quidem ex sola ignorantia, Iesu nomen non aliter quàm de quolibet è vulgo intelligente, quum eodem nomine Mo-

Græuiter errauit Cleopas, tum in nomine Iesu malè intellecto, tum in eo quod Nazarethanum fuisse existimauit.

sis famulus, qui post Moſen populi conductor fuit, & alij non pauci fuiſſent inſignes. Vox enim Hebræa, quicquid phanatici quidā ſomnient, & Rabini ex impietate garriant, eadem eſt cum Græca Ἰησὺς, ex qua Ieſu nomen aliæ omnes linguæ mutuatae ſunt.

Rumor communis hominum errorum fuit cauſa, multaſque hodie, imo infinita mala generantur.

Igitur ab errore communi manſuit hæc ignorantia, quodāmodo ut videtur excuſanda in iis qui cauſam peculiarem huius nominis Chriſto impoſiti cælitus, non ab hominibus, ignorabant. Nec verò minus vulgatus error, Ieſum Chriſtum Nazarenum eſſe, illo, quo Iosephi habitus eſt filius, quod nimirū Nazarethæ educatus eſſet, quæ Iosephi & Mariæ domicilium fuit, Matth. 13. 56. Hinc conſpicuum eſt quæ fides & ſpes eorum eſſe poſſit qui rumorem vulgi ſuæ Religionis fundamentum ponunt, quos ſaltem triti ore omnium pro- uerbij meminiffe decuerat, Stultos in turbam ruere: & hæc quidem non levis culpa, multorum malorum origo. At hic error longè illo altero grauior. Nec enim Ieſus eſſe Chriſtus deſuiſſet, etſi alio à Patre quàm Ieſu nomine ornatus, quem Propheta priùs Immanuel dixerat, duarum ipſius nempe naturarum reſpectu: ſed eſſe Chriſtus Dauidi promiſſus non poterat, & alibi quàm Bethlehemi naſci, quin Dei verbum per Micheam prophetam falſi coargueretur.

Et i errores in Sacerdotibus & Scribis prorsus inexcusabiles.

Cæterum in Scribis & Sacerdotibus prorsus non excuſandi iſti errores. Nam quum ſciuerint & audiuerint ubi Chriſtus eſſet naſci-
turus,

rurus, præter supputationem septimanarum Danielis, qui cum cæteris Prophetis in Synagoga, Luc. 4. 19. & Act. 13. 27. diebus Sabbati legebatur. Magorum ex Oriente in urbem Hierosolymam aduentus, & ab ipsis redditum Herodi responsum, nonne saltem illos ad horum seriam indagacionem excitare debuerant? Et ut hæc omittam, quæ deinceps contigerunt, infantium putà Bethlehemiticorū cædes, à pastoribus per totam regionem diulgatus rumor, Luc. 2. 17. præsentatio in templo facta, Simconis & Annæ prophetissæ testimonia, eodem loci reddita, concio à Christo duodenario in Synagoga Hierosolymis habita, Luc. 2. 46. tota Ioānis Baptistæ prædicatio, hūc Seruatorem digito monstrantis, nonne satis apertè demonstrant istos Sacerdotes & Seniores populi, nec simplici ignorantia, nec tantum inexcusabili negligentia lapsos esse, sed malitiosa induratione, quæ ipsos de loco natiuitatis Iesu Christi prohibuit inquirere, & quæ deinceps in eadem ignorantia tum ipsi tum alij etiam magis ac magis obfirmati sunt, Ioh. 3. 5. Iesum Christum in Galilæa, Nazarethē putata, natum, ut inde Christum esse non posse aduersus seiplos concluderent?

Quis verò Cleopam & alios discipulos eadem iam dudū opinione imbutos, ut ex Ioh. cap. 45 & 46. patet, à crassa & sūma stupiditate & negligentia liberarit, qui tam diu loquentem Magistrum audiuerant, ex quo hæc omnia sciscitari potuerūt ac debuerant? Nam

*Quo sensu
Iesus Christi
fuit à Patre
et Pan-
lo Nazare-
mus dictus.*

extra dubium est, Cleopam hic ex animi sensu loquutum. At quum Petrus, melius edoctus, à resurrectione vocat eum Nazarenum, Act. 4. 10. & 3. 6. & 2. 22. & D. Paulus, Act. 26. 9. & ipse Christus ita seipsum denominavit, eorum respectu factum est quos alloquebatur, ut ex noto cognomine agnosceretur, non autem ut communis error approbaretur. Et hic quidem primus in Cleopæ responso defectus.

*Non satis
est Christi
verum ho-
minem dice-
re, nisi et
verum Deū
agnoscas.*

At quod sequitur longè maioris etiam est momenti. Verè quidem enim Cleopas magistrum suum hominem vocavit: sicuti etiam eū hominē Petrus dixit, Act. 2. 2. 2. & Apostolus Paulus, 2. Tim. 2. 5. non tamen hanc vocem restringens, quasi tantum homo fuisset: sed Cleopas, quod ex eius sermone conspicuum est, sic hominem & quidem excellentissimum agnoscit, ut de eo nihil aliud nisi ut de homine sentiat. Quam in re ostendit iterū quā tum etiam religionis Christianæ, firmi fundamenti de persona Mediatoris esset ignarus. Nisi enim Iesus Christus non minus esset verus Deus quā verus homo, quis sine idololatria vel in eo fiduciam suam collocaret, vel ipsum inuocaret? Annon etiam ipsi Servatore & Reconciliatore apud Deum suum Creatorem opus esset.

*Quanta sit
statuenda
differentia
inter Iesum
Christum,
quum Pro-
pheta dici*

Nihilo vero certiolem habebat Cleopas cognitionem officij Mediatoris, quem aliorum Prophetarum numero accensebat, licet longè aliis superiorem faciebat. Et si enim Prophetæ vox, quocunque sensu accipiat, me-

ritò Iesu Christo tribuitur: sic tamen intelligenda vt in Christo discernatur, non tantum <sup>tur, & alios Prophe-
tas.</sup> secundum reuelationis mensuram, Ioh. 3. 34. sed in re ipsa & modo eam habendi. Nam alij Prophetæ hanc gratiam aliunde acceperunt quàm à se: Iesus verò Christus quatenus Deus est, vna & eadem essentia & virtus cum Patre & Spiritu Sancto, seipsum hoc Spiritu, respectu suæ humanitatis, vniuit. Et quod maius est, tantum abest vt alij Prophetæ eiusdem cum illo sint dignitatis, vt contra is ipse sit cuius spiritu afflati alij omnes Prophetæ loquuti sunt, I. Pet. 1. 11. quique quum supra cœlos ascēderit vt cœlum ac terram regat, etiam quatenus homo est, Ioh. 5. 27. & Matth. 28. 18. non sanè simpliciter vt Scribæ ac Prophetæ loquutus est his plerunque verbis, *Sic dicit Dominus*, sed vt auctoritatem habens, Matth. 7. 29. & tãquam domus suæ dominus, Heb. 3. 6. his verbis vsus, *Amen, Amen, dico vobis*. Is enim est qui Ecclesiæ suæ Prophetas, Pastores ac Doctores dat, Ephes. 4. 11. Præterea discrimen est aliud longè maximum & essentiale inter Prophetas, Iesum Christum venturum prædicentes, & Iesum Christum qui substantia est Prophetiarum, quique nobis, vt qui in sinu Patris sit, eum reuelauit. Ex qua collatione satis patet Cleopam valde rudem adhuc fuisse status Prophetici Domini nostri Iesu Christi, licet meritò doctrinam eius & opera magni fecerit: siue hanc Prophetæ vocem ad eius miracula restringamus, siue ad omnes eius actiones

extendamus.

Abusus ex quo nascitur & fons tur salia omnis religio, manat ex eo quod Sp. S. alligatur inseparabiliter personis, sed dentibus primum in cathedra Moysis, deinde Iesu Christi, quos tamen ad Lydium lapidem oportuerat examinari.

Vt autem ex hoc defectu fructum aliquem colligamus, summopere notandæ sunt duæ scaturigines è quibus omnes isti errores promanarunt. Harum prior est praua populi opinio, qui propterea quòd Deus summum Sacerdotem & eius assessores esse iusserat Legis totius Doctores atque expositores, Leuit. 10. 11. & Deut. 17. 10. & 11. ita Dei Spiritum personis illis alligabat, vt quicquid obtruderent tanquam verum & à Deo profectum acciperent. Altera est semel receptam opinionem mordicus retentam fuisse. En vt miser ille populus fuerit instar gregis miserarum ouium, quarum aliæ errarent sine pastore, Matth. 9. 16. aliæ essent instar cæcorum, quos alij cæci ducerent, Matth. 15. 14. Veruntamen ex sacrarum historiarum lectione, & Prophetarum reprehensionibus ipsos oportuerat didicisse, tã Sacerdotes quàm alios templi ministros sapissimè fuisse veræ doctrinæ hostes insensissimos, ac persecutores acerbissimos: & nominatim Esaias tam clarè prædixerat, perire nolentes cū intrinsecus supra populum in Hierusalem dominantibus, Esa. 28. 14. ex Lege & testimonio oportere iudicare tanquam veros discipulos obliquatos & compactos, Esa. 8. 16. sublata à sapientibus sapientia, & intelligentibus intelligentia, perfusus ipsis spiritu soporis, obrectis Prophetarum oculis, & primorum videntium, Esa. 29. 10. & 14. Et à quibus, obsecro, præcipuum lapidem ab ædificantibus reiciendum

præ-

prædixerat Propheta, Psal. 118. 22. & Dominus ipse, Matth. 21. 42? Annon autem istud ipsum Ecclesiam Dei & miseras conscientias lingulis seculis in hunc miserum statum impulit, in quem collapsam eam intuemur? Nam perdit illi homines qui se hodie Catholicæ Ecclesiæ repræsentatiuæ nomine venditant, horrendam profanationē in omnes veræ Religionis partes inuexisse conuicti, quid magis clamitare solent quàm Ecclesiam errare non posse? Quasi verò probauerint se eam esse Dei viuentis Ecclesiam, quam Paulus columnam veritatis dicit: quum tamen contrà omnibus, saltem non cæcutientibus, manifestum sit & intus & foris, verè potiùs illos esse Babylonem illam ingentem matrem scortationum & abominationum terræ, sanctorum inebriatam sanguine, & Iesu Christi martyrum, Apocal. 17. 4. & 5. Cæterùm vna illis est hæc aduersus omnes quos adferimus ex Scriptura locos oppositio. Quinam verò vos estis, vt vos opponatis omnibus iis quæ antequam prodiretis, omnes credebant & faciebant? Annon, obsecro, ista illa fundamenta sunt ad ignaros erudiendos, & fulciendas conscientias labascentes, & cum infinitis tentationibus colluctantes? Tibi verò Domine Iesu Christe, gratias agimus immortales, quòd nobis, vt duobus vris tuis discipulis, occurrere dignatus sis, vt ex tot tantisque fallacibus & mendacibus hominum commētis erueres: ac precamur etiam vt quo modo cœpisti pergas miseram Ecclesiam tuam in-

staurare, sicuti duos discipulos tuos pluribus erudiisti, quemadmodum deinceps audituri sumus.

Falsa illa opinio, Pastorum nomen præ se ferentibus indifferenter adhibenda fide, obscurius facit quod est apertissimum: & adhuc hodie mentibus hominum tenebras of fundit.

Vt igitur ad historiam reuertamur, Cleopas tantæ suæ anxietatis ex qua se non posset extricare duas causas adfert: primum quoniam id fieri potuisset, quod fidem omnem superare videtur, Iesum Christum tam sanctum & tam insignem fuisse Prophetam, & tamen à præcipuis Sacerdotibus & populi Senioribus non modò non agnitum fuisse, quem tamen par erat ab ipsis melius quàm ab alio quouis agnoscere, sed etiam odio habitum, & ad mortem usque, & quidem mortem Crucis petitem. Deinde, qui fieri posset ut iam hoc triduo mortuus reuera, is esset qui Patribus fuerat promissus ad Israël liberandum: quod se tamè Cleopas cum aliis etiam discipulis dicit expectasse. Magnas illas profectò difficultates adfert, ex quibus videmus quàm facile vnus error multos alios ac penè infinitos in hominum mentibus pariat. Nam Cleopas fieri omnino non posse quum præsupponeret, ut summi Sacerdotes ac Seniores populi eò usque ignorantia aut improbitatis deuenissent, obscurum putat quod erat satis apertum, & contradictoria exilimat quæ pulchrè inter se conueniunt.

Vera ratio falsos pastores à veris discernendi hac vna est

Nam quid magis est proprium veritatis inimicis, quàm ut eandem reiciant & persequantur? Tales autem esse Sacerdotes & Gubernatores populi, Cleopas & alij discipuli col-

colligere saltem debuerant ex perpetua repu- *an cā sacra*
gnātia inter homines illos & Christum, quem *Scriptura*
hoc suo responso testabatur se tanquam Dei *conueniāt.*
hominem, excellentissimūque Prophetam
agnoscere, non sanè illum quidem specie re-
nus, sed reipsa Deo & hominibus evidentissi-
mo certōque testimonio approbatum. Anne n
istud ipsum hodie præsупponunt, tum miseri
cæci illi, quibus Religio est de Religionis cō-
trouerſis capitibus inquirere, tum ij quibus
aut ex parte aut omnino constat quidem de il-
lis controuerſis, sed de sopienda conscientia
tantūm cogitant? Quum igitur Cleopas Iesum
Christum haberet pro tam sancto & excellenti
viro, nonne potuit ex eo cognoscere eos à qui-
bus ita fuerat condemnatus esse si non perdi-
tissimos & ab omnibus abominandos, saltem
crassissimæ ignorantix reos, ideoque reiicien-
dos? Non aliter hodie, si Euangelium provero
admittitur, quomodo non habentur pro pseu-
dopastoribus à quibus illud reicitur? Vt verò
vtrum illud reiiciant nec ne cognoscatur, an-
non oporteret, pro falso illo præiudicio, non
pelle illos errare, diligenter inquirere an eo-
rum doctrina sit conformis Scripturis, necne?
Hoc ipse Dominus iussit, Esa. 28. 20. Ioh. 5. 39.
hoc vetus Ecclesia fecit, Act. 17. 11. Hoc igitur
adhuc hodie nobis faciendum erat. Contra ex-
cipiunt alij quidem non esse verisimile, Deum
suam Ecclesiam eousque deseruisse, vt in tan-
tam ignorantiam prolapsa sit quam asseri-
mus: alij verò regerunt vt vt sit non tamen al-

tare aduersus altare, sicuti facimus, fabricandum, transformando quæ reformanda potius fuerunt: alij Legitimi Concilij definitionem expectandam censent: quæ omnes pessimæ sunt conclusiones, ex falsis natæ præsuppositionibus.

*Præ non est
de Pastoribus
male
sententia,
sic non te-
mere quo-
rumlibet
Pastorum
de omni ut
necessario
verum est re-
cipienda.*

Nam vt ad singula sigillatim respondeam: non dicimus habendos omnes Ecclesiæ Gubernatores pro falsis Doctoribus, sed quum tales esse possint, & tota veteris Ecclesiæ historia moneat, tum ipse Iesus Christus prædixerit, & Apostoli scriptis tradiderint, omniumque seculorum experientia doceat, cecitatem, quam aduenisse dicimus, vêturam fuisse, num illi, quæso, sapiant qui quum in ea tempora inciderint, quibus tantopere hæc quæstio agitatatur, non magis mouentur quàm si ad eos nihil pertineret.

Nam credere quenquam seruari posse, qui non sit Christianus, idest qui de Deo non credat quæ credenda sunt, vt illi reconcilietur & sit gratus & acceptus: & quénquam credere posse quod ignoret: posse verò nosse non inquirentem sicuti quærendum est, non modò somniantis est, sed prorsus delirantis. Nam quicquid interrogatus aliquis responderit, & sine fundamento credere & admittere, quid aliud est quàm seipsum decipere, aut in periculum illud se conicere, suamque conscientiam floccipendere, aut salutem aut damnationem rebus omnibus posthabere?

Ecclesiæ

Deinde, verum illud quidem fateor à Deo
suam

suam Ecclesiam nunquam esse deferendam, ac fideles pastores & doctores, idest, fideles arcumorum Dei dispensatores, I. Cor. 4. 1. esse sui muneris respectu velut illius Ecclesiæ columnas, sed hoc Ecclesiæ vocabulum, quo cæterus ouium Domini vocem non autem peregrini audientium significatur, Ioh. 10. 6. & 27. ad eos restringere qui Gubernatores Ecclesiæ dicuntur, de quibus an reuera tales sint ignoratur, non tolerandum errorem dico.

Nec magis eorum admittendam excusationem censeo, qui ingenij sui imbecillitatem prætexunt. Nam si consueque locum imbecillitati mentis dandum esse putamus, vt sit tantopere desperandum, quis oro idoneus erit vt Pastor, aut etiam ouis fiat? Nec dicimus omnes Christianos ad tantam scientiam debere peruenire, vt de quauis Christianæ Religionis controuersia respondere teneantur. At quum sine fide nemo Deo placeat, fides autem rerum credendarum certam cognitionem præsupponat, seruandum quemlibet ad eam cognitionem vsque progredi necesse est: ac proinde nulla superest vocatis excusatio, quæcunque tandem naturæ nostræ incapacitas aut repugnantia occurrat, quin vocanti sese docilem præbendo respondeat, quum frustra nunquam dixerit Dominus, Petite & dabitur vobis: querite & inuenietis, pulsate & aperietur vobis, Matt. 7. 7. & Luc. 11. 13. Quid amplius? Tantum abest vt propter incapacitatem animus despondendus sit, vt nemo contra dignus sit hum.

*vox non ad
solos pasto-
res restrin-
genda.*

*Neminem
sua ingenij
imbecilli-
tas excusat
quominus
ea inquireat
quæ crede-
re ipsum o-
portet.*

ius sapientiæ cognitione, nisi qui stultitiam suam agnoscit, & eidem renuntiat, Luc. 10. 21.

*Non intro-
ducunt no-
nam Reli-
gionem qui
solam verã
et veterem
suo loco de-
pulsam à
falsa resti-
tunt.*

Quid verò futurum est iis qui pro veteri suo altari pugnant, nouum nostrum appellantes, si tandem errorem suum agnoscant, se nimirum hoc pro alio accepisse, atque adeò Domini altare instaurare, suo loco prius motum ab iis qui Damali altare substituere conabantur., 2. Reg. 16. 11. non esse Ecclesiam transformare, sed reformare?

*Concilij de-
finitionem
expectanti-
bus respon-
detur.*

De Concilij verò definitione quapiam expectanda, vrinam tam illud esset facile, quàm repugnare omnia videntur. Quid autem fiet interea temporis morientibus? An in alio mûdo speramus tale quod futurum Concilium? Agite igitur, fratres, Deo gratias agamus, qui nos istiusmodi conclusionum atque inde manantium errorum falsitatē docuit, ac cum omni modestia & animi abiectiōe, nostrique & eorum omnium quæ sunt in homine diffidentia, supplices ab eo petamus maius in dies incrementum cœlestis huius sapientiæ, quam in sacrosancto verbo suo sanctæ suæ & infalibilis veritatis regula & amissi nobis reuelauit.

*Iesu Christi
mors igno-
miniosa ma-
gna eius glo-
ria est, ac
nostra salus
aduersus
vulgi erro-
rem.*

Altera illa Cleopæ quæstio & difficultas, quomodo Iesus Christus Ecclesiæ suæ Liberator esse queat verè mortuus, & quidem iam triduo, ex alia longè etiam absurdiore opinione, quàm superior, manat: vulgi nimirum errore, ad Regnum terrenum ac mundanum referentis, quæ de Messîæ spirituali ac cœlesti regno dicuntur. Error sanè perniciosus &

exitialis: qui tamen tam altas radices egerat in animis omnium cuiuscunque conditionis essent in hoc populo, ut ne Apostoli quidem, etiam quum Dominus in cœlum ascenderet adhuc illū deposuissent, Act. 1. 6. eorū obliti nimirū quæ Dominus ipse matri duorum præcipuorum Apostolorum responderat, Matth. 20. 22. & toties alibi. Licet autem hic error inualuerit, tantum tamen abest ut mors illa cum ignominia coniuncta quidquam detrahat, nec de Iesu Christi gloria, nec de veri Israëlitis restoratione, ut contrā, Cruce, veluti Gradibus quibusdam in illam sublimitatem euectus sit, & nomen illud adeptus quod est supra omne nomen, Philipp. 2. 8. & 9. Atque etiam in sola morte ipsius & sanguinis effusione Deo reconciliamur, Rom. 3. 24. Cleopas igitur sibi difficultatem inextricabilem fingit, in eo ipso in quo posita est vera nostrarum conscientiarum tranquillitas: tam exitiale est vulgi errorem aut consuetudinem, sine diligentiore inquisitione sequi. Annon, inquam, in hæc denia multi aberrantes sic à recta via deflectunt, ut nisi peculiari Dei gratia non possint in eam reuocari? Eia igitur, Deo gratias agamus, qui tam nobis hanc quàm alteram illam difficultatem enodarit: qui que nos à lata illa porta & spatioſa via, quæ ad perditionem ducit, retractos, pro sua immensa misericordia, in angustam viam, qua ad vitam peruenitur, & paucis cognitam, introduxit, Matth. 7. 13. Gratias, inquam, immortales agamus illi pro tanto be-

neficio, ac precemur eum, vt hanc semel ingressi semitam sic insistamus, ne vnquam ab ea vel ad dextram, vel ad læuam deflectamus. Amen.



HOMILIA NONA.

Luc. 24.

22. Sed & mulieres quædam ex nobis perculerunt nos, quæ diluculo venerunt ad monumentum.

23. Et non inuento eius corpore venerunt, dicentes se etiam apparitionem Angelorum vidisse, qui dicunt eum viuere.

24. Et abierunt quidam eorum qui erant nobiscum ad monumentum, & ita inuererunt prout mulieres dixerant, ipsum verò non viderunt.

25. Tum ipse dixit eis, O amentes & tardi corde ad credendum omnibus quæ loquuti sunt Propheta.

26. Nonne hæc oportuit pati Christum, & introire in gloriam suam?

27. Et incipiens à Mose & omnibus Prophetis, interpretabatur illis in omnibus Scripturis quæ de se scripta erant.

28. Appropinquarunt igitur vico in quem proficiscebantur, & ipse simulabat longius ire.

Historia
res.



ACTENVS audiuius ex Cleopæ responso, tum suo tum sui comitis nomine cum quibus difficultatibus luctarentur, quæ duobus fallis principiis niteban-

bantur, quibus adhuc hodie multi decipiuntur. At quæ sequuntur ostendunt illos de conclusione cogitasse in meliorem partem, si modo certius & euidentius de Domini resurrectione testimoniū accepissent. Nam ex Cleopæ verbis colligitur prius ipsos vrbe fuisse egressos quàm aut Maria Magdalena, quæ prior Dominum coram aspexerat, Marc. 16.9. aut aliarum mulieres quibus in urbem reuertentibus conspiciendum se Dominus præbuerat, Matt. 28.9. Apostolis ea renuntiaſſent. Igitur exiuerant vrbe statim ac quædam ex illis mulieribus, quas ad Angelorum conspectum territas diximus anſugisse, non expectatis aliis quibus in via Dominus apparuit, venissent in urbem, & post eas Petrus & Iohannes: quæ diligenter obseruanda sunt ad historiæ seriem intelligendam. Neque verò duorum discipulorum incredulitatem ista excusant, etſi adhuc in vtrâque partem titubantium, aut credendi quæ ipsis erant nuntiata, aut etiam non credendi. Nam Angelorum sensibilis & palpabilis visio, & eorūdem testimonium, satis magnum pondus, ad huic nuntiatae rei fidem faciendam, habebant. At ista quoniam fœminæ nuntiabant, & de visionibus loquebatur, etſi Angelorum, idcirco hi discipuli, præterquàm quòd ipsis erat insolens hæc resurrectio, Iesum Christum arbitrabantur, si resurrexisset potius appariturum cum insigni quadam magnificentia, vt de suis hostibus confuſis triumpharet, ac proinde magnificum illud Regnum populo promif-

*Humana
ratio tunc
vulgus i-
plum tunc
ipſos huius
ſeculi sapiē-
tes ad in-
credulitatē
noſtræ ſalu-
tis reſpectu
ducit.*

sum veniente Messia erigeret. Sic nimium sæpe contingit, vt quos oportebat simpliciter Scripturæ fidem adhibere de re quapiam asseueranti, eos styli quo Spiritus Sanctus vtitur simplicitas magis offendat, & immedicabile offendiculum adferat, quòd quis in ea loquatur, non satis attendant, vt par erat ipsos ad suam ædificationem facere. Idcirco etiam Euangelij prædicatio, qua Deus potentissimo instrumento vtitur ad salutem omnium credentium, Rom. I. 16. visa est huius seculi sapiētibus mera stultitia, quòd falsum & ridiculum existiment quicquid cum sua stultitia, quam sapientiam dicunt, non conuenit: quod Apostolus Paulus expertus est Athenis, Act. 17. 32. adeò vt Prophani auctores veram Religionem ab ipso Deo populo suo dictatam, superstitionem & amentiam dixerint. At standum nobis hac in parte Dei filij iudicio, vocantis hic amentes Cleopam & comitem ipsius, adeoque omnes ipsorum similes. Nam eadem adhuc stultitia durat, & in dies procedit: licet iam pridem Apostolus tam expressè, immò tam acriter, Corinthiorum illorum superbiā corripuerit, qui sanctissimam illam Apostoli simplicitatem quum fastidirent, tantopere Euangelio prophanae Rhetorices tunc in Græcia florentis coloribus adornato delectabantur: & quòd ad rem ipsam & doctrinæ substantiam attinet, tam clarè præmonuerit Colossenses, ne se deprædari paterentur per philosophiam humanam, veræ scientiæ nomen

emen-

ementitam, Col.2. 8. Atque vtinam iam tum pestis illa & lues ab Ecclesia coacta fuisset exulare, quum contrà in dies noua subinde fecerit incrementa. Nam tum in hac historia, tum in aliis passim, nobis eorum occurrunt exempla quos solus sensus natura corruptus decipiebat. Verùm hæc naturalis ratio, iam satis per se corrupta & fallax, sese iã omni pigmentis & fuci genere adornatam offert mortalibus. Nam ex quo Deo placuit hoc nostro seculo linguarum & bonarum artium cognitionem instaurare, tam miserè pollutum est istud Dei donum, vt hodie, quum de Religione agitur nimium multi diuinam hanc puritatem mille speculationibus ex Philosophorum lacunis haustis polluant atque prophanent. Sic enim Philosophorum scripta lætitant, non vt aliquam ab iis vtilitatem in huius vitæ negotiis referant, nec vt rebelles conuincant ab iis ipsis quæ sensus communis dictat, & quæ reliquæ illæ lucis naturalis in magnis illis viris & humana sapientia præditis de veritate in multis capitibus docere potuerunt, ea in re Apostolorum exemplum sequuti, ac ipsorum etiam in multis locis Prophetarum: sed contrà vt merum istud ex spoliis phialis haustum, Cant.2.5. diluant aqua cisternarum, non aqua pluvia, sed humanis ratiocinationibus & imaginationibus plenarum: vt non immeritò dicat Apostolus magnos illos sapientes inde suam insipientiam & fatuitatem prodidisse, Rom.1. 21. & 22. quòd modum non seruarint, aut assequi se posse pu-

putarint & de iis statuere quæ caro nec sanguis docere possunt, vt non immerito quidam ex veteribus dixerit, tales Philosophos fuisse hæreticorum patriarchas.

*Maxima
prophana-
tio sanctæ
doctrinæ, in
modo res
sacras cum
affectata
Rhetorice
humana
proponēdi.*

Vulgarum verò ac simplicem sermonem quo Iesus ipse Christus vsus est quanti hoc seculo faciunt, qui sic Euangelij doctrinam proponunt vt parum aut nihil omnino Verbi diuini prædicatio, differre videatur à garrulitate declamatorum, aut rabularum, quæ prorsus repugnat rationi illi verbum Diuinum annuntiandi, quam & Prophetæ olim, & ipse Dominus noster Iesus Christus, & eius Apostoli secuti sunt: cuius etiam expressam regulam Apostolus omnibus veris pastoribus præscribit, 1. Tim. 2. 13. idem apud superbos illos Corinthios protestatus, 1. Cor. 2. 1. Nam omnem illorum orationem si diligenter expendas, nihil nisi verba reperiās quibus auditorum æquè ac pastorum ipsorum aures demulcentur. Absit autem vt hac in parte bene dicendi scientiam, aut propriis, vsitatis ac significantibus verbis vtendi, peritiam, siue quis doceat, siue exhortetur, arguat aut loquatur, reprehendam. Verum enim verò sanctam hanc eloquentiam hauriendam dico, nō ex oratorum præceptis, quæ huius vitæ negotiis relinquenda sunt: sed ex Prophetarum & Apostolorum scriptis, in quibus nullam videas sententiarum affectationem, nullos verborum flores aliunde quæsitos, sed sententiarum ac verborum maximū pondus, grauitatem, vehementiam, ex qua sa-

ne mentis omnibus hominibus sit perspicuum non ab humana arte illa proficisci, sed ex verè præceptis diuinis, cui nec sapientia nec eloquentia humana potuit vnquam resistere: sed locum cedere coacta fuit. Act. 26. 24. Ioh. 7. 46.

Sed vt vnde digressus sum, reuertar, age perpendamus quid Dominum impulerit vt reprehensione aliqui duriore, discipulos illos duos exciperet. Nec enim erant hi duo sicuti diximus, ex eorum quos vocamus infideles & incredulos numero: sed tantùm hærebant dubij: vt quibus etiam nondum se patefecisset. Duplex igitur quam adfert ratio est. Prior, nimium tardos ad credendum quod ipsos oportuerat sine difficultate credere: qua in re si paulò duriore vocabulo Dominus vsus est, minimè tamen modum excessit, quasi in prorsus incredulorum albo ipsos censeret. Altera est prioris confirmatio, quasi Dominus his verbis esset vsus, vestram hanc tarditatem reprehendo: non quòd quicquid effaturur credendum velim, sed quòd ad rem præsentem attinet, quam Prophetæ iam olim tam clarè prædixerunt, vt nullus sit vobis dubitationi locus relictus: quum præsertim si ea falsa essent, is de quo loquimini non sit futurus ille Christus promissus Prophetarum vaticiniis. En summam huius reprehensionis quæ maximam ac pretiosissimam doctrinam continet, quam vtinam Spiritus Sanctus in singulorum cordibus insculpat. Primum igitur hinc discamus, Euangelij prædicationem, non esse

Non sufficit doctrina. nam doceat, sed eandem oportet applicari, adeò vt nonnunquam prout res ipsa postulat, aciores reprehensiones admisceantur.

tantum in sui contextus expositione positam,
& quarundam circa doctrinam quæstionum
enucleatione, quos fines plerique suis pastori-
bus libenter præscripserint: sed etiã in appli-
catione maximè cõsistere, prout fert audito-
rũ, aut morbidarũ ouium cõditio: futura alio-
quin inani & sine fructu verbi Dei prædica-
tione. Atque iterum ad hunc isti scopulum
allidunt, qui patiuntur quidem ad contextum
addi suaves aliquas consolationes: immensam
Dei bonitatem ac misericordiam erga mise-
ros peccatores commendari: ad bonã quem-
que opera diligenter etiam excitari: (quas fi-
delis esse Pastoris partes quouis loco & tem-
pore nõ inficiamur, quũ ipse Spiritus Sanctus
tam pretiosum Consolatoris nomen assump-
serit) sed si ad reprehensiones deueniatur, alij
quidem, & sæpe nocentissimi, sibi iniuriam
fieri queruntur: & libenter bonis ac fidelibus
pastoribus potius caruerint quàm vt tales
ferant: alij verò quod minimè voti sui com-
potes fieri queant, fremunt & stridunt denti-
bus, ac in deterius labuntur: alij ad suam tru-
tinam has reprehensiones examinant, & mo-
dum eas semper excedere iudicant. Denique
ægotisiam similes facti, vix patimur nostra
vlcera tractari, aut iis curandis & tentandis
scalprum veluti chirurgicum adhiberi. Quid
hic igitur fido Pastori facto opus est? Næ, si ve-
lit hominibus placere, non est amplius Dei
seruus, Gal. I. 10. Primum igitur Spiritum di-
cretionis post scientiam à Deo flagitabit, vt
nihil

nihil temerè, nihil nisi probè cognitum reprehendat. Deinde verum vsum diuini eloquij postulabit, vt non tantùm loquatur, sed etiam vt oportet liberè loquatur, Ephes. 6 20. Itaque aduersus omnes minas intrepidus stabit, & obturatis auribus sine vlllo personarũ respectu, Domino auscultabit sic ipsum per Prophetam Esaïam admonenti, Exclama gurgure, ne cohibeto, tanquam buccina extolle vocem tuam, & indica populo meo defectionem ipsorum, & domui Iacobi peccata ipsorum: Audiet, inquam, Apostoli buccinam eum his verbis admonentem, Prædica sermonem, in sta tempestiuè, intempestiuè: argue, obiurga, 2. Tim. 4. 2.

Caueat verò fidelis Pastor, ne fastidium illi obrepat, quòd se operã ludere existimet. Nec enim Esaïas destitit populum rebellem & contradicentem, annos circiter sexaginta monere & hortari: nec Iesus Christus Dominus noster Sacerdotes ac Pharisæos, à quibus tandem in Crucem actus est. Quinimo discimus ex quotidiana experientia, plerunque sementem in iis tandem germinare qui ad tempus saxis duriores fuerant: & contra in iis perdi quos ad tempus bonum ac fertile solum arbitrabamur. Nostrum igitur est qui hoc munus accepimus ferere, plantare, & rigare, obsequi ei à quo mittimus, & sementis incrementum eius prouidentia ac potentia permittere.

Deinde summo opere cauendum, ne temerarij deprehendamus sanctæ cuiusdam *παρρησίας*, *Doctrina ex sacris*

*scripturis
eruenda est
necessario:
quamobrem
etiam Iesus
Christus
Propheta-
rum oracu-
la in repre-
hensionibus
adhibuit,
quod hodie
singulis pa-
poribus est
imitandum.*

prætextu: quod facile cauebitur, si attendamus quomodo Dominus noster Iesus Christus, quem oportuit audiri sine ulla prorsus exceptione, tamen ex Prophetarum oraculis suam reprehensionem eruit, tum hoc loco, tum alias etiā quādiu in his terris docuit: nō quod Prophetæ superiores eo fuerint, cuius vnus in-
 ſtinctu ac Spiritu Prophetę olim loquuti sūt, & ad nos ſcripta ſua tranſmiſerunt, 1. Pet. 1. 11. ſed quod hęc diuinarum prædictionum collationem cum earundem enētū oportuerit maximē incredulis os occludere. Quid iis igitur faciendum putamus, quorum ore Dominus vult hodie ſuam Eccleſiam docere, conſolari, reprehendere, corripere? An aliunde licebit iſtis quām ex hoc fonte haurire quod dicturi ſunt? Non id ſuadet Apoſtolus, etiam anathemate feriens Angelos cœleſtes, ſiquis aliud Euangelium quām quod ipſe prædicauerat, annuntiaret, Gal. 1. 8. Prophetarum porro ſcripta minimē ſunt ab hoc teſtimonio veritatis excludenda, quod eorum prædictiones iam impletæ ſint. Nam præterquām quod nonnullarum adhuc impletionem expectamus, (non eorum quidem reſpectu quæ pro nobis Dominum dicere & pati oportuit, ſunt enim impleta illa omnia, Ioh. 19. 30. ſed Eccleſiæ ſuæ gubernationis, & plenæ exhibitionis eorum quæ credimus & ſperamus) doctrinæ Euangelicæ veritas confirmata Prophetiarum impletionem maximum habet pondus ad Epicureos omnes & diuinæ maiestatis contem-
 pro-

prores, quibus hodie mundos scaret, conuincendos, & fideles in ipsis patefacta veritate diuina confirmandos.

Tertiò notandum, hic non de quibusuis *Libris Canonicis standu, vteret sit nostra fides.* Prophetis Dominum loqui. Nam in Ecclesiam Dei pseudoprophetae multi semper irreple-

runt, quibus hodie terrarum orbis plenus est. At de sacrosanctis libris Canonicis agit, de quorum autoritate Synagoga non ambigebat: etsi velamine mentes illorum occallerent, vt in Prophetarum lectione cæcutirent, 2. Cor. 3. 14. Ab illis igitur solis hodie nobis standum est, additis scriptis Apostolicis, & ij imitandi nobis de quibus agitur, Acton. cap. 17. 11. Quoniam verò iam pridem Satan immentam faraginem falsorum Scriptorum obrusit pro scriptis Apostolicis, qua de re cõqueritur ipse Apostolus, 2. Thess. 2. 2. idcirco Canon Ecclesiæ Christianæ retinendus est, ad Canonis Iudæi veritatem collatus, irrefragabilis vterque, vt ad illos quicquam adicere, aut de illis detrachere, nulli vnquã licuerit aut liceat, ac ne Angelis quidem cælestibus.

Neque verò tantum hæc additio detractiõne intelligenda est de iis libris quos per Dei gratiã, vetus Ecclesia nominatim repudiavit & explosit: & quos tamen hodie quosdã non pudet etiam typis excusos nobis, vt reiectam etiam aben, reponere: sed eandem falsitatem admitti sciendam est, in omnibus verorum textuum interpretationibus, quæ aliud quam ex ipsis Scripturis eruantur.

Facilis ratio falsas omnes expositiones diiudicandi.

Has autem omnes falsas expositiones facillimè dignoscemus, eas examinantes ad nostræ fidei articulos, qui Apostolico symbolo continentur, diuinitus in hunc finem ab Ecclesiâ primitiua constructo. At si huius veritatis aduersariorum obiectioni locus esset, Scripturæ nimirum obscuritatem aliunde allatam interpretationem postulare (& huius quidem tibi auctoritatem nomine & titulo Ecclesiæ Catholicæ vendicant) quo tandem fundamento niteretur Domini conclusio? Nam enim dixerint Apostolorum prædicationem obscuriorem fuisse quàm prophetarum? & Legis umbras ac figuras Luce Euāgelij fuisse clariiores, & suum Euangelium, id est quod adiiciunt de suo ad Scripturas, quod immutant aut de iisdem detrahunt, esse certius quàm scripta Prophetarum & Apostolorum? Fortassis eò deuenient impudentiæ, ut audent dicere: at ni aperitè dixerint, tamen præsupponunt. At quis fidem ipsis adhibebit, nisi qui sponte velit decipi?

Sacras Scripturas ab omnibus Christianis oportet cognosci.

Præterea si Christianis singulis nō licet scripta Prophetarum & Apostolorum legere, ex quibus falsum à vero discernatur, quorsum istos Christus ad Prophetas relegat, & omnes Christiani hodie ad Domini verbum remittuntur tanquam semem incorruptibile in genere totius Ecclesiæ, priuatimque singulorum ipsius membrorum? 1. Pet. 1. 23.

Si tarditas ad creden-

Quartò, si verè amentes sunt, tardi corde ad credendum Scripturis, ut hic Dominus loquitur:

tur: quid iis fiet qui nunquam de iis inquirunt? qui etiam miseram plebem ab earum lectione arcant? quid etiam iis qui hanc scholam quidem frequentant, non vt aliquid in ea discant, sed sua præiudicia adferant, & humanas ratiocinationes, id est lucernam tenebricosam ad Solem illustrandum? Tantum abest igitur, vt naturalis ille noster sensus, qui nihil nisi caro est & sanguis, & ad nos inexcusabiles reddendos tantum prodest, nos in hanc veritatem possit introducere, vt contrà sapientibus illis nulli sint insipientiores. Nam quæ maior, obsecro vos, est amentia ea quæ Luci vult allucere tenebras? Alphabetum igitur Christianorum nobis est summoperè meditandum, quod in abnegatione sui positum est: nec tantum intelligitur nec etiam præcipuè, de concupiscētiis prauis & brutis affectibus: sed in primis de egregia illa scilicet ratione & intelligētia cæca, præcipua mali nostri sede, quæ si principatum teneat, Euangelium vnicam salutis nostræ doctrinam, in scandalum sine dubio verteret, aut tanquam stultitiam contemnendum proponet, quod tamen ad vitam æternam tanquam veram & vnicam Dei sapientiam recipi par est.

Quando verò mundus istud agniturus est? Quin se nimirum esse cæcum cognouerit, id est, nunquam, vel iis testibus quos Dominus alloquitur, Ioh. 9. 41. Nos verò, fratres, qui ex eorum numero sumus quos Deus speciali gratia dignatus est, vt è tenebris huius seculi eru-

dum graue meretur reprehensionem, quando magis doctrina totius contemptus? Et unde hac proueniant.

Remedium aduersus hæc mala.

tos vocaret nos ad lucem suam admirabilem, 1. Pet. 2. 9. & quos in singularis suæ bonitatis & prouidentiae exemplar omnibus tum proximis, tum longè à nobis distitis hominibus proposuit, discamus à Deo supplicibus votis impetrare sensus Lucis ipsius noua quotidie incrementa: quod vt facilius consequamur, magis ac magis agnoscamus, nos à nobis ipsis nec oculos habere ad videndum, nec aures ad audiendum, nec pedes ad ambulandum: ac etiam quicquid assequeuti simus mox in fumos abiturum, si pro eo quod oportebat, nos ex fide in fidem procedere, & Luce in Lucem, locum præparamus septem spiritibus deterioribus eo qui expulsus erat. Atque vtinam non viderem, cum maximo meo mœrore, nimium magna horum malorum initia in maxima nostram parte, ne longius excurram.

Quam stupidas rationes sibi homines fingant quibus magis ac magis suam incredulitatem foveant, magis ac magis suum animum in suam stupiditatem de regentes.

Quinto loco, duorum discipulorum istorum considerata conclusio est, qui nō prorsus à via aberrabant, quorum vtinam in discendo simplicitatem ac docilitatem multi imitarentur. Mulieres non suspectæ nuntiauerant ipsis se visionem Angelorum habuisse: duo verò ex ipsis Apostolis retulerant ea quæ in sepulchro suis oculis conspexerant, in hoc saltem haudquaquam à mulieribus dissentanea narrantes. Quid igitur impedit quominus Domini resurrectionem credant? Nempe, nemo conspectum à se nuntiabat. Quid ergo? Non satis erit Dominum eò usque se abicere, vt nos res spirituales doceat per aliquem ex nostris

nostris sensibus (quod maximum Dei beneficium est de sua Maiestate veluti cedentis) nisi etiam visu, tactu, gustu, auditu & odoratu percipiatur? Sed ista omnia sic esse facta concedamus: tamen intelligentiam ad illum cognoscendum hæc omnia transcendere oportet, & quidem contra id quod sensus nostri dicunt, & concludunt. Nam suis oculis intueri Iesum Christum à mortuis suscitatum, nondum tamē erat ipsum nosse, nec resurrectionis ipsius fructum percipere. Sed superioribus istud malum accedit, quòd naturalem intelligentiam si sensus ipsi arguant in re quāpiam quæ captum eius superet, non modò non ipsa proficiat, sed aut prorsus quæ sensibus apprehendit rideat, aut in stupore in vtramque partem fluctuans, permaneat. Neque procul huius rei exempla quærenda sunt, quum illius certissimum testimonium nobis sequens historia supeditet, in iis quæ de ipsis Apostolis deinceps sunt recitanda, quum se ipsis Dominus videntum ac palpandum præbuit. Quàm miser igitur homo est, quum pulcherrimum quod acceperat à Domino instrumentum, quo ipsum cognosceret, & per eam cognitionem ad summam felicitatem perueniret, sic deprauatum & corruptum sit, vt nihil sit in homine quod magis veritati illi reluctetur, minasque ei pareat quàm ille ipse ὁρθὸς λόγος Rom. 8. 7. addò vt pro eo quod Sophistæ sibi persuadent nostram rationem, quam vocant, tantum opus habere vt præueniatur & adiuvetur, sit

nobis à Domino petendum, vt eam prorsus immuter ac corrigat: quinimo vt quòd ad hanc veritatem attinet mortuam Ephes. 2. 1. viuificet, motumque ac sensum in nobis ab initio ad finem vsque efficiat. Ecquid aliud autem magis decet nos à Deo postulare hodie, si vnquam aliàs, in tanta mundi contumacia prorsus inexcusanda, quàm illud ipsum, quum præsertim Dominus, præter hanc historiam tot suæ resurrectionis & regni sui cœlestis sancitæ, testimoniis sensibilibus & palpabilibus quadraginta dierum spatio, & traditis monumentis confirmatam, quæ in finem vsque seculorum legantur & audiantur, nostro tempore longè fortasse plura testimonia miserit eorum quæ nobis credenda sperandaque sunt quàm vllis post Apostolorum memoriam seculis? Sed quis habet oculos ad hæc conspicienda, & aures ad audienda? Heu quàm pauci: quum etiam inter eos, qui hæc considerant, maximè lyncei, vel hippi sint, vel omnino cæcutiant! Hic tamen suspiciendus est, & in sublimi contuendus, oculis nimirum fidei, quos vtinam Deus non habentibus largiatur, & iam habentibus augeat: quod in illius cæci sanatione, de quo apud Marc. 8. 4. fit nobis conspiciendum.

*Veram si-
dem ex terio-
ra & interio-
ra sem-
per comita-
tur, & pul-
chrè inter*

Sexto loco, memoria tenendum, non postulare Dominum simpliciter vt credatur, sed vt corde credatur: quod de iis dicitur non tantum in quibus nihil est nisi hypocritis ad alios decipiendos: sed de iis potissimum qui con-
scien-

se conueniant.

scientiam suam sapientes sibi ipsis miserè imponunt, sibi que persuadent Dominum, quum interiorem hominis partem postulet, parum esse de exteriori sollicitum, sibi que ideo licere, in rebus indifferentibus quicquid adlibuerit affingere. Tales autem hypocritas scire velim Deum qui non minus exteriora quàm interiora formauit, aut totum hominem aut nihil postulare: ac neminem vnquam coram Deo vel habitum vel habendum verè Christianum, nisi qui interius credit, & foris illud apertè demonstrat. Qui si nolunt fidem illi habere qui ipse iudex eorum futurus est, quique ipsemet sententiam tulit, Matth. 10. 32. & Luc. 12. 8. nã suo damno sunt illud experturi quum non amplius discendi locus erit, sed coram tribunali standum, à quo nulla prouocatio est.

Septimo loco obseruandum est Dominum non tantum velle indefinitè Prophetis fidem adhiberi: sed omnibus quæ à Prophetis dicta sunt, ac proinde iis quæ Deus etiam per Apostolos clariùs patefecit. Vbi est igitur illa fides implicita, vel potius omnino nulla, qua tamè maximi illi Catholici Romani miserum orbem dementat? Quinam verò dixeris eam veram Ecclesiam in qua omnia peregrina lingua traduntur, in qua miseræ animæ verbi non scripti veneno inficiuntur, & totus Dei cultus in cantilenas & mimicas gesticulationes conuertuntur?

In vera fide de interna & externa semper conueniunt.

Denique quorsum in credentibus haberentur qui de hac scientia tantum detrahunt,

Vera fides nihil detrahit, addit,

aut immu-
sat in Scri-
pturis.

quantum aut naturali sensui displicet, aut falsè illi Philosophiæ, idest artificiali stultitiæ, de qua loquitur Apostolus, Col. 2.8? aut phanaticis cerebris, quorum est hodie, si aliàs vnquam, amplissima seges? His autem omnibus opponamus, fratres, veram animi demissionem, religioni ducentes extra scripturas, ne latū quidem vnguem recedere, in illis solis axiomata & principia nostra quærentes, ab omni profana curiositate aliena: & præsertim à fictitia humilitate, quæ maxima superbia est, qua fraude Satan in Ecclesiæ sinum se iam pridē sic insinuauit, vt etiamnum hodie non possit expelli. Et hoc quidem Apostolus expressissimè, sed, vt videmus, frustra, Coloss. 2.23. præmonuerat.

Scriptura
veritas pro-
priè pendet
à Dei au-
thoritate.
Sed id non
impedit
quominus
veris ratio-
nibus cum
Scriptura
coniunctis
vtamur in
contumaci-
bus arguen-
dis: & cre-
dentibus
confirman-
dis.

Cæterum Dominus vltèrius progreditur. Nam de iis quæ passus erat loquens, tum de sua resurrectione & ascensu, gloriaque sempiterna sequutura dicit, *Nonne oportebat Christum hæc pati, & ita in suam gloriam intrare?* Hic verò primùm hæc quæstio occurrit, an non satis sit Scripturas adferre, sine alia vlla quàm sanctæ Dei voluntatis ratione, verbo suo patefactæ, quum tamen Iesus Christus aliquam rationem ostendere velle videatur, qua nitantur quæ sacris literis mandata sunt. Quinetiam videmus veterum Patrum temporibus, & nostro etiam hodie seculo non paucos eruditos viros, vt contemptoribus & atheis os occludant, nostram religionem eximiis & apparentibus rationibus confirmare. Respondeo igitur primùm reuera solam Dei voluntatem nobis sa-
cro-

pro sancto verbo suo testatam, solum esse ac immutabile veræ fidei fundamentum, quandoquidem vnica regula est & amissis ad quam rationem quamlibet oportet exigi. Ac sanè eò nos deducit vox illa, *Oportebat*. Nec enim deerant Domino aliæ rationes suos seruandi quascunque illi libuisset adhibere: sed quandoquidem ita decreuerat ab æterno, & per suos Prophetas id mundo patefecerat, sanè istud aliter fieri nec poterat nec debebat, etiam si causas omnes & circumstantias secundas temporum & personarum inspexeris, quibus oportebat illa necessariò sicuti prædicta fuerant euenire. Quod nisi fundamentum iaciamus diuinæ prouidentiae, res etiã minimas contingētis, tantumdem de eius Maiestate detrahimus, infinita nimirum eius potentia & sapientia in rerum omnium à se creatarum administratione: ac proinde aut causas naturales Deo substitui oportebit, sine vllò Duce ac Governatore: aut abominandum illud Fortunæ idolum. Et hanc tamen prouidentiam ineuitabilem, euentuum respectu, sic cōsideramus, vt Deum non faciamus vllius rei malè vel dictæ vel factæ conscium, quum Deus omnem iniquitatem meritò semper oderit & vindicet. Verùm ista non impediunt quominus quantum fieri potest ac debet, modò ne Dei sapientiam nostræ rationi subiiciamus, sed modum seruemus, ac honorem Dei sapientiae debitum reddamus, principia illa reliqua in hominum intelligentia, quibus impudentissimis ac præ-

fractæ frontis hominibus huius veritatis inimicis os obtureretur, in medium adferamus. Sic D. Paulus ad Romanos scribens, etsi iam Euāgelium amplexatos, non sine ingentis fidei testimonio, omnem idololatriam ac superstitionem, Iudæorumque superbam opinionem de se præ aliis Gentibus oppugnat vnica ratione naturali, nullis vnquam seculis ex humana intelligentia debili: quemadmodum etiam Athenis aduersus Philosophos iisdem rationibus disputat, Act. 17. Hinc natæ tot eximiae verissimæque tum in diuinis tum in humanis rebus sententiæ, ridiculis & ineptis quàm plurimis prophanorum scriptis omnis generis intermicantes.

*Quanta ratio-
cinatio-
nis huma-
na sit imbe-
cillitas, cui
nullus est lo-
cus in no-
stra salutis
capite præ-
cipuo.*

Sed quid agas? Inexcusabilibus tantum reddendis hominibus ista sufficiunt, quod nec meliores nec iustiores illos hæc cognitio naturalis reddat. At quum de veri Dei cognitione agitur, quæ vna essentia est in tribus personis: deque modo quo ipsi reconciliati salutem consequamur, ibi nostra intelligentia non modò cæcutit, sed quod longè grauius est addeò resistit ac tam pertinaciter, vt oporteat eam ex singulari Dei gratia suam stultitiam prius agnoscere, vt aliam deinceps sapientiam agnoscat, quam caro & sanguis non docent, sed Deus ipse in Filio suo per Sp. Sanctum in iis quorum illustrare mentem & ad se pertrahere dignatur.

*Est fidei
intra arti-
nem non mi-*

Veruntamen haud verebor profiteri, licet illa Dei sapientia sola fide discatur, non autem

hu-

humana ratiocinatione, nullum tamen articulum esse fidei, qui non probari possit certis & indubitatis principiis, quibus nemo nisi insigniter impudens possit contradicere: cuius rei fidem faciunt scripta veterum doctissimorum Christianorum Philosophorum aduersus idololatrias & Ethnicos, quæ amplio-rem sanè tractatum meritò poscerent.

*tantum hu-
mana ratio
cinatione,
nullus est in
ipsis tamen
quem non
possimus ve-
rum esse na-
turalibus
principiis
probare.*

Sed aliis omiſſis articulis, de hoc aliquid amplius dicam quo de hic quæſtio agitur, homines putà ſeruari non poſſe alia ratione quàm per vnicum ſeruatoreſ qualem ſcripturæ docent, verum Deum & verum hominem, hominem, inquam, paſſibilem rei ipſa, vt Apoſtolus coram Agrippa rege diſſeruit, Act. 26. 22. plenumque dolorum, contemptum ac reiectum, vt loquitur, Eſa. 53. 3. deinde per reſurrectionem à mortuis in ſummum dignitatis gradum euectum, in quem alios ſecum traheret. Illa, inquam, omnia vera eſſe & ita fieri oportuiſſe naturalibus principiis probari ac demonſtrari poſſunt, aut alioquin hominibus pereundum fuiſſe, aut Deum non fuiſſe Deum (quæ nimium abſurda ſunt) hoc vnico poſito ac conceſſo, Deum ſummè iuſtum eſſe ac ſummè miſericordem, & omnes homines eſſe peccatores: quæ nemo, niſi proſus inſanus, audeat inficiari. En igitur certiffimam ratiocinationem: Deum oportet quandoquidem ſummè iuſtus eſt, hominum peccata tanquam Deum vindicare, pœnis nimirum infinitæ eius Maiestati reſpondentibus: quod ſi fecerit in ſingu-

*Superioris
probatio in
articulo de
noſtro Re-
demptore,
& iis quæ
pro nobis fe-
cit & paſ-
ſus eſt.*

los animaduertens, quandoquidem singuli omnes peccatores, nullius miserebitur: & ita singulos oportebit in perditionē abire. Sin autē omnium miseretur, perfectissimā illā iustitiā suā & quidem infinitā spoliator, ac proinde non amplius nisi hominū more Deus est. Idem esto dictū de vnico homine, si eius sic misereatur, vt in cū non animaduertat tanquam Deus. Quinam autē aliquis, quisquis ille sit, simul eodē tēpore in eternū pereat & seruetur? Superest igitur vt ipsemet debiti persolutorem se cōstituat, in quo summa eius iustitia, summaque misericordia simul conueniant, vadem se ac sponsores pro aliis omnibus offerēs quorum misereri ipsi placuerit. Qualem autem illum esse oportet? Verum hominem, quandoquidē humana natura peccauit, & debitū persolvere tenetur. Qualem autē hominem? Nempe sine macula. Nam alioquin ipsemet opus haberet alio seruatore, Deo verò non esset acceptū im-mundum ac prophanum persolutionis munus. Verum igitur hominem esse oportet quod ad substantiam, verūque Adami primi hominis filium. Nam si homo esset alia qualibet humana natura, ea natura quæ reā est ac debitor in hoc sponsores non persolveret debitum. Vt autem talis sit, sine vlla macula ac labe peccati, & contra purus & integer, concipi & nasci ipsum oportuit alia ratione quā peccatores homines ex parentibus peccatoribus nasci soleant. Quis autem ita perficiet? Virtus Altissimi. Cui autem fe-

rech-

rendæ pœnæ parem esse hunc sponforem oportet? Ei quæ Dei offensæ Maiestati respondeat, vt tamen illius oneri non succumbat. Nam si tanquam sponsor sub hoc pondere fatisceret, quid miseris peccatoribus fieret? Quis porro ex tanto agone victor emergat, nisi sit ipsemet Deus? Cui enim Dominum nisi sibi ipsi parem faciemus? Ergo hunc sponforem nõ minùs Deum quàm hominem esse oportuit, qui humanam naturam sustineret eoque dum totam iram Dei absorberet, distincta tamen persona feriente, nõ separata (vnius enim Dei vnica essentia est) à persona quæ in hac humanitate percutitur: quique persoluto illo pretio sibi suisque quos asseruit coronâ gloriæ reporter: quod fieri non potest nisi resurgat & magnificus ac gloriosus in eam immortalitatem gloriosam ascendat quæ summæ misericordiæ cumulus est, eos pro quibus fideiussit ac persoluit secum adducens eiusdê felicitatis in æternum participes futuros, Heb. 2.10. Has igitur conclusiones age ex posita propositione simul coniungamus: ad seruandos eos quos Deus ad salutem destinarat, oportuisse Seruatorem esse Deum, alium respectu personæ ab eo qui eum percussit, qui Filius est, & simul etiam verum in vnitæte personæ hominem, ac proinde virtute Spiritus Sancti conceptum, qui pœnas peccatis nostris debitas lueret corpore & anima, iustus pro iniustis moriēs, qui-que sua resurrectione mortis imperiũ destruēs in possessionem gloriæ æternæ sibi & suis

partæ veniret: ex immensa Dei misericordia nobis tali Seruatore destinato ac dato, sicut erat iā olim per Prophetas pollicitus. En quomodo istud arcanum, licet siue decretum respicias, siue executionem, nitatur hac vnica Dei sapientia, bonitate & potentia, longè superante omnes ingenij nostri vires, atque sit illud verum & vnicum nostræ fidei fundamentum: tamen ex reliquis etiam in homine certis quibusdam principiis probetur, quibus contradicentes in absurditates maximas & inextricabiles deducti, aut Deo gloriam dare cogantur, aut prorsus cum summo pudore obmutescere.

*Non suffi-
cit Scriptu-
ras iactare,
nisi etiam
ex iisdem
adducantur
testimonia.*

Textus noster habet deinceps Dominum postquam sic in genere de Scriptorum Prophetarum auctoritate disseruisset, sigillatim illa ipsiis exposuisse & à Mose exorsum, deinceps alia Prophetarum testimonia percurrisse, quibus tū abiectissimo illi statui Messie, tum eiusdem gloriosissimæ victoriæ fides fiebat. Hæc verò quum nec Rabini, nec Iudæorum falsi doctores auderent inficiari, nec tamē possent in vno eodēque homine tam contrarias duas qualitates conciliare, multoquē minus vellent eius Deitatem agnoscere, coacti sunt duos pro vno Messias facere, alterum abiectum & humilem, alterum verò gloriosum & sublimem, vt duos dum quærant, nullum habeant. Quin etiam hinc discendum, Iesum Christum non imitatum hic falsos doctores, qui semper in ore Deum & eius verbum ha-

habent, & sanctæ Ecclesiæ matris auctoritatem subinde iactitant, sed si ex Scripturis eruenda sunt testimonia, statim verbum illud suum ἀρχαῖον, traditiones patrum, antiquitatem, & Conciliorum larvam obiciunt: sed quo iure, Deus esto iudex, quum excutiantur ipsorum testimonia, & egregiæ cōclusiones ad lydiū lapidem examinantur: parū sanè memores dicti cuiusdam ex veteribus Patribus & magis Orthodoxis, quod scriptis suis tradidit, quæ sine Scripturis in medium adferuntur, tam facillè posse reici quam facillè proponuntur.

Cæterū minimè dubitō quin multi desiderent hæc Scripturæ testimonia, quæ Christus in medium attulit, & fusissimè ut verissimile est, ac diuinissimè exposuit, ut dicunt etiam hi discipuli deinceps, vers. 32. monumentis suis ab Evangelistis inserta, tummo rotius Ecclesiæ cōmodo, fuisse. Sed quæ discipulus ille dilectus ad hæc respondit olim nobis etiam oportet satisfacere, Ioh. 20. 30. & 31. & 21. 25. quum nihil sit à Sp. Sancto prætermisum eorum quæ ex Ecclesiæ utilitate esse iudicauit. Ac proculdubio nescio an qui plura scripta desiderant, fatari sint propterea in eorum lectione ac meditatione diligentiores: quum tanta sit negligentia in iis euoluendis quæ nobis reliqua sunt; sed ita nati sunt homines ut præsentia contemnant, absentia requirant.

Denique notter Euangelista narrat hos sermones fuisse productos usque ad vicū in quem

*Curiositas
eorum qui
vellent expo
sitiones illas
omniū Pro
phetarum
quas Chri
stus in me
diū attulit,
monumentis
conscribere
fuisse.*

*Quomodo
differant
mandatū,*

*simulatio
vel dissimu-
latio. Et quo
modo duo
hæc pestre-
ma sint lici-
ta.*

illi proficiscebantur, Dominumque, quum ibi
mansuri essent, finxisse se longius relictis illi
progredi velle. Qua in re occurrit quæstio ma-
ximi momenti, nempe, liceat-ne aliquid dice-
re vel facere præter animi sensum: hoc etiam
posito, bonam semper ac rectam esse cogita-
tionem ac mentem. Nam si mala est, Dei nem-
pe voluntati contraria, aut proximi ædifica-
tioni, extra quæstionem est, nunquam esse nec
apertè nec occultè faciendum malè vel loquē-
dum. Quo posito, dico nobis hic duo cauenda
extrema, ne nimium si mus religiosi, aut parùm.
Nimium religiosos voco eos, qui putant sem-
per sine exceptione quod intus est, seu voce,
seu gestu prodendum. Parùm religiosos verò
qui mentiri nihili faciunt, aut per iocū, aut ut
proximus iniuret, læsa veritate & conscientia.
Nihilominus quoniam inter extrema vitiosa
alia magis recedunt à medio in quo virtus cō-
sistit quàm alia, veluti prodigalitas minùs re-
cedit à Liberalitate quàm auaritia, ideo defe-
ctus nimium religiosi longè excusabilior est
defectu parùm religiosi. Igitur à Spiritu San-
cto medium inter hæc extrema discēdum est.
Quod ut allequamur, aio primùm diligenter
vitandas omnes occasiones quibus in has an-
gustias coarctemur, ut aut verbis, aut gestu ali-
quid simulemus. Deinde aio plurimum inter
se differre, non dicere, aut exterius non prode-
re quæcunque cogitantur, aut non dicere vel
exterius exhibere quæ cogitantur eodē pror-
sus modo atque cogitantur, & Mentiri, verbis
aut

aut gestu. Exempli gratia, Dominus iubet Esaiam Prophetam Ezechie mortem imminentem nuntiare: & Ionam Ninivitis subuersionem intra dies quadraginta minari: quæ tamẽ non omnino decreuerat. Nam si decreuisset, etiam reapse impleuisset. Nec propterea tamen mentitus est, aut Prophetas in mēdacium impulit. Est enim Deus ipsa veritas. Sed quum pulchrè norit Dominus homines stupidos, nisi acribus aculeis excitentur nihil sentire, surdósque nihil percipere nisi in aures durius in-clametur, idcirco non omne quod decreuit, dixit, sed ad decretum suum appositam cōditionem reticuit, Ni videlicet Ezechias & Ninivitæ conuerterentur. Nec Esaias igitur mentitus est, nec Ionas, ac multò minus ipse Dominus, licet nec Esaias ipse nec Ionas Dei decretum cognouerint, vt erat conditionale, nisi quum illud ab euentu didicerant: quod factum, Iurisconsultis bonum dolum vocatum, Ezechie & Ninivitis fuit salutare, qui fuit etiam Domini scopus. Sic olim Dominus Mo-sen alloquens dicebat, non simulatè sed expressis verbis, Exod. 32. 10. Dimitte me, vt irascatur furor meus contra eos, & deleam eos. Aliter igitur loquebatur quàm ipse cogitaret & vellet facere: vnde dici potest verè tamen & sanctè, ipsam hic erga Mo-sen & populum vsum, non quidem mendacio (quod de Deo cogitari non posset sine detestanda blasphemia: ac sanè mirum in modum Dominus erat iratus) sed simulatione ac dissimulatione, non ex

vitio, sed ex immensa sua bonitate: simulatione quidem in eo quòd omnino visus est hunc populum velle consumere & delere: dissimulatione verò, quòd consilium suum occuluit, nimirum Moſen excitandi, tum ad tantò vehementiores pro hoc populo preces fundendas, tum ad eiſdem peccati magnitudinem attentius perpendendam: vnde factum deinceps vt Moſes in populum adeò ſeuere animaduерterit: & flagitij ſui immenſitatem ob oculos iſtis potuerit. Sic Iofuam non arguemus vlliſus vitij, ſed potiùs ſummi & ſtrenui Ducis partes impleuiſſe dicemus, quum metum ac fugam ſimulauit, vt vrbiſ Hai incolæ incautos inuaderet, Iof. 8. 5. Et quidem ſi modò iuſtu ſit bellum laudabilia ſunt eiſmodi ſtratagemata, modòque non admiſceantur periuria vel conſilia illicita, quibus nimirum aduerſus primam aut ſecundam tabulam, aut aduerſus vitamque peccatur. Ac ſanè qui ſpeculandi & explorandi hoſtium conſilia munus in ſe recipiunt, à Deo poſtulare ſeriò debent, vt ſingulos ipſorum paſſus regat, quum vix ac ne vix quidem fieri poſſit, quin multa mendacia proferantur, quibus ira Dei accenderetur, niſi Deus ſuorum deſectus excuſaret, operis potiùs bonitatem & rectum finem quàm adminiſtrandi rationem intuitus, ſicut cum obſerticibus Ægyptiacis actum eſſe legimus, Exod. 1. 19. Rahabæ, Iof. 2. 5. Chuſai, 2. Sam. 16. & 18. mulieri illi quæ miſſos a Dauidе duos exploratores rexit, 2. Sam. 17. 20. Sic

Da-

Dauidem crimine liberabimus amentiam simulantem vt vitæ suæ confuleret, 1. Sam. 2. 13. Nam longo interuallo distāt, consilium suum tacere aut occultare, quum de Dei gloria promouēda agitur, aut proximi cōmodis suoque ipsius consulitur, & malum vitatur, & scienter prudenter mentiri, vt rei falsæ quæratu authoritas. Dominus igitur hic præ se gessū tulit vltius pergere volentis, licet alia sua mēs esset, vt hac ratione discipulorum quibus occurrerat in via moueret magis ac excitaret desiderium ipsum secum retinendi, & attentionem sibi apud eos maiorem compararet: tantum abest vt hoc facto mendaces, hypocritas, dissimulatores ac versipelles homines in dictis aut factis excusarit, quum contrā simplicitas ac veritas nunquam satis laudari commendari-ve queant.

Denique, fratres, multa sunt omnibus modis hic nobis discenda: primū quomodo nos Dominus doceat ex nostris lapsibus ingentem fructum percipere, modō Spiritui monēti locum demus. Nam nisi discipuli tardi fuissent ad credendum, non haberet Ecclesia tam certa de Domini resurrectione testimonia. At fructum hunc collecturis, morbi causa vera cognoscenda est, & medico patienter obtemperandum. Morbus hic sensum nostrum naturalem occupauit, vt in Dei sapientiam, quæ verbo eius patefacta est inquirat, & de eadem iudicium ferat. Solus Spiritus Sanctus illi medetur, hic loquutus per os Domini, vt in Ecclesia

*Deus etiam
nostris lapsi-
bus ad bo-
num finem
vritur.*

sua loquitur per suos fideles seruos, non tantum quum docet, sed etiam quum reprehendit & coërcet, & quidem nonnunquam seuerius, vt fert peccati grauitas, cuius medicine modus ac iudicium, penes medicum esto, non autem penes ægrotos. Quoniam autem multi venefici medicinam conscientiarum profitentur, hic ipse locus admonet, quæ pharmaca veri medici curandis istis morbis soleant adhibere: nata videlicet & eruta è Scriptorum Prophetarum & Apostolorum solo: quæ non tantum in medium adferunt, sed etiam commodè exponunt & permiscunt ex collatione locorum, quos textum & glosam oportet suppeditare, vt ad articulorum fidei analogiam omnia referantur: sicuti Iesus Christus hic ipsemet vsum istorum nobis exemplo præiens demonstrauit. Denique petamus à Domino Spiritum discretionis, ne vel latum vnguem recedamus ab ea simplicitate & veritate quæ tantopere Christianis commendatur: ita tamè vt ægrotorum habendam aliquam rationem non ignoremus: sed vt mediis illicitis conscientiae non lædatur integritas, & ita mutuae edificationi studeamus, vt si regiâ viâ non possumus, saltem bonis & legitimis semitis insistentes illam adipiscamur. Amen.



HOMILIA DECIMA.

Luc. 24.

29. Sed ipsi adegerunt eum, dicentes, Mane nobiscum: quoniam aduesperascit, & inclinavit dies. Ingressus est igitur ut maneret cum eis.

30. Et factum est, quum accubuisset cum eis, sumpto pane benedixit, & fractum porrexit eis.

31. Adaperiti sunt autem oculi eorum, & agnouerunt eum: sed ipse ablatu est ex eorum conspectu.

32. Tum alter ad alterum dixerunt, Nonne cor nostrum ardebat in nobis dum loqueretur nobis in via, & quum adaperiret nobis Scripturas?

33. Et surgentes eo ipso momento reuersi sunt Hierosolymam, & inuenerunt congregatos illos undecim, & eos qui cum ipsis erant.

34. Et qui dicebant, Surrexit Dominus vere & conspectus est Simoni.

35. Tum ipsi exposuerunt [eis] quae [gesta erant] in via, & ut fuerat agnitus ab ipsis in fractione panis.



EXPLICANDA nobis superest reliqua pars historiae, qua continentur ultra citroque habiti sermones inter Iesum Christum, & duos illos discipulos, quos haecenus in tertia persona est alloquutus. Porro quum Euangelista non dicat illos fidem ad-

Quomodo hi duo discipuli tanto tempore de Iesu Christi resurrectione dubitarint, quum ab omni aetate hanc doctri-

*nam Eccle-
sia retinue-
rit, & tam
multos a
Iesu
Christo vi-
dissent susci-
tari.*

hibuisse Domini verbis, nec etiā repugnasse, verisimile sit eos adhuc in vtrāque partē du- bios fluctuasse, quum non haberēt quod rege- rerent, & tamen nondum possent sensum il- lum naturalem vincere, qui persuadet fieri nō posse vt à se mortui resurgant. Quum enim tes- tes oculati fuissent multorū quos Iesus Chri- stus mortuos excitauerat, & nominatim resur- rectionis Lazari, quæ superiore demum se- ptimana contigerat: & quum apud populum Dei esset vulgo doctrina resurrectionis iam ab omni æuo recepta, exceptis Sadducæis, ma- gna fieret duobus istis discipulis iniuria, si- quis eos putaret, de resurrectione in genere dubitasse, vt solebāt prophani, de quibus agi- tur Act. 17. 32. Ac futurā vltimo demū die re- surrectionem tantum nouerant & expecta- bant, quod ex Matthæ verbis colligi potest, Ioh. 11. 24. Miracula verò de suscitatis à Iesu Christo hoc habebant loco, vt sibi persuade- rent, quemadmodum Iesus Christus mortuos suscitauerat sua potentia, sic etiam oportere Iesum Christum si resurrexisset aliena vi re- surrexisse, quum longè sit verisimilius à viuo mortuum excitari, quàm mortuum sua ipsius vi suscitari posse.

*Deitate Ie-
su Christi
non benedi-
nouerant
qui Dei Fi-
lium voca-
bant.*

Vnde verò hic error manabat? quòd huc vs- que Iesus Christus ab illis fuisset habitus pro eximio quidem viro, potente in dictis & fa- ctis, sed virtute alia quàm sua, putà diuina, qualis in excellentissimis aliis Prophetis emi- cuerat. Et hoc etiam ex Matthæ verbis colligi

po-

potest, Ioh. II. v. 22. vt hinc appareat eos ipsos qui Iesum Christum agnouerunt, & Dei Filium confessi sunt, & eum qui in mundum erat venturus, vt Petrus, Matth. 16. 16. multoque magis ille Centurio, Ioh. 19. Matth. 27. 54. & Mar. 15. 39. non satis intellexisse quid dicerent: quod etiam perspicuum fit ex Luc. 23. 47. vbi pro his vocibus, verè hic homo Dei filius erat, dicitur, verè hic homo erat iustus.

Quum igitur hi discipuli non alio Iesum Christum quàm simplicis hominis loco haberent, quem sciebant esse mortuum, hic hærebant: nec enim poterant Iesu Christo quod vnius Dei proprium est, putà iterum coniungendi animam corpori, potestatem tribuere, tanquam ei qui potestatem solus etiam habuisset de nihilo creandi, simulque copulandi. Quamobrem etiam Apostolus Domini nostri personam nobis describens, Rom. I. 2. 3. & 4. primùm vnicam nobis personam proponit sub Filij nomine: deinde eandem nobis distinctè declarat secundum vtramque naturam diuinam: quod patefactum fuisse docet, quòd se ipsum ex mortuis suscitauit: & filium Davidis secundum carnem.

Apagè igitur Arrianos & Samosatēianos Iesu Christi diuinitatem prorsus abnegantes: Arrianos creatam illi diuinitatem tribuentes: Nestorianos Deitatem Filij coessentialē in Diuinitatem *ωαρωία* & gratiæ extrinsecus venientis mutantes: Eutychianos duas naturas inter se permiscētes & confundentes, denuo

Deitas Iesu Christi inde maxime patuit, quòd suā ipsius vi suscitatus est.

Summa hæ reseruat repugnātiūnis quæ de duabus in vna persona naturis credenda sunt.

suscitatos in iis qui olim Monothelitæ, deinde Monophysitæ dicti sunt, nostróque tempore in nostris Vbiquitariis: quibus omnibus opponamus præter alia infinita testimonia & argumenta necessaria, ex ipsis S. Scripturæ fontibus hausta, sola hæc Iesu Christi verba, quum dicit, Habeo potestatem ponendi animam meam, & eam rursus assumédi, Ioh. 10. 17. quod nemo alius præstare potest quàm qui simpliciter verus Deus & verus homo nuncupatur. Iesus Christus igitur verè mortuus per separationem animæ à suo corpore. quatenus erat homo: vivebat tamen, immo erat ipsamet vita quatenus Deus, Ioh. 1. 3. & 4. Quapropter non minus dubitandum erat possit-ne seipsum à mortuis suscitare, quàm dubitandum Deus, sit Deus, an non.

*Quo sensu
resurrectio
Iesu Christi
nonnunquam
tribuitur
personæ Pa-
tris & San-
cti Spiritus.*

Nec iuvat excipere, hæc resurrectione plerumque Patri attribui, atque etiam nonnunquam Spiritui Sancto, Rom. 11. Nam quum hæ tres personæ sint eadem simplex & vnica Deitas in vna essentia, in voluntate & potentia, quod de vna dicitur, alteri etiam conuenit, quarum tamen operationes sepe Scriptura distinguit, tum vt essentia à personis discernat, tum etiam Mediatoris officium, quod vnius Dei Filij proprium est: sine separatione tamen vlla ab inuicem.

*Quanta cum
difficultate
collatur à
nobis nostra
incredulitas.*

Denique quum videamus qua in re boni isti viri tam crasse sint hallucinati, vt seipsum propria salute priuatum facerint, nisi fuissent ex immensa Iesu Christi misericordia melius ab

ipso.

ipso docti, licet tam diu iam in Ieso Christi schola eruditi, quantæ sint & quàm densæ nostræ tenebræ cognoscamus, Deumque prece-
mur ut suæ Lucis in nobis fomitem magis ac
magis accendat, tum ut quæ adhuc ignoramus
nos doceat, tum ut quæ iam didicimus melius
& firmitus animis nostris insculpantur. Et hoc
omni tempore valde nobis est necessarium,
sed hoc præsertim calamitosissimo, quo quas-
libet stupendas & absurdas hæreses, cum tanta
spiritus erroris efficacia, in eos qui non sunt
benè plantati & radicati in Domino, quotidie
renasci conspiciamus.

Vt igitur redeamus ad duos nostros disci-
pulos, quid obsecro merebatur eorum tardi-
tas, post talem reprehensionem, & tam amplas
admonitiones, nisi ut suæ debitationi permit-
terentur? Nihilominus tamen Dominus, qui
nunquam finit opus suum imperfectum in suis
electis, quum animaduerneret non posse istos
de sua opinione dimoueri, nisi oculis suis i-
psam intuerentur, illorum infirmitati sese ac-
commodauit, & quidem modo quodam nouo
& inusitato, fingens se ab illis velle recedere,
quibus magis etià volebat innotescere. Quòd
igitur Dominus simulauit se vltèrius velle
progredi, factum est ut desiderium ipsum reti-
nendi tantò magis in ipsis accèderet. Et sanè,
si saperemus, idem illum in nobis operantem
sentiremus. Nam quò spectant eius paternæ
castigationes, quæ extrinsecus totidem iræ i-
psius testimonia viderentur, & quidem sæpi-

*Quum Do-
minus suos
videtur vel-
le deferere,
tū propius
accedere
ad ipsos pa-
rat, nisi per
eos steterit
qui vel ca-
stigantur,
vel explo-
rantur.*

simè eouſque accenſe, vt nos iam iam deſerturus eſſe videatur? Et quidem in primis quum ſuorum preces non exaudit, adeò vt quo pluribus fatigant Deum precibus, hoc minus ad tempus exaudiantur, qua de re ſæpe David in Pſalmis ſuis conqueritur: aut quum Eccleſiam ſuam duriffimo ſubiicit examini, cuius tamen cauſæ aut occaſio prorsus latent. Pſal. 44. 10. 18. cuius etiam rei fidem nobis facit huc maximè ſpectans Iobi hiſtoria. Et tamen tum etiam nos ipſe Dominus quærit, ſi modò noſtra bona norimus. Nam ſi caſtigat, paterni amoris eſt teſtimonium, nolentis quos diligit perdere, Heb. 12. 6. ſin verò probat, præterquàm quòd cum tentatione vires ſuppeditat. illi ferendæ pares, 1. Cor. 10. 13. ſuarum etiam promiſſionum veritatem ita nos facit experiri, Iac. 1. 3. modò tamen ad Davidis exemplum expectando expectemus, Pſal. 40. 1.

*Sancta im
portunitas
eſt Deo gratiſſima.*

Sed in hoc imitandi duo illi diſcipuli, vt quum à nobis longius recedere videbitur, eū magis retineamus, & vt ita dicā, cogamus aſſiduus precibus nobis auxilium ferre, ſicuti dicuntur hi duo diſcipuli coëgiſſe Dominum vt ſecum diutiùs commoraretur. Sic dicitur Lydia quædam *πορφυροπώλις* Paulum & Syllan apud ſe manere coëgiſſe, Act. 16. 15. quæ ſanctiſſima importunitas tantum abeſt vt Domino ſit ingrata, vt contrà gratiſſimam eſſe oſtendat, Matth. 11. 12. & variis ſimilitudinibus, Luc. 18. 4.

Increduli-

At proh dolor! tantum abeſt vt maxima

pars hominum hac in parte suo fungatur officio, vt contrà cupientem Dominum ingredi, foras expellat: & visitantem aliter quàm nostra caro cupiat, contra ipsum obmurmuret, ac ei valedicat, immo per impatientiam & peccatorum omne genus extradat, vnde maiorum omnium initium, ingrediente tandem etiam inuitis illis Domino, sed tanquam iudice.

Ceterum etsi duo illi discipuli Dominum retenturi Solis occasum caesati sint, nihil aliud longiùs intuentes quàm ordinarium Solis occasum, hinc tamen possumus sensum allegoricum elicere in quo nos oportet proficere, tum maximè saltè quum Dominus nobis occurrens gratiæ suæ recipiendæ nobis occasionem offert. Nam quis, oro, est miseræ istius vitæ dies? Quot videas qui eius exortum aut meridiem tantùm se attigisse dum putant, in Occasum tamen præcipites feruntur, & tenebris obruuntur sempiterna nocte tegendis, & Sole nunquam illustrandis? Et horum quidem alij nunquam istius Occasus meminerunt, aut si meminerunt tanquam tristem cogitationem à se reiiciunt, quum contrà tamen quidam ex veteribus hanc sententiam prouulerit dignam quæ literis aureis scribatur, Quum mali quæpiâ cogitatio obrepat, de morte cogita, & quæ mortem sequatur, reminiscere, vix malum quod cogitasti facturus. Alij verò, qua in re plurimum peccant iuniores, sibi semiles annos pollicentur, quibus sapere discât:

tas avertet Dominum ingredi volentem impatientia verò iam ingressum foras expellit.

Admonitio ad senes & iuvenes vt seriò vitæ huius occasum imminens cogitent.

quæ non modò stulta cogitatio est, sed etiã impia, qua plerique omnes decipiuntur, sed sine remedio. Nos verò saltem qui canos attigimus, quòsque naturæ ordo deberet non tantùm commouere, sed etiam cogere ad meliorem mentem, vt qui alterum in cimba pedem habeamus, annon grauius peccamus quum tam oscitanter de istis cogitamus, vt nimium sæpe pueros octogenarios referamus. Faxit verò Deus Opt. Max. vt pro tantâ stupiditate ac negligentia, serio cogitemus de vitæ huius caducæ breuitate certissima, & de æterna quæ illâ excipit aut summa felicitate, aut maledictione: ac det nobis in sapientum illarum virginum numero ceteri; quæ in momenta venientem sponsum cum lampadibus ardentibus expectant; hanc Domini exhortationem in cordibus habentes, Ambulate quâdiu Lucē habetis vobiscum: & beatus ille seruus quem Dominus inuenerit vigilantem.

*Ad omnis
etatis ho-
mines, iuuenes
ac senes ad
hortatio, vt
de huius vi-
tæ solis oc-
cassu sedulo
cogitent.*

Porrò, vt ad historiam reuertamur, Dominus dicitur postquã in ædes in quas diuerterat esset cum ipsis ingressus, & vna cum ipsis accubisset, sumptum panem, postquam benedixisset, fregisse, & ipsis dedisse: & tunc eorum oculos apertos fuisse: vt eum tunc agnouerint: sed repentè ex eorum conspectu tunc ablatum. Hic autem in primis occurrit expendenda vox illa fractionis panis: deinde quomodo ex fractione Dominus agnitus dicatur & non ante considerandum: tum qualis fuerit hæc disparitio, ac tandem cur tam repentè & ante cibum

Item cum ex immensa bonitate sua cognoscamus, & ad eius gloriam verum illarum usum referamus. Solus enim ipse illarum Creator & largitor est, ex cuius vnus fauore pender panis baculus, Esa. 3. 1. Ezech. 4. 16. id est vis illa nos alēdi & sustentandi quam cibis indidit, & pro sua volūrate distribuit. Add e quod non parui momenti hoc loco est, nos in Adami lapsu ius omne quod in res creatas habebamus à Domino perdidisse, Genes. 1. 29. nullibi recuperandum quàm in hoc secundo Adamo, in quo & per quem placatus Dominus suis reconciliatur.

*Quàm gra-
uiter peccet
vni à multis
in cibo ca-
piendo.*

Vos igitur hic compello prophanos homines, quos cibum sumere sine vlla ante vel post, illum sumptum gratiarum actione non pudet quos non tantum aio ingratos esse, sed alieni raptores, etsi in prædiis vestris fortasse creuerit, aut eius pretium vendentibus persolueritis. Nam etiam apud homines legitima videtur his titulis rerum acquiratarum possessio, tamē nisi vassallus fidem præster & homagium Domino à quo feudum habet, meritò rebellionis & contumaciæ reus eo spoliandus est. Quid verò? Nonne ipsius Dei iussu propriè in manus nostras tam varia ciborum genera cadunt, quod Iacobus de sua venatione corā patre suo meritò profitebatur? Genes. 27. 20. Ac si ingratus & inciuilis meritò habetur qui aliena mēsa gratis pascitur, insalutato hospite recedit, quid de iis iudicandū putamus qui ne recordātur quidē eius cui vitam ipsam debemus, &

reli.

reliqua omnia quibus eandem tandem & tam variis modis fouet? Ac si meritò tanquam fures inexcusabiles condemnantur, qui non solum hospiti pretio excedunt, quid iis futurum est, qui pro gratiarum actione, (quod solum pretium Dominus à nobis pro infinita sua patientia poscit) quam pro tot beneficiis quibus eorum mensas Deus onerat, peccata peccatis aduersus eum cumulant, tum abutentes bonis eius rebus creatis, tum prophanis & impiis verbis eum proscindentes, & instar canum ac porcorum à mensa surgunt? Quorum sanè iusta punizio non longè plerunque differtur, Domino multis modis & casibus extrinsecus contingentibus eorum intemperiem puniente, vnde fit iusto Dei furore, vt pro vino intemperanter hausto, sanguis plerunque effundatur. Et in horum quidem numero recensco, non tantùm eos qui de istis non magis quàm bruta cogitant: sed eos etiam qui à precibus orsi, precibus etiam cibum claudunt, verùm ex consuetudine tantùm, aut quod benè sanctèque cœptum erat, in medio polluentes, sibi persuadent illa omnia posse regi, pauculis verbis precationis, vt loquuntur, quos ad Dauidis psalmo quinquagesimo de istiusmodi nebulonibus loquētis verba illa relego, Quorsum tu annuntias statuta mea: & sumis fœdus meum in ore tuo? &c. Et de hoc quidem hæctenus, in quo nimium à nobis quotidie peccatur: quæ vtinam Deus peccata pro immensa sua sancta misericordia regat atque

condoner.

*Quomodo
Dominus sit
agnitus ex
hac fractio-
ne panis.*

De altero nimirum, quomodo à duobus i-
stis discipulis Dominus sit agnitus ex fractio-
ne panis, potius quàm aliter ante hanc fractio-
nem, duæ possunt adferri rationes. Prior est
placuisse Domino, recedere ab illis paranti, o-
culos ipsis aperire, quos quidem antea non
excæcarat, sed tamen cohibuerat & quodam-
modo stupefecerat, vt non sit ex facie agnitus
ab iis qui tamen ipsum adeò familiariter vi-
derant & eodem vsi fuerant: quod de auditus
sensu dicendum etiam est, & sono vocis Do-
mini, sicut in historia Mariæ Magdalenæ su-
perius audiuius in locum, Ioh. 20. 15. Quis
verò factum id miretur ab eo qui etiam crea-
uit oculos, aures, & reliquos sensus, quos pro
sua voluntate moueat & impellat, vt minimè
sit propterea Iesus Christus habendus illusor,
qualis est Satan & Magi: nec formam suam
aut vocem mutasse dicendus, qualem Pro-
theum illum poëtarum fabulæ fingunt. Altera
est, verisimile esse Dominum in terris agentem
vnà cum discipulis suis, tum duodecim illis,
tum etiam aliis, peculiarem quendam ritum
obseruasse ac gestum in tollendis ad cælum
oculis, vt maiestas quædam & non vulgaris
gratia in ipso appareret, vnde hi discipuli at-
tentius eum contemplati agnouerint. Qua in
re nobis sanè Dominus est pro virili nostra i-
mitandus, quum longè sit maior & excelsior
Dei viuentis maiestas quam compellamus,
quàm vllius cuiuscunque mortalis dignitas.

Verum,

Verum, vt etiam contrarios abusus caueamus, modus in his ritibus adhibendus, ne pro deuotione in superstitionem & hypocrisin incidamus, eorum exemplum sequuti de quibus Dominus loquitur apud Euangelistam, Matt. 15.1. & 5. & 16.

De tertio verò, nimirum modo disparitionis, qua adhuc hodie abutuntur Trāssubstātiatores, Consubstantiatores & Vbiquitarij, fingentes verum humanum corpus præsens realiter & substantialiter, & tamen inuisibile, in cœlis & in terra, immo vbiq̃ue & in omnibus simul locis, quos ipsamet Iesu Christi verba satis coarguunt, apud Lucam, 24. v. 39. tenendum est istorum nullam in hoc textu fieri mentionem, in quo non simpliciter dicitur Dominos non amplius ipsis apparuisse, sed hac disparitione ex eorum conspectu ablatus esse: quod sanè supernaturale quidem & extraordinarium agnosco, quum minimè ferat humani corporis pondus tam subitam ac repentinam absentiam. At si potuit Dominus tam repenti & vno momento Philippum suum seruum ab vrbe Gaza Azothum vsque transportare, cur q̃ voluit, non potuit a^l voluit idem in suo corpore prestatere, vt neq̃ corpus eius in se fieri inuisibile, neque vllam fieri mutationem, qualitatis ac proprietatum essentialium, magis necesse fuerit quàm in Philippi corpore contigerit, Act. 8. 39. & 40. Notandum igitur hac disparitione Iesum Christum realiter abcessisse, & abentem à discipulis factum, vt hæc disparitio non

Tam repentina disparitio fuit naturalis, sed nihil detrahit nec essentia, nec vlli naturali essentiali proprietati corporis humani.

modò non iuuet Vbiquitatem, sed eandem omnino destruat.

*Cur sub
isti cibi Do-
minus dispa-
uerit.*

Denique si quis quærat cur hac ratione & tam repente à discipulis illis duobus recesserit, aio Domini mentem in his realibus naturalibus & in oculos incurrentibus apparitionibus, quòd ad suscitati corporis veritatem, non tantum hanc fuisse, ut certiores eos faceret de suæ resurrectionis veritate per realem & visibilem suam præsentiam: sed ut doceret eos se non suscitatum à mortuis iterum in terris humanam ut antea vitam acturum, quam Paulus animale vocat, quòd cibo & potu foueatur: sed mortis speluncam egressum, se etiam omnem illam mortis qualitatem & infirmitatem deposuisse, non tamen naturam corpoream cum proprietatibus essentialibus, quas oportet distingui tam ab iis quibus per peccatum obnoxia facta est vita humana, quam ab eiusdem animalis vitæ conditionibus antequàm Adamus lapsus esset & nos in ipso. Nam etsi Adamus ante peccatum morti non esset obnoxius, cibo tamen, potu & somno vitam illam eius oportuit foueri ac sustineri: quum vita spiritualis animali illi opposita, in cuius possessionem Iesus Christus iam venerat per resurrectionem à mortuis, longè alia sit, ab istis omnibus immunis, quod Saducæis respondit Dominus apud Matth. 22. 30. & Lucam 10. 35. & Apostolus pluribus persequitur, I. Cor. 15. nominatim à vers. 38. ad 51. Dominus tamen nondum erat ingressus omnino in gloriam

Pa-

Patris, sed quadraginta dierū spatio se ad discipulorum captum accommodauit, talē hac in re modū seruans, vt ad veritatem sui corporis ac veræ suæ vitæ magis ac magis patefaciendam, etiā edere ac bibere cū ipsis voluerit, licet non ad alimentū vt prius: aliās, vt in hac hystoria noluerit eò vsque procedere, quò doceret eos se viuere & in posterum esse victurum alio vitæ genere, putā spiritualis & ab omni infirmitate tam naturali quàm per accidens immunis & liberæ, qualem hactenus egerat, ex quo in hunc mundum veniens nostram naturam, excepto peccato induerat.

Quamobrem qui pro distinguendis istis qualitatibus corporis cælestis Iesu Christi, idest cælestis ac spiritualis conditionis, vitæque viuētis cælestem ac spirituales, à corpore terrestri & animali, idest conditionem habente terrestrem & vitam agente terrestrem, & hoc respectu cum omnibus animantibus communem, nostræ salutis fundamenta radicitus conuellunt, Deitatem essentialem Iesu Christi confundentes cum proprietatibus spiritualibus corporis eius spiritualis: quum tamen oporteat in vnitæ personæ Domini, duas eius naturas etiam manere distinctas sua essentia & proprietatibus essentialibus, non minus post eius resurrectionem & glorificationem æternam quàm ante. Nam si aliter esset, resurrectione non esset facta melior nec auctior humana Iesu Christi natura, sed abolita fuisset & in vnam

*Quam hodie
rendi erro-
res ex eo-
rum hæ-
resibus pro-
manent qui
hodie in ter-
ris corpus
Iesu Christi
quærit.*

q. iij.

Deitatem transformata. Et quod maius est, idē de nostris corporibus vltimo die resurrecturis dicendum ac sperandum esset, quum dicantur tunc fore conformia corpori eius glorioso, Philip. 3. 10 quemadmodum ipse se demisit & exinaniuit in hoc mūdo ad tempus, nos cœlestibus suis diuitijs exornaturus & ditaturus. Ac, si finitum esse ac circuūscriptum naturalis corporis dimensionibus, vt sit prorsus *αδύνατον* pluribus locis esse simul, & esse visibile, nō esset proprium essentiale verorum omnium corporum, sed proprium per accidens, quod abesse possit sine substantiæ corporeæ interitu, quomodo cōgrueret cum eo quod dicitur Dominus vltimo die, quo apparebit maiestate & gloria insignis, futurus conspicuus, & ab omnibus, tum filiis suis, tum hostibus agnoscendus? Non simpliciter igitur damnāndus hic error, vt fallissimus, sed maximè detestandus, tum quòd dum Iesu Christi humanitas sic in spectrum trāsformatur, religionis Christianæ altera columna euertitur, quòd ita doceamur Iesum Christum adhuc in terris quærere per inuisibilitatē fabulosam, & confundatur modus communicationis spiritalis solus viuificus, cum corporeo huius vitæ proprio: tū denique quod hac via Sacramētum Sacrosanctę Cænæ in horrendam & abominandam idololatriam, si quæ fuit vnquam apud homines, commutatur, vt Deus habeatur, & tanquam Deus colatur id ipsum quod editur ac bibitur,

Histo-

Historia deinceps adiicit hos duos discipulos melius agnito Magistro in recessu quàm dum adesset præsens, maiorem fructum percepisse ex iis quæ ab ipso audiuerant quàm priùs fecissent, suum stuporẽ admirantes. Nã, aiebant, nonne vis illa qua in nostris cordibus operabatur, quãsi ignis ab eius ore in corda nostra penetraret, quũ aperiret nobis scripturas, & nobis in via loqueretur, debuerat illum nobis patefacere? Et hoc opponitur Scribarũ & Phariseorum docendi rationi, glacie frigidiori, quæ nullo modo cum doctrina cælesti sacris Scriptis comprehẽsa, siue rem inspicias, siue verba, cõueniebat. Nam quòd ad Legem, qualis eorum doctrina fuerit satis testatur falsæ ipsorum expositiones, quas Dominus apud Matth. cap. 5. multis reprehendit, & coarguit. Doctrinam verò Euangelicam, quæ fuit Messia promissio, in regni carnalis & temporalis maiestatem transformabant: quum Dominus contra de rebus diuinis diuinè & cum auctoritate loqueretur. Matth. 7. 29.

Hanc verò virtutem non est quòd tribuendam arbitremur ulli humanæ eloquentiæ aut Rhetorices artificio. Nec enim dubitandum est quin Dominus noster Iesus Christus ita sit loquutus, vt eum Euangelistæ loquentẽ scriptis suis introducant, verbis nimirum cõmunibus, & ad vulgi captũ accommodatissimis. Et si enim laudabilis est bene dicendi & eloquendi scientia, quum ad rectum finem in rebus humanis fertur: Dominus tamen hanc

*Maxima
differentia
inter modũ
docendi
quo Chri-
stus uteba-
tur, & eum
quo Phari-
sæi.*

*Cur Pro-
pheta, Ie-
sus Chri-
stus, Apo-
stoli, simpli-
ci & com-
muni more
loquendi
in docendo
vsi sint: &
quantopere
hanc sim-
plicitatem
inducto su-
co adulte-
rantes er-
rent.*

docendi rationem in Ecclesiam suam noluit
introducere, cuius rei testis est idoneus ac-
cris illa reprehensio qua Paulus Apostolus
egregios illos oratores apud Corinthios coer-
cet, sic eos alloquens, Ego quum veni ad vos
non veni cum eminentia facundiæ aut sa-
pientiæ, neque oratio mea, & prædicatio mea
versata est in persuasoriis humanæ sapien-
tiæ verbis, sed in demonstratione spiritualis
potentiæ. I. Corin. 2. 1. & 4. Simplicitas igitur
prædicationis nihil detraxit de Scripturæ ma-
iestate, sed contrà ostendit Ecclesiæ Dei fun-
damentum & ædificium totum niti vnica Dei
virtute interna, qualem ipsi Iesu Christi ini-
mici vel inniti coacti sunt agnoscere, & qui-
dem ab eius iuuentute, Luc. 2. 27. & sæpius
aliàs, veluti Matth. 13. 54. & Iohan. 7. 46. Ta-
lis etiam Apostolorum sermo fuit, cui nec
Philosophorum sapientia, nec oratorum fa-
cundia resistere potuit. Spiritus sanctus igi-
tur propriam habet Rhetorice, fastidiant
illam licet delicatuli quidam & difficiles, quo-
rum aliis sacrarum Scripturarum oratio ni-
hil sapit, vt propterea malint vitam in orato-
rum, Poetarum, aliorumque prophætorum
scriptorum libris terendis transigere: alij verò
sunt adeò audaces vt Spiritus sancti sermo-
nem in Latiniore voces transformare nitan-
tur quàm ferat Ecclesiæ communis vsus: a-
lij longius progrediuntur, vt somnia sua &
speculationes, ex huius seculi sapientibus hau-
stas, cum doctrinæ Euangelicæ puritate
mi-

misceant, alij natiuam illam pulchritudinem & nitorem eloquij Spiritus Sancti qui in Prophetarum & Apostolorum scriptis elucet, vanæ garrulitatis fūco inficiant, vt iam nulla sit ampliùs inter Euangelicos concionatores, & rabulas aut declamatores differentia. At quemadmodum fugiendum est ambitiosum & vanum istud in dicendo extremum, non ideo tamen sequitur approbandam barbariem illam quam inuenerat in Ecclesiam Dei linguarum proprietatis bonarumque scientiarum & artium imperitia, aut prorsus abiicienda doctorum virorum in humanioribus literis monimenta. Nam & ipse Dominus Ecclesiam suam decorare voluit insignibus Theologis Græcis & Latinis, etiam in bene dicendo eloquentissimis: qui tamen semper intra suos limites ita se continuerunt: vt maiorem ipsos semper rerum quàm verborum habuisse rationem minimè sit diffitendum, & summoperè cauerunt ne humanam & artificiosam eloquentiam confunderent cum virtute illa dicendi diuina, quam docet Spiritus S. in sua schola ad res diuinas, sacras & cœlestes mortalibus aperiēdas, vt Deo soli acceptam feramus Sapientiæ suæ cognitionem. Nam quoties ipsi visum est, ita feruorum suorum ministerio benedicit, vt totum orbem concutiat & commoueat, quod figuratum est die Pentecostes misso in Apostolos Spiritu Sancto, quem igneæ linguæ repræsentabant. Sic nostro tempore quoties i-

psi libuit & adhuc hodie libet potentissimè operatus est, non sanè potentia & viribus propriis seruatorum suorum, sed eius vnus arcana vi qui per os suorum seruatorum loquitur. At hoc loco tum interior virtus Iesu Christi considerata est, vt eius vnus qui Spiritu & igne baptizat, Matth. 3. 11. tum opus exterius, quatenus officio ministri erga suam nationem ipsi defungi visum est, Rom. 15. 8.

Cur non omnes ad quos venit verbi diuini calor, eo commouentur.

Hic verò si quis quærat, quâ fiat, quando quidem tam ardens est verbum istud diuinum, vt primariæ dignitatis viri, & sapientissimi quique ex populo, quos ipse Iesus Christus alloquutus est, parum, aut nihil omnino commoti sint: & hoc seculo, quo Deus velut de nouo faciem hanc in terras misit, maxima pars hominum non moueatur, sed potius gelidiores in dies fiant. Aio inde patere quod paulò superius dixi, nempe vim & efficaciam Euangelij, non pendere à verborum sono, nec magis manare ab ore concionatoris, quàm germen & incrementum sementis à satore, 1. Cor. 3. 7. sed ab eo qui ex suæ voluntatis arbitrio discrimen inter hos & illos statuit: nunquam tamen finente satores illos incassum facere sementem, quin eam sua gratia comitetur, qua inexcusabiles reddantur quotquot videre nolunt quod vident, nec audire quod audiunt. Sin excipiat aliquis rogitando, cur hanc lucem & ardorem istum omnibus auditoribus non communicet: aio, pro impia hac sciscitatione, & Dei arcanorum inquisitione, potius

tius mirandum, quomodo vnus hominis in mundo misereri velit, vt det ei oculos ad videndum, & aures ad audiendum, quum tanta sit improbitas, peruicacia & indomita rebellio hominum, qualem vel hoc vno seculo præ aliis omnibus experimur, & quidem in medio nostro sinu, ne longius nobis excurrendum putemus. Itaque in nos, nos inquam (quod non sine dolore maximo dico) qui verbum illud audiuimus & amplexi sumus specie tenus, eximio illo nomine Reformatarū Ecclesiarū gaudentes quadrant illa prophetæ verba, longè etiam meliore nomine quàm in veterem illum populum, Esa. 65. 2. Expandi manus meas tota die ad populum incredulum, qui graditur in via non bona post cogitationes suas. In nobis igitur, non in Deo quærenda huius defectus causa est: quum idem hodie nobis meritò possit exprobrare quod olim populo per Micheam prophetam dicebat, Popule mi, quid feci tibi, aut quid molestus fui tibi, responde mihi, Mich. 6, 3. Sapere & intelligere nobis videtur, & idcirco Dominus occultat nobis quæ paruulis & insipientibus deregat, Matth. 11. 25. diuites sumus in nobis ipsis, ideóque Dominus, qui famelicos implet bonis nos ablegat inanes: superbi sumus & elati, & ideo qui humiles exaltat, potentes è thronis detrahit, Luc. 1. 52. & 53.

Cæterum huius ignis, de quo loquimur, *Ignis huius* tria sunt propria, putà illuminare, calefacere, *proprietates tres in* & consumendo purgare. Hinc itaque digno- *credentibus.*

*opposita re
bellum ac
contumaciā
perditionis*

scitur an ad horum discipulorum exem-
plum in hac doctrina progressus aliquos fe-
cerimus, quos de cæcis in cognitione sui ma-
gistri, videmus videntes & scientes factos,
vt alios etiam illustrarint: de stupidis ac ge-
lidis, sublato stupore, zelo inflammatos, iter
abrupisse & negotia, vt in Hierusalem reuer-
tentur, hanc eximiam Lucem qua fuerant irra-
diati, cum Apostolis communicaturi. Atque ô
vtinam, vtinam, inquam, hoc exemplum imi-
tati in dies fidei incrementa caperemus, alij
aliorum inuicem ædificationi studeremus, &
mutuis datis dextris mutuis nos istis hortatio-
nibus ad Dei cultū incitarem. Agite, eamus,
eamus, & ascendamus in montem Domini,
quales piorum voces describit Ieremias, cap.
31. 6. & 12. Etsi verò tres illæ proprietates de
quibus diximus non sint rebellium propriæ,
sed solorum credentium, tamen suo periculo
experiuntur rebelles Dominum esse qui lo-
quitur: Luce Euangelij, qua alij illuminantur,
ipsis ardore suo caliginem adferente, & tan-
dem prorsus exæcante, vt videntes non vi-
deant: & pro eo quod alij ad bene agendum
incenduntur hi ad malè agendum in malitia
sua magis indurentur, aduersus Dei filios furē-
tes, donec eos ira Dei tandem absorbeat, qua
in æternum torqueantur nunquam consu-
mendi. Tu verò, Deus optime, nobis hanc lar-

*Propterea
omnes diffi-
cultates su-
perat.*

gire gratiā vt illis similes, istis dissimiles simus.
Denique textus habet eos ipso momento
surgentes, cū festinatione reuersos esse Hiero-
soly-

solyman : quæ notanda circumstantia est, ex qua obseruemus quàm subito sint mutati à Domino. Nam paulò ante, Dominum secum retenturi dixerant, diem inclinauisse, ac proinde non esse vltra vicum illum progrediendum, ne in noctem incurreret: nunc verò ipsi de reditu in urbem cogitant, quod iter conficere quum esset sexaginta stadiorum, stadium autem sexcentos pedes contineret, minimè potuerunt quin in altam noctem incidèrent. Sed ecce quantus gloriæ Dei, & veræ charitatis erga proximum sit zelus, vt nec dies nec horas numerare didicerit: & nunquã procrastinandum esse doceat, nec differendũ quod nunquam satis maturè fieri potest: nec à tergo respiciendum, sed semper progrediendum, & quidem currendum, immo semper ad scopum ac metam vltimam volandum, nempe ad præmium supernæ vocationis in Iesu Christo. Ideo Apostolus his verbis discipulum suũ Timotheum hortabatur, Prædica sermonẽ, instat tempestiuè, intempestiuè, 2. Tim. 4. 2. Et Dauid dicebat, Si introiuero in tabernaculum domus meæ: si ascendero super stratum lecti mei. Si dederò somnum oculis meis: palpebris meis dormitationem, donec inuenero locum Iehouæ: habitacula forti Iacob, Psal. 132. 3. Nec propterea tamen negamus Deum opportunitates rerum & tempora disposuisse, nec dicimus etiam negligendam prudentiam & discretionem in illis circumstantiis: sed tamen fugiendam summopere fallam carnis

prudentiam, quæ retrocedentes docet progredi, factò initio non à Dei regno, nec à domus Dei ædificatione, sed à familiarum nostrarum & aliorum priuatorum negotiorum cura, in quibus procurandis non stimulo, sed fræno & habenis, nobis opus est.

*Singularis
constantia
exemplum
præbuerunt
Apostoli in
urbem co-
acti, licet tã
ad creden-
dum diffici-
les. Et quis
in tali casu
modus ser-
uandus.*

Porro si magnopere laudandus est duorum istorum discipulorum ardor & diligentia, non minorem laudem meretur status in quo reliqui discipuli à duobus istis inuenti sunt, etsi fuerint in credendo tardiores. Nam quos erat verisimile metu perculsos & attonitos fuisse fuga salutem sibi quæsituros, cui negotio videbatur caro maximum illis argumentum præbere, dicuntur tamen in vnum omnes conuenisse, non tantum Apostoli, sed cum ipsis alij nonnulli: qua in re Dei fauorem maximum experti sunt, à quo mentibus ipsorum hoc consilium suggestum est. Sic videmus Ecclesiam cæso Iacobo Iohannis fratre, & in vincula Petro coniecto non fugisse metu percussam, sed nocte intēpesta in ædes Mariæ Iohannis Marci matris coactam fuisse, Act. 12. 12. Talis etiam fuit veteris veræ Ecclesiæ mos ac consuetudo à Romanorum Imperatoribus flagrantibus horrendis persecutionibus, quod auctores etiam Ethnici ipsi testantur. Et nostro seculo scimus illud, ardentibus in nostros fratres flammis, fuisse factitatum. Fateor propter nocturnos illos conuentus veteres Christianos horrendis falsissimis criminibus fuisse obnoxios, ac sæpe laceffitōs: eadem quæ nostro seculo ad-

uersum nos renouata : verum quicquid Satan per suos satellites agat atque molietur, nō debet Ecclesiam deterrere, quin legitimis omnibus rationibus in incœpto pergat. Neque verò tamen negamus euitandas omnes occasiones, sancta prudentia quibus improbi calumniandi aniam arripiunt: velut exempli gratia, si hodie quum Deus potestatem facit nobis interdiu certis locis & horis conueniendi, ad sacrosanctum eius verbum audiendum, quidam noctu, vel seorsim conuenirent, quod faciunt Anabaptistæ, & alij qui sectas instituunt, merito in grauissimam reprehensionem inciderent, & pœnis digni essent, quum istiusmodi studia priuata à Domino minimè proficiscantur. Nec dicimus ingruente persecutionum tempestate, in vnum locum singulis fidelibus conueniendum, vt latronibus ac sicariorum securibus iugulum præbeant, quo nihil gratius istis futurum esset. Fugit enim Elias à Iezabelis conspectu. 1. Reg. 19. 3. centumque illi Prophetæ in cryptis & antris latuerunt & nutriti sunt, 1. Reg. 18. 13. Nec semel ista contigerunt, teste Apostolo Heb. 11. 37. atque adeò Iesus ipse Christus Dominus noster, quum esset ei renuntiatus Iohannem Baptistam in vincula coniectum, secessit in Galilæam, Matth. 4. 12. & sæpius sibi fuga salutem, è manibus hostium elapsus, quaeruit. Sic Ecclesia post D. Stephani cædem dispersa est, Act. 8. sed quæ istiusmodi fugas sunt consequuta, semper ostenderant illud propriè non esse à Domini

conſpectu fugere, ſed ſe hoſtibus Dei ſancto prudentique conſilio ſubducere, ad maiores fructus faciendos. Quum igitur variæ circumſtantiæ in huiusmodi negotiis incurrant, vix præſcribi poteſt aliqua regula inanendum-ne ſit, an fuga ſibi conſulendū ouibus aut earum paſtoribus: verūm, ſi paſtores ex animo Dei gloriæ promouendæ ſtudio ducantur, nec de memoria ſua deleri patiantur quod alios docere debent, nempe ſuiipſorum abnegationem, ex ſancto & recto affectu quo à mercenariis diſcernantur, qui lupum venientem aſpicientes fugiunt, ac greges ſuos relinquunt, Iohann. 10. 13. aderit proculdubio Dominus ſuam voluntatem priuatim eos docturus, ſive per ſanctum ſuum Spiritum, indita ipliſ in rem præſentem ſapientia & conſilio, ſive per ones ipſas: quod Apoſtolo cōtigiffe videmus. Act. 19. 36. & 20. 1. Petróque ipſi Act. 12. 17. vt nō propterea necelle ſit à Domino noua edi miracula. Et horum quidem frequentiſſima ſunt noſtro ſeculo exempla. At contrā multos nimium vidimus ita perterritos, vt in auia aberrātes, numquam in viam redire potuerint, alios verò, ex immenſa Dei miſericordia, ſic attonitos, vt ſæpius in exitium ruentes tamen in viam reducti ſint. Quis verò miretur homines in hæc præcipitia, etiam aliquando ſponte ferri: quod teſtatur Dauid denuò ad Regem Achis confugiens? Graues tamen & inexcusabiles iſti lapſus, quicquid prætexatur. Annon enim ſenſus communis homines expertes eſſe necelle

neceſſe eſt, quum ſibi perſuadent tutius agi cum eo qui dereliſto Deo ad eius inimicos confugit, quàm cum eo qui Dei promiſſis aduerſus quælibet terriculamenta firmiter innixus, fidem ſuam ac vocationem imperterritus retinet, ab eius vnus pendens providentia? Denique, nonne planè inſanus eſt, quicumque ſe rebus ſuis conſulturum putat, ſcienter prudenter in Deum peccando? Itaque tantùm abeſt vt perſecutionum æſtu flagrante incunda ſint hæc conſilia, ſecedendi & à gregis vnione diſcedendi, quibus conſiliis in leonum ungues deuenitur, vt contrà tunc maximè ſit vnio fouenda, cuius hic nobis exemplum proponitur: quod ſi factum erit, ne dubitemus quin Dominus, quemadmodum reſpoſa fecit ratum id de quo maturè præmonuerat Apoſtolos, nempe vbi duo aut tres coacti eſſent in ſuo nomine, fore ſe in medio ipſorum. Matth. 18.20. ſic etiam inuocatus adſit, & præſentiſſimum auxilium velut *ὁ πρῶτος μνηστὴρ* adferat.

Verum enim verò diſcendum ab hoc exemplo, quid ſit in nomine Dei conuenire, nempe vt cætus & conſilia ferantur in Dei gloriam, mutuamque conſolationem & ædificationem in Domino, non autem quærantur mala conſilia, conſultoribus ipſis peſſima. Itaque dicuntur hic vndecim Apoſtoli (notandum autem Domini domesticos ita ab aliis nuncupatos vndecim, ſicut prius ante Iudæ proditionem Duodecim vocabantur, licet decem tantùm huic apparitioni præſentes adfuerint,

Apoſtoli non conueniunt de priuatis rebus agendi.

tum absente Thoma, vt colligitur ex Ioh. 20. 24.) non de priuatis suis egisse negotiis, de quibus tamen cogitandi satis magnam occasionem habere videbantur, sed se mutuò in spe resurrectionis Domini confirmasse, quum etiam contigisset vt post duorum illorum discipulorum ab vrbe in vicum proficiscentium egressum, quod perspicuum fit ex iis quæ in hac historia recensentur, Luc. 24. 22. & ea quæ in itinere ipsis contigerant, ac eorundem regressum, Dominus sic disparsens Petro se conspiciendum præbuisset: cuius etiam apparitionis nominatim meminit Paulus, 1. Cor. 15. 5. quam paucis tantum attigit vnicus Euangelista: quum Euangelistarum scopus non fuerit singula Domini facta vel dicta nominatim suis monumentis conscribere: sicut ipsemet Euangelista testatur, Ioh. 20. 30. & 21. 25.

*Ecclesia nō
desinit esse
vera Eccle-
sia, licet non
in omnibus
etiam præci-
pui religio-
nis capiti-
bus singuli
consensiant.*

Quid verò? Sanè licet adeò bene essent dispositi, tamē dicuntur, Mar. 16. 13. postquam duo isti discipuli renuntiassent ipsis quæ in itinere viderāt & audiuerāt, adhuc incredulitate vel saltē tarditate ad credendū laborasse, quod de nōnullis ex illo cœtu, nō de singulis, intelligendū est. Nā expressè dicit historia, maxime partis ipsorū hanc sententiam, vel potius communem & vltimā conclusionē fuisse, qualem esse oportuit, verè nimirum Iesum Christum resurrexisse. Vnde discimus non admodum mirandū, si etiam in præcipuis quibusdā Christianæ religionis capitibus non is est consensus quem esse oportuit, inter eos qui aliis præire exemplo

plo concordia debet: quum id ipsum in ipsorum
 Apostolorum ipsorum cœtu contigisse videa-
 mus: nec etiam inde inferendum, nullam esse
 Ecclesiam ubi non est usquequaque firmus in
 omnibus consensus. At ponenda differentia
 est inter hanc opinionum discrepantiam, &
 apostasiam aduersus veritatem, sectasque v-
 nionem Ecclesiarum frangentes: inter mate-
 rias ex quibus illæ opinionum varietates o-
 riuntur, & dubitationes & infirmitates quæ in
 peritissimos quosque cadunt: quod ipsum cõti-
 gisse videmus initio in Ecclesia Hierosolymi-
 tana & Antiochena circa præcipuum argumētum
 de beneficio Domini nostri Iesu Christi, Act.
 15. 21. & 7. & inter Galat. circa eadē materiā, nō
 sine maxima spiritus erroris efficacitate, Gal.
 1. 6. & inter Corinthios in articulo de resurre-
 ctione, 1. Cor. 15. 12. Et nostris infelici seculo i-
 dem plerisque in locis, immo nimium multis
 aspicimus, & quidem ut hætenus immedica-
 bile malum istud fuerit. Illa igitur à me allata
 distinctio diligenter obseruanda, cauendum-
 que ne facile offendiculis locum demus, &
 plerunque falsum iudicium feramus: quod
 non erit usque adeo difficile, si modò monen-
 tem Apostolum quid hac in re facto sit opus,
 audiamus, non fouentes, inquit, malum, sed e-
 tiam quantum fieri potest ac debet alij alios
 tolerant, mutuaque ædificationi studentes,
 donec euadamus omnes in vnitatem fidei &
 agnitionem filij Dei, dona sua secundum men-
 suram distribuentis. Denique in genere tenen-
 r. ij.

dum, ut non quævis concordia Deo nos coniungit, ita non quamlibet opinionum diuisionem ab eo nos separare.



HOMILIA VNDECIMA.

Marc. 16.

14. *Postremò, unà sedentibus ipsis undecim exhibuit sese, & exprobrauit incredulitatem eorū, & cordis duritiem: quòd is qui ipsum conspexerat excitatum non credidissent.*

Luc. 24.

36. *Hæc autem ipsis loquentibus, stetit ipse Iesus in medio eorum, & dixit eis, Pax vobis.*

37. *Consternati verò & expauesacti, videbantur sibi spiritum conspicerere.*

38. *Tum dixit eis, Quid turbati estis, & quare disceptationes subeunt corda vestra?*

39. *Videte manus meas & pedes meos: nam ego ipse sum: contrectate me & videte: nam Spiritus carnem & ossa non habet, prout me conspiciis habere.*

40. *Et quum hoc dixisset, ostendit eis manus ac pedes.*

Iohan. 20.

19. *Quum ergo vespèra esset, die illo primo hebdomadæ, & fores essent clausæ [illic] ubi erant discipuli coacti propter metum Iudæorum, venit Iesus: stetitque in medio ipsorum, & dixit eis, Pax vobis.*

20. *Et*

20. *Et quum hæc dixisset, ostendit eis manus ac latus suum. Gauisi sunt ergo discipuli, viso Domino.*



QVANDO QUIDEM omnis nostra fides nititur iis quæ sunt nobis fideliter ab Apostolis Domini nuntiata, idest legatis quos ipsemet vocauit, & omnis generis signis ac miraculis indubitatis approbavit, sicuti docemur Eph. 2. 20. & Apoc. 21. 14. meritò fortasse quærat aliquis cur non potius primis illis sese patefecerit, ad reliquos omnes deinceps docendos atque cōfirmandos, quàm Mariæ Magdalenæ, Marc. 16. 9. deinde aliis mulieribus, Matth. 28. 9. tum duobus istis in vicum proficiscentibus. At sic in Dei consilia inquirentes, non attendunt in primis optimum fuisse, immo necessarium, vt non solus Petrus, sed omnes Apostoli simul monerentur de sua quisque infirmitate, immo & incredulitate, vt sese ipsos agnoscerent sibi quæ ipsis applicarēt quod erant alios docturi deinceps. Deinde cōsiderandū & illud, si faciles in credenda resurrectione fuissent, vt ei testimonium perhibere conarentur, à multis fuisse suspectos futuros, quasi seiplos quærerent: quibus omnibus Dominus occurrit præcedentibus apparitionibus, quæ circumstantiis quidē diuersæ fuerūt, sed in vno omnes pulchrè conuenientes. Tercio, quò plura testimonia habent, qui Apostolorum tempora sequuntur, tantum abfuisse

*Cur Iesus
Christus
sese non pa-
tefecerit
Apostolis
prius
quàm alijs.*

vt Apostoli hunc fidei articulum cōfinxerint, quo sublato reliqui omnes forent inutiles, vt contrā postremi fuerint in eo credēdo, eò certius redditur ac firmitus minúsue suspectū eorum testimonium. Et sanè Deus sic operari solet, nos à sua prouidentia docens pendēre, nec in eius opera inquirere, ne qui sibi plurimum sapere, & esse maximè perspicaces vidētur, tandem prorsus insaniisse & cecutiuisse videātur.

*Quomodo
Matheus fa-
ciat mentio-
nem vnde-
cim Apосто-
lorum, quos
vnā dicit
coactos,
quam tamē
absente
Thoma san-
tūm essent
dicere.*

Itaque hic dicitur Dominus postquā repente ab oculis duorum illorū discipulorum disparauisset, reditum ipsorum in urbem praeuenisse, vt se Petro corā inspiciendū praeberet, vt qui prae reliquis opus haberet. Deinde quū videret discipulorum suorū cœtū non tam facillè posse persuaderi, tantū abest, vt, quod merebantur, eos deseruerit, vt contrā in ipsorū aedes eos quæsiuerit, quo ex naturali sensu scrupulum omnē ipsis eximeret. In qua narratione non tantū res gesta nobis consideranda, quæ tamen est præcipua, sed omnes etiam circumstantiæ diligenter expendendæ, si prius hoc obiter obseruauerimus, non omnes illos vndecim eò loci reuera conuenisse, absente Thoma, sicuti paulò post videbitur. At quēadmodum antea cœtus ille duodecim vocabantur, sic à Iudæ prodicione vulgò dicebantur Vndecim, donec numerus ille Duodenorum surrogato Matthia in Iudæ locū redintegraretur: aut etiam dicere non erit absurdum Euangelistam hanc apparitionem voluisse comprehendere cum ea quæ octiduo post facta est.

Quod

Quòd ad tempus attinet, facta dicitur hæc apparitio sub vesperam eiusdem diei quo resurrexerat: qua ex re ratū fieri videmus id quod ait Apostolus, Dominum non sinere nos tentari supra vires, quas ipsemet sufficit. I. Cor. 10. 13. Nam proculdubio non magno molimine prosterni tum poterant qui constantissimi videbantur. Dominus igitur re ipsa comprobaturus neminem velle se eorum quos Pater ipsi dederat perdere, Ioh. 18. 9. hærete quidē illos animi dubios aliquātisper passus est, quòd manifestatio ipsius esset deinceps gratior & acceptior, sed interea tamen nuntiis variis, ad quatuor vsque subinde laborantes recreauit, primū Maria Magdalena missa: deinde aliis mulieribus: tum Petro: quartò denique duobus illis discipulis quibus in itinere apparuerat: præter alias interiectas visiones, & ea quæ nominatim Petrus & Iohannes in sepulchro viderant & obseruarant: quòd mendacium eorum manifestius fieret: qui furto sublatum Iesu Christi corpus cum insigni calumnia diuulgabant. Ergo exemplum istud conspicuū nobis facit quod Psalm. 121. 4. dicitur, Custodem Israël non dormire nec dormitare, licet suis nonnunquam stertentibus: quod repræsentatum etiam nobis fuit in iisdem Apostolis paulò antè prece illa vltima quam ad Patrem fudit Christus imminentibus ipsi Iuda & aliis eū capturis. Et hoc sanè officiū præscribit ijs quos ad alios excitandos vocat, quam ob causam Episcopi nominantur, vt gregibus invigilent,

*Singulare
exemplum
in Iesu Chri-
sto vigilan-
tia Pasto-
rum in suas
oues.*

corum Domino rationem reddituri, minante per Prophetam se ab ipsis sanguinem requisitum cuiuscunque ouiculæ culpa ipsorum pereuntis. Ezech. 3. 18. Vnde verò tam crassi nostri lapsus, ex quibus multi nunquam emergunt, nisi quoddam aut dormientibus pastoribus, inimicus nostræ salutis lolium in agrum Domini immittit, Mat. 13. 25. aut qui excitati sunt, vel neglexerunt, vel serò nimis expergefati sunt, ut virginum docet parabola Matth. 25. 5. & 10. Eia igitur, fratres, ad hanc doctrinam mentes aduertite: nam si aliàs vnquam, id res & hora flagitat, & locus ipse, si alius vllus, postulat ne incauti ac stertentes corripiamur.

*Cur Iesus
Christus
suis disci-
pulis eodē
loco & tem-
pore simul
coactis ap-
paruerit.*

Altera circumstantia est temporis & loci, voluit enim illos Dominus eodē loco, eodēque tēpore simul coactos inuenire, & quidē alios præter undecim cum illis discipulos, ut horum omnium testimonio irrefragabili totam suam Ecclesiam simul ac semel de sua resurrectione certiolem faceret.

*Metus cū
aliquo de-
fectu con-
iunctus
minimē
damnandus
est, modò
ne ab offi-
cio nos de-
serreat.*

Non est porro verisimile totum integrum diē simul coactos permanisse: sed sub vespéra conuenisse, veritatem cognituros eorum quæ subinde per varios nuntios ferebantur, & sese inuicē consolaturos. Tēpus igitur opportunū explorarunt, quo tuti essent ab hostiū suorum furore. Quāobrem etsi metus ille de quo hic agitur, incredulitate & diffidētia fuit permixtus, (qua in parte reprehensionē meretur) tamē quā ipsos ab officio non deterruerit, magnopere laudādi sunt discipuli prudēter conuenientes, siquidem

siquidē ipsemet Dominus prudētiā cū simplicitate coniungendā esse docuit, Matt. 10. 16.

Sub vesperam igitur primi diei septimanæ, qui nobis hodie dies est Dominicus, Dominus dicitur ad eos venisse: quod non omnino est intelligendum Hebræorum more, apud quos dies initium ab occasu solis capiebat: quum sit verisimile duos illos viatores, quibus erant in reditu conficienda sexaginta stadia, quandoquidem iam dies inclinauerat, vt loquuntur Luc. 24. 29. non nisi post Solis occasum in urbem aduenisse, & iam multa nocte. Nam sexaginta stadia conficiunt sex millia Italica, quę leucam vnā Gallicam cum dimidia faciunt, in singulas leucas numeratis quatuor millibus. Quemadmodum igitur vt periculum effugerent opportunum tempus elegerunt, eandem Dominus opportunitatem accepit, vt eò attentius & tutius ab ipsis videretur & audiretur.

*Quomodo
intelligēda
illa vespera
primi diei
septimana.*

Alia non parui momenti circumstantia superest, Dominum Iesum foribus clausis venisse, & stetisse in medio ipsorum: & eo viso discipulos ita consternatos & expauesactos fuisse, vt sibi Spiritum conspiciere viderentur: ex quo apparet eos, præterquàm quòd istiusmodi visa & phasmata inopinatò in oculos incurrentia terrorem adferunt, vehementer attonitos fuisse, conspicientes ipsum sic ingressum vt fores aperiri nec vidissent, nec sensissent: siue de domus foribus, siue de cubiculi aut conclauis in quod conuenerant, istud in-

*Cur Iesus
Christus in
gredi volue-
rit ianuis
clausis.*

telligatur. Non dubium igitur quin miraculosus hic ingressus fuerit tum in se, tum in extraordinaria celeritate: hoc miraculo docere volente Domino discipulos suos, nihil suae diuinæ potestati mortem detraxisse, de qua nondum satis erant persuasi: sicut vicissim visibiliter ac sensibiliter demonstrare voluit verum se hominem resurrexisse, eodem corpore & eadem anima præditum quam ante mortem habuerat.

*Quomodo
intelligen-
dus hic in-
gressus ia-
nuæ clausis
qui miracu-
losus quidē
fuit, sed ta-
men non
immutauit
Iesu Christi
humanita-
tem: nec in-
trat aut v-
biq̃uitatem
aut inuisibi-
litate[m] cor-
poris Iesu
Christi som-
nantes.*

Hic quæritur, quodnam istud miraculum fuerit. Atque illi primùm qui libenter persuaferint Iesum Christum secundum humanam suam naturam à sua resurrectione, factum esse Omnipotentem, diuina omnipotentia, vt nullis amplius corporeis dimensionibus aut loci circumscriptionibus sit obnoxia humanitas: sed essentialiter sit, & in propria corporis substantia, alij quidem dicunt vbique, non minus quàm ipsa Deitas: alij in tot hostiis, quas vocant, quot sacrificus consecrarit: alij in tot locis quot Sacrosancta Cæna administratur, & in totidem hominibus quot ad Cænæ communionem accedunt. Quæ omnes opiniones sunt totidem perniciosissima & falsissima dogmata, immo deliria à spiritu erroris in Ecclesiam inuectæ, vt Christianam Religionem non tantùm in fabulas transformaret, sed prorsus tanquam sibi ipsi contrariam aboleret. Nam si huius doctrinæ fundamentum, & quæ illi superstruuntur vera sunt, actum est de incarnationis articulo, tollitur enim definitio vnio-
nis

nis personalis duarum Iesu Christi naturarum, sine vlla confusione aut mixtione, nec essentialium, nec earundem proprietatum essentialium. Corruit eadem ratione Iesu Christi corporis veritas, saltem ab eius resurrectione. Sic euertetur articulus Ascensionis Domini in cœlum, quæ non erit realis loci mutatio, vt historia docet, sed mutatio naturæ visibilis ac finitæ circumscriptæque suis dimensionibus (sine quibus corpus desinit esse corpus) in substantiam inuisibilem, & plus quàm spirituales & Angelicam. Nec enim Angeli, nec animæ nostræ sunt vno momento pluribus simul locis. Sic ridiculus redditur articulus, secundi aduentus & reditus Domini è cœlis in terras, ad viuos & mortuos iudicandos. Nam ita redire non erit, realiter & substantialiter redire, sed non mutato loco in terris, ex inuisibili qualis à sua resurrectione fuerit, vsque ad suum reditum, iterum visibilem fieri, vt solent histriones. Immo, ne procul abeamus, idē Iesus Christus corpus habuerit sine dimensionē, vt medias fores penetraret: & repente ingressus factus erit visibilis & palpabilis. Sed si hunc locum pro se Vbiquitarij adferunt, magnopere hallucinantur. Nam si iam erat vbi-que, qualem nonnulli ex ipsis, iam ab eius natiuitate ipsi tribuunt Vbiquitatem, sanè Iesus Christus non erit ingressus in locum ex quo non excesserat. quandoquidem vbi-que est: sed simul & eodem momento, intus & foris fuerit, præsens & absens. Sed quis tandem harum

nugarum finis? Verum enim uero dicat aliquis, quomodo Iesu Christi corpus penetrauerit ianuas clausas, quin duæ substantiæ corporeæ simul in vno & eodem loco concurrerint? Et si id verum est, quomodo Iesu Christi corpus suas dimensiones corporeas & naturales retinuerit? Sed antequam istis respōdeam, verum sit necne quod in medium adferunt, quānam, obsecro, verum erit visibilem & palpabilem ipsum fuisse, loquentem & plagas veras monstrantem, seque eousque ad suorum captum accommodantem, ut cibum vnā cum ipsis caperet, nisi verè & citra illusionem naturales dimensiones retinuit? Sine quibus si corpus verum esse corpus potest, vel, si cū quibus corpus potest esse non verum corpus, sed spiritus, nonne Iesus Christus præstigiator egisse videretur, ex istis dimensionibus visibilibus & palpabilibus veritatē sui corporis à mortuis suscitari comprobans? Sic igitur istud miraculum exponendum & intelligendum est necessariò, ut veritatis corporis Iesu Christi fundamentum maneat immutabile & inconcussum. Nec verò dicitur ingressus ianuam manentibus clausis, nec etiam penetrasse lignum aut ferrum: sed simpliciter quom portis clausis coacti essent in vnum discipuli, in medio illorum ipsum se steterisse: quibus verbis describitur repentinus & inopinatus ingressus ad eos qui tale nihil expectabant. Sed ponamus non tantum fuisse extraordinariam in hoc facto celeritatem, sed verum super-

naturale miraculum, dico, vt semper immota maneat veritas corporis Iesu Christi necessariorum fatendum istud miraculum virtute diuina Iesu Christi factum esse, non in essentiali proprietate corporis ipsius, qua semper fuit ac futurum est in perpetuum verum humanum corpus, sed in ianuis: veluti quum super aquas ambulauit & Petrus post ipsum, miraculum non accidit, nec in corpore Iesu Christi, nec in corpore Petri: sed in aquarum naturali qualitate, quarum natura fluida non ita mutata est, quemadmodum quum easdem in verum vinum commutauit, sed miraculose tamen firmata & veluti solidata, ad eos qui ipsis inambulabant sustinendos. Idem factum est in maris rubri transitu, Exod. 14. 22. & Iordanis, Ios. 3. 16. aquis in murum sese conglobantibus hinc inde, vt populo Dei liber transitus pateret. Quid vero fornacem illam ardentem commemorem, in qua iniecti sunt tres Danielis socij, cuius flamma semper quidem flamma fuit, & quidem ardentissima, vt suo periculo experti sunt ij à quibus in ipsam tres illi Danielis socij fuerant iniecti, sed cuius naturalis ardor sic fuit cohibitus, vt ne capillos quidem ipsorum attigerit, tantum abest vt nocuerit, Dan. 3. 27. Sic leonum rabies Angelorum ministerio fuit coërcita, Dan. 6. 22. Idem de hoc facto iudicandum reor, ianuas miraculo tam repente apertas fuisse & tam repente vicissim sponte clausas, vt id non sit à discipulis animaduersum: aut non erit absurdum dicere si negemus apertas fuisse, substantiam earum celsisse

verò naturali corpori Domini ipsorum creatori, momentòque iterum coaluisse: quod sanè non magis esse mirū potest, quàm quod paulò ante vidimus, subito ipsum è duorum illorum viatorum conspectu disparuisse. Idè Philippo contigisse legimus, Act. 8. 39. nulla tamen facta nec in Iesu Christi, nec in Philippi corpore mutatione: sed ita tamen vt Philippi corpus non ita disparuerit tanta celeritate supernaturali & ineffabili, facta in ipso aliqua mutatione: sed quoniam à Domini Spiritu raprus est: at quæ miracula Christus edidit à virtute veræ Deitatis, quæ in ipso est essentialiter, & non aliunde, manarunt. Quis verò scit num etiam hic Dominus vsus sit alicuius Angeli, ab Apostolis non visi, ministerio in his ianuis momento aperiendis & claudendis, sicut Angelum adhibuit ad saxum à monumento reuoluendum: vt non sit necesse cum veteribus nonnullis sentire, saxum à Christo fuisse penetratum, quandoquidem ea de re Scriptura nullam facit mentionem quæ nos in eam sententiam deducat? Nec enim illic dicitur resurrexisse clauso sepulchro, sicut hic dicitur, coactis in vnum discipulis, ianuis clausis seipsum in medio ipsorum stetisse. Sic porta ferrea sponte Petro aperta est, vt egrederetur carcere, Act. 12. 10. quemadmodum prius contigerat carceris fores ab Angelis aperiri miraculosè Apostolis, tantaque celeritate claudi, vt postridie carcer inuentus sit clausus quàm tutissimè: custodibus tamen ad fores stantibus istorum penitus

nitus insciis, ut quæ non animaduertissent, Act. 5. 19. & 23. Siquis ad hæc excipiat nullum de his verbum in textu haberi, vicissim respondeo nullum item verbum fieri de ianuis ab illo penetratis ut comminiscuntur, quod commentum ipsorum quum tam multa absurda consequantur, ut ostendimus, falsissima, fideique nostræ articulis contraria, hinc necessario confitendum esse inferimus falsissimam illorū interpretationem, nostram verò contrā expositionem fidei Christianæ consentaneam, multisque rationibus, & similibus exemplis fultā, esse verissimam. Denique si ut nostris figmentis locus detur, à Domino facta miracula tam anxie & scrupulosè examinanda sunt, nā id fuerit velle comprehendere quod desineret esse miraculum, si eius ratio vel ab hominibus, vel ab ipsis Angelis peruestigari posset. Iam verò ut superiores rationes omittamus, quæ tandem ratione factò extraordinario & miraculoso præsentiam corpoream ordinariam in administratione Sacrosanctæ Cænæ niti dixerimus?

Quibus sic expositis, expendenda nobis super sunt quæ in hac apparitione dicta gesta que sunt. Itaque Dominus dicitur eos salutasse his verbis. Pax vobis: quas voces noster Euangelista non expressit temerè. Nam ex vñtatis illis Domino vocibus confirmari discipulos oportuit in eius agnitione, & ex verborum ipsorum sono: ut Dominus suorum discipulorum incredulitatem tribus præcipuis huma-

Quam præclara saluatio qua Dominus suos discipulos excipit, & singulis Christianis commenda- tur.

nis sensibus coarguerit, auditu primùm, quum ex consueto loquēdi more sit eos alloquutus: deinde visu: tum etiam actu, quibus adde esum ac potum, quod hæc historia distinctè exprimit. At hæc omnia illis tunc & hodie nobis forent inutilia, nisi eadem referamus ad fructum quem ex hac cognitione percipimus: ut hæc salutatio nobis eum indicat. Nam in summa, quid est Euangelium? Nuntius veræ & vnicæ pacis, nostræ putà Reconciliationis cum Deo, per hunc à mortuis suscitatum, idèoque inter alios titulos Principis pacis titulo ornatum apud Esaïam: & quidem Pacis sempiternæ, cuius non sit finis. Esa. 9. 6. & 7. quam mundus dare non potest, Iohann. 14. 24. &, quod longè maius est, quam oblata respuit. Atque hac ratione cōciliatur quod modò dixi eum Christi dicto Matth. 10. 34. se non venisse pacem in terram missurum, sed gladium: quæ minimè sunt intelligenda, nec de natura doctrinæ Evangelicæ, nec de Domini proposito ac fine: sed de euentu maximæ hominum partis respectu: præsertim verò miserandi huius populi, qui tanto bono se sponte priuauit, tamque horrendum in se iudicium, tam detestanda rebellionē prouocauit. Annon verò nos idem hodie quoque experimur? Annon hoc ipsum hodie nobis obicitur, in toto Christiano orbe pacē floruisse prius quàm istius Euangelij fieret vlla mentio? Iisdem omnino vocibus olim infælicis illius populi reliquiæ conquerebantur apud Hieremiam, Ex eo tem-

pore

pore quo cessauimus sacrificare Regina cœli
(Soli nimirum, in cuius locum apud bonos
scilicet Christianos Catholicos Mariæ Virgi-
nis idolum successit, & infinita patronorum
& aduocatorum multitudo) & libare ei liba-
mina, indigni sumus, & gladio & fame
consumpti sumus, Ierem. 44. 17. At Euange-
lium, omnibus istis calumniatoribus & bla-
sphemis hominibus, inuitis licet ac ringenti-
bus, non desinet esse doctrina pacis, veræque
nostrarum coram Deo conscientiarum tran-
quillitatis, Marth. 11. 20. quandoquidem hac v-
nica doctrina docemur deleri quicquid à Deo
nos separabat: & eadem contra nobis donari
quicquid Deo nos gratos efficere potest, Eph.
1. 6. & 2. 16. & 17. per eum qui factus est nobis à
Patre, sapientia, iustitia, sanctificatio & redē-
ptio. Mundus verò, quandoquidem tantum
bonum recusat, misera sua & deploranda cō-
ditione fruitor: & quum amicitia mundi sit
aduersus Deum inimicitia, vt qui mundi ami-
citiam quærit Deo se exosum reddat, Iac. 4. v.
4. ita nos erga mundum geramus, ne huius o-
dij causa proficiatur ab vlla nostra culpa,
quos etiam inimicorum studere commodis
par est, Luc. 6. 27. & malum bono compensare
1. Thess. 5. 15. sed quicquid odij intercesserit eo-
rum vitio feratur acceptum. En pacem qua de
hic agitur, quàmque nos disertis verbis iubet
Dominus nobis inuicem precari, tum verbis
tū factis, qualis olim mutua fuit Christianorū
salutatio, & quidem addita conditione non

fore, nisi per nos stererit, tales piorum inanes preces. Utinam verò non tam multi hodie passim obuij essent, & quidem eorum qui Evangelico nomine gloriantur, ore pacem præferentes, corde verò infensissima odia fouentes, quos ad illa Domini apud Prophetam verba relego, Nunquid super his non visitabo, dicit Dominus? aut in gente huiusmodi non ulciscetur anima mea? Ierem. 9. 8. & 9. Edò, inquam, illos ablego, & ad Iudæ tristem exitum, cuius illi vestigia premunt, Matth. 26. 41.

*Dominus
obtulit ac
dedit disci-
pulis suis
pacem quā
eis preca-
tus est quod
adhuc ho-
die perfide-
les suos
seruos ho-
mines allo-
quēs facit.*

Ut verò nostram historiam repetamus, obseruanda hic differentia inter hanc salutari-
onem à Iesu Christo, & ab hominum reliquo-
rum ore promanantem. Nos enim hoc vnum
hac in parte possumus, quatenus homines, be-
nè alij aliis nimirum precari, quarum precum
effectus Domini arbitrio permittendus est. Ie-
sus verò Christus ita suos alloquutus, etiā pa-
cē eandē obtulit ac dedit ipsis quam optauit,
quum omnem habeat in cælis & terra pote-
statem, vt deinceps visuri sumus. Et si verò non
ampliùs in his terris ore suo nos alloquuturus
degit, tamen, nisi impedimento ipsi fuerimus,
idem thesaurus quotidie ab ipso nobis offertur
ac datur nō minùs verè, quàm quū discipulos
suos coram est alloquutus. An non enim ij su-
mus, quos quotidie per seruos ac legatos suos
ita cōpellat, Recōciliamini mihi? 2. Cor. 5. 20.
Nonne idē præterea Iesus Christus est, idē-
que Spiritus Sanctus qui nostro Spiritui resta-
tur nos esse Dei filios & Dei cohæredes? At-
que

que idipsum quod sui tēporis hominibus Dominus dicebat, Venite ad me omnes qui fatigati estis & onerati, & ego faciā vt requiescatis. Matth. II 28. quódque voce magna in templo clamauit, Qui sitit, veniat ad me & bibat, his verbis eam Pacē, qua de hic agitur, denotans: nonne idē quotidie inclamat per eos in quorum ore verbum istud recōciliationis posuit? 2. Cor. 5. 19. Sed de hoc posteriore pluribus deinceps acturi sumus.

Cæterum vt Dominus statim à limine miseros suos discipulos hac salutatione voluit cōsolari, sic etiam lapsum ipsorum non paruum minimè dissimulauit, exprobrans ipsis, vt apud Marcum dicitur, tarditatem cordis & incredulitatem. Qua in re præbuit exemplum quod veros omnes Pastores oportet imitari, consolationes ac reprehensiones ita temperantes, vt nec dulce nec amarū superet; vt solent boni medici ex simplicibus variis pharmaca réperare. Atque hoc præsertim seculo digna sunt ista non leui consideratione, quo videmus maximè noxios quosque nihil aliud quàm Euangeliū ad voluptatē postulare, Esa. 30. 10. quorū tamē rebellio postulat à nobis ne vllam finē faciamus ipsorū iniquitates pleno gutture carpendi, quod idem Propheta iubet, Esa. 40. 6. qua in re vtinā Deus suo nos Spiritu regat. Sed an ijsdē licebit vri obiurgationibus & exprobrationibus, quibus a Domino discipulos fuisse correptos cōspicimus? Quidni? quum ex officio teneamur, ne in ma-

Consolationes & reprehensiones in fidelibus Evangelij administratione dulci & amaro sunt temperanda.

dictionem incurramus, quam aduersus muros
 canes Propheta idem olim protulit, Esa. 56. 10.
 Nam hi scholam Euangelij non amplius qua-
 driennio frequentant, nos verò iam annos
 quadraginta, immo quinquaginta, & amplius
 Dominus nullū monendi & obiurgandi finem
 fecit, sed monitionibus nullū locū dedimus.
 Cuius enim cor molliū est, aut immensis quę
 à Domino accepimus beneficijs, aut eiusdem
 varij generis castigationibus? Et vt paucis ab-
 soluam, quis adhuc verbo huic seriò fidem
 adhibuit, licet Ecclesię refotmatę titulo glo-
 riemur? Nam si Paradisum Dei filiis paratum
 esse vera fide crederemus, nonne maiore illius
 studio & ardore teneremur? Ac si vicissim In-
 feros crederemus, præparatos hanc sapien-
 tiam contemnentibus, quorum futura condi-
 tio deterior est Sodomę ac Gomorrhę, nonne
 metu trepidaremus, oculis nostris intuentes
 Domini securim, qua tam multę tam variis
 locis Sylvę Domini decussę sunt, & ignem
 illum ardentem Domini, quo tam multi & fi-
 nitimi & procul à nobis remoti populi exarse-
 runt, iam iam nobis imminentem? Quis verò
 huius indignationis ardori sustinendo par est?
 Ecquis huius torrentis exundantis impetum
 compescet, quo maximam orbis partem de-
 vastatam cōspicimus ab ortu ad occasum, & à
 Septétrione ad Meridiē? Quid igitur hic agas?
 Nempe saltem, quū nos adhuc Iesus Christus
 alloquatur, pacemque hanc offerat, conten-
 tus nobis duritiem nostram & incredulitatem
 expro-

exprobatte, supplicibus votis eum precemur, ut quā mētē suis discipulis dedit, quò in hac reprehensione proficerent, eandē nobis largiatur.

Sed ne imitemur eos in eo quod hic dicitur, *Quomodo*
 conspecto ipso non modò non credidisse quæ *intelligen-*
 oculis suis videbant, auribúsque suis audie- *dum quod*
 bant, sed etiam sic attonitos & metu per- *hic dicitur*
 culsos fuisse, quòd in medio sui ipsum con- *de Spiritus*
 spicerēt, non animaduerso tamē eius ingres- *appantis-*
 su, ut non eum esse existimarint, nec verū ho-
 minē: sed spectrū, aut geniū quendā siue bonū
 siue malū, qui vana quadā specie corporis ipsis
 illuderet: quales visiones sacra Scriptura sæpe
 recenset, ut non sit curiosius inquirendum in
 modum & rationem naturalem aut superna-
 turalem qua illa fiant, & sese non tantum no-
 stræ *δι' αὐτῶν τῶν φαντασμάτων*, sed sensibus etiam ex-
 ternis offerant. His aliquid amplius adde, An-
 gelos, quoties ita Deo visum fuit, hominibus
 apparuisse cum veris corporibus humanis mi-
 nimè *φαντασμοῖς*, aut per imaginem quandam
 animo insidentem, adèd ut etiam ederint ac
 biberint, licet non hoc sine ut ex cibo potu-
 que alimentum caperent, quum Angeli istius-
 modi corpora assumerint subito in hunc v-
 sum formata, deinde iterum dissoluta, sicut ex
 Abrahami historia nominatim liquet. Nec du-
 bitandum etiam quin maligni illi spiritus Deo
 permittente possint istiusmodi corpora quæ-
 dam induere, quod de infelicibus illis venefi-
 cis publicæ latæ sententiæ demonstrant, quæ
 sanè non sunt semper vanæ illusiones.

*Quam ma-
gni abusus
in Ecclesiā
inuecti ex
falsis spiri-
tuum appa-
ritionibus.*

Hic verò nobis ab apparitionibus summo-
pere cauendum. Nam Propheticae visiones
præteriere: reliquæ verò, præterquā quòd iam
olim cauit Dominus ne consilium à mortuis
peteretur, Deut. 18. 11. sunt relinquendæ incan-
tatoribus illis ac necromanticis, seductis &
seducētibus, quum experientia docuerit quot
inde abusus in Christianum orbem inuecti
sint, quòtque horrendæ idolomania species,
quas nondum dispescere lucis Euangelicæ
splendor potuit: ex quo quilibet amentissimus
discat quantopere sint fugiendæ: quum præ-
sertim maxima pars talium apparitionum me-
ræ sint imposturæ legibus puniendæ: qualis il-
le fuit pseudoSamuel qui Pythonissæ appa-
ruit. I. Sam. 28. 14.

*Errum
e. ror qui
de Dei ope
ribus ordi-
naris aut
ext. aordi-
naris non
nisi x sen-
su suo natu-
ralitudi-
cant.*

Sed vnde tandem nata illis hæc opinio? Su-
pernaturalis Iesu Christi ad ipsos ingressus, ex
quo inferebant corpus illud oportere non esse
corpus naturale: qua in re parum memores se
præbuerunt diuinæ potentia Domini nostri
Iesu Christi, cuius insignia testimonia habue-
rant tot edita omnis generis miracula. Saltem
debuerant in memoriā reuocare quid sibi con-
tigisset, quū viso Iesu Christo super aquas am-
bulante, spectrū esse putauerant, eodem modo
hallucinati quo hic etiam hallucinantur: in eo
nempe quòd quemadmodum tūc miraculum
illud non fiebat in Iesu Christi persona super
aquas ambulantis, sed in aquis super quas am-
bulabat: sic in hoc tam repentino ingressu mi-
raculum non erat factum in Domini corpore,
sed

sed in ianuis, per quas tam repentinus ingressus Domino patuerat, & tam repente rursus coierant. Quemadmodum igitur aquę sic solidatę sub Iesu Christi pedibus nullam tamen mutationem patiebantur, nec essentiaę suę nec qualitaris essentialis, non magis quàm quum aquę glacie concresecūt, vt etiam super eas incedatur: non absimili modo ianuę illę nullam passę sunt substantiaę mutationem, multoque minus corpus illud quod eas cedētes penetrarat. Hoc igitur ingressu Domini nostri Iesu Christi corpus nullo modo fuit alteratū, sicuti supra satis copiosē docuimus. Verum enim uero conspiciamus in hoc exemplo qualis sit misera nostra & cęca natura, tum in consideratione maximorum Dei operum, siue ordinaria, siue extraordinaria illa sint, tum in eorundē obliuione. Indęque tertium maximum vitium nascitur, quod infinitam Dei nostri virtutem ex nostrarum virium modulo & captu metientes, falsissimas conclusiones elicimus, quibus in exitium vltimum abriperemur, nisi nostri Dominus misertus per sanctum suum Spiritum nos meliora principia doceret, quàm quę in nobis ita corrupta sunt.

Quum igitur Dominus tot testimoniis testatā fecisset, non potentiam diuinā extraordinariam, aut aliunde mutuari tiam, sed veram & essentialem Deitatem, id si discipuli meminissent, nonne facilē conclusissent ex supernaturali hoc ingressu minimē dubitandū quin qui alios à mortuis sua vi suscitasset, eādē ipse

Humana ipsa ratio potest ac debet infinitā Dei potentiam nobis comprobare.

quoque resurrexisset? Sed quid agas? à naturalis sui sensus apprehensione pendent, qui sibi nō patiuntur persuaderi ista sic posse contingere. Et tamen hoc si daretur, nonne humanitus loquēdo, firma foret ac solida cōclusio, si quis inferret, Deum igitur non esse Deum, nec auctore naturæ, si nihil nisi ex naturæ legibus potest administrare? Ex eo enim sequeretur nec Infinitū esse, nec Omnipotentē, ac proinde nullum aliū esse Deū quàm ipsam naturā, quæ tamen nec ipsa Deus erit, quādoquidē suis ipsa legibus deuineta tenebitur. En quo nos egregia illa naturalis scientia ducat: & illa insaniens ratio, per quā hoc assequuti sunt qui omniū sapientissimi habebantur, ut maximā suam ignorantiam magis magisque patefecerint. Rom. I. 22.

*Remedium
aduersus
periora &
quomodo
Dei promissis
utendū
sicut ex his
effecta spectemus
&
expectemus.*

Quò verò præcipitium istud fugiamus, Dei nostri potentia immēsa est omnibus illis opponenda, qui causarū secundarū ordinē ac vices ita disposuit, ut tamen ipse maximus earum sit Rector, eas mutans, varians & abolens ex suæ bonæ volūtatē arbitrio: seque ita verē Infinitū ac Omnipotentē patefacit. Porro duo extrema hic summopere cauenda sunt, vnum ne propterea constitutum à Deo ordinem negligamus quem Deus nobis intar speculi proponit in quo visibilia ista intuentes ascendamus ab iis ad inuisibilia magni huius Operarij & Rectoris tum harum causarū tum earundem effectū. Alterū ne hos imitati ex ingenij nostri captu Dei promissiones aut iussa metiamur, quæ tanquam vera recipiamus, aut falsa respua-

spuamus. Exempli gratia, si de credenda vnica sola & essentiali Deitate, Patre, Filio & Spiritu sancto agitur, id Philosophus ridebit, de quo Christianus minimè omnium dubitabit. Si credendum dixeris ab omnipotente Deo ex nihilo creata omnia, stulta naturalis ratio eludet, fidelis verò fidem verbo Dei habēs. Creatori debitam gloriam & honorē feret. Atque idē esto de reliquis omnibus nostræ fidei articulis, quorū fundamentū est hoc vnicū, Deum dixisse, & nobis illos exposuisse. De futuris autē, quæ in genere nobis nēpe promissa, posita sunt in spe, qualis est nostra resurrectio, reditus Domini è cælis, ad viuos & mortuos iudicandos, alios ad vitā, alios ad mortē æternā, ea omnia certò euētura credimus, contēptoribus in sua infidelitate relictis, donec tandē vltimo illo incendio corripiātur, vt prior ille mundus Noachi tēporibus aquarū cataclysmo sublatus est. Idēque nobis statuendum de applicationibus specialibus promissi singulis fidelibus fauoris & auxilij diuini ac liberationis ab omnibus periculis terrenis, & huius vitæ negotiis: hoc sedulò cauentibus ne fide nostra ab vllis causis secūdis in hanc vel illā partē inclinantibus pēdeat: vt cōtrā quò magis causæ secundæ declinare videbūtur ab exitu angustiarū in quas incurrimus, eò minùs animū despōdeamus: quandoquidē Dominus toties nostro seculo & in omnium nostrām oculis testatum fecit, tum maxime suam immensam potētiā esse conspicuam, quum humana auxilia de-

fecisse videntur. Verum enimvero quum sit nobis negotium cum hoste astutissimo & vaferrimo, si diuinarum promissionū effectum assequi volumus, agite, simus primū ex eorum numero, quibus illæ factæ sunt, credentium ac pœnitentium: deinde intra promissionis terminos consistamus, quos vltra citràque nequit consistere rectum. Exempli gratia: Dominus pollicitus est se suos nunquam deserturum: hac igitur sp̃e ac fiducia precemur illum ne nos deserat: certo persuasi nunquam has preces irritas fore. At quum non sigillatim nobis significarit: quando, quibus auxiliis, quomodo nos periculis sit erepturus, licet quidem, Dauidis exemplum imitatos, aliquid ab ipso magis speciale postulare, ne auxiliū suum differat, sed potius opem laturus accurrat, hoc vel illo periculo nos eripiat: hoc vel illo modo quem præparasse videtur ferat nobis opem: sed cum conditione, quando nimirum sic ipsi videbitur, per quos, qua ratione & modo, siue per mortem, siue per vitam: sic in vnicam eius prouidentiam recumbentes qui solus vult ac potest omnia pro suorum conseruatione. En quomodo pro perpetua perturbatione qua propter incredulitatem ac diffidentia perpetuò æstuamus, fides firmo nixa fundamento spem fouens quæ nunquam confundit, nos cum Dauidе tranquillo animo & conscientia pacata in maximis quibūque tempestatibus docet ac docebit in has voces erumpere, *Iehoua lux mea, à quo timebo? Iehoua*
robur

robur vitæ meæ à quo trepidabo?

Sed præter superiora illa omnia summo pere nobis contrà vitandus est eorum error, qui Dei Omnipotentia obtentu libenter nobis miracula ex sui cerebri imaginatione obtrufferint. Sic hodie qui falsissimè docent corpus reale & essentialè Iesu Christi, aut Transsubstantiari in Missa: aut in Cœnæ Domini administratione Cõsubstantiari, aut Vbique esse realiter & Essentialiter in cœlo & terra, deliria illa sua nolentibus admittere exprobrant incredulitatem, atque istis discipulis de quibus hic agitur, similes esse dicunt, ipsique Thomæ, nihil nisi quod oculis suis videret aut manibus tangeret, credere volenti, quasi fides nostra à sensibus pendeat. Sed habemus, Dei beneficio, quod regeramus: ac primùm quidem Sacram Scripturam non modo nullam facere mentionem aut huius mutationis aut abolitionis panis aut vini sacramentalis, aut huius realis alicuius coniunctionis substantiarum: sed contrà ex diametro illa naturæ & vsui Sacramentorum repugnare: quum ea sit Sacramentorum natura & vsus vt spiritualis nostra cum Iesu Christo sit coniunctio, quæ minimè fiat manibus nec ore corporeo, sed virtute Spiritus sancti, apprehenso Iesu Christo per fidem, vt huic mysterio nihil sit commune cū vlllo corporis situ, nec vlla præsentia reali & essentiali corporis Iesu Christi in his terris. Deinde, tantum abesse, vt hæc miracula vera sint, quæ nobis persuadere nituntur, vt contra

*Alius error
ridiculus,
sed longè
periculosus
superiore
eorū nempe
qui sua sono
ria Dei
Omnipoten
tia prætex
tu obtin
dunt,*

ne sint quidem, aut fuerint, futuræve sint unquam, quando quidem ex diametro repugnant articulis fidei, tū Incarnationis filij Dei, à quo vera humana natura assumpta est, cum vero corpore, veraque anima in perpetuū, non minus post glorificationem quàm ante ipsam: tū eiusdē Ascensus realis & actualis supra omnes cœlos, in quibus oportet illum secundum humanitatem contineri, donec ex iis redeat realiter & actualiter viuos & mortuos iudicaturus, vel ipsis Angelis, & aliis oculatis testibus, qui eum ascendentem conspexerunt, Act. I. 9. & II. & Apostolo Petro, Act. 3. 21. vnde sequitur vel sibi ipsi contrarium esse Dei Spiritum (quod sine blasphemia detestanda dici non potest) vel eos qui hanc doctrinam obtrudunt, nimium impudentes esse impostores ac mendaces.

*Istiusmodi
cogitationi-
bus non erit
locus si ma-
xime rei-
ciantur.*

Tanti verò mali originē ex his Domini nostri Iesu Christi verbis agnoscamus, *Quare deceptiones subeunt corda vestra?* En igitur quomodo hæc in nobis tentatio formetur, quū ex nostris tantū sensibus de Dei verbo iudicamus & in animo nostro quædā eorū quæ sensus dicat impressio formatur, quæ nimirum temerè suscepta, & nimirum diu retenta tandem omnem falsitatem gignit & producit, plerūque eradicans quod antea plantatum incipiebat germinare. Meminerimus igitur vñtatissimi prouerbij, Obsidione cinctos de pacis conditionibus agentes: iam deditioni propinquos: quam obrem quum de veritate semel nobis constituerit, vbi vel minima dubitationis nubecula

no-

nostris mentibus offusa fuerit, fores nostræ cogitationis obseremus, oculos claudamus, aures obturemus: ne hostis hac via nos adortus penetret: ac si fortè incautis vim fecit, magna vi tormentorum spiritualium foras ipsum expellamus, ardentibus nimirum precibus, fide & spe armati, cataphractorum instar militum, qualem Christiani militis *πανοπλίαν* Apostolus describit, 1. Thessal. 5. 8. & tunc à nobis hostis ille fugiet, Iac. 4. 7. neque tamen adeò procul fugiet, vt eius reditus non sit metuendus, nisi nobis cauere perrexerimus, vt nos Dominus noster admonet, Matt. 26. 41.

Cæterùm hoc verum aut falsum esse facile dicitur, ac sæpe nimis contingit id esse falsum dici quod verum est: & contra verum quod falsum est. Facile itè est alios carpere, qua in re tamè sæpe grauitè & periculosè peccatur. Vt igitur nostris reprehensionibus locus sit, suumque illæ pòdus habeât, discamus ex Iesu Christo eas rationibus necessariis & euidentibus fulcire. Hi igitur, propter allatas à me superiùs rationes sibi persuadebant, quod videbant & quod eos alloquebatur nō modo non esse suū Dominū, sed ne verū quidem hominē esse, ac spiritū quendā, qui specie tenus formā haberet corporeā. Tū Dominus animaduertēs, quātopere essent hallucinati falsam conclusionē elicientes ex vero naturali principio, sed malè ad rem adeò supernaturalē applicato, ad tam repentinū eius nimirū ianuis claulis ingressum,

*Ampla ex-
posito argu-
menti à na-
turali prin-
cipio de-
sumpti quo
Iesus Chri-
stus ad sui
corporis
suscitati ve-
ritatem pro-
bandam vi-
tatur.*

errorem ipsorum corrigit, nixus naturali principio & optime adaptato, nempe ad corpus suum vere naturale, licet per suam resurrectionem vitæ animalis infirmitatis spoliatum, præter accidentarias, quibus se tamen à nativitate huc usque subiecerat. En verò Domini per partes argumentum.

*Esse verum
corpus essen-
tialum, visi-
bile esse &
palpabi-
le, sunt
αχόρηστα
sine ulla ex-
ceptione.*

Substantia spiritualis nec carnem habet, nec ossa. Ego habeo carnem & ossa, Ergo non sum Spiritus, sed verum corpus humanum. Huius argumenti propositio non indiget probatione: assumptionis facit eos iudices, manus suas ac pedes ipsis ostendens. Ne verò suos sensus decipi arbitrarerur, Videte, inquit, manus meas & pedes meos, tangite me & cōtrectate, mecum credituri non esse meam resurrectionem fictam, sed verissimam & certissimam. En, quale Domini argumentum, sic innixum eo quod est ad eò essentiale omni substantiæ corporeæ, ut eo sublato, nempe visibile esse & palpabile, quod corpus erat, desinat esse corpus. Nam alioqui firma non esset conclusio, nisi esse verum corpus essentialum, & Esse visibile ac palpabile inter se individuo nexu cohererent.

*Nisi Iesus
Christus as-
sumpsit de-
retinuit ve-
rum huma-
num corpus
visibile &
palpabile
& essentia-
lis qualis*

Atque ab hac perpetua & immutabili veritate corporis Iesu Christi sequentes articuli nostræ fidei nituntur, Primum Filiū Dei coæternum & coessentialē Patri assumplisse in unitatem personæ verum corpus humanum, ex virginis substantia formatum, virtute & operatione Spiritus sancti. Ac procūdubio si
secus

secus esset, nequaquam frater noster esset, nec
 Seruator Adamo promissus ex eius semine, ac
 deinceps Abrahamo, tum Dauidi: ac proinde
 vnum ex nostræ salutis præcipuis fundamen-
 tis conuelleretur in eo positum, quòd natura
 nostra plenè fuit sanctificata in eius persona
 qui pro nobis eam assumpsit, vt in ea pro pec-
 catis nostris satisfaceret, quæ in se susceperat,
 tanquam vas atque sponsor noster, vt vitam æ-
 ternam sua obedientia ad mortem vsque Cru-
 cis acquireret.

Deinde quemadmodum vera fuit eius hu-
 manitas, in omnibus, excepto peccato, nostræ
 simillima, sic eius vita fuit veræ naturalis vita,
 verissimæque eius passionēs, non autem ex o-
 pinione aut specie tenus. Nam alioqui nostræ
 liberatio vana & imaginaria foret.

Tertiò, licet per resurrectionem omnes il-
 las infirmitates exuerit, & iam tum statum
 & qualitatem vitæ spiritualis induerit: nihil-
 ominus tamen corpus illud verè retinuit ve-
 rum corpus humanum & naturam essentiæ,
 verè corporeæ, visibilis & palpabilis. Nam a-
 lioquin à resurrectione frater esse noster de-
 sisset, si corpus haberet cuius à nostris corpo-
 ribus essentia differret, ac proinde falsum il-
 lud esset quòd Maria Magdalena discipulis
 nuntiare iussa est, Ascendo ad Patrem meum
 & ad Patrem vestrum. Quòd si secus esset, quo
 fundamento, quæso, nostræ viuificatio nitere-
 tur?

Quartò, idem numero & substantia corpus

*latibus, non
 est frater
 noster nec
 redemptor.*

*Nisi Iesus
 Christus ve-
 rum huma-
 num corpus
 habuit, non
 autem spe-
 cie tenus, no-
 stra redem-
 ptio vana
 est & illu-
 soria.*

*Si Christus
 per resurre-
 ctionem ac-
 cepit aliud
 corpus essen-
 tiæ & qua-
 litatibus es-
 sentialibus,
 verū ipsius
 corpus non
 resurrexit.*

Si Iesus

*Christus
aliud cor-
pus essentia
aut quali-
tatibus es-
sentialibus
accepit, no-
stra corpora
etiā in mor-
te remane-
bunt.*

quod fuit crucifixum & sepulchro conditum à mortuis resurrexisse. Ideoque non simplici-
ter memoratur Dominus discipulis pedes ac
manus ostēdisse, *sed suos pedes, suas manus, suū-
que etiam latus,* & quidem in quibus plagarum
quæ in cruce acceperat stigmata, tum manuum
pedumque ac lateris impressa manerēt, quod
deinceps pluribus audituri sumus. Ac sanè si
aliter esset, minimè suscitatum à mortuis cor-
pus eius fuisset, sed aliud accepisset essentia &
numero: ac proinde concludendum esset non
eadem nobis per resurrectionem reddi corpo-
ra, mortemque hoc respectu victoriam in nos
obtinere, Iesumque Christum non fuisse cor-
porum & animarum liberatorem.

*Glorificatio
corporis
Iesu Chri-
sti nihil
in eius es-
sentia aut
proprietatibus essen-
tialibus mu-
tauit.*

Quinto loco, ex iisdem supradictis rationi-
bus, ex quibus apparet resurrectionem nihil
immutasse, nec in Iesu Christi corporis substantia,
nec proprietatibus eiusdem essentialibus,
etiam sit cōspicuum glorificationem eiusdem
nihil immutasse in sua essentia, nec eius quali-
tatibus essentialibus, licet euectus sit in sum-
mum dignitatis gradum supra res omnes crea-
tas, summas medias & infimas.

*Iesu Chri-
sti corpus
suo Ascēsu
realiter &
actualiter
terris exces-
sit usque
ad suum ve-
dium vlti-
mo die su-
mum.*

Sextò, Assensum eius proinde realem & ac-
tualem fuisse, cum loci mutatione necessariò
coniunctum: sicut eiusdem è cœlis reditus ve-
rè futurus est realis & actualis: etsi quod sic à
terris supra omnes cœlos euectus est, & sicut
ipsi libuerit descensurus est ex iisdem ad vivos
& mortuos iudicandum, ratione & modo pla-
nè ὑπερρουσικῶς & procedere ab eius verè divina

virtute,

& nobis incomprehensibili contingat.

Quibus ita positis, concessis & probatis, videmus quot detestandæ hæreses, totius Ecclesiæ Christianæ omnium ætatū suffragiis condemnatæ, nostróque tamen seculo repullulantes, refutentur hac historia: ad quas accedit eorum doctrina qui volūt reale Iesu Christi corpus & essenziale factum esse inuisibile & Impalpabile, vt in his terris sit adhuc præsens, siue Vbique, vt hodie quidem audent nimis impudenter mentiri: siue in tot locis quot ipsis libet, & nominatim in pane illo incantato Misæ, aut, vt alij, in Sacrosanctæ Cænæ pane. Qui errores quum prorsus & ex diametro pugnent cum veritate Iesu Christi corporis, quod visibile est ac palpabile, atque in sua essentia verè tam naturale, quàm in suis qualitatibus super naturale & gloriosissimum: non mirum est si Iesus Christus argumēto à naturali principio ducto sui corporis veritatem probauit, quod nos etiam illum hodie secuti facimus: non de rebus spiritualibus ex naturæ principiis iudicantes ac ferentes sententiam (quod falso nobis impingitur) sed, Iesu Christi exemplum, in eodem facto, secuti, applicantes vero & naturali Iesu Christi corpori, naturale principium: ac proinde simile simili: sicut contra monet Apostolus spiritualia cum iis quæ sunt spiritualia coniungenda. 1. Corinth. 2. 13.

*Falsissima
est doctrina
præsentia
essentialis
corporis Ie-
su Christi
in terris ab
eius Ascen-
su in cælos:
& prorsus
conuellit
articulos
Incarnatio-
nis, Ascen-
sus & redi-
tus eiusdem
ex cælis.*



HOMILIA DVODECIMA.

Luc. 24.

41. *Adhuc autem ipsis non credentibus prægaudio, & mirantibus, dixit eis, Habetis hic esculentum aliquid?*

42. *Tum ipsi porrexerunt ei partem piscis assi, & aliquid ex fano apiario.*

43. *Quæ ille accepit, & in eorum conspectu comedit:*

44. *Dixitque eis, ibi sunt sermones quos loquutus sum vobis quum adhuc essem vobiscum, oportere impleri omnia quæ scripta sunt in lege Moysis, & Prophetis & Psalmis de me.*

45. *Tunc aperuit eorum mentem ut intelligerent Scripturas.*

46. *Et dixit eis, Ita scriptum est, & ita oportuit Christum pati & resurgere à mortuis tertio die.*

47. *Et prædicari eius nomine resipiscentiam ac remissionem peccatorum apud omnes gentes incipiendo ab Hierusalem.*

Iohan. 20.

21. *Dixit autem eis iterum, Pax vobis.*

*Admirandum exemplū nostræ
natiuæ rebellionis
aduersus
Dei verbū.*



ACTENVS audiuius quāta lenitate & bonitate Dominus suorum discipulorum tarditatē & incredulitatē tolerarit, quū ad eos ultro accessit, seque in eorum gratiā eorumque demisit ut pedes suos, manus ac latus eis exhi-

exhiberet, quæ viderent ac palparent: unde hunc fructum discipuli perceperunt, ut summa ipsorum tristitia & mœror in maximum gaudium conuersus sit: quem in nobis effectum gignit Euangelij fide apprehensi prædicatio. Rom. 5. 1. At quæ subiiciuntur illos nondum credidisse, sed miratos fuisse, pugnare videntur cum hoc gaudio, quod non cadit nisi in animum qui acquiescit in eo quo lætatur. Hinc igitur primum discamus quàm altas in hominum animis radices agat incredulitas ac diffidentia, ut non frustra dictum sit, oportere nos à Patre ad Christum quasi violenter trahi, Iohan. 6. 44. ut de nobis serio dies atque noctes cogitantes, Deum supplices oremus ut cœptum in nobis opus perficiat: qua in re quum plerique negligentissimi sint, inde fit ut tam multa tristissima eorum exempla conspiciamus, quibus quod acceperant eripitur, quod nimirum paucissimi indefesso cursu ad metam usque decurrant.

Deinde notandum, quod in nostra regeneratione, quemadmodum natura nostra, qui verus homo dicitur, non nisi pederetum extinguitur, sic nouus homo & spiritualis non nisi secundum mensuram augetur, unde fit ut fides & incredulitas, spes & diffidentia, certitudo & dubitatio in vnum & idem intellectus nostri subiectum incurrant: velut etiam amor & studium boni ac virtutis cum inclinatione ad malum in idem voluntatis subiectum incidunt: ita inter se carne & spiritu luctantibus, ut suo ipsius

Nihil spirituale est in homine regnito, quod non sit permixtum carni tam in intellectu quam voluntate

exemplo nos Apostolus copiosè docet, Rom. 7. Quoniã verò nec intellectus noster nec voluntas magis possunt diuidi & in partes secari, quàm animæ nostræ essentia quæ simplex est & spiritualis: idcirco tam contrarias inter se qualitates nō oportet considerari seorsim, sed tantùm distinctè, tum in se ipsis, tum in ipsarū effectis: qua de re hodie inter fanaticos nonnullos controuertitur. Nulla igitur tanta fides est, vel in maximè regeneratis, quæ non sit incredulitate permixta: nec spes, quæ non cum infidelitate luctetur: nec tam recta voluntas quæ non in sinistram partem nonnihil deflectat, nec denique bonum vllum opus, quod non aliquo vitio & labe inficiatur: quemadmodum aquæ tepidæ nulla particula calida est non mixta frigore, nec vicissim frigida, quæ non sit caloris alicuius particeps: non frustra nec temerè Dauide dicente, Domine, ne intres in iudicium cum seruo tuo: quia non iustificabitur in conspectu tuo vllus viuens. Iam verò quid meritis illis, quid venalibus satisfactionibus futurum est? Non mirum igitur si sic discipuli crediderunt, vt etiam quod credebant in dubium vocarint: sicque lætati sint vt nihilominus attoniti permanserint: vt nulla sit in istis repugnantia quominus istorum vtrumque sit verissimum.

Huius doctrinæ vsus.

At quis immensam Domini clementiam, bonitatē ac misericordiã hic non admiretur, qui quò magis discipuli gratia se eius indignos præbuerunt, eò profusiùs illam in eos effudit:

fudit: quòue longiùs ab eo recesserūt, propius ad eos accessit, vt sciamus suorum electorum salutem ab eius sola gratia pendere, non eius tantùm exordium, sed etiam medium & finē, donec ad suam perfectionem aduenerit: vt omne os occludatur, & Deo detur gloria, verissimùmque illud esse confiteamur quod ait Dominus, Ose. 13. 9. Perditio tua, à te est, Israël, sed in me auxilium tuum. Porro si in tanti boni partem venire cupimus, in nobis detestemur quod hic in discipulis meritò reprehendimus, & magis magisque nostram incredulitatē condemnemus, nostramque diffidentiam: ac quod in his ipsis est laudabile sequamur, quòd aduersus Magistri reprehensiones non responfarunt, sed contrà culpam facti se dociles præbuerunt, quæ vera est verorum Christianorum nota.

Denique non minus admirandam ac suspi-
ciendam Domini in hoc factò sapientiam,
quàm eiusdem potentiam ac bonitatem in-
tueamur. Nam, obsecro, nonne certissimum
est, Dominum vno momēto potuisse omnem
istam discipulorum incredulitatem corrigere?
Cur verò non vno momento, sed pederentim
eorrectit? Primùm, quia non tenebatur citiùs:
ac proinde minimè mirandum quòd tunc qui-
dem nihil amplius in ipsis effecerit, sed quòd
voluerit facere quòd fecit, & sicut fecit.

Deinde (quò magis se admirandum hic i-
plius opus præbet) maximo ipsorum id com-
modo factum est, & in totius Ecclesiæ Dei uti-

*Quomodo
Apostolo-
rum incre-
dulate Do-
minus vsus
sit admiran-
da sua pro-
uidentia in
confirman-
dis Aposto-
lis & tota
Ecclesia de
resurrectio-
nis artien-
lo.*

litate. Nam quò tardiores in credendo fuere discipuli, eò melius ipsis innotuit, in suam ipsorum ac nostram vtilitatem, quanta sit naturæ nostræ prauitas, ac proinde quàm immensa Dei erga suos misericordia. Deinde quò in credendo difficiliore fuerunt, eò plura testimonia Dominicæ resurrectionis habuerunt, cuius nimium multa non possumus habere, quandoquidem in ea nostræ salutis causa formalis posita est. I. Cor. 15. 16. & 17. Non igitur solis ista contigerunt, sed nobis etiam ad mundi usque consummationem erudiendis ac semper confirmandis. Quantus ergo, Domine, & qualis es artifex, qui ex discipulorum tarditate & veluti stupore, tum ipsorum tum nostrum etiam emendas, tantum abest ut quod meritò facere poteras, nobis illum crimini vertas. Sic ab initio factum est non sine tua prouidentia, ut præclarum illud operum tuorum specimen Adamus in tantum exitium præceps ferretur, in quod nos vnà secum traheret, ut in tam sublimem statum à secundo Adamo, qui Filius tuus est æternus eueheremur. Sic ex huius lapsus pœna, quæ mors est, vitam eduxisti æternam, in Filij tui persona, pro omnibus electis: sic inimicas nostræ salutis, ex tyrannide illa quam in nos exercebat magis depressus est, etiam pedibus nostris conculcandus.

*Cur & quo
modo Iesus
Christus
quā à sua*

Itaque historia narrat, Dominū nostrū clarioribus ac certioribus etiā testimoniis illos de sua resurrectione certiores facturum, voluisse

luisse coram ipsis & vnà cū ipsis edere, vt ante mortem consueuerat: & quidem vt omnem illis scrupulum ac dubitationem eximeret, nō autem quòd, vt antè, cibo & alimento corporeo indigeret. Verum enim illud est, Dominū tantisperdum impleuisset & passus esset quæ ad nostram salutem ac redemptionem requirebantur, nobis in omnibus, excepto peccato, factū esse simillimum: sed impleto cōsummatōque mysterio, factū esse primitias suscitatorum à mortuis egressum sepulchro, & iā tum cœpisse vitam cœlestem ac spiritualē degere, nobis hodie incomprehensibilem, cuius meminit Dominus Matth. 22. 30. Nihilominus tamen, quòd tum eius discipuli tum Ecclesia tota in posterum de ipsius resurrectione certò persuasi essent vsque ad eius reditum, placuit ipsi quadraginta dies totos à resurrectione sua in terris agere, priusquam ingrederetur in plenam fruitionem suæ sessionis ad dexteram Dei Patris. Hoc igitur intermedio tēpore, à resurrectione ad eius ascensum, ad id se accōmodauit quo non egebat, vt nimirū ederet ac biberet, minimè quidē vt antea ex hoc cibo alimentū percepturus, sed veri sui corporis resurrectionē cōfirmaturus. Quapropter nihil hic imaginādū, aut anxius inquirēdū de huius cibi digestionē, aut egestionē, cui virā animalē viuens obnoxius erat, quā etiā Adamus ante peccatum degebat: sed contrā minimè dubitandum quin Dominus hoc cibo ad alium longè præstantiorem finē vsus, eū in sua principia

resurrectione cœpisset vitam cœlestem viuere, voluerit ad discipulis suis edere.

sicut ipsi visum est, dissoluerit.

*Quomodo
Angeli etiā
cū Abra-
hamo come-
derint:
quāq; diffe-
rentia hic
obseruanda
inter Iesu
Christi hu-
manitatē,
& corpora
quibus An-
geli sunt
vsi.*

Idem esto iudicium de Angelis cum Abra-
hamo edentibus ac bibentibus, non quidem
per visionem intellectualem, sed (quum certū
sit eos in veris corporibus apparuisse, nuntia-
turos Abrahamo quæ scire ipsum oportuit &
credere) eò vsque sese ad illius caput accō-
modantibus: quum hoc sit extra cōtrouerſiam
positum corpora illa creata tantū in hūc v-
sum, eo absoluto fuisse dissoluta. At maximæ
duæ differentiæ nobis hic obseruandæ inter
hæc corpora quibus vsi sunt Angeli, & Iesu
Christi humanitatē. Prior est in eo quòd Dei
Filius ita sibi nostrā naturā vniuit, vt hæc Filij
Deitas, & hæc humanitas vnica sint persona,
θεὸς ὁ ὢν υἱος. Sed corpora quæ Angeli assūm-
pserunt, ipsis tantū instrumentaliter coniū-
cta sunt. Altera, quòd hæc humanitas perso-
naliter vnita fuit Dei Filio in æternum: cor-
pora verò Angelis istis coniuncta instrumēta-
liter fuēre tātū ad tempus, & ad vnū actum.

*Iesus huius
doctrina.*

Quapropter omissis multis speculationi-
bus, non tantū inanibus, sed etiam pernicio-
sis, quibus à recta via in auia præcipites ferre-
mur, suspicienda est & adoranda Filij Dei bo-
nitas & clementia, quòd pro suorum etiā ini-
micorum salute, dignatus sit, arcano pror-
sus incognito & inscrutabili, non modò sese
subiicere realiter & actualiter omnibus mise-
ræ nostræ carnis infirmitatibus, tam naturali-
bus quàm in naturam à peccato inuectis, ex-
cepto tamen peccato, vt etiam postquam eas-
dem

dem exiit, nos eiusdem cū ipso gloriæ participes factururus, tamen plenam huius gloriæ fruitionem per quadraginta dierū spatium distulerit, sese ad nostrum captum, quantum fieri potuit, accommodans, quò faceret nos tum de sua resurrectione, tum de nostra, suæ vnus vi, tandem etiam sequutura certiores.

Historia deinceps narrat Dominum, qui *Iesus Christus ipse vult suam doctrinam ad doctrinæ propheticae normam examinari.* nunquam opus suum imperfectum relinquit, quique non eò venerat tantum vt de sua resurrectione discipulos suos certiores faceret, sed etiam vt maximè fructum, qui ab ea sperandus est eos doceret, vltèrius progressum esse: prius tamen collatis superioribus omnibus cum sacrarum scripturarum testimonio: ex quo discimus quo fidem nostram oporteat, & nos ipsos niti fundamento.

Et ideo rerum diuinarum scientia dicitur *Cur hac scientia dicatur Theologia: quoniam sensu Iesus Christus veteris fœderis tabulas in tres partes diuiderit.* Theologia, non tantum eò quòd, sicuti quidam existimarunt, de Deo loquatur, qui eius est subiectum & argumentum, sed quòd vera Theologia nihil aliud sit quàm quod ipse Deus nos in sua schola docet, primum per eos qui aduentum eius præcesserunt, Prophetas vulgò appellatos, in quibus Moyses primum ac præcipuum locum sibi vendicat, Deut. 34. 10. quo Dominus primo scriba & amanuensi usus est, quam etiam ob causam de ipso distinctè hic loquitur, deinde per alios Prophetas, quo nomine omnes reliqui veteris fœderis libri comprehenduntur, à variis Prophetis diuersis temporibus conscripti. Quòd verò Dominus distin-

ctè Psalmorum mentionem facit, meo quidē iudicio, duas ob causas, cōsiderationē dignissimas, factū est. Prior, quòd David figura fuit expressa personæ Iesu Christi: præterquā quòd passim frequentiores sunt in Psalmis prophetiæ de venturo passurōque Messia, quàm in vllis aliis Propheticis scriptis. Altera, quòd ex aliis discamus quid Dominus nos alloquutus dicat: psalmi verò præterea nos doceant quid nos alloquenti Domino sit respondendum: vt sit eximius concentus & harmonia inter doctorem loquentem, & discipulos respondentes: quam harmoniam vtinā Spiritus sanctus pro sancta sua & immensa misericordia nos magis ac magis doceat.

*Prophetia-
rum veri-
tas ex euen-
tu rata fit:
ac vicissim
veritas E-
uangelij ex
Prophetia
patet.*

Verumenimvero fides nostra non satis firmo niteretur fundamento nisi de prophetiarum veritate constaret ex euentu, non semper incerto manente: cui difficultati sic Dominus occurrit, vt dum implerentur præfixa Dei sapiētia tēpora, cultus ceremonialis à Domino sit institutus, qui fidelium oculis fidei exhiberet quæ realiter suo tempore & modo implēda erant, & ita foueretur eorum fides in spe rerum earum quarum impletio in tempus posteritatis ipsorum differebatur. 1. Pet. 1. 10. & 11. Idcirco Iesus Christus quum in propria persona venisset, præterquā quòd amplius & dilucidius, sine comparatione, Patris omnem voluntatem nobis exposuit, quàm alij omnes Prophetæ, Iohā. 15. 15. nostræque salutis mysterium plenè ac realiter impleuisset, iam addit

dit quæ erant adiicienda, quò suos discipulos planè confirmet: nimirum irrefragabilem cōsensum ac conuenientiam eorum quæ de ipso prædicta fuerant, cum iis quæ ipse pro nobis impleuerat: adeò vt veteris Testamenti testimonio Noui fœderis tabulæ confirmètur, & vicissim veteris Testamenti prædictiones, earundem euentu ratæ fiant, quemadmodum historia Euangelica nobis istorum fidem facit: vt non sit magnopere laborādum, in quærendis aliis rationibus (et si nec illæ nos deficiunt) quibus harum tabularum auctor Iehoua Deus æternus comprobetur, ac perfriçtissimæ licet frontis Epicurei & Athei coarguantur.

Hæc igitur non in Apostolorum tantū gratiam dicuntur, sed totius Ecclesiæ Dei, quam oportet hac conferentia sese aduersus eosdem hostes communire, immo & aduersus nostram ipsorum incredulitatem. Sed præter superiora diligenter etiam notandum est primum, Dominum non esse indefinitè loquutum, sed vniuersaliter, quum diceret oportuisse quæcunque de ipso scripta fuerant, impleri, putà, quæcunque facere ipsum & pati pro nobis oportuit in hoc mūdo. Quæ si vera fuisse demonstrauit eorū impletio, an nō necessariò cōcludendū est ea quæ supersunt, nō quidē ad nos Deo cōciliandos (nā ea perfectissimè sunt impleta) sed introducendos in huius gloriæ plenā possessionē, cuius tantūm pignora & arrhas possidemus, suo tempore & loco, nō minus certò

Prophetiarum collatio cum earundem euentu, necessaria est ad Ecclesiæ fidem fulciendam. Ac præteritorum veritas de futuris nos certiores debet facere.

& verè esse perficienda, quantumlibet ista contemptores Numinis irrideant, 2. Per. 3. 3. & 4. quemadmodum Noachi diebus contigisse sacra historia testatur? Matth. 24. 37. & 38.

*Intelligen-
da prius pa-
roribus quæ
docere al-
ios parât.*

Denique Dominus vltèrius progressurus, suosque discipulos ad munus, quod illis imponere parabat instructurus, nouum sermonem orsus est, eadem salutatione repetita, Pax vobis: nec immeritò sanè. Quàquum Dominus secundo iterarit, etiam sciamus esse dignissimam quam millies repetamus ac meditemur: ad quæ hoc etiam accedit quòd hic sermo quem ingreditur, propius ad ipsos Apostolos, totàmque Ecclesiam suam, quàm prior pertineret.

*Homo natu-
ralis non
modò est i-
gnarus, sed
etià ineptus
immo et
hostis vera
doctrina
sua salutis:
quod in ho-
minibus malum
sola Dei
gratuita po-
tèstas sanat,
aduersus
Pelagianò-
rùm errorem.*

Quum igitur Dominus esset ipsis Ecclesiæ suæ in vniuerso terrarum orbe fundatoribus vsurus, & non possent alios docere quæ ipsi ignorarent, D. Lucas indicat Dominum sic eos alloquentem, simul etiam in ipsis virtute sua diuinâ fuisse operatum, aperto ipsorum intellectu ad intelligendas Scripturas: ex quibus quædam capita ad salutem necessaria nobis colligenda sunt. Ac primùm quidem, quum ex mera gratia Domini nostri Iesu Christi nobis intellectum aperiri necesse sit ad salutis doctrinam percipiendam, sequitur illum clausum esse & hebetatum ex naturæ corruptione: & quidem eò vsque vt necesse sit eum de nouo refici, quòd ad qualitates, ab eo cuius vnius virtute initio factus erat & creatus. Non igitur hic nobiscum vt in noctis tenebris agitur, quæ

quas sola diei luce dissipari oportet, ad lucem excipiendam paratis ac dispositis nostris oculis: hic verò primùm oportet à Deo nobis oculos dari spirituales, quemadmodum nato illi cæco dedit corporeos, de quo apud Iohan. 9. qua de re disertè monet Propheta, psalm. 146. 8. Meritò igitur omnium temporum Ecclesia Pelagianorum errorem, qui cæcitatem nostram Originalem negabant, explosit.

Idem esto de Semipelagianorum nostri temporis sententia iudicium, qui nescio quam reliquam in nobis Lucem somniant, aut saltem aliquam dispositionem ad doctrinam salutis recipiendam, vt inde educant sua opera, quæ Meritoria dicunt, manantia à reliquiis Liberi arbitrij naturalis, quod gratia tamen adiuuet ac corroboret: quum tamen Sp. Sanctus, per quem Pater & Filius vt per agentem suam virtutem coëssentialem & coæternam, nos illuminant, non minus sit creator qualitatum animæ nostræ in nostra regeneratione, quàm in prima creatione fuit Creator essentiæ nostri corporis & animæ: ac eximiarum illarum qualitatum, quibus anima nostra initio fuerat exornata, quasque in primo nostro parète perdidimus, quòd ad cognitionem attinet in qua posita est vita æterna, vt Patrem agnoscamus solum verum Deum, & eum quem misit Iesum Christum, Ioh. 17. 3. quod caro & sanguis docere non potest, sed solus Pater qui est in cælis, Matth. 16. 17. Tantùm autem abest vt docerem eum à nobis ipsis possimus aut velimus

Eorum ves-
tatio qui
certas quas
dam reli-
quas Lucis
ac boni in
nobis, cum
Dei gratia
volunt con-
currere.

audire, aut in rotum aut ex parte, vt etiam non
 simus idonei ex nobis ipsis ad cogitandum
 quicquam de Deo, 2. Corin. 3. 5. & quod maius
 est, nostrę carnis sapientia sit inimicitia aduer-
 sus Deum, Rom. 8. 7. Ac proculdubio si Deus
 nos deprehendit mortuos in delictis & pecca-
 tis, vt expressè loquitur Apostolus, Ephes. 2. 1.
 non tantum lethaliter læsos ac vulneratos, nili
 Dei gratia, nos suscitet, ac non tantum iuuet,
 vt falsi isti doctores loquuntur, quomodo mor-
 tuus à se sensum ac motum vllum haberet?
 Quod de vero bono & salute quam in Iesu
 Christo consequimur dictum esto.

*Naturalis
 de Deo co-
 gnitio, &
 conscientia
 reliquæ ad
 solam con-
 demnatio-
 nē obfignan-
 dam suffi-
 ciunt.*

Nam in reliquis omnibus extra istud bonū,
 ac præsertim in iis quæ sunt naturalia & ma-
 ximè grata, tantum abest vt trunci simus aut
 stipites, vt contrà tanto in illa impetu & ardo-
 re feramur, vt nullis habenis retineamur. Quū
 igitur hanc veritatem docemus, non facimus
 homines stupidos ac plumbeos, non tollimus
 ipsis intellectum nec voluntatem, partes ani-
 mæ essentielles: sed dicimus hominem *ψυχικόν*,
 qualis in mundo nascitur, quum ex carne tan-
 tum natus sit, nec Lucē habere nec Intellectū,
 nec rectitudinē voluntatis aliā quàm carnalē,
 idest Lucē non Lucē, ac rectitudinē non recti-
 tudinē in nostrę salutis mysterio. Nam reli-
 quię illę in hominis Intellectu cognitionis de
 æterna potentia & Diuinitate Dei, Rom. 1. 19.
 & 20. procul absunt à rerum earū cognitione
 quas caro & sanguis docere non possunt: tan-
 tumque iuuāt ad inexcusabiles reddendos ho-
 mines

mines & condemnationem in non regeneratis augendam. Reliquiæ verò illæ qualescūque quibus vel accusatur vel excusatur conscientia, vel ipsis testibus virtutibus Philosophicis, eodē omnino redeunt, Rom. 2.15. Et hæc quidem hæctenus de primo illo capite.

Addamus iam ad superiora discipulos sic dispositos, & in intellectu suo mutatos, ad Scripturas remitti. Ibi enim quærendus est is ad cuius cognitionem sumus dispositi. Ac si iidem illi qui sanctum Spiritum receperunt, ad Scripturas remittuntur, quid fiet stultis illis & insanis hominibus, qui in Platone vel Aristotele Theologiam quærunt, & in genere in stulti iudicii sui ratiocinatione, vel in Totum, vel ex parte?

Præterea quorsum Dei filij ad Scripturas ablegantur, & non aliò, si tanta esset earū obscuritas & ambiguitas, ut extra ipsas earundē interpretatio quærenda, aut aliunde lux maior accersenda? Non minus sanè ridiculum commentum, quàm si quis dixerit Sole alio ad Solē illustrandum opus esse, quò Lucis eius beneficio fruamur. Causa igitur propter quam non à quouis Sacræ Scripturæ percipiuntur, est in nobis, non autē in verbo Dei. Nam monimentis ita sunt traditæ conugnataeque à fidelibus Dei scribis ac præconibus, ut nisi à quibuslibet percipi possint, non magis incusandæ sint quàm sol ipse si cæci luce ipsius nō affician-
Spiritus sanctus ubi dicitur discipulos cæcæ paces doctrinæ reddidit, ad Scripturam scholam eos remittit.
Frustra remitteremur ad sacras Scripturas, & non aliò, nisi essent sufficientes ad salutem nostram nobis declarandam, & quis hac in re modus servandus.

riores occurrant, quorum non est tam facilis
quàm reliquorum intellectus: sed factum istud
ad Lectorum acuendam diligentiam: quum in
aliis locis ita clarè & perspicuè loquutus sit, vt
nulla sit ullius loci difficultas cui non alterius
perspicuitas lucè adferat: vt pulchrè dixit qui-
dam ex veteribus. Quibus adde ea quæ ad no-
stræ fidei articulos spectant, quæ propriè sunt
in sacris Scriptis vestiganda, tam propriè, tam
perspicuè, tam sæpe in iisdem declarari, ac de-
inceps in breuem summam esse collecta, quæ
Symbolum Apostolicum dicitur, vt ipsi incre-
duli, si modò inquirant, nullam prætexere
queant ignorantiam. Præterea non datum est
omnibus, quod imaginantur phanatici quidā
homines, ita vnam modò Scripturam versare
ac meditari, vt non adhibeant bonos ac fide-
les earum interpretes, veteres aut neotericos,
quorum opera fideli in Ecclesia sua docenda
Dominus vsus est. Esset enim istud quadamte-
nus Deum tentare: qui vult nos mutuas in no-
bis docendis operas conferre: suæque Eccle-
siæ hanc gratiam largitur, vt fideles ipsius ser-
ui post obitum etiam in Ecclesia loquātur &
doccant. Verumtamen ea conditione legēdos
& audiendos ipsos dicimus, quam voluerunt
in scriptis suis legendis adhiberi, nempe vt ad
sacrarum Scripturarum contextum examinē-
tur & expendantur ipsorum interpretationes,
& an ipsimet hallucinati sint, aut aliquid præ-
ter scriptarum sensum litteris mandarint,
exploretur. Quòd si fiat, libros legere virorum
in signum

insignium veterum aut recentiorum non erit extra scholam sacrarum Scripturarum vagari, sed contrà bonis ducibus ad earum intellectum & fructum duci.

Hinc discamus etiam unde fiat ut plerique, *Unde fit ut multi Scrip-
turas vol-
nant in qui-
bus tamen
nihil intel-
ligunt.*
Scribas & Phariseos imitati, quotidie in suis scholis Scripturas voluant ac reuoluant, & tamen semper cæcutiant, cæcorumque ductores sint: quod nempe, pro docilitate, suas conclusiones domo adferant, & pro modestia, qua decebat eos opinione sui vacuos ad earum lectionem accedere, superbia & fastu Pharisæico turgeant. Rabbini enim hodierni nostri ac summi Magistri, nonne ij sunt quos non pudet pro sacris Scripturis, quibus illos esse contentos oportuerat, obtrudere non tantum quod falso nomine dicunt Verbum Dei ἀρχαῖον, & traditiones humanas, quarum nullus finis, sed quod longè peius est Scripturam ei subiicere quam vocant auctoritatem Ecclesiæ Catholicæ? Immo truncato Dei verbo scripto, mutato, ampliato pro voluntate & arbitrio suo, Pontifici auctoritatem dare dispensandi ius omne diuinum & humanum, ut à nullo mortali possit iudicari? Denique quod spectat omnis eorum doctrina nisi ut suam iustitiam stabiliant? Quinam igitur fidei iustitiam apprehenderent? Roman. 9. vers. 31. & 32.

Itaque cauendum ne Spiritus sanctus e- *Huius ob-
seruationis
usus.*
gregiis illis Doctorum titulis alligetur (nam o-
mitto Episcopos, Archiepiscopos, Cardinales,

& similes istius Ecclesiæ columnas, in quibus vix decimum quemque reperias, quem vnquã sacras Scripturas discendi docendí-ve cura subierit) sed memoria potiùs repetenda quæ de ipsis Dominus prædixit, ac deinceps impleuit & implet quotidie, Esa. 29. dicens se ipsis miscuisse spiritum soporis, oculos ipsorum clausisse: prophetas & principes eorum qui vident visiones operuisse, adeò vt omnis visio futura sit ipsis vt verba libri signari. Quid verò Dominus ipse de iisdem ore suo protulit? Confiteor tibi, Pater, quòd hæc absconderis à sapientibus & intelligentibus, & detexeris ea infantibus, Luc. 10. 21. Quamobrem Dauid non dicit simpliciter Legem Domini dare sapientiam, sed addit, Simplicibus eam dari. Quis verò nos ad hanc modestiam & simplicitatem comparabit? Solus Dei Spiritus, nos ipsos in primis docens agnoscere: meram putà ignorantiam cum summa arrogantia, immo malitia, coniunctam, qua Deo prorsus indigni reddimur: deinde formans in nobis sanctum desiderium ex istiusmodi miseria exeundi, vt deinceps pederentim in rectam viam ex sue bonitatis mensura deducamur.

Iesus Christus confiteratur primum in suis passionibus deinde in victoria sua scopus est totius Scripturæ.

Et vt propiùs ad historiam reuertamur, Dominus suo sermone indicaturus Apostolis, ipsos opus habere hac intellectus illuminatione non sibi solis sed aliis etiam, diserte exprimit ab ipsis quæ ex Scripturis didicerint ad alias nationes esse perferenda, miro hac in parte vsus artificio, scientia salutis quæ in scripturis

pturis discitur ad duo capita reuocata: deinde in alia duo capita distributo vsu & fructu qui ad fideles ex hac Scripturæ cognitione redit, quæ distinctè nobis etiâ expédenda sunt. Duo igitur illa capita, ad quæ summa huius scientiæ refertur, sunt Iesu Christi Passionis & eiusdem Resurrectionis Victoria. Nam etsi tam in Vetere quàm Nouo Testamento pleraque alia capita continentur, tamen quò Iesus Christus omnium eorum sit finis, siue Legē moralem attendas, quæ nos in nobis ipsis condemnat, & in Iesu Christo iustificat, Rom. 8. 3. & 4. seu Legem ceremonialem, vmbra cuius Iesus Christus est corpus & substantia, Col. 2. 17. seu promissiones Euangelicas, quæ in ipso omnes ratæ sunt, 2. Cor. 2. 20. sequitur vnum eū esse ad quem illa omnia referenda sunt. Vicissim verò tota Iesu Christi vita, vt ex ea salutem colligamus in duobus his capitibus posita est, nempe tum in Lucta passionum quæ iam inde ab eius conceptione cœperunt, & in sepultura desierunt: tum in eiusdem victoria per resurrectionem, quam Ascensus & Sessionis ad dextram patris triumphus excepit.

Quòd attinet ad alia duo capita quibus vsus & applicatio doctrinæ salutis cōtinetur, summa illa, cuius ipse Iesus Christus auctor, accuratè & assiduè consideranda est ac meditanda, non modò quòd ad substantiam, sed etiam quòd ad ipsorum ordinem, vt inde ordiamur vnde faciendum est initium si vbi desinendum est volumus desinere: qua in re multi

*Resipiscen-
tia est pri-
mum caput
fructus quē
ex Euange-
lica doctri-
na percipi-
mus.*

vehementer falluntur, & toto cœlo errant. Prius igitur caput est Resipiscētia, primū in agnitione posita miseræ conditionis, in qua quisque nostrū nascitur, quā velut in ipsos inferos vsque detrudamur, non vt in iis maneamus, sed anteaetā vitā meliūs agnoscere ac proinde detestari discamus, quæ Contritio cordis dicitur, Deo sacrificium gratissimum & acceptissimum. Psalm. 51. 19. deinde in renouatione spiritus & voluntatis ex immensa Consolatoris gratia, formato in nobis, post odium peccati, amore Dei & recti, vt pedetentim corruptionis nostræ reliquias oppugnemus & expugnemus, quod opus vltimo demum die perficiendum est.

Remissio peccatorū est alterum caput Euāgelica doctrina, in quo nostra salus perficitur.

Alterum caput inseparabiliter cum priorē cohæret, fiducia nempe quam idem ipse Consolator nobis largitur, quæ verus est filiorum Dei thesaurus, tam pro peccatis præcedentibus satisfactum, pretioso agni sanguine, qui tollit peccata mundi, Iohan. 1. 19. quā reliquias illas corruptionis in nobis & fructuum eius tectas esse, per integram ac perfectam obedientiam eiusdem vera fide apprehensi, ex fœderis Domini formula, quò non tantū ab æterna morte liberemur, sed quod longè maius est, in ipso capaces & digni vita æterna fiamus.

Quatuor illa superiora capita diligenter expendenda.

Non abs re igitur hāc summā tantopere cōmēdauit, quā fexit Deus quotidie melius concipiamus animo & in vltimū nostrū referamus. Nā præter superiora illa hāc vera est ratio qua tu-

cissi-

tissimè vera doctrina salutis à falsa discernatur: veri pastores, qui audiendi, à falsis, qui fugiendi: ac proinde vera Ecclesia, in qua manendum est, à falsa in quam vel nunquam ingrediendum est, vel semel ingressis subito ab eadem recedendum. Falsa igitur est Religio quã hodie Iudæi profitentur, quandoquidem Iesus Christus crucifixus, & à mortuis suscitatus, est ipsis scandalo, 1. Cor. 1. 23. ac nullam agunt penitentiam, nec habent ullum testimonium remissionis peccatorum suorum, nec per sacrificia, quæ, quum nec templum habeant, nec Sacerdotium, facere non possunt: nec per Euangelium, quod contemnunt ac respuunt. Multò minus vera Religio vocandæ illæ deuotiones ac superstitiones Ethnicorum, quandoquidẽ Euangelium ipsis fuit stultitia. Turcarum verò Alcoranum quid memorẽ, merum Dei & hominum contemptum, certumque testimonium & summè horrendum ultimi Diuini furoris in orbẽ terrarum: licet si de veritate Religionis ex multitudine iudicandum sit, vt hodie multi docent, hæc sit futura Mahumetanorum potior, à qua videatur standum: Quid verò dicturi sumus de egregia illa scilicet Ecclesia, quæ Catholicum & Apostolicum nomen ementitur, seipsam mendacij arguens, quum eandem se Catholicam & Romanam prædicat? Aio longè etiam magis istos quàm illos peccare: quòd aliquem omni honore dignum palam reiicere, non sit tantum nec tam detestandum flagitium quàm eundem admittere, palpare, osculari

*testantur
quale sit ve-
rum Evan-
gelium, verã
que Ecclesia
quique sint
veri Pasto-
res.*

omnes titulos illi conuenientes ore quidem tribuere, sed re ipsa debita ipsum gloria spoliare. Et ita se rem habere vel inde patet, quòd Iesus Christus quidem ab ipsis dicitur Dominus noster, verum tamen hac conditione ut eius præcepta immutentur, truncentur, addatur eis quidquid seruo illi seruorum Domini adlubuerit, penes quem tanta est potestas, ut à nemine possit iudicari: & qui sibi vendicat auctoritatē omnia pro libidine gerendi, Cælum aperiendi & claudendi, quibus ipsi videbitur, ut ne mussitare quidem aduersus eum liceat, Seruatorem quidem vocant, sed in nobis ipsis, quatenus gratiam hanc largitur, ut per nostra merita simus ipsi nostri Seruatores: ac nostris deficientibus meritis, mutuò accipiamus, quæ nostris defunt ab omnibus sanctis & sanctabus Paradisi: sed numerato pretio, quale voluerit bonus ille dispensator suorum thesaurorum alchimyficorum, præparatorum & excoctorum in suæ imaginationis fornace, donec tandem in fumos abeant. Passum quidem & mortuum pro nobis agnoscunt, sed hac conditione, ut deleta Culpa, pro Pœna satisfaciamus, vel in hoc mundo, vel in Purgatorio. Ecquod autem hic monetæ genus in pretium numeratur? Missæ, preces illæ Pater noster, Ave Maria, Vigiliæ pro mortuis: & pro defunctis, nec edentibus nec bibentibus oblationes, quibus ventrem ij farciunt qui illa in sinu rident, & de iis lætitia exultant cæteris flentibus: & mūdum cantionibus implent: ac modò omnis illa

illa detestanda idolomania claudatur his verbis, *per Christum Dominum nostrum* pulchrè cum Iesu Christo agitur in regnum suum restitutum & scilicet agnito, qualis agnosci vult. Quid amplius? Noster apud Deum Patrem est Intercessor, sed matrem habet Reginam cœli, etiam auctoritate Natum iubendi prædita. Nā præter alias multas impias & abominandas voces, non tantum cantillant, sed plenis buccis ista horrenda vomunt, *Sanctam Virginem suam esse aduocatam, & suam spem*. Quid amplius? *Matrem etiam misericordiae*: denique nihil sacra Scripturae de Deo & Iesu Christo dicunt, quod isti Mariæ Virgini nō attribuant, quam audent sic compellare in detestandis illis suis precatiunculis (ignoscat verò Deus blasphemias illarum voces mihi referenti, ut magis detester) *Roga patrem, iube natum, & iure matris impera*. Nōne verò amplius ambigere, sit-nē istiusmodi Ecclesia, Dei vera Ecclesia? An hodierna Romana Ecclesia tantum aberrarit, an verò apostasiam à Domino fecerit, an sit tota illa ipsorum Hierarchia pro Apostolica cognoscenda, licet ea abutatur.

Eia igitur, fratres, Optimum Maximūque Deum patrem nostrum cum vero Petro laudibus efferamus, quod nos denuo dignatus sit vocare ex densissimis post omnem hominum memoriam tenebris, ad lucem suam admirandam: hancque sanam doctrinam sequuti, toti à Domini passionibus pendeamus, & ab eius victoria quam de domito Satana, peccato &

Vfus doctrinae superioris.

morte reportauit, primùm ac semel in se, quatenus supra lignum tulit, non sua, sed nostræ peccata: deinde quatenus nobis easdem vires, cuique secundum suam mensuram sufficit, in omni lucta spiritus aduersus carnem, vt nos etiam deuictis iisdem hostibus in ipso, & per ipsum, triumphemus: ex fide in fidem incedentes, & pœnitentia in pœnitentiam: donec ultimo tandem illo die plenam peccatorum nostrorum remissionem consequamur, & nobis ante iacta mundi fundamenta præparato Regno perfruamur.



HOMILIA DECIMATERTIA.

Luc. 24.

48. *Vos autem estis horum testes, & ecce, ego mittam promissum Patris in vos.*

49. *Vos autem manete Hierosolymis vsquequo induamini virtute ex alto.*

Iohan 20.

21. *Sicut misit me Pater, ita & ego mitto vos.*

22. *Et quum hac dixisset afflauit [eos] & dixit eis, Accipite Spiritum Sanctum.*

23. *Si quorum remiseritis peccata, remittuntur eis: si quorum retinueritis, retenta sunt.*

TEX-



IEXTVS hic, cuius expositionē aggredimur, pendet à superiore Domini sermone, quicum pulchrè cohæret & conuenit. Nam quum Iesus Christus ipse ad suos discipulos ingressus Pacē ipsis attulisset, nunc etiam modum adiicere dignatus est, per quem mundo communicaretur postquam ex terris excessisset: vt sciamus ipsum non abstulisse secum eam in cœlum, qua suam Ecclesiam priuaret: sed vt contrà nobis eam ab Ascensu suo, maiore quàm aliàs vnquā virtute supernè cōmunicaret, sicut de ea loquitur Apost. Eph. 4. 10. & ipsemet tandē suis discipulis declarauit, Matth. 28. 20. Modus autem ille quem ad hoc effectum elegit est sacrosanctum Euangelij ministerium, Leuitico successorum: cuius primum initium quum hic nobis proponatur, efficitur hanc historiam non posse nimium attentè à nobis expendi & considerari, quandoquidem ab ea dependet ædificatio corporis mystici Iesu Christi, quæ Ecclesia est, alibi sanctorum coagmentatio nuncupata, Eph. 4. 12. ad quod accedit vnū esse ex præcipuis salutis nostræ fundamentis, quod Satā per cuniculos semper aggressus est, faciliorem sibi de eo victoriam, quàm de ipsa doctrina promittens. Nam probè nouit, quemadmodum Ecclesia non potest subsistere nisi per verū ministeriū à Deo institutum & ritè administratum: sic nullam faciliorem viam istud ædificium subruendi (si fieri posset) quàm in illud immis-

*Quomodo
hic textus
cum superio
re coniūgen
dus, sanctū
nempe mini
sterium cum
doctrina
propter quā
est institū
tum.*

destructoribus, nomen præferentibus architectorum. Hæc autem age fusius cōsideremus ab istis Iohannis Euangelistæ verbis facientes initium: *Sicut misit me Pater, sic ego vos mitto.*

*Sanctum
ministerium
est merè
diuinum nō
autem ab
hominū in-
uentione.*

In primis igitur notandum sacrosanctum hoc ministerium non esse humanum inuentum, id est ab humana prudentia profectum, nec eorundem prouidentia, sed prorsus esse diuinum ac cæleste: qualis naturæ etiam est quidquid in hoc munere geritur: vt discamus in mundo sic versari quasi in eo non simus, quemadmodū Apostolus illud sigillatim persequitur, 1. Corinth. 7. v. 29. 30. & 31. & quidem quasi iam in locis cælestibus sederemus. Coloss. 3. 1.

*Deus longè
aliter auctor
sancti mini-
sterij, quàm
huius orbis
optimarum
ac pulchrè
constituta-
rum politia-
rum, & e-
ius contem-
ptum longè
gravius vl-
ciscitur.*

Nam etsi reuera Deus omnium humanarū politiarum rite cōstitutarum auctor est, quod Ethnici cognouerunt, & Apost. docet. Rom. 13. 1. à maximis dignitatibus ad minimas delabens: tamen in illis regendis & administrandis vsus est, & vtitur sensu naturali, & ea prudentia quam genus humanum adhuc ex illa ruina retinuit, prout his vel illis hanc admetiri dignatur: excepto quòd populo suo extraordinariè politiæ formam & leges dictauit, Moysi adhibito ministerio, cuius in excipendis ipsis suarum legum verbis opera vsus est, cōusque vt vestium formam præscripserit. Numer. 13. 38. nec rerum etiam abiectissimarū oblitus sit. Deut. 23. 13. At in hoc facto Dei Filius ipse ore proprio designauit, vocauit & instituit

ruiť suę domus architectos. Itaque sacrosanctum hoc ministerium quicumque contemnant, sciant se in Deum ipsum ἀμίσως esse iniurios, cuiuscunque tandem sint conditionis, summę aut infimę: ac proinde istud ædificiũ Ecclesiã, nempe Dei, staturam ac permansturã, se verò quantacũque dignitate polleãt pessum ituros ac funditus exterminandos: vel illa teste statua ingenti quam confregit lapis è monte excisus sine manibus. Dan. 2. 45. quod omnium seculorũ experiẽtia docuit, & nostro sæculo Dominus nobis demõstravit, & pro sua in nos beneuolentia est demõstraturus, in maximos etiã Monarchas eandẽ cum reliquis viã ingressos. Contrà qui dociles se loquenti magistro per suos præcones & legatos præbebũt, ij sunt quorum non peribit vllus pilus capitis. Luc. 21. 18. At si Deus nõ parcit summę dignitatis hominibus & regnis, quid nobis fiet ab ortu homuncionibus, qui cum cæteris collati vix populi nomine aut Reipub. digni censebimur? Et tamen quãta arrogantia turgemus, & aduersus tot quotidianas admonitiones, cum tot diuinis iudiciis in nostra capita coniũctas quàm sumus cõtumaces. Magna enim, fateor, adest auditorum frequentia, sed de nobis meritò dici potest loquutus Isaias his verbis, Hic populus accedit ad me labiis suis, sed cor eius longè abest à me. Esa. 29. 13. Quis hoc verò dixerit? Maximę nimirum partis corruptissimi deprauatissimique mores, in Dei & hominum conspectu. Ecquod enim vitium

apud nos adhuc non regnat impunitum? Frustra monemus, hortamur, increpamus, nō audit currus habenas, retrò sublapſa feruntur omnia. Quis autem animaduertit? Quàm altū ſtertit iuſtitia, tantis malis nullum adferens remedium? Quid nobis aliud igitur ſuperest, aut quid amplius dicturi ſumus, niſi vt aut Deus breui det vobis meliorem mentem, aut maturè nos ad ſe è medio veſtrum recipiat, ne imminentibus veſtris ceruicibus horrendis Dei iudiciis vobiſcum obruamur? Vos verò Dei hominūque contemptores ſcitate, has non irritas fore minas, ac potiùs veritatem in mendacium commutandam, aut veſtrā conditionem Sodoma Gomorrhæque fore deteriore, quum illa dies aduenerit. Quis verò nobis illa dixit? Vos igitur, contemptores, vos præfracti & indomiti homines, audite quid ferat dicta ſcriptæque de hac re ſententia, Matth. 10. 15. Marc. 6. 11. & Luc. 10. 12. eam legite & relegite, ſi Deus vobis eam gratiam largiatur. Illic enim videbitis, niſi ad meliorem frugem redieritis, quid vos maneat, &, niſi vchementè fallor, iam iam impendat.

*Qui Apoſto-
los miſit,
idem ad
finē vſque
ſeculorum
miſit ac
miſſurus eſt
Paſtores ac
Doctores:
quorum eſt*

Ratum igitur eſto, hanc eſſe vocationem à Domino. At, excipiat aliquis, vos nō eſtis Apoſtoli, nec iis de quibus hic agitur, ſimiles. Fateor. Apoſtolicum enim munus non fuit inſtitutum vt eſſet in Eccleſia Dei perpetuum, ſicuti paulò poſt docturi ſumus. At percon-
ratores iſtiusmodi ac contemptores ſcire ve-
lim,

lim, eum à quo hic missi sunt Apostoli eundem esse qui misit & missurus est ad finem usque seculorum, Matth. 28. 20. Pastores & Doctores. Ephes. 4. 11. Præterea scitote peruiaces contemptores, nos qui à Deo vocati sumus, licet omnium indignissimi, ad hanc veritatem in hac Ecclesia docendam & prædicandam, quum nihil in medium adferamus quàm quod Apostoli ore & scriptis docuerunt, idem esse ac si hodie eosdem Apostolos vos compellentes audiretis: quum sic è terris excesserint, & in cælos recepti sint, ut adhuc loquantur & loquuturi sint suis scriptis in finem usque sæculorum. Quod si probè nostis & compertum habetis, ut etiã debetis, cur igitur nostris admonitionibus locum non datis? cur aduersus stimulos recalcitratis? Si verò in dubium vocatis, cur non inquiritis? cur non confertis ea de re nobiscum, aut cum aliis? cur non scrutamini scripturas, ut iubet Dominus, ne vos decipi patiamini? Iohan. 5. 39. eorum exemplum imitati de quibus mentio fit Act. 17. 11? An non habetis, aut saltem vos oportet habere, singulos in priuatis ædibus & familiis sacrosancta Biblia vulgari idiomate? Forsan ita est, forsan etiã seculus. Nec enim hodie multi sunt famelici, qui huius cibi spiritualis tum publicè tum priuatim depascendi desiderio ardeant. Fuit hoc studium prioris ætatis, illa fuerunt tempora: verum tamen hoc verbum siue accipiatur, siue reiciatur, immotum manet. Denique quicquid contingat, ego & collegæ mei ma-

*non minus
quam Apo-
stolorum Pa-
tronus ac
defensor.*

nus abluimus ab omni culpa immunes: ad licet ab Apostolorum diligentia longè absumus, bona tamen conscientia cum Apostolo dicere possumus ac testari, per Dei gratiam, nos esse puros à sanguine omnium istorum contumacium ac contemptorum. Act. 20 26.

*Legitima
vocatio,
nempe electio
facta a
secundum
Dei ordina-
tionem est
prima no-
sa veri pa-
storis.*

At quoniam falsi pastores etiam se audiri volunt, & non minus quàm nos, aut vehementius etiam inuehuntur in eos qui ipsos non audiunt, hinc discendum, quomodo discernendi sint, nequis decipiatur. Itaque videmus hic Iesum Christum misisse suos Apostolos domus suæ futuros fundatores, ac proinde non simpliciter eos accepisse munus sementem faciendi per totum orbem, quod perfectè ipsos impleuisse minimè dubitandum est: sed etiam ipsis impositum munus eos constituendi Pastores & Doctores, quorum opera istud ædificium sartum tectum conservaretur ac foveretur: quod ab ipsis bona fide summæque diligentia præstitum esse videmus, ex eorum historia quàm D. Lucas diligentissimè conscripsit, & ex eorundem epistolis. Ibi igitur reperi sumus non tantùm quod suo tempore fecerunt ac constituerunt: sed etiam perpetuum & inuiolatum canonem & regulam à Domino præscriptam ex qua, quotiescunque opus esset, operarij in Dei Ecclesiam vocarentur.

Quæ quum vt à Domino præscripta sunt observantur, etsi in deligendis operariis Iesus Christus vtatur hominum ministerio, tamen quum hic servatur ordo ipsius nomine, perinde

de est ac si ipsemet ore suo ipsos eligeret, quandoquidem per suum Spiritū adest & electionem regit. 1. Corinth. 12. 11. & 28. & Ephes. 4. 11. Itaque quotiescunque locus est huic ordini in Ecclesia, prima hæc est nota ex qua falsi Doctores & Pastores, quos oportet vitari, à veris quos audire iubemur, facillimè discernantur, Nempe vt qui currunt, idest, audent in Ecclesia docere, vel clàm vel palàm, sine legitima electione & vocatione, secundum ordinem institutum à Iesu Christo per Apostolos in Ecclesia, vt loquitur Ierem. 23. 21. exauthorentur ac reiiciantur. Hic ordo, est libera & legitima Electio, facta ab Ecclesia, bono ordine post legitimum examen doctrinæ ac morum, & quàm proximè quidē fieri potest ad regulam quam Apostolus clarè præscribit 1. Tim. 3. 2. ac etiam Tit. 1. 7. Quo posito certissimo firmissimoque fundamento, primùm qui vltro in Ecclesias irrepunt, ad eorum exemplum de quibus agitur. Act. 15. 24. quod ipse Dei Filius, quum se dicat à Patre missum, noluit sibi tribuere (& quod disertè de ipso dicit Apostol. Heb. 5. 5.) quo iure, quæso, admitterentur aut audierentur, quandoquidem non expectata Sancti Spiritus vocatione, necessario vel sui opinione inflati, vel ambitione, vel avaritia, vel stultitia, vel illis omnibus simul impulsū sese non vocari ingerunt?

Nam quòd ad vocationē extraordinariam attinet, fatendum est Dominum qui domus suæ Magister est, non sic astrictum teneri vo-

*Quàdo &
quibus con-
ditionibus
admittenda*

*fit vocatio
non praece-
dente ordi-
naria ele-
ctione.*

cationi ordinariae quam instituit, puta libera ac legitima Electioni, inuocato Dei nomine ab iis quos oportet, quin aliquos extraordinarie suscitaret: sed causam aliquam evidentem oportet apparere, ex qua quantum fieri potest, cognoscamus Dominum velle talium instrumentorum extraordinariorum uti opera. Porro haec occasio est manifestissima, quum adeo perturbatus est ordo, ut solum nomen retineat, cuius praetextu quaelibet confusio rerumque perturbatio in Ecclesiam vniuersalem aut particularem inuehitur, quod saepissime factum legimus in Dei populo. Quemadmodum igitur tunc Dominus populi sui misertus, immediate & inordinate Prophetas suscitabat, auctoritate extraordinaria praeditos, ut Reges, Sacerdotes ac populum intrepide reprehenderent, bonos autem consolarentur, contumaces minis terrerent, quod olim etiam per Moysen promiserat, Deut. 18. 10. & 15. cuiusmodi exemplorum tota sacra historia plena est: idem etiam in Ecclesia Christiana praestitit, excitatis insignibus viris, interiore demum afflatu impulsis, cuius tum doctrina tum vita testis erat, praesertim Artianae haereseos temporibus, quae maximam Ecclesiae partem peruaserat, ut ex Historia Ecclesiastica satis est conspicuum. At quum Dominus institutum a se ordinem conseruat integrum, aut saltem non ita corruptum quin essentia illius praecipua retineatur: & non desint veri ac legitimi Pastores qui malo se opponant, quorsum diceremus extraordi-

ordinarios illos à Deo mitti, licèt (quæ est istorum hominum veteratoria sui dissimulatio) falsam doctrinam non inuehant? Dico præterea, etiam si talis in Ecclesiam irrepsisset confusio qualem dixi, non ideò tamē statim istiusmodi homines admittendos, aut audiendos: Sed si spiritus etiam legitimè vocatorum probandi sunt i. Iohann. 4. i. quòd nonnunquam eiusmodi Pastores in lupos vertantur, Act. 20. 30. ac Ecclesiam decepiſſe comperiantur. i. Tim. 5. v. 24. quod in Iuda proditore, vno ex duodecim discipulis, & in vno ex septem illis Diaconis nomine Nicolao patuit, Apoc. 2. 6. & 13. annon multò magis cauendum ne temerè eiusmodi concionatores & Doctores, sine legitima vocatione ordinaria admittantur & ferantur: sed sedulò est danda opera, vt qui & quales sint dignoscantur, vnde prodeant, qui mores, & imprimis quod doctrinæ fundamētum; denique vt probè innotescant, prius quàm illis in Ecclesiā vllus aditus pateat? Præterea, quum de Zelo & scientia ipsorum planè constiterit; tamen si nulla dum vocatione externa confirmati sunt, qualem tempus tulit: aut si vocationem habuerunt, sed ab iis qui alios & seipsos decipiunt tum illos necesse est legitimè cōuocata Ecclesiā, prout Ecclesiæ feret conditio, maturo consilio & collatis sententiis, ac si fieri potest, præſente aliquo alio legitimo Pastore, eligi ac vocari, vt de extraordinariis, aut ordinariis, sed vitiosis & deprauatis, fiant ordinarii, per sanctam & legitimam electionem, sine

ullo schismate vel hæresi.

*Superiorum
exempla ex
sacris de-
prompta.*

Sic Iesu Christi ipsius tēporibus operabatur is, de quo discipuli quum renuntiassent Magistro, dicentes se in prima sua professione vidisse quendam eiicientem dæmonia sub nomine Christi quem prohibuissent, quòd se non sequeretur, respòdit ipsis, Ne prohibete illum, Qui enim non est aduersum nos, pro nobis est, Luc. 9. 49. Sic dissipata Hierosolymitana Ecclesia, post mortem Stephani, qui profugerant Euangelium sparserunt vsque in Phœniciam, Cyprum, & Antiochiã, qui tamen minimè dicuntur, nec verisimile est etiã, fuisse missi Hierosolymis, donec missus est ab Ecclesia Barnabas, qui in iis locis ritè omnia cōponeret. Act. 11. 20. & 22. Atque ipse Philippus, vnus ex septē illis Diaconis aliquid amplius præstitit, Euangelium annuntians Samaritanis insciis Apostolis, qui certiores facti, re comprobata miserunt Petrum & Ioannem, vt Ecclesias Samaritanas, iactis à Philippo fundamētis superstruerent, Act. 8. 3. & 14. Nec sanè dubitandū quin præter ipsos Apostolos, & alios Euangelistas dictos legitimè vocatos & missos, vt ex Timothei vocatione patet, 1. Tim. 4. 14. plerisque ex iis qui Iesum Christum audiuerant, itidem se ad Euangelij prædicationē applicuerint, quos deinceps Apostoli comprobant & confirmant, quod Eusebius historiæ Ecclesiast. lib. 3. cap. 31. testatur.

*Introductio
ad munera
Ecclesiasti-*

Verum alius quidã est introductionis modus planè extraordinarius, is qui nò modò non

obseruat ordinē inter homines constitutū, ex
 Dei p̄scripto & ordinatione: sed ex diametro
 repugnat huic ordini, cuius tamē velū obten
 dit. Et hic sanē periculosissimus est & in Eccle
 sia minimē omniū tolerandus: quē etiā hodie
 pro viribus oppugnamus, & qui tantū tamen
 promouit pedetentim, vt isti homines sibi so
 lis Ecclesiæ Catholicæ nomē arrogēt, idest v
 niuersalis & Apostolicæ, & tandē Rom. qua in
 re sibiipsis mendaciū impingūt, iusta sanē Dei
 prouidētia, quū Roma nequeat esse terrarum
 orbis vniuersus, ac proinde Rom. Ecclesiā nō
 possit esse vniuersalis Ecclesiā: ne si quidē con
 cedatur illā esse reliquarū omniū caput: quum
 caput non possit esse totum corpus. His igitur
 duobus capitibus positis, quæ ne ipsi quidem
 aduersarij nostri negauerint, nempe Electionē
 verā solū esse ostiū per quod aliquis bona cō
 sciētia potest in sacrosancti ministerij partē ve
 nire, tā Sacramentorū quā bonorū Ecclesiasti
 corū administrationē: deinde hāc Electionem
 esse totius Ecclesię legitimē ordinatā: sicuti cō
 spiciū est ex historia Apost. totaq. vetere Eccle
 sia quādiu per multa secula suā puritatē reti
 nuit: ex omnib. veteribus Canonibus (vel ad vl
 timū vsq. Concil. Basil. per Papā Leonē abro
 gatum, licet non omnis sublata sit ab illo, vt
 par erat corruptio) quæro qua consciētia pos
 sit vllus in toto illo Papistico Clero legitimæ
 vocationis aliquem titulum adferre tantū
 abest vt de nostra queri possint, de qua dein
 ceps pluribus acturi sumus.

*ca qualem
 habet Eccle
 sia Romana
 hodierna,
 nulla est
 profus irru
 ta, immo
 Dei verbo
 ex diamet
 ro repu
 gnans, &
 vsui vera
 veteris Ec
 clesiæ, & ve
 ris antiquis
 Canonibus.*

*Ecclesia Ro
 mana non
 potest esse
 vniuersalis.*

*Electio-
nes mutatae in
nominatio-
nes ex Re-
gum & a-
liorum arbi-
trio.*

Nam obsecro, nonne hinc quidem electio-
nes mutatae sunt, etiam impressis hac de re
Concordatis, in nominationes Regibus ac
Principibus attributas? Quibus siquae sunt ad-
ditae conditiones, nonne tamen irritae sunt, ut
citra controuersiam Regum ac Principum hac
in re voluntas obtineat? Inde verò ubi Ele-
ctionum nomen retentum est, an non penes
Capitula quae vocant (bone Deus quale hoc
hominum genus) omnis earum potestas rese-
dit?

*Patronatus
Indultus,
Collationes
Resignatio-
nes, Permu-
tationes, De-
uolutiones,
in Ecclesiam
Romanam
inuenta, ve-
ram electio-
nem abolent.
Celerius Ro-
mam cur-
ri dignitatis
gradus con-
ferunt.*

Annon etiam cuilibet notum est pro Ele-
ctionibus Christianis fuisse in Ecclesiam ob-
trusos patronatus, Indultus, collationes, resi-
gnationes, permutationes, deuoluta, tam aper-
tè tamque directè & ex diametro repugnantia
omnia, Ecclesiae veteri, antiquis puris Cano-
nibus, quàm tenebrae Luci sunt contrariae?

Annon etiam, ut similis initio finis respon-
deat, equis celeribus Romam vsque literae
perferuntur, ut ratae fiant hae vocationes, mem-
branae insculptae & plumbo appeso, quae bul-
la carissimo pretio vœnalis prostat? Adde his
deteriora, nempe quum in omni Iudiciali fo-
ro pœnae sit obnoxius qui vendit quod alte-
ri prius vendiderat, tamen Romam centum cur-
soribus aduentantibus, idem Beneficium am-
bieutibus, totidem bullas magno pretio redē-
ptas expediri, magno emptorum periculo.

*A Perin-
us manife-
stus promisso
nes Roma-*

Quid? quòd in tota ista Curia Romana, ex-
amen quod doctrinae & morum habetur, &
in electionibus est essentielle, & easdem præ-
cedere

cedere debet necessariò, nihil aliud est quàm *ne inchoan-
tur.*
detestandum periurium, nempe testimonium
eius de quo nunquam est quæsitum, quod pri-
mùm faciunt notarij Apostolici falsò nomi-
nati, cum procuracione Romæ iurisiurandi e-
xigendi ab iis qui ex quotidianis periuriis &
manifestis victum sibi comparant?

Ecquis verò est alius Canonum aut Con- *Iuris omnia
divini &
canonici a-
bolitis vni-
co penna du-
ctu in bul-
lis.*
stitutionis veteris & legitimæ vsus in talibus
prouisionibus, nisi vt amplificentur causæ de-
rogatoriæ? Iam quid aliud est istud quàm e-
xercere nundinationem animarum, quæ pre-
tiosissimo sanguine Iesu Christi Dei filij re-
demptæ sunt? quid aliud quàm omne ius diui-
num & humanum vendere, quid aliud deni-
que quàm impudentissimè Simoniacum & sa-
crilegam esse, seu venditores seu emptores i-
psos consideres? Atque hæc de primo quidem
ad Ecclesiasticas functiones aditu dicta sint.

Sin verò deinceps agatur de manuum Im- *Papæ cum
suo Clero ex
communi-
cantur suis
ipsorum Ca-
nonibus.*
positione, quam Consecrationem dicunt, & or-
dinationem, quandoquidem id quod non est
præsupponūt, nempe legitimam Electionem,
sequitur manuū Impositionē & Consecratio-
nem superioribus innixam, merum esse Dei
& hominū ludibriū: quemadmodum minimè
possunt inficiàs ire, quin veteribus Canonibus
illa omnia irrita declarentur: & quidē addita
excōmunicatione expressa tū sic ordinantis, tū
etiā ordinati. An verò talem excommunicato-
rū vel suis ipsorū Canonibus cætū, esse Eccle-
siā & sponsam Iesu Christi censebimus? Atque

huius cætus Caput illius esse Pastorem vniuersalem, à nemine iudicandum, licet in inferos animas plenis plaustis ducentem, quæ Decretalium ipsissima verba sunt?

Omitto immensam multitudinem rituum, quorum alij, licet suum vsum ad tempus habuerint, iam sunt prorsus inutiles ac superflui: alij ridiculi: alij idolomania & impietate prophani: quod per se in omnium oculos incurrit eorum qui non sunt istiusmodi pollutionibus inebriati.

Origo ieiunij quatuor temporum expressus.

Sed hæc altius repetenda. Pastores & quibus erat animarum commissa cura, quos Curatos deinceps dixerunt, bonis illis temporibus singulis annis quater in vna quaque Diœcesi conueniebant cum primario, & eo qui inter ipsos principem locum tenebat, cui nomen Episcopi postea tributum est, & qui prior erat ordine, factus est gradu superior. Eodem tempore tota Ecclesia ieiuniis Deo se commendabat, eiusque Spiritum implorabat, ut benè à Pastoribus regeretur, ad Apostolorum exemplum. Act. 13. 2. In hoc cætu multis occurrentibus casibus providebatur, & in vacuas sedes legitima electione vocati mittebatur: hinc Quatuor temporum ieiunia in Ecclesiam inuenta. At pro hoc legitimo vsum, Deus bone, quid hodie in talibus cætibus fiat, vel dicatur, nosti: de quibus sanè non exigenda ratio est ab Episcopo, parum de cætibus illis sollicito, nisi forte id negotium agatur ex quo cõpendium aliquod capiet.

Monstrum episcopi potestati.

At pro Episcopis Diœcesanis, in Ecclesiâ irrepre-

repperunt monstra quædam Episcoporum, quos vocant Portatiuos, sine Diœcesi, sed qui præferunt (ô impudentiam nullis auditam antea seculis) nomina miserarum quondam Ecclesiarum à Turcis euersarum, veluti Tyri, Sydonis, Bethlehemi, Chalcedonis & reliquarum: & hi circa tempus quartæ suæ messis annuæ veniētes, specie vel ipsis pueris ridicula, quotquot rasi Clerici fuerint ipsis vna septimana oblati, promouent sine alio examine, conuenientissimovocationi ipsorū ordine.

Primū enim creant ipsos, non minus ridiculo quàm barbaro nomine, Acolitros pro Acoluthis, idest sequentibus, qui olim eligebantur, & quidem iustissimas ob causas, vt Pastoribus semper adessent, eosdēque semper sectarentur: quos eādē septimanā, si opus est Portitores faciunt, sine Portis tamen vllis custodiendis: tum Lectores sine libris, & non raro sine vlla literarum peritia. Et hæc quidem olim fuerunt in cætibus Ecclesiasticis honesta munera, quum alij portas custodirent nequa fieret confusio: alij lectioni verbi Diuini vacarent, quod mox explicabitur.

Postea repente fiunt subdiaconi: sed vt tertiam quandam personam in Missa maiore sustineant, quum olim Diaconis adiungerentur vt in ipsorum administratione eis adessent: tum Diaconi sed sine vlla pauperum cura aut bonorū eorundē administratione: futura sanē alioquin etiam illa pessima & periculosissima.

Tandem denique euadunt in presbyteros,

x. iiij.

Acoluthorum, Portitorum & Lectorum larua.

Subdiaconi & Diaconi eumentiti.

Abominanda

*deformatio
muneris
presbytero-
rum.*

minimè quidem vt præfint censuris Ecclesiasticis tanquam pastores aut seniores, sed vt fabulam agât in qua sacrosanctæ Cœnæ Domini administratio cum insigni blasphemia pedibus conculcatur. Nam quum instituta sit, nō ad offerendum Patri Iesum Christū, quod fuit illi vni proprium, & semel in æternum ab ipso perfectum est, sed ad eius memoriam solenni ritu concelebrandam, sibi que vera & viuā fide spiritualiter applicandam, bonus ille scilicet presbyter sese, quoties istiusmodi Missæ fiunt altæ vel submissæ sacrificium facit actualiter & realiter corporis Iesu Christi, (ô sce- lus horrendum! ô nefas superioribus sæculis inauditum!) offerendi Deo Patri pro peccatis, non solum viuentium, qui viam adhuc insistent salutis aut damnationis: sed etiam defunctorum iam iudicatorum, nisi fortè in Purgatorio illo suo adhuc hæserint. Vah! quanta mundi cæcitas! Eo-ne homines deuenisse stuporis, vt conscientiarum tranquillitatē iis credant quibus ne minimam quidem partem terrenorum bonorū permiserint! an igitur amplius litigandum est, istine per portam in Ecclesiam ingressi sint, vt veri pastores, an verò vt latrones & fures vim fecerint, sicuti loquitur cui & intus & in cute noti sunt, & qui futurus est ipsorū iudex, quamlibet suam in eos vindictam differat? Iohan. 10. 1.

*Nullus Dia-
conus, nul-
lus Presby-
ter, nullus*

Verum age, quānam dixeris rationem illam ordinandi tolerandam, vt conferantur cum Scribis ac Phariseis, qui quantumlibet hypo-
critæ,

gritæ, tamen sedebant in cathedra Moſis, quā ne munera quidem illa & dignitates quas ſibi vendicant ſint à Deo, nec ab eius ſancto Spiritu in Eccleſia. Nam pretioſa illa Diaconorū, Presbyterorum & Epiſcoporum nomina iſti quidem retinuerunt, vt diximus, ſed eorum vſum penitus ſuſtulerunt, vt rota illa hominum colluies nihil aliud ſint quàm ſacrilegi Diaconatus inuaſores, quum bona pauperum ſic adminiſtrent, vt nec accepti nec expenſi paginam vllam vnquam producant. Ecquis igitur verè dixerit vnquam eſſe vllum in ipſorum Eccleſia Diaconatum, Presbyteratum aut Epiſcopatum, cum omnibus ipſius gradibus Archiepiſcopatu, Primatu & Patriarchatu ſi has voces vero & germano ſuo ſenſu ex Eccleſiæ totius & veterum verorum Canonum regula accipias?

*Episcopos
in Ecclesia
Romana hu-
dierna niſi
nomine te-
nus: ſed o-
mnes Dia-
conatus vſur-
patores, ſine
expenſi &
accepti ra-
tione.*

Ecquis etiam ferat aliud ipſorum ſacrilegium, quo deſtinatas præbēdas aut penſiones ſtudioſis adoleſcentibus, in ſacrorum librorū lectione ſeſe exercentibus, & in hunc finem in Eccleſias, quas vocāt, Collegiales collectis, occupant egregij illi cœtus, quæ Capitula dicunt, hominum, inquam, cœtus, quos procul dubio nemo melius cōuenientibus titulis deſcripſerit quàm quibus Apoſtolus Cretenſes depingit, Tit. I. 12.

*Horrenda
ſacrilegia
Eccleſiarum
collegialium.*

Caput verò illud vniuerſale, Cardinales, Datarios, Copiſtas, Buliſtas, Auditores, Reſcendarios, Protonotarios, & reliquam illam Romanæ curiæ fecem, Officiales, Vicarios,

*Monſtroſa
officia &
omnino in-
digniſſima
in Eccleſiā
inuenta,*

*quæ sanè
non refor-
manda sed
abolenda
potius ef-
fens.*

Priores, aio non magis posse inueniri à Deo ordinatos, quàm paradysum in inferis collocatum. Quis verò in posterum est dubitaturus, an mater horrendæ huius confusionis vera sit Ecclesia nœcne, quæ sanctorum est coagmen-
ratio. Ephes. 4. 12. & cœtus eorum qui à Deo docti sunt. Esa. 54. 13. an non verò potius maledicta illa Babylon, quæ tã graphicè notatur à D. Ioanne in Apoc. an etiam nos ab ea recedentes apostatæ dicendi simus, ac non potius in Dei domum reduces? An Reges, Principes ac Magistratus Christiani Baalis & Damasi altaria subruentes, ad veram Domini mensam instaurandam, dicendi sint Ecclesiam transformasse, ac non potius reformasse? An miseras ouiculas prius in auiâ errantes, & in leonis positas faucibus oportuit à scortis & lenonibus exspectare lupanarium reformatio nem: an verò sint officio defunctæ quum vocem verè fidelium Pastorum à Deo suscitatorum audientes, quos ex doctrina, vita, moribus, ac etiam morte probè agnouerunt, primum à sancto Dei Spiritu electos, deinde legitimè ordinatos, secutæ sunt, & quum nullum à suis Magistratibus præsidium aut auxilium haberent, confugerunt in foramina & scissuras petrae, & in cauernas maceriae, vt loquitur Cant. 2. 14. Sapiens, vbi Deus ipsis nouos Abdias suscitauit, à quibus vero pane, verèque viua aqua sustentatæ sunt, & adhuc hodie sustentantur, rantis per dum plena spes libertatis affulgeat? Ac si quis in dubium vocat nostram
reforma-

reformationem, tum in doctrina, tum in ordine à Domino in domo sua instituto, & à nobis pro virili nostra restituto: semper sumus professi ac profiteamur nos huius controuersiae iudicem admittere Dei verbum, de quo in legitimo & verè Christiano Concilio disceptetur.

Et hæc quidem in hanc historiã habui quæ dicerem, quòd hoc sit initium omnium legitimarum vocationum, quæ ad sacrosanctum Ecclesiæ Christianæ ministerium spectant. Nam prima illa duodecim discipulorum missio, de qua meminerunt Matth. 10. Marc. 3. & Luc. 9. non sanè fuit Apostolica vocatio (qua in re quidam ex veteribus hallucinati sunt) sed tantùm tyrocinium, quo formarentur in posterum, essentque tubarum instar, quarum clangore singuli ad Magistrum, qui adhuc cum ipsis erat, audiendum excitarentur: quod etiam longè potiore ratione est intelligendum de aliorum septuaginta discipulorum missione, cuius Lucas 10. capite mentionem facit.

Prima illa missio duodecim Apostolorum ante Iesu Christi mortem, non fuit vocatio Apostolica.

Iterum igitur aio, quã hæc Apostolica vocatio ea sit ex qua reliquæ omnes manarunt, nò posse satis eam à nobis accuratè expendi & examinari: totam autem hanc considerationem ad duo præcipua capita referemus, quarum illud prius, quid Apostolicæ vocationi commune sit cum aliis vocationibus Ecclesiasticis propriè verbi ministerium spectantibus: alterum quid habeat propriũ ac speciale.

Quid Apostolicum munus habuerit cõmunè cum reliquis inferioribus quæ ab eo promanant.

Commune fuit igitur Apostolis, Prophetis, Euangelistis, Pastoribus ac Doctoribus, dare operam omnes Euangelij prædicationi & administrationi. Huius autem partes tres, Verbi prædicationi, Sacramentorum administratio: ordinis ac disciplinæ Ecclesiasticæ conseruatio, circa quas versari omnes sedulò secundum suæ vocationis limites oportuit.

*Prima, A-
postolatus
dignitas,
quod ore
proprio Ie-
su Christi
Mediatoris
exhibiti im-
mediatè cõ-
stitutus est.*

Proptium verò fuit Apostolatus, primum Apostolorum immediata vocatio, quos ipse Dei Filius ore proprio vocauit, docuit, ac denique in vniuersum orbem misit: & hoc ideo velut essentiale huius muneris vrget Apostolus. Galat. 1.1. se nempe non ab hominibus, neque per hominẽ missum esse, sed per Iesum Christum, ac Deum Patrem, ac proinde per Spiritum sanctum. Act. 1.2. id est hanc vocationem immediatè diuinam fuisse per Filij personam, non adhibitis à Domino nec Angelis, nec hominibus: quum plerunque tamen Dominus Prophetas missurus, vel Angelos adhibuisset ministros in variis visionibus, vel etiam ipsos homines, paucis exceptis, ac Mose nominatim extraordinariè ab hoc ipso Dei Filio misso Exod. 32. vbi Angelus dicitur, non quidem essentia respectu, sed officij, nomine Patris Mo- sen alloquens: cui sese per annorum quadraginta spatium facie ad faciem seruo suo communicauit, Deut. 34. v. 10. Fateor interim non minus semper diuinum opus fuisse quum interuentu creaturarum à se rerum aliquid fecit, quàm quum ipsemet loquutus est.

men

men quemadmodum inter homines verba ipsa Regis longè maius habent pondus ab eius ore manantia, quàm à seruis perlatus nuntius: sic Deo visum est Apostolicam vocationem hoc honore afficere, vt quæ sit in ipsius Ecclesia præcipua & fundamentalis: tam ad eos magis ac magis in tanto munere confirmandos, quàm ad Ecclesiam de vocatione ipsorū certiore faciendam, ac si Dei Filium ipsum proprium in suorum Legatorum specialium persona vidissent ac audiissent se ipsos alloquētem. Hæc porro persuasio ac certitudo vocationis maximè hodie nobis necessaria est, aduersus eos quibus non satisfaciunt quæ illi ore proprio docuerunt, instituerunt, ac scriptis suis mandarunt.

Hac etiam essentiali circumstantia, vocatione nimirum immediata quam Apostolus expressè notat Galat. i. i. tyrannis eius arguitur qui sibi hodie auctoritatis Apostolicæ titulum arrogat in Ecclesia Dei, Petri ac Pauli successionis obtentu, eādē quā in cæteris omnibus arrogantia. Ostendat enim oportet, vbi, quando, & quomodo sit ore Domini proprio vocatus in Apostolum, cum reliqua illa quorum se successorem dicit turba: vnde necessariò sequeretur vocationē illam ex immediata factam ordinariam.

Equidem scio non magnopere ipsum laboraturum in re tam falsa & insolente probanda, sed excepturum Apostolarui hanc fuisse datam auctoritatem, non in horum tantum,

Ex vocatione immediata Apostolorum arguitur falsitas Apostolica, quam sibi arrogat Episcopatus Romanus usurpator.

Auctoritatem Apostolicam & venerationem Antichristi

mentibus
respondetur.

sed in successorum omnium ad finem vsque
seculi persona. Verum quid hoc cum iuuar,
nisi etiam probarit ita fuisse institutum Apo-
stolatum, vt in Ecclesia semper essent Apo-
stoli? At nunquam hoc probaturum certissimum
est: nos verò facile contrarium rationibus eui-
dentissimis demonstraturi sumus. Præterea,
licet concedamus hoc illi quod postulat, ni-
hilominus probandum restat hoc munus A-
postolicum duodecim Apostolis, quibus ac-
cessit decimus tertius Paulus, commune ac in-
diuisum, fuisse primum ad duo capita restri-
ctum Petrum ac Paulum, ac deinceps hæc duo
capita in vnum, ex Dei ordinatione, caput
ministeriale, quod vocant coatuiffe: ac tan-
dem hanc Vniuersalitatem attributam ei qui-
cunque foret Episcopus Romanus. Quid am-
plius? Bonus hic vniuersalis Apostolus tibi ad-
dendi, immutandi, detrahendi de doctrina A-
postolica potestatem vendicat: & hanc sanè
potestatem reipsa exercuit & adhuc inter ho-
mines exercet. Ergo doceat Iesum Christum o-
re proprio aliam vocationem Apostolicam
instituisse hac ipsa de qua agimus superio-
rem. At si hæc Apostolorum vocatio, est ea-
dem cum ea qua Pater misit Filium, vt nobis
eius fidem faciunt hæc Christi verba, Quem-
admodum me Pater misit, sic ego mitto vos:
quandoquidem hac postrema prior illa de-
struitur, nonne Iesus Christus aliam illam e-
rigens auctoritatem Apostolicam Romanam,
sefe ipsum exautorasse videbitur? Blasphemia
horrenda

horrenda nimis, & quæ tamen ex horum doctrina necessariò sequitur. Quousque tandem igitur vos summæ ac infimæ conditionis homines isti fascinabûnt, & scortationibus ac immunditiis istius scorti inebriabunt? Sed tempus à Domino præscriptum ad suorum liberationem plenam & perfectam, & istius Babylonis vltimum exitium veniet, quum ipsi videbitur.

Apostolatus altera differentia & prærogatiua posita est in eo quòd Apostoli non simpliciter missi sunt ad Euangelium promulgandû, sed ad iacienda fundamenta magnæ illius ciuitatis cœlestis, ab Oriente ad Occidentem pertingentis, & à Septentrione ad Meridiem, sine vlla distinctione nationum, cuius meminerunt omnes Prophetæ, ac nominatim Psal. 87. Vnde Apostolus testatur Ecclesiam Christianam Apostolorum & Prophetarû fundamento niti, quod nobis ante oculos ponit & copiosè describit, Apoc. 21. 14. sic Apostolo de se prædicante, & non immeritò quidē, à se positû verum & solum fundamentum, 1. Cor. 3. 10.

Itaque inter Apostolos, Pastores & Doctores quotquot sunt, fuerunt ac futuri sunt in Ecclesia Domini vsque ad finem mundi fuit ea differentia quam inter architectos aspicimus, quorum alij ædificio præsunt, & fabricanda præscribunt, alij fabri sunt & operæ: alij denique exstructum ædificium fouent ac sartum tectum conseruant. Primi verò illi fabri sub architectis (qui tamen & ipsi manum

Secunda dignitas Apostolatus, in eo quòd Apostoli constituti sunt fundatores & architecti domus Dei.

Quales fuerunt Euangelistæ quos sibi Apostoli electos adiunxerunt ad Ecclesiam Christianam sub alijs architectis fundat. onē perficiendâ.

ad opus admouerunt, & quidem omnium maximè) fuerunt ij quos historia Apostolica vocat Euangelistas, quales fuerūt Timotheus, Titus, & alij fideles Apostolorum comites, & ab ipsis hūc illūc missi primū ad ea perficienda quorum ij fundamenta iecerant à quibus mittebantur: veluti ad huius ingentis cælestis ciuitatis muri partem aliquam modò hīc modò illic erigendam: deinde ad constituendos peculiares & ordinarios fabros, & ij dicti sunt Pastores, Doctores & Seniores, qui sibi commissi ædificij partes, & successoribus fideliter tuerentur ac factas rectas conseruarent. Act. 14.23. 1. Tim. 1.3. Tit. 1.5.

*Apostolicæ
auctoritati
simpliciter
fuit creden-
dum citra
controuer-
siam.*

Talis igitur fuit Apostolorum vocatio & propria commissio, cum plena auctoritate, adeò quidem vt licet passi sint, & optarint suā doctrinam ad Prophetarū scripta exigī (quod ipse Christus examen sponte subiit Ioh. 5. 39. & ideo Beſocenses commendantur. Act. 17. 11.) Fides tamen ipsis adhibenda simpliciter fuit, tanquam præditi tanta spiritus abundantia, vt ab aliis doceri non habuerint opus, de doctrinæ Christianæ capitibus. Galat. 1. 8. & 17. & 2. 6. immo terribili coërcitionis extraordina-riæ potestate armatis: cuius exempla manifesta sunt Ananiæ & Sapphiræ exitus. Act. 5. 5. & 10. Elymæ excæcatio. Act. 13. 20. & quod Aposto-lus testatur. 2. Cor. 10. 6.

*Apostoli
nec habue-
runt nec ha-
bere debne.*

Quum igitur sit extra omne dubium hos viros cum Euangelistis officio fidelissimè de-functos, positis absolutissimè virtute sancti Spiritus

*runt vñs
in Aposto-
la tu suc-
cessores.*

Spiritus Ecclesiarum fundamentis, tum quòd ad doctrinam Act. 20. 27. tum quòd ad ordinē administrationis Ecclesiasticæ, quem etiam ex vñu monumentis ipsorum conscripro docuerunt, nonne, si quis dixerit oportuisse & oportere Apostolos in Ecclesia sibi inuicē succedere, fuerit æquē absurdum & stultum, ac si dicatur sēper oportuisse & oportere in Ecclesiæ Catholicæ fundamentis iaciendis occupatum esse: quo dicto tum Apostolis tū ipsi Spiritui sancto insigne mēdaciū impingatur? Nec quicquam aduersus hanc veritatem iuvat excipere, aut Apostolos non vbique terrarū sine exceptione posuisse Ecclesiarum fundamēta, testibus Americanis, & aliis istiusmodi populis ad quos nunquam Euangelij fama videtur peruenisse: immo ne vlla quidem species Religionis: aut Ecclesias Christianas olim tā celebres maxima ex parte fuisse radicitus à Mahometismo conuulsas & extirpatas, quæ proinde sint à fundamētis instaurandæ. Verissimā profectò illa omnia: & quidem non tantum in locis in quibus sedem Mahometus fixit, sed etiam in Occidente, vbi licet fundamentum non penitus corruerit, vt in Oriente, ita tamē transformatum & alteratum est, vt penè aliud omnino sit. At non propterea tamen necessariò infertur continuandum Apostolarū fuisse, aut iterum in vñum reuocandum. Nam cui tātam Spiritus abūdantiā, quæ ad hoc munus est necessaria, Iesus Christus missurum se pollicitus est: Ecquis autem hanc electionē vnius

Filij Dei propriam ac peculiarem sibi vendicarit? Adde non fore Apostolicam electionem vni cuidam peculiari loco destinatam.

*Apostoli
nullos in
Apostolatu
successores
habuerunt,
sed perman-
serunt recto-
res, sancto-
res, & in-
stauratores
Ecclesiae per
doctrinam
in scriptis
suis compre-
hensam, &
per veros
pastores &
doctores
ministra-
tam.*

En verò qua ratione duorum istorum Antichristorum ruinas etiamnum hodie restaurent ac refarciant Apostoli, & Ecclesiarum planè collapsarum dissipatarumque fundamenta rursus iaciant, vt tamen in mundum ipsos reuerti non sit opus, aut alios Apostolos mitti, si reliqui Pastores & Doctores, propè & procul, sedulam nauet operam in Dei regno promouendo, nullas occasiones elabi finentes, sed quamcunque Deus viam fecerit sequuti, missis legitimè electis personis ad operis Domini restorationem, non auctoritate Apostolica præditis: sed suum opus & instaurationem ad normam ac regulam doctrinae Apostolicae accommodantes, qualem eam bene consignatis tabulis & instrumentis ad nos transmiserunt: præterquàm quòd Dominus misertus quorum vult, Ecclesiae suae nunquam defuit nec in posterum est defuturus, extraordinariè excitatis ad tempus, tantisper dū legitimus ordo restituatur, viris ad opus illud perficiendum idoneis, qui pedetentim promoueant sicuti Deo labori ipsorum benedicere videtur. Age verò rē sic esse rerū experiētia irrefragabilis nos doceat: sic enim tibi visum est, Domine Iesu Christe, tuæ miseræ Hierosolymæ ruinas ac rudera nostris temporibus restaurare, quoscunque dolos ac rethnas huius mundi Princeps versauerit, & inuita rabie draconis

cōnis illius quam vomuit ac vomit adhuc aduersus sponsam tuam in desertum relegatam. Apocalyp. 12. 15. & 16. quod opus verè tuū supplices rogamus vt perficias, ac nos immēso & admirādo illo tuo fauore & misericordia tutari pergas.

Tertia huius Apostolatus præminētia cōsistit in muneris amplitudine, tam amplo videlicet quā amplius est vniuersus orbis terrarum, ita tamen vt horum legatorum alter alteri non fuerit impedimento. Hic igitur Apostolatus mansit integer & inter illos duodecim indiuiduus, non autem in totidem partes scissus: vt quemadmodum vnus tantum Deus est, vnum sit etiam Euangelium, vna fides, vna Ecclesia vniuersalis, sub vno & eodem Monarcha, in vnum corpus ex singulis Dei electis coacta, per hunc vnicum & sanctum Apostolum, ac si vnicum fuisset os tredecim illorū, Paulo nimirū decimotertio ad illos duodecim accedente, nominatim Gentibus Apostolo destinato. Quapropter falsa illa dominatio D. Petro impudentissimè attributa, de qua minimè omnium cogitauit, inuentum perniciosissimū est Satanae quo falsæ vniōis obtentu misera hæc Ecclesia capiti suo subtracta in Tyrannum vniuersalem incidit, in totidē tyrannulis corporū & animarū, quot falsi sunt dominatores & deuoratores in reliquo Christiano orbe.

His diligenter expensis, comperiemus non abs re Iesum Christum comparationem instituisse.

*Iesu Christi
à Patre &
Apostolorum
missionis à
Iesu Chri-
sto.*

tuisse inter vocationem suam, qua missus est in has terras à Patre, cum Apostolorum quam instituebat missione. Nec enim villo interuētu Filius in carnē venit à Patre: sed ex æterno suo proposito apud se ab æterno decreto, 2. Timoth. 1.9. quod etiam Apostolis attribuitur, Ephes. 1.11. quorum in cœlis nomina iam tunc erant scripta, Luc. 10.20. Præterea quemadmodum Iesus Christus misit suos Apostolos, ore proprio loquutus, idem & Pater fecit, Filium in sui muneris executionem introducens, formata sibi voce sensibili & intelligibili, tam in ipsius baptismo, Matth. 3.27. quàm iterum in eiusdem transfiguratione, his additis verbis, Audite ipsum, Matth. 17.3. quæ verba Petrus diligenter obseruauit, 2. Petr. 1.17. Præterea quemadmodum Filio Pater omnem potestatem dedit, eadem potestate Filius suos discipulos in domo sua instruxit, à nobis, quòd ad humanitatem absens, quibus per suum sanctum Spiritum adest præsentissimus, & eosdem etiā extraordinaria coercionem armavit, sicuti est à nobis superius demonstratum. Ac denique sicuti missus est non simpliciter in Iudæorum gentem imperium habiturus, sed spiritualiter in vltimos vsque terrarum fines dominaturus, ex Patris promisso, Psalm. 2.8. quum ore proprio vnus Israelitici populi minister fuerit. Roman. 15.8. in Apostolorum suorum persona, tanquam legatorum & vicariorum, gentes omnes sub eius imperium redactæ sunt, externo ipso-
rum

rum ministerio, quod virtus eius interior comitabatur.

Et huc usque quidem hæc comparatio pro-
tenditur, ultra quam non est progrediendum.
Nam quod ad officium Mediatoris in recon-
ciliandis hominibus Deo Patri, nec Petrus,
nec Paulus, nec alius mortalis quispiam pro
nobis est crucifixus. I. Cor. I. 13. sed solus ille a-
gnus sine macula, qui mundi peccata sustulit,
ut non sit aliud sub cælo nomē, inquit Petrus,
quod datū sit inter homines, per quod oport-
reat nos servari. Act. 4. 12. quum solus factus sit
nobis sapiētia, iustitia, sanctificatio & redem-
ptio. I. Cor. I. 30. Quantum igitur virtutis tri-
buitur sanctorū, quæ falsò ita nominantur
meritis (quò nihil acerbius ipsis potest acci-
dere) aut intercessionibus ipsorum in cælo,
quorū erat potius imitāda fides, & aliæ virtu-
tes insignes, ut debitus ipsis honor exhibere-
tur, tantumdem detrahatur de merito, de obe-
dientia, de officio Mediatoris Domini nostri
Iesu Christi, qui hac in re socium omnino nul-
lum habet, nec in totum nec ex parte: tantum
abest ut adoratio Reliquiarū, quas vocant, si-
ue sint veræ siue falsæ, à Spiritu Dei manarit.

*Soli Iesu
Christo Deo
mino nostro
debetur ho-
nor Media-
toris & Re-
demptoris*

*Apostolica
functio fuit
certis fini-
bus circum-
scripta, ni-
hilq; nisi ex
Domini mā-
dato & no-
mine dixe-
runt, docue-
runt aut in-
stituerunt.*

Apostoli verò quum Ecclesiarum iaciendi
fundamenta manus acciperent, non ideo ra-
men Dominij ius est ipsis à Domino resigna-
tum: aut potestas data, nec in totum, nec ex
parte ore vel scripto docēdi, aut ullū ordinē
in Ecclesiam ex suæ voluntatis arbitrio inue-
hēdi. sed sūmus ille Magister ac Dominus sibi

foli Dominium retinuit, penes quem vnicum est potestas & auctoritas iubendi vetandique: Patrísque in domo singula constituendi: ita suorum Legatorum vsus opera, vt testes tantum esse voluerit eorum quæ viderant & acceperant, vt ea fideliter aliis annuntiarent. Matth. 28. 20. quod etiam fideliter obseruârunt. I. Cor. 11. 23. Sic Moysi, quum diuinitus accepisset mandatum tabernaculi construendi, non licuit recedere, ne tantillum quidem ab exemplari quod illi Dominus ac Magister in more ostēderat. Heb. 8. 5. Quamobrem optimè ac facillimè veri Pastores, quos oportet audiri, à falsis quos vitari, discernantur hac nota quam ipse dictat Apostolus, Si Angelus è cælo Euangelizet vobis præter id quod ab Apostolis Euangelizatum est, anathema esto. Gal. 1. 8. Agite igitur, fratres, Deo Opt. Max. gratias agamus immortales, quòd cœlitus, vt ita dicā, de nouo mittere dignatus sit fideles suos Apostolos: atque precemur gratiā hanc ipse nobis etiā largiatur, vt per ipsos veri nostri vnici Pastoris vocem agnoscamus ac sequamur: alieni verò fugiamus, Iohan. 10. 4. & 5.



HOMILIA DECIMA- quarta.

Luc. 24.

48. Vos autem estis horum testes.

49. Et

49. *Et ecce ego emittam promissum Patris mei in vos: vos autem manete Hierosolymis usquequo induamini virtute ex alto.*

Iohan. 20.

22. *Et quum hac dixisset, afflauit eos, & dixit eis, Accipite Spiritum sanctum.*

23. *Si quorum remiseritis peccata, remittuntur eis: si quorum retinueritis, retenta sunt.*



INTELLEXIMVS ex hoc eodē D. Lucā capite Iesum Christū Dominum nostrū non simpliciter certiores Apostolos fecisse de suā resurrectionis verita-

te, sed etiam fructum docuisse qui sit ex resurrectione colligendus: hac in parte quale sit fidelium in Ecclesia doctorum, verorumque etiam auditorum officium docens. Nō satis est igitur docere: nec sacras historias quæ in veteri & nouo Testamento continentur credere: sed earum vsum oportet à doctoribus ostēdi, & nucem, vt ita dicam, ab ipsis frangi, vt nucleum videant auditores, illum hac vera fide recipiant, concoquant ac digerant: & hāc fidē non tantū historicam dicimus, quam etiam habent maligni spiritus, & ob quam cōtremscant iudiciū quod ipsos manet sciētes, Iacob. 2. 19. & Mat. 8. 29. sed eā contrā ex quā fiat confidētiore, & quæ metum foras expellit, Rom. 8. 15. 31. sibi ipsi doctrinam salutis applicans, qui fructus est & vsus sacrarum historiarum, Rom. 15. 4. ac nominatim eorū omnium quæ

*Non sufficit
quæ creden-
da sunt do-
cere, nisi ve-
rus etiam
& Legiti-
mus vsus
proponatur.*

Christus pro nobis fecit ac passus est. Hæc verò quum uec caro nec sanguis docere possint, Matth. 16. 17. (id est sensus naturalis noster nō percipiat) sed Spiritus sancti donum sint, idcirco in hac ipsa historia dictum est, Iesum Christum in primis aperuisse mentem suis discipulis, ut scripturas intelligerent, quas in summam ipse postea colligit Luc. 24. 46.

*Apostoli
missi sunt
futuri testes
nō authores
nostre redē
ptionis vllō
modo.*

At quoniam de discipulis voluit Ecclesiæ suæ fundatores facere, simul etiam addidit, quod homilia superiore fusiùs explicauimus, se illos mittere, sicut à Patre missus fuerat. Quoniam autem huius muneris tanta videri poterat amplitudo, ut sibi pares eos & æquales Iesus Christus faceret (quod non sine graui errore dici potest, & contumelia eius qui non solū est solus Mediator & Redemptor, sed etiā Magister ac Dominus in domo Patris quæ est Ecclesiā) idcirco Spiritus sanctus nos hic admonet vnum Euangelistam ex alterius collatione exponere. Nam illa docet hanc missionem Apostolicam restringendam hac voce testimonij, quod Apostoli tantū acceperint potestatem testificandi & hominibus annuntiandi quæ viderant, audierant ac didicerant ex Præceptore, nēpe omne Dei consilium de hominum salute. Iohan. 15. 15. & Act. 20. 27. quod ipse deinceps expressē ipsis declarauit. Matth. 28. 20. & dilectus etiam discipulus diligenter seruauit. 1. Iohan. 1.

Apostolorū

Itaque ratione lōgè meliore Pastoribus ac Docto-

Doctoribus datam auctoritatem dicimus ad-
 huc magis restringendam & coarctandam, quo-
 rum præstantissimi longè fuerunt inferiores
 mensura Donorum Spiritus sancti in Aposto-
 los collatorum. Quamobrem etiam simplici-
 ter quidem & sine exceptione dicitur, Qui
 vos audit, me audit, & qui vos reicit me re-
 icit. Luc. 10. 16. De reliquis verò Pastoribus
 & Doctoribus, quòd nò pauciores falsi quàm
 veri reperiantur, dictum 1. Iohan. 4. 1. Ne cui-
 us spiritui credite, sed probate spiritus an
 ex Deo sint. Et hæc secunda nota est qua ve-
 ri Pastores & Doctores quos oportet au-
 diri discernantur ad primam illam adiicien-
 da, nempe legitimam electionem, de qua sa-
 tis copiosè diximus homilia superiore: quum
 sæpissimè contingat etiam electos legiti-
 mè vel citiùs vel seriùs hypocritas deprehen-
 di, vel à veritate quam didicerant deficere.
 1. Timoth. 4. vers. 1. & 5. 24. Itaque quum
 Apostoli testes sint omni exceptione maio-
 res, quum hoc vel illud aliquem ex ipsis do-
 cuisse compertum est, non magis in id inqui-
 rendum quàm si Iesus Christus ore proprio no-
 bis illud nuntiasset. At quum siue recentioris
 siue vetustioris cuiuspià alterius testimoniū
 adfertur, optimè quidem sanè sentiendū de iis
 quos viros eximios esse vel fuisse cōstat ex indu-
 bitatis testimoniis: & venerāda est antiquitas,
 & eorū doctrina quos fuisse suo tēpore in Ec-
 clesia lumina splēdētia cōpertū est. Sed diligē-
 ter obseruāda sēper qua ipsimet præscripserūt

*scripta sunt
 sine exce-
 ptione, sed
 non doctoriū
 scripta qui-
 bus illa ex-
 plicantur.*

regula, vt nimirum accuratè consideremus, num doctrinæ suæ fundamentum substernat Sacram scripturam, cuius expositio cum articulis nostræ fidei congruat: quod si sic esse cōperiamus, tum verè ab ipsis recipienda quæ Spiritus sanctus eos ex Scripturis docuerit: sin minus, obseruanda quæ Dominus de pseudo-prophetis in Lege præcepit, Deut. 13. 3. & Apost. Gal. 1. 8. ita tamen vt tanta virorum illorū habeatur ratio quantā veritas patitur. Et hoc ipsum illi quoties & quàm expressè postulant à scriptorum suorum lectoribus, tantum abest vt eodem loco quo Iesus Christus aut eius Apostoli haberi velint, nedum in idola transformari?

*Conciliatio
dicti Iesu
Christi in-
uentis suos
Apostolos
manere Hiero-
solymsis,
& permuta-
tiones in Ga-
lilaam abi-
re manda-
tis.*

Verum duplex in hoc nostro textu difficultas occurrit: prior quòd quum antea Iesus Christus per mulieres eos in Galilæam ire iussisset, Matth. 28. vers. 10. hic iubet eos expectare Hierosolymis, dum mittat ad eos promissum Spiritum Sanctum: quod non erat tamen præstiturus, nec etiam præstitit nisi quinquagesimo demum die postquam hæc euenerunt, vt primus hic dies illorum quinquaginta numeretur. Primùm respōdeo, non iussisse ipsum per mulieres statim accepto nuntio se in viam ipsos dare, sed ipsis in memoriam voluisse reuocare quòd vltima illa cœnà ipsis prædixerat, de sua resurrectione faciens eos certiores, Mat. 14. 28. se nimirum præcessurum eos in Galilæam. Ac reuera, si vt oportebat de sua resurrectione certiores fuissent

sent, statim se in viam dedissent: sed quum incredulitate deterrerentur, Dominus pro eo quòd deserui merebantur, ipse voluit eos in propria persona quærere, ac sibi hac ratione non contradixit, nec pugnantia secum loquutus est, plura præstans quàm esset ipsis pollicitus. Quod verò nunc eos iubet Hierosolymis subsistere, factum est quòd quum essent ab ipso de sua resurrectione certiores facti, non opus haberent hoc iter ingredi, vt de iis quæ ab ipso mer didicerant certiores fierent.

Altera difficultas in eo consistit quòd discipuli, si non omnes, saltem Simon Petrus & Thomas & duo filij Zebedæi, cum tribus aliis discipulis, vt recitatur, Ioh. 21. 2. accepto mandato manendi Hierosolymis, nihilominus iuerunt in Galilæam, & quidem ad lacum vsque Tyberiadis, vbi Iesus Christus iterum sese illis, non increpatis de illa profectioe, conspiciendum præbuit. Notandum itaque vocem Manendi qua Iesus Christus vtitur hoc loco, non semper idem significare ac loco non moueri, sed sumi pro fixa in quodam certo loco habitatione & domicilio. Hæc igitur profectio fuit, non Hierosolymæ relinquendæ causa, sed contrà statim repetendæ, quod etiam ipsos fecisse videmus, vt verisimile sit ob quædam necessaria fuisse coactos excurrere in suas regiones rebus suis prospecturos: quod facile colligitur ex eo quòd quum eo venissent piscari cœperunt, ex qua sibi prius arte victum quærebât: minimè quidem piscationi vt prius

*Conciliatur
profectio
quorundam
ex discipu-
lis in Galilæam, cum
mandato Ie-
su Christi
manendi
Hierosoly-
mis.*

vacaturi, quasi quæ Dominus initio ipsis dixerat obliuioni tradidissent, se piscatores hominum illos effecturum, Matt. 4. 19. & quæ in hac historia repetiit, sed sibi quæ sito victu Hierosolymam redituri. Nulla igitur in Iesu Christi verbis repugnantia, nullaque in Apostolis hac in parte rebellio.

*Quomodo
et cur San-
ctus Spiritus
in Apo-
stolatu ne-
cessarius
Apostolis
tantum per
varios gra-
dus commu-
nicatus sit.*

Sed iterum, videri possent quæ Iesus Christus hic facit ab eius verbis dissentire. Nā hinc quidem donat eis Spiritum sanctum, & quidem cum signo Sacramentali, quod sanè suo maximo effectu non caruit: inde verò iubet eos Hierosolymis expectare, dum mittatur eis à Patre Spiritus. Facilis responsio, Spiritum Sanctum sua dona distribuere, non tantum cui & quando vult, sed etiam eā mensurā quā vult 1. Cor. 1. 12. 11. Quamobrem verè dici potest Deus nobis dare quod iam dedit, quum aut confirmat, aut auget donum quod iam acceperamus, quod singulis momentis ab ipso flagitare nos nobis ipsis & aliis oportet: & hoc ipsum in eius discipulis ratione quadam singulari conspicuum est. Nam certissimum est iam tum datum ipsis sanctum Spiritum quum se vocantem Christum tam prompto & alacri animo sequuti sunt: ac deinceps auctum etiam, quum res suas priuatas reliquerunt & vbiq; ipsum sequerentur: & quidem tum maximè auctum, quum recedentibus aliis plerisque noluerunt ipsi ab eo discedere, Iohan. 6. 66. Donum etiam miraculorum acceperunt missi in regionem illam vt Iesum nuntia-

tia-

arent : nec sine sancto Spiritu postea reuerſi
tam benè respondissent, quom suum Præce-
ptorem professi sunt esse verum Christum &
Filiū Dei viuēis, Matt. 16 15. Nā quod illic Pe-
tro dicitur, cōmune fuit omnibus eius sociis,
quorum nomine ipse responderat. Denique,
nisi sancti Spiritus robore & fortitudine fuis-
sent animati, quis dubitat quin illi Magistro
suo mortī tradito fuerint domum suam singu-
li redituri?

Et hīc quidem habemus exemplar in quo
contemplemur, hinc quidem quales natura si-
mus, vt nobis iplis displiceamus, ac fidei noua
quotidie supplices petamus incrementa, disci-
pulo ū exemplū sequuti, Luc. 17 5. semp̄que
precibus vacemus, & sedulò vigilemus, Matt.
26. 41. cauentes summopere ne Spiritum san-
ctum contristemus, Ephes. 4. 30. Inde verò, sic
nostras infirmitates docemur hic sentire, &
quidem læpe tales vt videri possit Spiritus
sancti testimonium prorsus à nobis recessis-
se, ne tamen animum abiiciamus : sed nouas
vires accipientes, nosque iudicantes ne iudi-
cemur, meminerimus ad eum confugere, qui
licet propter nostrum stuporem ac duri-
tiem vix in nobis, vt ita dicam, operari pos-
se videatur, nunquam tamen suarum ma-
nuum opus deserit, Psalm. 38. 8. & Rom.
11. 29.

Sed nominatim hic obseruandi nobis gra-
dus per quos hi discipuli vocati sunt ad di-
gnitatem Apostolicam. Primum igitur,

*Duplex hu-
ius exempli
vsus.*

*Apostoli
primum for-
mati sunt
in eam spa-
tiā, dem-
de in his*

*diversis vi-
cibus Apo-
stoli ordina-
ti.*

totò penè quadriennio fuerunt assidui disci-
puli: deinde quod ex hac historia discimus,
speciali quadam & peculiari mensura Sp. san-
ctum acceperunt: tum iterum Apostoli desi-
gnati ac missi quum Dominus in cælum ascē-
dit, Matth. 28. 19. Marc. 16. 15, & nihilominus ad
diei Pentecostes missionem Spiritus relegan-
tur: tamque pro eo quod ipsis in hac historia
dicitur, vos estis harum rerum testes, Luc. 24.
48. dicitur ipsis Act. 1. 8. Vos eritis mihi testes,
postquam nimirum virtutem ab alto sancti
Spiritus acceperitis. Tunc demum igitur in i-
psis Apostolica facta est consecratio.

*Vsu huius
exempli.*

Quamobrem etiam non abs re Apostolus,
1. Tim. 3. 1. laudato studio eorum qui ad sacro-
sanctum ministerium aspirant, simul etiam ad-
dit, opus arduum esse: quod ipsemet Paulus,
tot licet eximiis donis, tam extraordinaria ra-
tione donatus, reformidans tamen exclamar,
Et ad hæc quis idoneus? 2. Cor. 2. 16. Et Timo-
theum alloquens ait, Ne cui citò manus impo-
sueris, idest, prius non probato. Ac licet Timo-
theus adhuc valde iuuenis ad ministerium vo-
catus esset, 1. Tim. 1. 14. Neophytum tamen ad
ministerium admitti diserte verat.

*Quomodo
& quom-
que sit habē-
di ratio ata-
tis & gra-
dus in eli-
gendis per-
sonis ad fun-
diones ec-
clesiasticas.*

Hinc factum ut multis veteribus Cano-
nibus ætas præscripta sit gradibus ministerij:
& constitutum ut priusquam ad Presbyteriū
quis vocaretur, idest ad Pastoris aut Senioris
munus admitteretur, inferiora munera susti-
neret ad maiora illa deinceps promouendus.
Qua in re licet non caruerunt aliquo funda-
men-

nento, quod ætate & rerum experientia homines reddantur aptiores ad sustinenda quælibet munera ciuilia vel Ecclesiastica: tamen ex æquo & bono fuerunt illa intelligenda, sic nimirum ne simpliciter Spiritus Sanctus alligaretur annorum numero, quum non omnes iuuenes inepti sint, nec omnes senes sapiant. Idcirco Paulus Neophytum quum reiiciat, 1. Tim. 3. 5. non habuit tamē in vocando iuuenem Timotheo rationem ætatis, sed scientiæ & aliorum Dei donorum, quibus ornatus erat, iā inde à teneris annis fideliter eruditus in fide ab Eunica matre & auia Loide, 2. Tim. 1. 5. Hic igitur vitanda sunt duo extrema. Quapropter etsi plerunque non vna in sede morantur iuuentus & sapientia, non tamen Canon generalis sine vlla exceptione constitui potest. Nec scientiam perpetuò comitantur discretio & moderatio: nec pietatem, bene dicendi ac docendi facultas. Tutissimum igitur est in munerum Ecclesiasticorum ordinatione, examen instituere doctrinæ & morum, quàm fieri potest proximè ad Canonem ab Apostolo præscriptum, vt deinde ad sanctam & legitimam electionem tanquam in oculorum Domini conspectu procedatur.

In hunc vsum olim institutæ scholæ Christianæ fuerunt, in quibus studiosi Theologiæ preparabantur linguarum ac bonarum artium studio incumbentes: testibus tot eximiis viris Græcis & Latinis, quorum scripta legimus: quandoquidem non placuit Domino semper

*Quando con-
cur scholæ
Christianæ
in Ecclesiæ
experiri in-
stitui.*

linguarum donum & alia huiusmodi dona
sua Ecclesie per miraculum largiri. Et quidem
inaximè ex quo duæ linguæ præcipuæ Hebrai-
ca & Græca, fuerunt sic adulteratæ, ut earum
puritas apud vulgus perierit: quarum tamen
necessaria est cognitio in Ecclesia ad ipsos tex-
tus tū Veteris tū Noui Testamēti legendos, ut
obuiam eatur falsis aut impropriis translatio-
nibus, maximo & singulari Dei beneficio fa-
ctum est, ut suscitarentur Academiae in qui-
bus linguarum illarū cognitio conseruaretur.

*Dominus
admiranda
ratione Ve-
tus Testam-
entum &
linguā He-
braicā per
Iudæos con-
seruauit, no-
ui Testam.
libros Græ-
cos & Latī-
nos in Mo-
nasteriis.*

Qua in parte rursus singularis Dei prou-
dentia bifariam nobis est expēdenda. Primum
quod in illa barbararum gentium inundatio-
ne quibus Imperium Romanum deletum est,
voluit maximos & inferūssimos hostes diuinę
veritatis, linguæ suæ custodes esse, atque tex-
tum Veteris Testamenti, & quidem cum tā-
ta diligentia, ut etiā singulas voces, syllabas,
elementa dinumerarint singulari diligentia,
non sibi sanè, sed nobis, profutura. Deinde
quod in monasteriis quæ in variis orbis parti-
bus commodis & tranquillis temporibus fue-
rant studiosorum collegia & gymnasia, boni
scriptores conseruati sint: etiam non fuit illud
tempus diuturnum, statim mutatis monaste-
riis & Ecclesiis collegialibus in cloacas super-
stitutionis & ignorantie.

*Dominus
singulari be-
neficio no-
stro tempore
linguarum,
& bonarū*

Itaque procul ab illis eliminato tanto bono
& in primis Theologia miserè versa in hor-
rendam Sophisticen: & huc usque barbarie
obtinente, ut duarum illarum veluti matrum

linguarum interierit, ac pro hæresi habeatur ^{disciplina-}
 cognitio: vix agitur annus octuagesimus ex ^{rum colla-}
 quo Deo visum est, veluti cælitus, donum lin- ^{psum studii}
 guarum hominibus impertiri, ac suscitare cū ^{instauravit.}
 arte typographica, tum nō paucos Principes,
 tum præstantissimos viros, quorum opera in
 instaurandis pedetentim tam horrendis rui-
 nis vteretur, ac lucem illam in terras reduce-
 ret, quæ maximo etiam cum splendore terras
 iterum suo splendore collustraret.

At verò quàm multis nimium apparētibus ^{Admonitio}
 signis metuere nos oportet ne sit fulgur illud ^{de summa}
 de quo apud Matth. agitur, Matth. 24. 27. Nam ^{depravatio-}
 nonne hinc quidem videmus puritatem do- ^{ne scholaris}
 ctrinæ Christianæ infici sophisticæ, & falsa phi- ^{tā in scienti-}
 losophorum sapiētiā, frustra tam expressè nos ^{nis quāto}
 monente Apostolo vt eam caueamus? Coloss. ^{bonis mori-}
 2. 8. Annon hodie multi Christiano nomine
 gloriātur Stoici, Platonici, Aristotelici, Auer-
 roistæ, quibus si Epicuros & *ad hoc* adiunxe-
 ris, quæ hodie secta in reliquo Christiano or-
 be plurimum obtinet, & istis iterum addide-
 ris miseros idiotas & supersticiosos, quæso
 quantula erit reliqua pars qui verè Christia-
 num nomen profitentur? Ecquis autem igno-
 rat quanta ut hodie scholarum corruptio, in
 quibus misera iuventus tanquam in fœtidum
 lupanar introducitur, imbuēda statim ab vn-
 guiculis semine omnium corruptionum & vi-
 tiorum in his auctoribus qui legūtur, ac poë-
 tis præsertim tam spurcis, tam prophanis, tam
 infamibus, vt nihil magis fœdum esse possit,

quos tamen in illis legi, manibus omnium teri, exponi, & quidem commentariis illustrari cum effraeni impudentia & licentia videmus? Quid inde verò nobis expectandum nisi quod, proh dolor! vidimus & videmus, orbem terrarum in Sodomam ac Gomorrhham in dies transformari? Quis verò miretur barbariem in mundum reuerti? Atheismum palam regnare? Dei flagellis totum orbem quassari? Contrà miremur tantam hactenus fuisse Dei patientiam.

Ad Ecclesias Christianas exhortatio de hac re serio meditando.

Ac si miseram Ecclesiam adhuc in media Sodoma versari oportet (nam quò abiret ut in eam non incurrat quæ toto orbe dispersa est?) saltem nobis hanc, Deus Optime, largire gratiam, ut Lothum imitemur, nò quidè in omnibus, sed in eo quod de ipso Petrus restatur. 2. Pet. 2. 6. ut in dies animas nostras iniquis flagitiosorum factis & videndo & audiendo excruciemus. Ac si versamur in hac confusione, nos ab ea tamen animo & factis seiungamus. 1. Cor. 5. 11. & ita simus in mundo, nec tamen ex mundo simus. Vos verò Magistratus, quibus Deus exiguæ licet ditionis dominis specialem gratiam cōcessit, maiorem & minorem scholam erigendi, quæ iam, Dei beneficio, suaves fructus attulit, ac longè latèque sparsit, agite, forti animo illam tanquam imensum thesaurum fouete, nolque in illa, & tota vestrâ ciuitate, ab istiusmodi tam fædis ac terris pollutionibus protegenda sicut hactenus factum est, adiuuate. Vos verò studiosi, tum maioris tum minoris ætatis, caute diligenter ne unquam studia
bonarum

bonarum artium à vera salutis scientia disjunctis. Vos Professores ac Præceptores, videre ne istis profanis sordibus polluti alios vobiscum polluatis. Vos parentes maiorem date operam in liberis vestris erudiendis; non tantum in bonarum artium scientiis, sed maxime in pietatis rudimentis imbuendis. Et eò maior hac in parte vestra socordia est, quòd quàm pateat vobis schola gratis, tantum tamen beneficium paruifacitis. Caterum vobiscum reputate frustra in scholis, frustra in templis docèdos vestros liberos, ac inanem fore prorsus operam, si, quæ bene docti erunt, vos pessimo in domibus exemplo destruat, unde nimium frequenter contingere videmus ut ex multis plantis, bene ac fideliter excultis, paucissimæ ad bonam frugem perueniant, aut spè hodie nobis ullam faciant. Quæ verò hinc nobis surgere spes potest, quàm extremum, nisi de istis seriò cogitare cœperimus & in melius emendari, tum scholæ tum ipsius Status, (quod Deus auertat) exitium? Minimè quidem profectò Prophetam ago, nec ex speciali quadam reuelatione loquor. Non sum enim ego existiusmodi Prophetarum, aut potius ariolorum numero. Sed quum ante oculos occurrat necessariæ causæ, vaticinio extraordinario quid opus est in earum effectis prædicendis, nisi Deus Opt. Max. cuius vnus prouidentia cuncta administrantur, maturè adferat remedium. Et quidem apparet tam pretiosæ rei contemptus in huius thesauri parte pretiosissima, quem

possum dicere, & verè possum affirmare Dominum in hac ciuitate deposuisse. Nam, exempli gratia, quod maius & certius huius rei testimonium esse potest, quàm quòd in hac urbe, quā verè possumus dicere fuisse veluti fontem, (soli verò Deo laus esto) ex quo tot Ecclesiæ, immo tot procul etiam distitæ nationes, & doctrinam & doctores hauserunt, Pastores tamen penè omnes peregrini sunt? At deficientibus pauculis, qui supersunt, operariis, nonne maximum periculum huic imminet viti desertionis? Vnde verò tandem hæc culpa? Ausim coram Deo sincerè profiteri non ab operariis, quos illi excolendæ Deus constituit, manare, sed ab ipsis parentibus & liberis, qui sacrosanctum ministerium flocci pendunt. Quid igitur nobis expectandum dicam? Nempe quod maxime Christiani orbis parti contigisse videmus, vltimam nimirum nostram cōditionem, nisi aliter prouideatur, fore priore longè deteriore.

*Respondetur
obuietibus
in nostris
Ecclesiis
Pastores
non eligi ex
litteratorū
numero.*

Et si verò nō sum nescius hanc digressionē, quæ tamen non ita procul aberrat à contextu, multis visam iri prolixiorē, necesse tamē est vt ad eam aliquid adiiciam, quò bonis nostris Romanis Catholicis hodiernis respondeam, qui obiiciunt nobis quosdam Pastores & alios Ecclesiasticas functiones sustinentes, quos non è scholis vocatos, sed ex officinis & mechanicis artibus ad ministeriū promouemus, quibus sic responsum velim. Primum hoc esse maxima ex parte falsissimum, tot exi-

miis

miis ac præstantibus viris testibus, de quorum maxima eruditione, & scientiarum omnium cognitione fidem faciunt ipsorū scripta, quæ istis calumniatoribus mendacium in omne seculum impingunt. Deinde, fatemur Deum reuera nostris temporibus admiranda multa præstitisse, & pro sua bonitate præstiturū etiā per minimos: sed an hoc nouum est & insolens, ac non id ipsum potius quod ipsi Iesu Christo exprobratum est, Marc. 6. 3. & eius discipulis Act. 4. 13. & Ioan. 7. 48. sicut erat ante prædictum ab Esai. 29. 14? Sed esto, seruos illos Dei concedamus posse lapidibus comparari, nonne tamen fatendum erit sic impletā fuisse Iohannis Baptistæ prophetiam Matt. 3. 9. Deū ex illis lapidibus suscitaturum Abrahamo filios, & Dominum perfecisse quod prædixerat Luc. 19. nempe si discipuli tacuerint, lapides ipsos vociferaturos?

Sed præterea, videte obsecro insignem & effrænem istiusmodi hominum impudentiam, exprobantium nobis nostrorum ministrorum iuuentutem, quoties iuuenes eligimus, aut aliis deficientibus, aut quod à iuuentute maximis à Deo donis ac dotibus ornati sint. Nam vbi gentium maior est ignorantia omnibus videntibus & audientibus, quàm in sacrificulorum suorum caterua? Nonne ætatū dispensationes certo pretio in officinis Simoniacorum istorum passim vaneunt, vt vel infantes lituo & mitra donati conspiciantur? Caterum nonne Papa ipsorum is est qui rescidit, abole-

*Dispensatio
nem ætatū
Romana
Curia certo
pretio diuē
dit, & Gra
duatorum
Canonem
manifestē
aboleat,*

uit, vendidit, primùm in summa, deinde minutatim, beneficia, cōtra expressa decreta Cōciliorum de Graduaris, quos vocant? Ac sanè is ordo per se quidem bonus & benè institutus, si modò vnde oportuit cœptum fuisset ac desitum, ita fuerat perturbatus, vt de hac mutatione verè dici possit quòd communi proverbio dicitur, ab Equis ad Asinos esse gradum factum,

Cur Spiritus sanctus hic vocetur promissum Patris.

Itaque vt contextum nostrum repetamus, Dominus exposito discipulis onere quod ipsis imponebat, nempe, cum tanta autoritate nostræ redemptionis arcanum prædicandi, simul etiam addidit se ipsis esse missurum Spiritum Sanctum, quem hoc loco vocat Patris promissum, putà, quòd esset ipsis sæpe ab ipso Iesu Christo promissus. Et quidem aliquid amplius & expressius Iohannes dicit, putà: Christū ipsis iam tum dedisse Sanctum Spiritum, addito signo Sacramentali, nempe oris sui halitu.

Spiritus S. non hic consideratur in essentia, nec in personâ, sed in effectibus. A. postulat propriis aduersus Libertinorum aliorumque phanaticorum hominum errorem.

Hic verò primum notādum, hac voce Sancti Spiritus, intelligendam quidem tertiam personam cōessentialē & coeternam cum Patre & Filio: sed tamen non respectu essentiae tribus personis cōmunis, nec eiusdē substantiae personalis, sicuti phanatici quidā homines imaginati sunt: sed effectōrū ipsius, quæ sæpe etiā propterea nominantur hoc eodem nomine Spiritus, quorū autor ipse est. Sic intelligendum quod Ioan. 7. 39. dicitur, nondū fuisse Sanctum Spiritū: & quod scribitur Act. 19. 2. & in genere quotiescunque dicitur missus

sus Spiritus Sanctus, datus, communicatus cuipiam, vel etiam dicitur super aliquem descendisse, vel istiusmodi phrasibus vtitur Scriptura, de donis Spiritus intelligendæ sunt. Sed hic nominatim intelligenda sunt dona illa excellentissima Apostolatus maximè propria, & quidem ea mensura & abundantia quæ ad incredulos & peruicaces conuincendos sufficeret, per virtutem diuinam extraordinariam, quæ sese exerebat in simplici ac nullo verborum lenocinio fucata verbi prædicatione, sed verè spirituali 1. Cor. 2. 4. omni genere miraculorum insuper confirmata quæ tamen plenè die Pentecostes in ipsis obsignata dona fuerunt.

Notandum præterea priùs quàm ad huius signi sacramentalis expositionem accedā, hinc esse cōspicuum aduersus Macedonios & alios omnes detestādos hæreticos, qui Spiritus Sancti diuinitatem negarunt, quòd quæadmodum secunda Trinitatis persona est in Patre & à Patre per generationem diuinā: sic etiā terciā personam quæ sanctus est Spiritus, originem suam relatiuam & personalem accipere à Patre & Filio, quorum ipse est potentia coëssentialis. Quòd autem attinet ad illam effectuum cōmunicationem nostri respectu, fatendum etiam est hunc Sanctum Spiritū nobis à Patre & Filio coniunctim communicari: quandoquidē Pater non dat filiis suis ea quæ ipsis dat nisi per hunc Mediatorem, in quo vno & per quem ipsi reconciliantur. Et hoc ex

Persona Spiritus S. procedit à Patre & Filio relationis originalis respectu, & effectorū eius in nobis: & cur voce Spiritus designetur.

in finitis Scripturæ locis est maximè dilucidū,
 quæ nomen istud Spiritus tertię huic personæ
 propter eius effectum specialē attribuit, à quo
 nimirum in nobis creātur omnes bonæ inspi-
 rationes & sancti omnes motus, tum in intel-
 lectu, tum in voluntate, qui alioquin effectus
 de Deitatis essentia dicitur. Iohan 4.24. vt op-
 ponatur rebus creatis tum corporeis tum sim-
 plicibus, creata tamē simplicitate, quales sunt
 Angeli boni & mali, & nostræ animæ, contra
 Sadducæorum abominandā hæresin. Act. 23.8.

*Commari-
 tatis effe-
 ctum Spi-
 ritus sancti
 est certissi-
 mum testi-
 moniū Dei
 Patris Filij.*

Discamus insuper ex hoc loco Iesum Chri-
 stum esse verè Dei Filium coæternum & coæs-
 sentialem, quandoquidem Spiritus Sanctus
 qui etiam vnus & idem solus Deus est, mitti-
 tur & communicatur non minùs à Filio quàm
 à Patre, & ordinem etiam agnoscamus in tri-
 bus his personis, tam in ipsarum origine per-
 sonali & relata, quàm in nostræ salutis myste-
 rio, sine vlllo tamen inæqualitatis gradu aduer-
 sus Sabellianos, Arrianos, Eunomianos, Ma-
 cedonianos & alia istiusmodi hominū mon-
 stra detestanda, qui quantum in ipsis est nostræ
 salutis primum fundamentum conuellunt, at-
 que aded tam ipsam formulā quàm effectum
 nostri baptismatis, quod in nomine Patris,
 Filij & Spiritus Sancti suscepimus.

*Quid hæc
 vox Sacra-
 menti signi-
 ficet, cum
 quorūdam
 priuatorum
 tum etiam*

Superest hic nobis considerandū, quid Do-
 minum impulerit vt ad hanc Sancti Spiritus
 communicationē adiceret quæ hic comme-
 morantur, Dominū nempe eos afflauisse, addi-
 to suo habitu distinctè ad hæc verba, Accipite
 Spiri-

Spiritum sanctum. Ex quo nobis discenda vera Sacramentorum doctrina tantopere corrupta & deprauata inter eos qui Christiano gaudent nomine longiorémque tractatum requirit, sed quam paucis percurremus. Tenendum igitur hanc vocem Sacramenti, ex perpetuo usu omnium seculorum in Ecclesia Christiana Latina, significare signum aliquod sensibile in aliquem ex humanis sensibus incurrans, ex diuina voluntate & ordinatione, quod fiamus eorum certiores quæ nobis dicit Dominus, vultque à nobis intelligi & credi. Porro multa istiusmodi signa nobis suppeditant sacræ Scripturæ, tum in historiis peculiaribus plurimorum sanctorum virorum, quibus cum egit hac ratione Dominus, tum in genere in totius Ecclesiæ suæ salute administranda: ad quam speciem pertinet duo sacramenta ad Euangelicam doctrinam addita, Baptismus & sacrosancta Cæna: signa visibilia & palpabilia, de quibus in præsentia non agemus, nisi quatenus ad huius Sacramenti de quo hic agitur faciliorem intellectum facere videbuntur, quod quidem solo tactu fuit perceptibile, quum signum Baptismi sit præterea visibile, & sacrosanctæ Cænæ signa, visu, auditu, gustu & tactu percipiuntur.

Ad superiora & hoc adiiciendum, usum huius signi respectu Domini à quo est institutum, esse, non ut simpliciter intellectui nostro representet quod significat, veluti pictura in memoriâ id nobis reuocat cuius est pictura, sed etiam ut nobis det quod nostris sensibus per hoc signum

totius Ecclesiæ respectu in Baptismo & Sacrosancta Cæna.

Sacramentalis significatio Domini respectu semper & inseparabiliter iungitur cum rei

*Significata
exhibitis
ne: sed non
semper ho-
minum re-
spectu.*

exterius significatur: & per verba huic additi-
signo declaratur. Itaque ex Domini parte, si-
gnum & res signata tum hoc signo tū additi-
verbis, seper inter se coherēt & offeruntur, ex-
hibētur ac dātur tā verè hoc quàm illud: at ne
ideo tamen sequitur vtrūque semper & ab o-
mnibus percipi. Ratio est, signū offerri orga-
nis & sensibus corporeis, rē verò intellectui
fidēque tantū percipi: quo fit vt quoniā qui-
cunque accedunt ad sacramenta omnes in ge-
nere adferūt instrumenta & sensus naturales
idcirco etiam omnes signa hæc percipiant: al-
quū nō omnes habeāt intellectū rei significa-
tæ sana cognitione imbutū: atq; adeo nō qui-
cunque hanc cognitionē adepti sunt, dono ta-
men fidei præditi sint, cuius resipiscencia sem-
per comes est indiuidua, signū illi tantū perc-
piunt ideo quòd sua indignitate rē signatam
reiiciant: vt propterea tamē nil nec Sacramē-
torū institutioni, nec diuinæ veritati decedat.

*Perniciosif-
simus eorū
error qui es-
sentialiter
et actuali-
ter coniu-
gunt substā-
tias sacra-
mentaliter
significatas
cum signis
per Trans-
substantia-
tionem aut
Consubstan-
tiationem*

Et sic responderur quæstioni hodie rātopere
agitata, & tā malè à multis decisæ. Quæ sit ni-
mirum signi & rei significatę coniunctio. Di-
co itaque distinguendas inter se res significa-
tas: nā aliquando res significatæ, res sunt sub-
stantiales & materiata: licuti Man & aqua ex
rupe in deserto profluens, fuerunt Sacramen-
tales figurę corporis & sanguinis Domini, quę
semel erat vêturus & offerendus pro nobis: quę
tū tū participes facti sunt fideles illius seculi,
vel ipso Apostolo teste. I. Cor. 10. 3. & 4. quę
admodum etiā aqua Baptismi est Sacramentū
sanguinis

sanguinis Filij Dei, quod peccatorū nostrorū
 est laucrū: ac Panis sacrosanctæ Cœnæ est Sa- *quo triore*
 cramentū corporis pro nobis traditi, vinū ve- *tres articu-*
 rò Sacramentū est pretiosi sanguinis pro no- *li fidei no-*
 bis effusi. Hoc autē respectu Transubstātiato- *stra conuel-*
 res ac Cōsubstātiatores docēt, verū istud cor- *luntur, &*
 pus & verū hunc sanguinē Iesu Christi, in sua *scopus sa-*
 propria substantia, actualiter & realiter esse *crofanctæ*
 præsentia, & cōiuncta cū hoc pane & hoc vi- *Cœnæ.*
 no sacrosanctæ Cœnæ: si quā tamen Cœnam
 Trāsubstantiatores habere dici possunt. Qua
 doctrina cōuellūtur tres articuli nostræ fidei.
 perpetua nempe veritas humanitatis Domini
 nostri Iesu Christi, testata sua incarnatione, &
 ascensu supra omnes cœlos, & articulo re-
 ditus ipsius ad iudicandos viuos & mortuos.
 Præterea sic etiam vsus Sacrosanctæ Cœnæ e-
 uertitur, qui sanè non hic est, vt Iesu Christi
 corpus in nostrum transfundatur, nec vt eius
 anima in nostrā trāsmittatur, vt nec sāguis eius in
 venas nostras: neque proinde vt recipiatur ma-
 nibus aut ore, nec vt gutture absorbeatur, ac
 multò minus vt cōcoquatur & digeratur: sed
 vt nobis spiritualiter applicetur ex fœderis for-
 mula, quo sese nobis ipsū donat, & quicquid
 pro nobis præsinit in vitā æternam: quæ nec
 apprehenduntur, nec digerūtur nisi manibus,
 ore & calore fidei. Denique vt alia infinita
 absurda omittam quæ necessariò nascuntur
 ex hac doctrina, dico primū Omnipoten-
 tiam Dei quam hoc loco nobis obtrudunt (&
 hanc absit inficiemur: cuius tamen effectum

dicimus limitandum, non ex nostra imaginatione vel phantasia, nec etiam ratione quæ cum nostris articulis fidei pugnet) nos inducere in blasphemiam non minorem quàm quis apertè diceret & verbis expressis, Deum Omnipotentem esse, vt ex parte sit verus, ex parte verò mendax. Deinde aio non minùs absurdam ipsorum doctrinam quàm si quis dixerit me Geneuæ morantem non posse fieri donatarium possessorem legatæ domus Romanæ sitæ, nisi realiter & actualiter illa domus Geneuæ præsens sit, vbi contraho.

*Qualitates
significatæ
Sacramenta
liter non
sunt actua
liter coniu
ctæ cum
signis.*

Nonnunquam etiam res significatæ non sunt res substantiales & materiales, sed tantùm qualitates quas Deus significat & exhibet cum signis: velut in Sacramento Circumcisionis, Præputium significabat & repræsentabat circumciso originalem & nativam suam corruptionem: cuius præcisio repræsentabat abolitionem harum sordium, per sanguinem qui pro nobis fundendus erat. An verò fuerit sanæ mentis hominum quærere, an hæc qualitas fuerit actualiter præsens in hoc Præputio, & eiusdem abolitionis realiter cum huius præcisionis actu coniuncta?

*Coniunctio
Sacramenta
lis & veri
tas & effe
ctum illius
consistit in
eo quod res
significata
spirituali*

Qualis est igitur futura coniunctio signi & rerum significatarum? Respondeo non fore substantiæ vel qualitarum cum his signis, sed per Sacramentalem significationem ex Dei instituto, quod verbum cum signo coniunctum nobis explicat. Sacramentalis autem huius

is significationis veritas & vsus consistit in eo quod Dominus semper offert signum & rem significatam, putà signum (quod semper est sensibile) omnibus accedentibus, & corporeis organis illud percipientibus: rem vero significatam intelligentiæ & fidei eorum qui accedunt cum istiusmodi spiritualibus instrumentis, & rem ipsam significatam ad vitam eternam percipiunt: incredulis contrà & indignis sola sua culpa vacuis & inanibus recedentibus ab hoc thesauro: ac proinde propter contemptum æternæ mortis reis.

Porro fieri non potest vt res quæpiam sit aliterius signum, nisi quædam sit inter eas analogia & conuenientia. Quamobrem & hoc causet est animaduersione dignissimum, analogia nempe inter signa Sacramentalia, & rem quam significant. Idcirco Dominus quum se nobis veller exhibere & in nobis obsignare, signum elegit aquæ, spiritualiter nobis representaturus & exhibiturus in quo peccata lauantur, sanguinem putà Filij Dei pro nobis fufum. Itidem representaturus & obsignaturus in nobis vitam spiritualem & eiusdem alimoniam, panem & vinum elegit maximè vulgaris corporis alimenta: præter analogiam inter ceremoniam Sacramentalem Baptismi, & applicationem spiritualem eorum quæ nobis in eo dantur: & similiter inter ritus Sacramentales visibiles & in sensus incurrentes institutos in administratione sacrosanctæ Cœnæ, & spirituales modos quibus recipi-

ter exhibetur à Deo, fideique recipitur, tam verè quam verè signum datur & recipitur corporaliter & naturaliter.

Diligenter consideranda est analogia signorum & rerum significatarum sacramentaliter.

mus quæ nobis etiam in ea spiritualiter exhibentur: de quibus non sum hoc loco pluribus acturus.

*Quæ cōue-
mentia in-
ter halitū
Iesu Christi
& dona S.
Spiritus.*

Dominus igitur discipulis suis repræsentaturus & obsignaturus donum harum tam sanctarum inspirationum & cœlestium qualitatum ac motuum, quos ipsis iam tum communicare destinabat, signum mirè conueniens adhibuit, quum etiam vsus obtinuerit, ut hac voce spiritus viamur ad halitum quo respiramus significandum, quo certiores eos faceret, quòd quemadmodum ipse est per quem Pater in primi hominis creatione, creauit & immisit in ipsum halitum vitæ, quasi de vita sua traxisset vitam intellectualem & immortalem quam homini communicabat, sic in discipulos immitteret, & in Ecclesiam suam immittendus esset per eorūdem ministerium, nouam animam, qualitatibus putà cœlestibus & prorsus nouis, non autem essentiâ, ut phanatici illi Libertini, Anabaptistæ, & cæteri istius farinæ homines somniant, abutentes loco præsertim Apostoli 1. Thess. 5. 23.

*Sacramēta
sine verbo
quo eorum
institutio
& vsus de-
claratur
sunt instar
corporis si-
ne anima.*

Sed adiiciendum præcipuum in hoc opere caput. Nam frustra sine verbo Sacramenta nobis offerrentur, quo Deus naturam eorum nobis describit, & quis sit eorum vsus, futuris alioquin omnibus Sacramentis sine verbo Sacramentali, tanquam corpus sine anima. Quapropter hæc nobis in hac tota actione tandem attentè verba sunt cōsideranda, Accipite Spiritum sanctum, adiecta simul promissione finis

nis & vsus totius huius Apostolatus : quæ quû
ongio rem tractatum desiderent, agite in pro-
ximum ea sermonem reiiciamus.

Precemur verò Dominum, primùm vt nos *Præcipuus*
magis ac magis de Apostolatus autoritate *huius hi-*
certiores faciat, esse nimirum à Deo: ac doctri- *storie fi-*
nam Apostolis commissam eandem esse cum *nis ac sco-*
ea quam Petrus doctrinam vitæ nuncupat. *pms.*
Ioh. 6. 68. & Zacharias scientiam salutis dicit.
Luc. 1. 77. quam quum nostro seculo Deus in
mundum veluti denuo reuocarit, nobisquæ ex
immensa misericordia dederit, eam audiendi
facultatem, suppliciter petamus, ne in nostram
condemnationem factum sit, (quemadmo-
dum hodie proh dolor! maxima pars homi-
num est huius contemptus rea) sed ad eius glo-
riam ac nostram ædificationem ac salutem æ-
ternam. Amen.



HOMILIA DECIMA- quinta.

Iohan. 20.

22. Et quum hac dixisset, afflauit eos, & dixit
eis, Accipite Spiritum sanctum.

23. Si quorum remiseritis peccata, remittantur
eis: si quorum retinueritis, retenta sunt.

*Omnia ve-
ra Sacra-
menta con-
stant signis
a Deo insti-
tutis in hunc
vsum extra
ordinariū,
& rebus
significatis,
& Dei in-
stitutione
verbo eius
separata.*



ERVM naturalium & terrena-
rum cōmunem vsum solus Do-
minus institutione sacramentali
trāsferret in vsum prius spiritua-
lem ac cœlestem: velut exempli
gratia, aqua, natura sua maculis abstergendis
& eluendis propria, in vſu Baptismi adhibe-
tur ad nobis spiritualiter significādum & ap-
plicādum sanguinem pretiosum Domini, cu-
ius effusione peccata nostra delentur, & natu-
ralis nostra corruptio lenius, paulatimque
corrigitur. Nec enim ista spōte nobis nisi do-
cente ac præeunte ipso Domino innotescerēt.
Quamobrem signa Sacramentalia forēt tan-
quam corpus sine anima, nisi addito verbo Sa-
cramentali (id est verbo quo nobis institutio
Domini declaratur.) Verissimum igitur ac cer-
tissimum istud est, vera omnia Sacramenta, si-
ue particularia, siue toti Ecclesiæ communia,
tribus ex rebus constare: primū ex signo, per
se re terrena & naturali, sed ad vsum spiritua-
lem applicato: deinde Re significata, quæ in se
rōta spiritualis est, fidēque tantū spirituali-
ter percipitur: tertio institutione, quæ nobis
per verbum sacramentale exponitur.

*Error eorū
qui Sacra-
menta con-
stituit, sine
verbo Dei.*

Hæc tria diligenter expēsa, nobis triplicem
grauissimum errorem detegant illius quæ se
hodie dicit Ecclesiam Romanam. Primus in
eo quòd in Ecclesiam Christianam inuexerūt
quinque Sacramēta, quibus deest anima, pro-
indēque Sacramēta falsò nominantur, quum
nulla Sacramētali nitantur institutione. Nam

extrema

extrema vnctio quidem, cum miraculorū dono desit: præterquàm quòd verus illa vnctio signum recipiendæ valetudinis erat, Iacob. 5. 13. hæc verò vnctio Romana, solis animam efflantibus ac moribundis applicatur. Alter, quòd mille ritus excogitarunt, & mille ceremonias, partim quidem haustas ex Iudaismo, contra Dei expressam voluntatem: à quo totus ille Iudaicus ceremonialis cultus expresse in perpetuū sublatus est, vt cederet cultui magis simplici & spiritali in spiritu veritatis, teste Iohan. 4. 23. & 24. & Apostol. ad Coloss. 2. 20. & Gal. 5. 2. totaque itē epistola ad Hebræos: partim ex Paganismo: insigni cum audacia vel potius impietate, qua longè superatur factum illud filiorum Aaronis peregrinum ignem super altare offerētium: quam ob rem etiam repente fuerunt absorpti igne à facie Domini prodeunte: partim etiam ex arbitrio & ex placito hominum effectas: quibus ceremoniis sic accumulatis, aliis quidem maxima ex parte ridiculis & inanibus: aliis superstitionis, aliis idololatriæ & impietatis plenis, obruta est & semisepulta puritas & vera simplicitas duorū Ecclesiæ Christianæ Sacramentorum: atque adeò totus diuinus cultus profanatus & in mimicas gesticulationes est trāsformatus: & tamē illa sua somnia magnorum ac sublimium mysteriorum esse plena somniant.

Alter eorū error est, quòd verba Sacramentalia vtriusque Sacramēti Baptismi & sacrosanctæ Cœnæ pronuntiant idiomate peregrino, quod plerūque nō magis intelligūt auditores,

*Error in
prauo vsu
verbi Sacra-
mentalīs.*

quàm pronuntiantes aut recitantes, contra expressam Apostoli inhibitionem. 1. Cor. 14. 5. quàm praesertim nulla ipsorū accedat interpretatio. Omitto sacrosanctæ Cœnæ integrā abolitionē, quæ in Missam, & realem oblationem Iesu Christi pro viuis & mortuis est transformata. Nōne igitur perinde est ac si prorsus detruncassent & sustulissent verbum in horum Sacramentorum administratione? Erramen Deus hoc ipsis, nō omnino permisit, ut in mediis istis pollutionibus Ecclesia cōstituta, suas tamen in substantia veras exteriores notas retineret: nec eas quidem inutiles, quātumlibet defectuosas: tantisperdum adueniens diei sui lux nubes illas discuteret, quod singulari Dei favore nostro sæculo factum conspiciamus.

*Refutantur
superiores
errores ex
Christi fa-
ctis & di-
ctis in hac
historia.*

Non ita se gessit Dominus in hoc quo de agimus facto, quæ fuit actio Sacramentalis ad obsignandum in suis discipulis Apostolatū, & Ecclesiæ Christianæ testificādum magis ac magis vsque ad sæculorū cōsummationē Apostolos verè fuisse nūcios ab ipso Domino missos, sua prædicatione & doctrina posituros Ecclesiæ fundamenta. Postquam enim Dominus suos discipulos afflauisset, simul exposuit quid à se factum esset, his verbis, Accipite sanctum Spiritum, quæ iam nobis explicanda supersunt. Hac igitur sancti Spiritus voce, ostendit in hac actione suum halitum ipsis Sacramentaliter significare se quemadmodum extrinsecus halitum eius ipsi recipiebant, ita intrinsecus ipsis sanctum suum Spiritum communicare,

care, minimè quidem, vt superiore sermone dictum est, aut quòd ad essentiam Deitatis, aut quòd ad substantiam personalem ipsius: sed quòd ad largitionem donorum excellentissimorum & effectorum quæ ad tanti muneris executionem requirebâtur: quæ proinde sunt in hoc negotio res significatæ Sacramentaliter hoc halitu, ex analogia & conueniēcia huius signi cum hac re significata ac nominatim vocis spiritus huic vtrique rei conuenientis.

Ex eo verò quòd vocem illam addidit, Accipite, cōfirmatur quod etiā superiore sermone dixi, nempe signa sacramentalia, à Dei Filio instituta, non tantum vt nudè ac simpliciter rerum spiritualium per ipsa designatarum memoriam reſtrictent, sed etiam (quod præcipuum hac in re caput est) vt earundem re ipsa ac realiter faciant participes spiritualiter & per fidem omnes credentes illarum signa percipientes.

Verum in hoc capite mirum in modum lussit spiritus erroris cum admiranda efficacia, Deo sua iudicia iustissima sic exerente. 2. Thes. 2. II. & 1. Timoth. 4. 1. Variè autem hic peccatum est.

Primum in eo quòd quum agitur de communicatione rei significatæ, soli & vni Deo fuit reseruanda & attribuenda hæc interior operatio, solius Deitatis incommunicabiliter propria, spiritus hic mendax rationem inuenit homines (quos euehi sursum oportebat) occupandi, modò in admiratione excel-

*Significatio
& exhibitio
rei signifi-
cata à par-
te Domini
coherent in
separabili-
ter in Sacra-
mentis ritè
administra-
tis: sed non
semper à
parte homi-
num & vnde
de hoc con-
tingat.*

lentiæ ac dignitatis muneris commissi Sacramentorum dispensatoribus: modò in commẽdanda dignitate in quam hæ res terrenæ & in se naturales euectæ sunt, quum ex Domini instituto consecrantur, id est destinantur & ordinantur ad res cœlestes & spirituales nobis representandas. Atque hac ratione stabiliuntur & admittuntur duo maximè delectandi errores idololatriæ & impietatis pleni, quos age ordine discutiamus & refellamus.

*Duplex
fundamẽ-
tum erroris
eorum qui
volunt rei
significatæ
participa-
tionẽ pende-
re ab eo qui
Sacramen-
tum admini-
strat.*

Primus est eorum qui cãtum detulerũt iis à quibus Sacramenta administrantur, vt ab iis intrinsecum illorum effectum pẽdere voluerint, id est rei significatæ participationem, vt quum præsupponunt (quod est verissimum) ea non posse communicari sine virtute sancti Spiritus, & neminẽ dare posse quod in se non habet (quod nõ tamẽ vsque ad eò semper est necessarium) falsissimam ac perniciosissimam inde conclusionem intulerint, nempe effectũ huius actionis Sacramentalis postulare, vt, is à quo Sacramentum administratur ipsemet inspiretur Spiritu sancto, & quidem cum recta intentione faciendi, ac veluti creandi Sacramentum ipsum: ex qua doctrina duplex iterum error intolerabilis nascitur. Primus in eo quòd hac ratione virtus obliuiscendi in nobis participationem corporis & sanguinis Domini in sacrosancta Cœna, (ò idololatriam vel impietatem abominandam) tribuitur homini Sacramentum administranti: qui proinde administrator in idolum, ac veluti nouum quen-

dam

dam Deum trāsformatur (licet tantū causā
secundariā efficientis habeatur loco) quādo-
quidem interior hāc operatio solius Deitatis
est incōmunicabiliter propria. Error hic posi-
tus est in praua præsuppositionū aut præmis-
sorū applicatione. Verissimū enim illud quidē
est, applicationē rei significatæ prorsus à san-
cti Spiritus virtute manare: at non ideo tamē
quaerenda in eo qui administrat Sacramen-
ta: sed in ipso met Spiritu sancto. Quapropter
gravis error & perniciosa permutatio, alterū
alteri substituere. Altera verò præsuppositio
vel præmissa, non est simpliciter & absolute
necessaria. Nam quid impedit quominus mu-
nus alicui per alium offeram, qui tamē ipse in
partem muneris minimē veniat? Similis igitur
error superiori. Nam isti homines præsup-
ponunt, ab eodem oportere dari rem signifi-
catam, à quo Sacramentum exterius, putà si-
gnum administratur: quod est, vti diximus fal-
lissimum. Hāc enim virtus in ipso vnico san-
cto Spiritu posita est, qui solus potest interius
operari, & eam quibus vult conferre: non ali-
ter ac in simplici Euangelij prædicatione, non
ipse Prædicator confert credentibus salutem,
quæ hoc verbo prædicato significatur: sed v-
nius Dei hoc opus est: vt nullæ sint aliæ hac in
parte Pastoris partes aut vires, quàm externo
sono deferendi ad nostras aures id quod ver-
bo illo quod annuntiat significatur. Et ideo
non dicit Apostolus Deū posuisse vel in Pau-
lo, vel in eius collegis, reconciliationem, sed

posuisse sermonem reconciliationis. 2. Cor. 5. 19.

*Quomodo
vox illa ad
ministro-
rum intelli-
genda, quæ
verbi causa
sacramentorum
administratio-
nibus attri-
buitur.*

Quum verò dicit Apostolus ministros esse Dei ministros, 1. Cor. 3. 9. non intelligit operationem internam esse partim à Deo, partim à ministro: sed diuersas duas operationes inter se distinctas considerat, putà externam ministri à Deo propterea instituti: & internā, vnius Dei propriam & peculiarem: quod ipsemet Apostolus exponit, quum ait, 1. Cor. 3. 7. Neque is qui plantat est aliquid, neque is qui rigat (en operationem externam) sed Deus qui dat augmentum, éstque hoc opus internum. Idem verò necessariò dicendum de Sacramentorum administratione disertissimis verbis ipse Iohannes Baptista docet, quum inquit. Equidem vos aqua baptizo in penitentiam, sed qui ponè me venit, is est qui baptizat spiritu & igne: neque pugnant ista cum iis quæ superius attigi, nimirum hanc vim à Spiritu Sancto procedere, quòd Spiritus Sanctus sit coessentialis virtus operatrix Patris ac Filij. Nequis autem excipiat baptismum Ioannis Baptistæ plurimùm à Iesu Christi baptismo differre, quæ in re pleriq; ex veteribus sunt hallucinati, Diuus Petrus expressè distinguit actionem externam Baptismi, qui hominum ministerio administratur, ab interna, quæ vnius Dei propria est. 1. Petr. 3. 21. Atque idem est iudicium de altero Sacrosanctæ Cænæ Sacramento: quandoquidem vnum & idem est vtrorūque genus, sicuti in scholis loquuntur

tur.

Alter error ex hac eadem falsa doctrina manans, non minus, est periculosus. Nam si (vt quidam docent, saltem in hostiæ consecratione) vt Sacramentum verè sit Sacramentum, suumque effectum eius administratio producat, oportet hanc consecrationem fieri ex sufficientia & intentione consecrantis, nemo verò potest hanc intentionem nosse nisi ex opinione, & ea incertissima (& quidem verisimiliter potius falsa quàm vera, si tum ignorantiam tum mores inspicias corruptissimos maxime partis sacrificulorum Romanorum, quales se hodie venditant,) nonne sequitur necessario neminem posse consecratam ex ipsorum manibus hostiam accipere, nisi cum dubitatione & incertitudine? Quod si est, quinam, obsecro, rei significatæ potest esse particeps, Iesu Christi nimirum cum omnibus ipsius beneficiis, quando quidem quicquid sit sine fide peccatū est: Rom. 14. 23. Saltē igitur nostri Romani Catholici de se cogitēt, ac viderint quid Missis suis iuuentur, hoc posito & concesso legitimas esse, quod tamen secus est, siquidem omnis earum fructus à sufficientia & conscientia presbyterorum & sacrificulorum suorum pender.

Quàm sit igitur modis omnibus perniciosus hic error cuius est conspicuum: qua in re tamen Spiritus ille mendax tantum potuit, vt olim magnus ille Cyprianus: verus Episcopus & martyr Domini, & magna pars Episcopo-

Alter eorū error, qui à dignitate & intentione administrantis vim Sacramenti dependere volunt.

Error Ecclesiarum Africanarum de Baptismo ab hæreticis collato.

rum Africanorum ad hunc scopulum alliserint, censentes rebaptizandos eos qui ab hæreticis baptizati in Ecclesiam recipiebantur. Qui tamen error omnium etiam Catholicorum suffragiis dānatus est, ut ipsimet ore suo coarguantur.

*Unus Deus
potest mira-
cula facere
quoniam &
omnibus
virtutibus
ornatus fac-
ere.*

Idē etiā de dono miraculorū dictū esto, & de iis omnibus quę miraculosē facta sunt, id est de iis quę aut etiam ἀντὶ φύσεως fidelium Dei seruorum opera & interuentu: putā nec propriis illorum viribus, nec aliunde acceptis immutatum aut retentum naturę vel causarum secundarum ordinem, sed à Domino, accepta in tali negotio potestate interueniendi, & precibus ipsorum exauditis: natura vicissim extraordinariam Dei voluntatem sentiente per seruos eius patefactam, facta illa miracula, sola potestate & virtute incōmunicabili Creatoris solius Omnipotentis: vel ipso teste Petro Act. 3. 12. & 16. verbis expressissimis: quę ad omnia miracula in vniuersum applicanda sunt: quemadmodum videmus etiam nunquam ab illis hoc donum in vsum vocatum sine ardētib; precibus, ad eum à quo, ad istud perficiendum opus, adhibebantur tanquam organa, secundum suam mensuram, non autem ut causę efficientes. Quod si ita est in sanctis istis viris, idem necessariō fatendum est, Domino dante efficaciam Spiritui erroris. Matth. 24. 24. & 2. Thess. 2. 9.

*Usus huius
doctrinę
aduersus*

Quid aliud igitur esse dixerimus sanctorum mortuorum inuocationem, quā meram idolola-

idololatriam, quæ tamen eò vsque progressa est vt sanctorum cuique priuata miracula tribuantur, etsi concederemus eos qui sua quiete iam fruuntur (de iis dictum putate de quorum fide & vitæ integritate constat ex certissimis testimoniis, non autem de omnibus iis qui in legendarum album relati sunt) res adhuc terrenas curate, atque innocantium preces audire (quod tamen ipsis non magis attribui potest quàm quòd est Deo maximè proprium) aut ipsis ibi munus impositum esse Deum precandi pro iis à quibus in terris vt idola coluntur, & quidem eò vsque vt eorum ossa tantùm ex opinione adorentur.

*sanctorum
de sancto-
rum inno-
cutores:*

Accedo iam ad eorū errorē qui signis Sacramentalibus adhærentes grauius etiā peccāt quàm ij de quibus hætenus loquuti sumus. Nam quantò præstat homo cuiuscunque verbi sono aut re quapiam inanima ex se se & sensus & motus experte, qualia sunt in se signa Sacramentalia: aut etiam actio qua hoc vel illud fit ab homine: tantò etiam magis est ridiculus, superstitiosus & idololatra qui Sacramento-
rum effectum tribuit aut verbo Sacramentali, aut signis, aut toti illi externæ actioni, quàm qui eadem attribuit homini hæc administranti. Et tamen hanc doctrinam hodierni Catholici Romani docent & admittunt, quam suo calculo nouissimum Conciliabulum Tridentinum confirmauit: nempe primùm vi ac virtute verborum sacramentalium quæ Sacrificus insusurrat, res quæ priùs erant simpliciter

*Error etiam
magis do-
testandus
eorum qui
aut verbis,
aut actio-
ni Sacra-
mentalibus tri-
bunt effe-
ctum Deo
vni in-
communicabiliter pro-
prium.*

naturales ac terrenæ, repenti fieri res sanctas & sacras: immo (quod attinet ad sacrosanctam Cœnam) panem & vinum euadere verum corpus & verum sanguinem essentialem & realem Iesu Christi: doctrinam sanè modis omnibus abominandam. Meta enim est Magia & incantatio vim ullam vllis vocibus aliam tribuere, à quocunque tandem proferatur, quàm res de quibus loquimur significandi. Nam quum ipse Dominus loquens, effecit quod loquebatur, veluti quum dixit, Remissa sunt tibi peccata tua, Surge & ambula: Fides tua te seruauit, & quum mare ac ventos alloquens iussit, Tacere & quiescere, Lazarumque iussit foràs exire, & malignos Spiritus eadem etiam iussit (quæ in scholis vocant verba operatoria) minimè putandum est verborum illorum sonitu hunc effectum productum. Etenim hæc virtus essentialiter & incò municabiliter vnus Deitatis est propria. Virtus itaque sic loquentis Domini hæc effecta produxit, cuius etiam vnus vi & mandato res naturales & terrenæ fiunt Sacramenta, id est signa visibilia, spiritualium & cælestium.

Error perniciosissimus de characteris quodam imaginario qui in anima nostra formatur simpliciter pura actione baptismi.

Deinde somniât illi & docent in anima baptizatorum, aut eorum qui Confirmationem ipsorum, aut, quos vocant, Sacros ordines, recipiunt, formari aliquid quod Characterem dicunt, id est notam quandam sic insculptam vt perpetuò sit indelibilis, hac nimirum actione Baptismi, Confirmationis & suorum ordinum, nadè ac simpliciter in se considerata, quod

quod dicunt Opus operatum. Hoc verò prorsus idem est ac si quis dixerit nudam prædicationem remissionis peccatorum per Iesum Christum imprimere salutem in cordibus omnium quorum aures hic sonus verberat, licet tamen vim illius prædicationis non percipiant, aut si percipiunt, fidem tamen non adhibeant: quum tamē expressè dicatur, omnes eos qui non crediderint, & non baptizati fuerint, damnatum iri: quæ sanè doctrina nullum habet fundamentum, nec in sacris libris, nec in veterum Patrum scriptis, sed à quodam Papa Innocentio huius nominis tertio est exco- gitata, qui licet Innocentius nomine, re ipsa tamen fuit nequissimus, primus auctor Decretalium, multorumque in orbe Christiano malorum causa, ac sanè quomodo Scriptura niteretur error qui attribuit alterius actioni seu suali & externæ (ut ipsis concedamus suam Confirmationem, & ordines esse Sacramēta) effectum in istorum cerebro effectum, quod, si verum esset, vnius esset Dei proprium: quod nec doceri, nec credi potest sine idololatria nō minùs manifesta quàm si hominis loquētis & operantis viribus illa tribuerentur.

Agnosco igitur, & quidem libens agnosco externam actionem Baptismi non esse fabulam, sed sacram actionem & utilitatis maximæ. Verùm tota vis posita est in eo, ut qui baptizatur, de Dei erga se favore doceatur, sibi que applicet, ac, cum beata virgine Maria, dicat in corde suo, Fiat mihi secundum ver-

Verus character per baptismum interio- rem cum exteriori coniunctum in cordibus creditum baptismum

bum tuum. Tum enim proculdubio res significata datur ipsi & obsignatur, remissio peccatorum & Spiritus regenerationis incrementum, qui verus est verorum Dei filiorum character. 1. Iohan. 3. 10. & 19.

Non sunt à se inuicem diuellendi, sed tantum distinguendi tam Dominus intus docens à ministro exterioris operante, ex Dei mandato, quàm Signum Sacramentale à re significata.

Veritatem igitur tot erroribus opposcentes dicemus, fidos Dei seruos quum aut Dei verbum annuntiant, aut Sacramenta administrant, nihil nisi extrinsecus operari posse, vt qui plantant & rigant tantum, vim autem internam prorsus ab eo solo manare cuius mandato & iussu plantant & rigant, & qui solus dat vim augescendi & crescendi iis quæ sic plantata rigatæque sunt. 1. Corinth. 3. 7. At loquente ipso Domino, sicut in hac historia factum interius, tum non fuerunt duo operatores. Nam vnus & idem Magister intus effecit quod verbo suo exteriorus significauit, simul dispositis & præparatis discipulorum cordibus ad hoc donum vera viæque fide suscipiendum.

Error eorū qui signis plus minusve quàm par sit attribuant.

Quæ si distinctio inter Dominum & seruos accuratè intelligeretur ab iis de quibus loquutus sum, à detestandis illis idololatriis recessuros arbitror, nec attributuros Sacramentis quæ vni Deo incommunicabiliter vt maximè propria conueniunt: nec vicissim Sacramentis adempturos quæ sunt illis propria, quod faciunt Anabaptistæ & similes, quibus Sacramenta nihil aliud sunt quàm memoriale quoddam & exterior reflectera Christianismi, non animaduertentes Apostolam etiam de Circumcisione loquentem,

tem, non simpliciter dicere illam fuisse notam, qua Iudæi à reliquis nationibus discernentur, sed expressè pronūtiare. Ro. 4. 11. illā fuisse sigillū iustitiæ & fidei: quemadmodum etiam Baptismus non simpliciter Lauacrum appellatur: sed Lauacrum Regenerationis. Tit. 3. 5. & Apostolus non simpliciter etiam dicit panem quem frangimus, & poculum cui benedicimus (id est quod cum gratiarum actione capimus) actionem esse Christianis propriam, sed expressè monet esse communicationem corporis & sanguinis Domini: sic tamen ut quæ propria signorum sunt signis attribuat, & vicissim rei significatæ quod illi proprium est.

Veruntamen nonnunquam, (non quidem ut hæc confundantur, sed ut ostēdatur illas oportere tantūm distingui nō separari, nec Dei ipsius, nec etiā credentium respectu) rei significatæ nomē tribuitur signo, veluti quū panis Cænæ vocatur corpus Iesu Christi pro nobis traditū: & potius sacrosanctæ Cænæ, immo & poculū quo ille cōtinetur, dicitur Sāguis Iesu Christi pro nobis fusus. Idē eadēque prorsus ratione, rei ipsius significatæ effecta nonnunquam tribuūtur signo, veluti quū baptis- mus vocatur Lauaciū regenerationis, & vinū Cænæ dicitur cōmunicatio corporis & sanguinis Domini: quemadmodum etiam Apostolus longē ulterius progressus, nihil tamen minus cogitans quam Timotheo tribuere, quod est vnius & solius Iesu Christi propriū,

Cur nonnunquam nomen effectū rei significatæ tribuitur signo: & quod à vera causa manans instrumento tribuitur.

Timotheum dicit seruaturum eos qui ipsum audiuerint 1. Tim. 4.16. tribuens instrumento quod est Causæ proprium: quemadmodum etiam quum Fidei Iustificatio tribuitur: quo sensu sunt intelligendæ similes phrasæ crebrò apud Patres occurrentes, quibus Transsubstantiatores & Consubstantiatores abutuntur.

Hanc actionem faciam semel à Christo: & Apostolatus propriam ridiculè applicari in consecratione Sacrificulorum Romanorum: sicut & alia quadam istiusmodi stulta imitatione factorum Iesu Christi.

Sed præter superiora illa, Catholicorum eorundem tum ætatis nostræ tum præteritæ, grauissimum alium errorem attendite. Nam quum hoc à Christo gestum sit semel, ac nominatim vt Apostolatui authoritatem conciliaret, ob multas superiùs à nobis expositas rationes: boni isti viri non erubuerunt hoc ad suorum omnium sacrificulorum Consecrationem transferre, adiectis tamen rasura & inunctione sua, cum aliis non paucis ceremoniis, quas ex arbitrio suo confixerunt: adeò vt quemadmodum Iesus Christus suos Apostolos afflauit, & dixit eis, Accipite Spiritum Sanctum, ecce Dominum Episcopum portatium, aut Magnum Episcopi Vicarium, qui Domini nostri halitum sædo & impuro suo ore imitatus, & miseros illos Missificos his verbis afflatus, Accipite Spiritum Sanctum, repentè creat Sacrificos. Quasi verò Iesus Christus ad hanc historiam adiecerit, Hoc facite, quod in Sacrosanctæ Cænæ institutione factum ab illo conspiciamus. Hic verò quid magis miremur, an istorum inuentores, an nimis credulos homines iis quæ non imitatio Iesu Christi dicenda sunt, sed mimica tã-

tum & histrionica gesticulatio? Ex hoc fonte manauit Quadragesima, quòd videlicet Christus quadraginta dies ieiunauit, dum se ad muneris, quod in hunc orbē impleturus venerat, executionem præparat. Quòd verò Christus cæcum natum sanaturus lutum saliuæ suæ fecit, à purissima sanctissimâque suâ humanitate manâte, vt virtutem suam diuinam adumbraret, qua credentium mentes illuminat, en etiâ sacrificulum in Baptismi Sacramentosaliuam suam impuram admiscentem. Quòd verò Christus surdo facultatem audiendi collaturus, immisit suos digitos in ipsius aures, his verbis eum compellans, *Hepphata*, idest, *Aperire*, idem scilicet istos imitari & pronuntiare par est baptismum conferentes, non magis eorum quæ dicunt faciuntve gnaros, quàm qui omnium ignarissimi, Tibi verò Deus Opt. Max. gratias agimus immortales, qui nos ex istiusmodi densissimis tenebris eduxisti, precamurque vt eandem gratiam ac misericordiam populis omnibus ac nationibus orbis terrarum largiaris, apertis oculis & auribus etiam maximè cæcorum & surdorum per sancti tui Spiritus vim & efficaciam.

Superest excutiendus nobis in hac historia vsus Apostolis commissi muneris: qui præcipuus ex illo referendus est: quem Iesus Christus paucissimis quidem verbis docuit, sed quibus continetur omnis fructus quem ex totius sacrosancti Euangelij ministerio percipimus. Hunc igitur ad duo capita præcipua reduce-

mus, primum exposita verborum istorum retentionis ac remissionis peccatorum significatione: ac deinceps qualis sit hæc potestas, cui & quomodo detur, quisve sit eius usus legitimus, considerantes ex opposito quantus quàmque detestandus rei tam pretiosæ hætenus abusus fuerit.

*Remissio
peccatorum
continet
necessario
integram i-
psorum a-
bolitionem,
tum Culpa
tum etiam
Pœnam.*

Posita igitur recta expositione vocis Peccati, quo cōtinetur quilibet animi motus, deinde quilibet consensus, ac tandem quælibet actio Dei Legi repugnans. 1. Iohan. 3. 4. vocē Remittendi in hoc negotio dicimus idem esse ac Condonare vel Absolvere: cui opponitur vox Retinendi, quæ idem est ac Debitorem sibi deuinctum tenere, quemadmodum hac etiam Debitorum voce, peccatores intelliguntur: & Debiti nomine peccata computantur. Matth. 16. quæ nos coram Dei tribunali reos æternæ maledictionis, præter alias omnes pœnas temporarias faciūt. Nos igitur in hoc negotio duo consideramus effecta peccati, nempe primū culpam quæ est instar syngraphæ aduersum nos obsignatæ, deinde Pœnam, illius syngraphæ debitum: quæ duo diuelli non possunt, quandoquidem culpa necessario gignit pœnam meritam; & nulla pœna est merita sine culpa. Si Christus igitur verè nos redemit, vtrunque aboleuerit necesse est. Nam qui non est amplius reus (id est in quo culpa est abolita) meritò puniri amplius iustè non potest: nec is iustè pœnā effugere qui sit adhuc reus. Denique vel stupidissimos illos omnium
hominum

hominum oportet fateri, eum aduersus quem obligatio manet adhuc integra soluendo obnoxium : & cōtrā syngrapha deleta, debitorem esse solutum. Hac de causa postquam Apostolus dixisset Deū nobis nostras offensas ac delicta condonare, quo fidem illius rei faciat, addit deletū fuisse quod aduersum nos erat chirographum, affixum cruci per sanguinē ipsius. Coloss. 2. 13. & 14. 1. Petr. 1. 2. Idem Apostolus Rom. 5... testatur nos fide iustificatos (id est liberos & à Christo solutos apprehenso per fidei instrumentum) pacem habere in conscientiis : sed falsissimum hoc esset, si qua ex parte rei adhuc teneremur, ac proinde pœnæ peccati obnoxij, ex quo sensu in nobis oritur conscientiae perturbatio. Quibus probè intellectis ex contrario perspicuum est quid hac phrasi Retinendi peccata significetur, nempe sibi semper deuinctum debitorem retinere.

Aduersus ista quidam excipiunt, quod sanè inficiari nemo potest, nempe, primam Mortem esse per peccatum in mūdum ingressam. Rom. 5. 12. cuius ipsa pœna est. Itaque si credentibus Deus Culpam remittens planè reconciliatur, qui sit quòd Morti primæ credentes non minus obnoxij sunt, quàm cæteri omnes peccatores ? Aio verò proculdubio Mortem primam & secundam à primo parère nostro manasse, si primam eius originem consideres : unde in omnibus deinceps hominibus actualiū peccatorū quodlibet genus producitur, quorum minimum est morte prima & secūda di-

Mors primā credentibus nō est propriè pœna peccati sed potius Dei donū non parū.

gnissimum: quæ omnia delentur Iesu Christi sanguine & obedientia non minùs quàm ipsa Culpa. Mors prima tamē remanet, sed immutata prorsus natura per hanc reconciliationē: vt quæ non ampliùs à furore Dei, sed ab eiusdem bonitate proueniat, suos ex huius vitæ ca duca miseriis educantis, quos iam tum, animæ quidem respectu, faciat æternæ vitæ felicitatisque participes. Corpus verò quòd attinet, tantùm abest vt hac animæ separatione dāni quicquam patiatur, vt contrà animæ peccandi instrumentum sic esse desinat: & illa putrefactio sit illi ad vitam spiritualem præparatio, quod pulchrè Apostolus pluribus explicat. 1. Cor. 15. Mors igitur prima, quæ natura sua in maximis pœnis peccati recensenda est, credētibz sit Dei donum, quo misera & calamitosa ipsorum natura in longè meliorem statum mutatur, quem & ipsi cum Apostolo votis omnibus experunt. 2. Cor. 5. 2. & Philip. 1. 23. Ad reliquas autem obiectiones in hoc ipsum caput deinceps respondebitur.

*Quomodo
in sola ve-
ra Christia-
na religio-
ne disca-
mus Deum
suis omnia
condonare
quidem ex
gratia, sed
pœnas se-
uerissimas
exigere à
sponsore.*

Remissio porrò qua debitorem suum Creditor ita soluit, vt ab eo nihil ampliùs possit repetere, aut à sola creditoris gratia procedit, aut quòd ipsi plenè satisfactum sit, siue à debitore, siue ab alio quolibet eius nomine. Iam igitur considerandum nobis vtra ratione coram Deo absoluiamur: qua in re Religionum omnes species præter vnicam verè Christianā irritæ sunt, nullòque nixæ fundamento. Nam si Deum imaginamur ita nobis debita nostra remittere,

remittere vel cōdonare vt pro ipsis nulla fiat satisfactio, & quidem pœnæ illi respondens quam culpa meretur, sequeretur Deum illum, aut nō esse peccatorum iustum vindicem, aut si punit tantū ex parte, tātundem ei de summa & perfecta iustitia sua & iudicij seueritate decedere: ac proinde non esse Deum perfectum, sed qualem eum Epicurei fingunt: nempe aut non iudicem mundi: aut Deum ex parte tantū, ac proinde non Deum, quandoquidē in verum Deum nulla prorsus cadit imperfectio. Sed contrā, si requiritur ad liberationem solutio ad vltimum quadrantem, primū, (quandoquidem peccatum ex eius qui eo latus est maiestate est æstimandum, latus autem est Deus æternus, immensæ Maiestatis ac iræ & indignationis in vitium) quis hoc pretium tandem obtulerit? Quis hoc debitum exsoluere medirabitur, vt illud implere possit? Quis vel condignè se potest apparare ad hoc pretiū offerendum? Verū tamen vt dixi oportere summè iustum esse Deum in iudicando, sic oportet vicissim ipsum summè clementem esse in misericordia, vt verus esse Deus comperiat. Ecquis igitur tam repugnantia cōciliabit? Sola Christiana Religio, quæ sola nouit vnicū quendam tertium idoneum ac sufficientem vadem ac spōsozem omnium debitorum, qui quærunt & obtinent in ipso suam apocham & à chirographo liberationem. Iesum Christum putā, verum Deū, ac proinde satis datorem idoneum apud Deum Patrem suū: & per-

solutorem in natura humana quā assumpsit, ut sua sanctitate quicquid est virij ac corruptionis in natura nostra prorsus aboleret, ut obedientia sua perfectissima in ea humana natura, nostræ rebellionis omnem culpam regerret: ac tandem peccatis nostris debitas pœnas laceret, ad vltimum vsque denarium, supra lignum, in quo pro nobis est crucifixus. En quomodo in hac pro nobis ab hoc tertio facta solutione, hinc quidem in summa iudiciorum Dei seueritas in peccatores sit omnibus maximè conspicua: inde verò immensa quoque & ineffabilis quædam perfectissima misericordia, in eos qui tantum beneficium vera fide amplectuntur. Nempe is ipse Deus est qui ex sua immensa misericordia Filium vnicum suum nobis sponsores est largitus, qui corpus pro corpore interponeret, & animam pro anima. Is ipse solus est qui perseveras in hac infinita bonitate, hunc sponsores nobis annuntiat, offert & donat per Euangelij prædicationem, & suorum Sacramentorum administrationem: is ipse ex eadem gratia & bonitate singulari format in nobis instrumentum illud Fidei ad hoc donum recipiendum aptum: is denique est qui nos ipsos iustificatos tandem etiam in vltima illa & beatissima die glorificabit: In summa, in hoc vnico vero Euangelij arcano simul concurunt tū summū ac seuerissimum Dei iudicium, quatenus pretio redēpti sumus tam magno tamque pretioso, Filij Dei nempe sanguine. I. Pet. 5. 18. tum eiusdem infinita Mi-
sericordia

sericordia, quatenus nobis hic Sponsor impu-
tatur in Remissionem omnium peccatorum,
& vitæ æternæ acquisitionem. 1. Thessal. 5.9.
Quēadmodum enim ipsius sanguis est solu-
tio pœnæ debitæ nostris peccatis, sic eiusdem
obedientia perfectissima, vnde immensi illi e-
ius dolores ac pœnæ, ius nobis acquirit ad vi-
tam æternam: ex ipsius Legis formula quæ
hæc est, Hæc fac & viues. Rom. 3. 30. Istud autē
eius vtrumque beneficium, Mors eius, inquā,
& obedientia applicatur & imputatur per in-
strumentum fidei, ex formula gratuiti fœderis
Euangelij. Contrā verò ceteri omnes quorum
peccata retinentur, & permanēt debitores, rei
etiam æternæ maledictionis in eam vltimo
demum die præcipitandi permanent. Atque is
est harum vocum Remissionis ac Retentionis
peccatorum sensus.

Sequitur, ex proposita initio diuisione hu-
ius textus, considerandum penes quem sit po-
testas hunc nobis thesaurum largiendi: qua in
re prima fronte parum inesse difficultatis vi-
deretur, quum ipsa luce sit clarius potestatem
peccata condonandi penes eum esse qui læsus
est, ac proinde esse vnius Dei, quemadmodum
homines hominibus condonant. Hoc quū ad-
mitterent Pharisei, Marc. 2. 7. Iesum Christum
vt blasphemias loquutū accusarunt, quòd di-
xisset paralytico, Fili, remissa sunt tibi peccata
tua. Nam, inquebant, quis potest remittere
peccata nisi solus Deus? Sic ipsemer apud E-
saia 43. 25. vociferatur, Ego sum, ego sum, qui

*vnius Dei
Patris, Filij
& Spiri. S.
propria est
potestas pec-
cata condo-
nandi.*

deleo iniquitates tuas propter me. Meritò igitur à Patre quotidie flagitamus peccatorū remissionē, qui nobis ea per Filij sanguinē reconciliatus, gratis remittit. Filius etiam ipse nobis eadem condonat, quæ pro nobis in carne sua supra lignū sustulit, quotidieque nobis offert hanc remissionem per Euangelij sui prædicationem & Sacramentorum administrationē. Spiritus sanctus is etiam est à quo pendet hæc remissio, cuius proprium est nostras mētes illustrare, ac volūtatē renouare ad hoc arcanum intelligendum, & vera viuāque fide cōplectendum, quod in dies in nostris cordibus obgnat. Nihilominus tamen videmus apud Matth. 16. 19. his vocibus Clauium, Ligandi & Soluendi, hanc potestaté Apostolis fuisse promissam in D. Petri persona, pro se & sociis suis loquentis: & Ecclesiæ. Matth. 18. 18. & ipsis Apostolis hoc loco: quæ quum accuratorem tractatam postulent, reiciamus in proximum qui de ea sermo à nobis habebitur, Deo faciente, atque interim Deum supplices orabimus, vt tam pretiosam hanc doctrinam nostris mētibus insculpat, tam eorum quæ copiosius exposuimus, quàm doctrinæ Sacramentorum, vt tantum iis deferamus quantum ex Dei verbo docemur, ad Dei gloriam, & nostram salutē, ac peccatorum gratuitam remissionem, in Domino nostro Iesu Christo fidelium vnica spe & salute. Amen.

HOMI-



HOMILIA DECIMAS EXTA.

Iohan.20.

22. Et quum hæc dixisset, afflauit eos, & dixit eis, Accipite Spiritum sanctum.

23. Si quorum remisseritis peccata, remittuntur eis: si quorum retinueritis, retenta sunt.



SUBSTITIMVS nuper in ea quaestione, quæ sit hæc in Apostolos collata potestas, remittendi vel retinendi peccata in terris cū certa promissione in cælis illud omne ratum fore. Vnde videri fortasse possit, Iudicium illud, siue Remissionis, siue Retentionis peccatorū, ab hominibus in terris initium capere, deinde in cælis à Domino perfici: quod quid aliud esset quàm verum ordinem euertere, ac hominibus iudicandi potestatem, Deo vero partes illud iudicium exequendi dare, quod ne cogitari quidē sine blasphemia potest? Contrarium igitur prorsus est statuendum. Nam, vt nuper diximus, solius Dei propria potestas est Remittere peccata, ac proinde Retinere & peccatores iusto iudicio damnare. Quoniam verò tribunal istud Dei supra cælos omnes, & hunc mundum eminet, homines autē in terris degunt: idcirco Deus in terris vtitur hominū ministerio quos elegit: nō quidem vt sentēciam præscribant remissionis aut remissionis peccatorum (nam alioqui ser-

Recta & legitima sententia Remissionis aut Retentionis peccatorum fertur primum in cælis, deinde in terris pronuntiatur, & iterum in cælis habetur rata.

B. iij,

uos in folio suo collocaret, quum tamen illud immotum sit principium, Deum alteri cuiuspiam suam gloriam non dare. Esa. 48. II.) sed potestate ipsis facta sententiam quam ipse dictauit pronuntiandi: & quidem ita ut velit homines persuasos esse, quæ hic in terris pronuntiantur à suis seruis, rata in cælis à se fieri, tam verè id quidem quàm si ore suo pronuntiasset.

*Quomodo
quis in ter-
ris senten-
tiam pronun-
tiant per-
suasi sint
illam sibi
calitus esse
dictam.*

Sin quærat hic quispiã, quomodo hæc sententia diceretur hominibus eam pronuntiaturis: aio non opus esse propterea ut vel ipse Dei filius è cælo descendat, sicuti descensus est vltimo illo die, ad huius sententiæ integram & realem executionem: vel ut Spiritus Sanctus extraordinariè ministros in aurè alloquatur: sed præscriptum illis officium & fines suos tam in Verbo Legis quàm Euangelij: Legis nimirum in Retinendis peccatis, quatenus illa docet quid sit peccatum, & condemnationem mortis æternæ pronuntiat aduersus peccatores, Gal. 3. 10. & Rom. 5. 12. & 6. 23. Euangelij contra, quod docet, quicumque filio crediderit non perituum, sed vitam æternam consecuturum. Iohann. 3. 15. cui responderet quod Apostolis deinde dictum est, quicumque crediderit & baptizatus fuerit, cum seruatum iri: contra condemnatum quicumque non crediderit. Marc. 16. 16.

*Deo non o-
pus est vl-
la inquisi-
tione homi-
num ad æ-*

Inde sequitur, quòd quemadmodum in terrenis iudiciis, iudices ex reis veritatem facti nosse nequeunt, nisi diligenti facta inquisitio-

ne

ne, aut ipsius rei confessione, vt iuste vel absoluant vel condemnent: sic in hoc spiritali iudicio, superius facto à Domino supremoque Iudice, sed in terris pronuntiando ab iis quibus hoc munus est demandatum, minimè quidè opus est inquisitione, eius qui superius sedet iudex respectu, qui melius quàm ipsi homines corda hominum nouit: sed iudicari in terris & sententiam pronuntiatori, aut contrà aut secundum hunc vel illum, quò certiores sint de gratia aut condemnatione in cœlis facta, præscriptum ius à Domino quod sequantur habent, nempe vt de arbore ferant iudicium ex fructibus, & inde sententiam pronuntient.

Hæc porro sententia nonnunquam est simplex & absoluta, quum vel de facto constat, quantum hominibus licet, vel de statu & conscientia eius cum quo agitur, putà vtrum sit reus, necne: an si reus, agat seriam pœnitentiã, vt debet, vtrum credat, necne. Ex his enim fructibus arbor discernitur. Nonnunquam autem, quum subest iusta dubitandi occasio, hæc sententia certa quadam conditione pronuntiatur, putà & absolutionis in cœlo, si cum quibus est negotium seriò pœnituerint & crediderint: vel condemnationis, nisi pœnitentiam egerint & crediderint: quam sententiam apud se vel absolutos vel condemnatos oportet seriò meditari. En igitur cur duplex sit istiusmodi à Deo latarum sententiarum species, quæ à pastoribus & ministris verbi diuini com-

*absoluen-
dum aut
condemnan-
dum pecca-
torem in cœ-
lo. Sed vt in
terris ferra-
tur senten-
tia confor-
mis ei quæ
in cœlis iu-
dicata est,
causa cogni-
tione opus
est, quam
fieri par est
quomodo
& à quibus
est manda-
tum.*

*Quod sit
fundamen-
tum senten-
tiarum quæ
in terris pro-
nuntiatur,
quarum al-
iæ simpli-
ces & ab-
solutæ, aliæ
cum condi-
tione, aliæ
generales
& indefini-
tæ, aliæ cer-
tis quibus-
dam pecu-
liares.*

missis ipsis ouibus proponuntur. Nam alie sunt indefinitę cum apposita conditione, sicut fit in ordinariis concionibus ad vniuersum gregem: quę Euangelij prædicatio nihil aliud est quàm publica declaratio, & denūtiatio Pastoris nomine Domini, ad suas oues & auditores, qua verè & ex animo pœnitentiam agentibus, viuâque fide Domini mortem & passionem amplectentibus omnia in vniuersum, & singula seorsim peccata ipsis à Deo condonari testatur vt iam coram Dei tribunali à iudicio Dei liberi & immunes censeantur: vt contrà, non agentibus pœnitentiam, & simulatè Christum amplectentibus, peccata retineri, & perpetuę maledictioni reo addici. Hic verò postulat ouium officium vt se ipsas iudicent, an ita sint apud se affectę vt de præterito dent gloriam Deo, corque illud verè contritum & abiectum offerant, Psalm. 51. 19. & in primis, an remissionē illam peccatorum oblatam Euangelij prædicatione vera fide amplectantur: Deoque respondere paratę sint quod olim Angelo Sancta Virgo, Fiat mihi, Domine, secundum verbū tuum Luc. 1. 38. & quemadmodum Domino pater ille Lunatici respondit, Credo, Domine: succurre incredulitati meę. Marc. 9. 24. cum certo proposito vitę meliùs in posterum instruendę. Quod si fiat, minime dubium est quin is cui Deus cor istud largitus est, domum absolutus & liber reuertatur: sin aliter, quin reus & suis peccatis obstrictus, etiam ille domum redeat,

vt non

ut non opus sit Pastorem peculiariter aliam sententiam pronuntiare condemnationis aut absolutionis. Nam si peccator pœnitens istud beneficium à Deo sine vlllo intermedio consequitur, quod expressè de misero illo publicano Lucas prædicat. 18. 14. multò magis Pastore peccatores sic alloquente eius nomine à quo missus est, etsi hanc sententiam in genere tantum protulit, conscientia peccatoris pœnitentis habet quonitatur & consolationē apud se percipiat: quod de se Dauid ipse testatur pluribus psalmis, sed psalmo præsertim. 32. 3.

Iudicij verè quod de priuatis statuitur peculiaris quædam est cognitio, & specialis ac luculentior declaratio. Tota res tamen eodem redit, quòd sit vna Lex ex qua impœnitentibus peccata retinentur, & vnicum Evangelium, per quod pœnitentibus & credentibus peccata remittuntur eodem ministerio: seu ad plures indefinitè sermo dirigatur, seu cum priuato quopiam sit negotium, & absolute pronuntietur sententia. Hæc autem in triplici agendi sunt differentia. Primum locum sibi vendicant admonitiones priuatæ, pro varietate circumstantiarum, rerum ac personarum, Pastorum officio hoc postulante, ut singulis suis ouibus inuigilent, seu monendis & arguendis, seu etiam consolandis. Ezechiel. 33. 8. & 9. Act. 20. 20. 2. Corinth. II. 29. vbi, quocunque modo affectus sit qui admonetur, nunquam frustra Pastor pœnitenti & credenti remissionem peccatorum annuntiat:

Prima species Ecclesiastici iudicij quod priuatis pronuntiatur à Pastoribus studiosis salutis singularum sibi commissarum omnium.

nec contrà perniciaci & incredulo condemnationem. Et hoc præsertim locum habet in ægrorum visitatione, quo tempore maximè Pastorem oportet ægrum ad pœnitentiam, & remissionis peccatorû certitudinem disponere.

*Secunda species Ecclesiastici iudicii, pro aut contra priuatos post causam cognitionem coram Seniorum legitime ad hoc munus ele-
ctum.*

Deinde priuatis istis iudiciis locus est in iurisdictione & disciplina Ecclesiastica quam Dominus instituit in Ecclesia Christiana, Matth. 18. 17. & 18. ad exemplum eorû quæ sub Lege antiquitus decreta fuerant & in vfu erant, Ioh. 9. 22. & 12. 42. & 19. 2. Igitur officium cætus illius, qui Ecclesiam repræsentat, ex verbi Ministris compositus, & Senioribus legitime ex ipso populo electis, quos propterea Paulus Gubernatores nominat 1. Cor. 12. 28. est, vt post diligentem inquisitionem eorû quæ cum Ecclesiæ offendiculo, facta sunt, sedulâ nauent operam, tum vt peccator pœnitentiam agat, tum vt scandalum tollatur, ne forte paululo fermenti tota massa fermentetur 1. Cor. 5. 5. & 6. Apostolorum exemplum sequuti, pœnitentiam agentibus consolationis medicinam applicent, & deuiam ac aberrantem ouem in gregem renocent. 2. Cor. 2. 6. & 7. prout facti ratio postulabit: contrà contumaces ac contemptores illius quæ in terris est Ecclesiæ excindant, vt pudore tandem, si fieri potest, in gregem reducantur, seriam peccatorum pœnitentiam agentes, sicut Apostoli docuerunt & factitarunt. 1. Cor. 5. 6. & 12. & 2. Thessal. 3. 4. 6. 14. 1. Timoth. 1. 19. & 2. Iohann. vers. 10. & 12. totaque verus Ecclesia nemine refragante.

Fateor

Fateor tamen iam pridem hanc disciplinam in horrendam & derestandam tyrannidē immuratā fuisse. Sed hæc tamē iurisdictio & disciplina Ecclesiastica fuit nihilo magis abolenda quàm Verbi Divini prædicatio, quòd ea nonnunquam falsi Pastores abutantur ad hæreses invehendas. Vos verò perditī perturbatores Ecclesiæ, qui eius rectam instaurationem pro viribus impedire conamini, alij quidem planè damnatis Consistoriis & qualibet Ecclesiastica censura: alij quod merè est Ecclesiasticum & spirituale ad magistratus civiles transferentes: alij ab hac disciplina remouētes eos qui ex populo legitimè sunt ad hoc munus vocati (quod Ecclesiæ voci planè repugnat, quæ huic cœtui Seniorū cōpetit. Mat. 18. 18.) alij prohibentes ne profligatæ istius tyrannidis, qua tandē Ecclesia in tantā desolationē deuenit fundamenta conuellantur: vos, inquā, omnes instrumenta Satanæ, mutuas operas in tam perditā causa tuenda conferentes, tādē aliquando coram Filij Dei tribunali sentietis, an vobis licuerit eius in terris tribunal euertere: ac quicquid vestris cōsiliis vel professis ipsius Euāgelij hostibus lōgè deterioribus moliamini, tamen quod fuerit in terris ligatum, cōperietur in cœlō fuisse ligatum: & similiter solutum, quod ita solutum fuerit, ut rata sit ipsius Domini hac de re sententia, Matth. 18. 18. tandēque vestro periculo experiemini quid sit cum eo bellū suscepisse qui vester Index est ac futurus est.

*Abusum
discipline
& iurisdic-
tionis Ec-
clesiasticæ
oportet cor-
rigi, eius le-
gitimo &
necessario
usu renoca-
to.*

Tertia species priuatarum sententiarum in administratione Baptismi & sacrosanctæ Cœnæ.

Tertia species priuatarum istius administrationis posita est in Sacramentorum administratione, quæ singulis distribuuntur, non autem generaliter & indefinitè, vt verbū Dei in ordinaria verbi prædicatione. Ideò adultiores olim in Ecclesia vetere priusquā Baptismo in Ecclesiā reciperentur, Catechumeni erāt, ac doctrinæ Christianæ capita præcipua docebātur, nec antè admittebantur nisi facta expressa stipulatione suæ in Deum fidei, Diaboli abnegatione & omnium quæ essent Euangelio contraria, quod à Philippo videmus obseruatum in Eunuchō illo, de quo fit in Actis Apostolorum mentio. Act. 8. 37. quod Petrus etiam respexit. 1. Pet. 3. 21. vnde profecta sunt ista quæ Romana Ecclesia hodierna retinuit, Credis? Credo. Abrenuntias? Abrenuntio: qui tamen error crassissimus præter tot tantosque abusus & pollutiones lingua peregrina inuectas, pessimæque ad infantium Baptismū traductas, haudquaquam nunc primū cœpit. Idē etiam examē & expressa professio fidei requiritur in singulis antequam ad sacrosanctam Cœnam admittantur. Quod si examen à Pastoribus in huiusmodi negotio sapius iteraretur, non modò ad officium excitarentur qui tradidisse prehenderentur obliuioni quæ prius didicerāt & professi fuerāt: sed etiam obuiam iretur multis pollutionibus quibus hæc sancta communio cōtaminatur & ira Dei terribilis & extraordinaria pronocatur, vt loquitur Apostolus 1. Cor. 11. 30. Nam dum iubet singulos seipso

probare,

probare, nō vult Pastores ab officio suas oues probandi detertere, sicuti quidam somniant. Hoc verò casu minimè dubium est, quin qui vera pœnitentia & fide amplectitur verbum tã Legis quã Euangelij à Pastore fideliter propositum, & Sacramenta sic percipit, sit etiam in cœlis solitus, contrà verò qui secus faxit suū chirographum, suæque condemnationis meritum coram tribunali veniat obsignaturus.

Igitur sacrosancto ministerio commissum est in terris munus declarandæ sententiæ, quæ primùm conficitur & dictatur in cœlis verbo Domini diligenti interim adhibita differentia inter eū qui solus remittit aut retinet peccata, qui solus absoluit aut condemnat: & eos quos in terris delegit, vt in iis causam hanc coram hominibus excutiant & examinent, sententiãque in cœlis ratam habendam pronuntient.

Ex supradictis etiam apparet hos in terris Domini Legatos sua functione, cuius sunt præscripti fines tam verbo Legis & Euangelij, quàm æquo & bono in illius dispensatione, sicabutentes, tum in re ipsa tum in iure, nihil legitimè administrare, ac proinde non propterea debere turbari hominum conscientias. Et hoc Dominus expressè docuit suos Apostolos quum latam à Pharisæis aduersus se suosque discipulos sententiam excommunicationis audiuisset. Iohã. 16.2. & Marth. 15.12. & 14. quemadmodum hodie per Dei gratiam, nō modò nos non mouet

Dens iudicat in cœlo & eius serui sententiã in terris pronuntiant.

Lata in terris iudicia præterant cōtra formam præscriptæ commissionis iis qui vocati sunt ad ea proferenda, prorsus irrita sunt & nullius effectum.

pseudo Ecclesiæ illius Romanæ excommunicationum fulmina, vt cōtrā, quā ab istiusmodi hominibus anathemate ferimur, præsertim quod ab eorum idololatriis secessionem fecerimus, certissimum inde capiamus argumentum lætandi in Domino, quemadmodum ipse nos admonet, Matth. 5. 11. & 12. & Apostoli nobis sunt exemplo. Act. 5. 41.

*Quomodo
& quous-
que in A-
postolos col-
lata hac hi-
storia pote-
stas, transfe-
ratur ad
Pastores
& seniores
in Ecclesiis
constitutos
post Apo-
stolorum
tempora.*

Sed quidam hic superest scrupulus. Nam si Apostolatus hæc actio propria est, ac proinde ipsorum Apostolorum (quod sæpius in huius hystoriæ expositione exposuimus) quæri non immeritò potest, quomodo nos hanc potestatem ad omnes Pastores, qui sunt, fuerūt, & ad finem vsque sæculorum futuri sunt extendamus. Facilis respōsio, quiddam esse proprium Apostolatus functioni, sicut satis copiosè docuimus in huius hystoriæ explicatione, veluti quòd ipsius ore Filij Dei missi sunt architecti futuri & primi fundatores Ecclesiæ Christianæ in vniuersum mūdum, & quidem cum extraordinaria omnium donorum sancti Spiritus abundantia & auctoritate omni exceptione maiore, quam ob causam etiam Dominus ad ipsorum vocationem addidit Sacramentalem halitum oris sui. Fuerunt igitur hæc Apostolatus & Apostolorum sic propria, vt nullum in istis potuerint ac debuerint socessorem habere, ob eas causas quas in huius hystoriæ explicatione satis copiosè declarauimus. Sed cōsiderata generaliter functione administrandi tum verbi prædicationem, tum

Sacra-

Sacramenta & disciplinam Ecclesiasticā, hæc commissio data est etiam à Pastoribus, Evangelistis putà, Pastoribus, Doctoribus & Senioribus, qui hoc munus alij aliis succedentes inuicem sustinerent: quam ob rem disertissimis verbis præsentem suam opem sacro illi ministerio promisit vsque ad mundi consummationem, non autem simpliciter tantum Apostolis, qui vitæ suæ curriculum breui decurrerunt. Marc. 28. 20.

Haberis veri Christianismi summam, cui si vellē ex diametro opponere, & sigillatim pluribus persequi quæ sunt in Ecclesiam Dei inuenta per illam horrendam apostasiam ab Apostolo prædictā. 2. Thell. 2. 3. & in Apocalypsi copiosè declaratam, vix mihi singula persequenti annus suffecerit, vel totos dies à primo solis ortu ad occasum vsque in eodem argumento versanti. Breuiter tamen summa capira perstringam, quò melius dignoscamus ex quantis abyssis Dominus summa sua, immo immensa misericordia, eruerit, & tam pretiosum istum thesaurum pluris facere discamus. Accipite igitur quid hæc in re spiritus erroris promouerit, iusto Dei iudicio, quale per Prophetā Esaiam erat minatus, Esa. 29. 14. & quò totum terrarum orbem hodie punit. Primum quòd ad hanc Remissionis peccatorum vocem (in qua tota nostra fides & spes est posita) videte quomodo sensim per cuniculos eius fundamenta sint tentata. Nam non modò ab initio statim distinctum, sed separatum est

Falsò remissionem peccatorum separari à remissionem culpæ.

chirographū ab eo ad quod per chirographū obligamur, id est Culpa à Pœna: ac proinde si meritum Iesu Christi solam culpam deletur, sanè ex parte truncatur, & Deus etiam arguitur iniustitiæ, si solutionem petat ab iis quorum chirographum deletum sit: en denique Iesu Christi perpeffiones proisus inanes, aut saltem hætenus nos adiuuantes vt valere faciant pretium quod nos ipsi pro nostra liberatione soluimus: veluti cibus quilibet sale cōditur vt saporem ac gustum suauiore recipiat. Sed, obsecro, num magis euidenter potuerunt nostræ salutis fundamenta conuelli, & Iesum Christū suo illo nomine saluffico Iesu spoliare? & quidem etiam Prophetis & Apostolis veluti mendacium impingere?

*Responsio
ad eorum
obiectiones
qui sanguinem Iesu
Christi miscent cum
Pœnis quibus Deus
nonnunquā
eos castigat quibus
peccata con-
donauit.*

At qui sic separant Remissionem Pœnæ à Culpæ remissione, volūntque superesse solutionem aliquam iis quorum tamen deletū est chirographū, Coloss. 2. 14. præter ea quæ sunt à me refutata superius, de morte prima, in qua manent qui à morte secunda liberati sunt, Dauidis exemplo tueri suum errorem conantur, cui quum peccatum esset condonatum à Deo expressè per Nathanem Prophetā, 2. Sam. 12. 13. & 14. tamen maximis pœnis, tum ipse, tum eius posteritas fuerūt obnoxij, cuiusmodi plurima exempla possunt adduci, quum quotidie videamus vel optimos quosque Deique timētes castigari variis pœnis, etsi Dei filij sint, Deoque proinde reconciliati. Respondemus primū tatūm agi hac exceptione de pœnis, quæ

quæ ad hanc vitâ spectant: illâque proinde non iuuari eos qui Purgatorium statuunt, in quo post hunc mūdum pro peccatis in illo admis-
 sis satisfiat. Deinde non mirum esse, quum vel maximè pœniterentes & credentes tanta labo-
 rent imperfectiōe, si facta cum ipsis reconciliatio, non producit in anima aut corpore di-
 gnos effectus plenæ cum Deo reconciliatio-
 nis. Nam (vt Dauidis exēplum expendamus)
 tātum abest vt pœnæ quas post peccati remis-
 sionē sustinuit ab vllō defectu recōciliationis
 manarint, aut ab vllis aduersus ipsum iræ Dei
 reliquiis: vt contrā sic ista contingere ex sin-
 gulari in suum seruum reconciliatum amore
 voluerit: quem nouit his pœnis opus habere,
 vt magis magisque peccatorum seriam pœni-
 tentiā agere disceret, essentque tam ipsi quàm
 posteris, & toti populo, velut quoddam amu-
 letum, quo à talibus peccatis, siue leuioribus
 siue grauioribus sibi cauere discerent: quas sa-
 nè rationes quis meritò dixerit ab ira Dei pro-
 ficisci, tanquam non planè reconciliati, quum
 contrā perspicua sint testimonia beneuolen-
 tiæ ipsius, quam temperat prout expedire no-
 uit eius saluti cui peccata sunt ex gratia sua cō-
 donata? Denique quum nostris propter pecca-
 ta pœnis, quæcunque tādē illæ sint, Deo ni-
 hil decedat nec accedat, nonne meritò dicen-
 dos censemus amentes eos qui satisfactionis
 nomen ipsis attribuūt? Itaque tam pretiosum
 istud nomen propriū est ac peculiare soli obe-
 dientiæ qua culpa nostræ rebellionis deletur,

& passionibus quibus satisficit pœnis, quas eramus meriti, solius, inquam, eius obedientie & passionibus qui in hoc datus est, ex mera & immensa Patris & ipsius etiam voluntate, Deitate ipsius infinita dante vim infinitam pœnæ illi quam in humanitate sua passus est.

Falsa imaginatio duplicis pœnitentiae, alterius ante, alterius post baptismum.

Deinde quòd pœnitentia (quam melius respiciunt ac Conuersionem dixerimus ex vsa Scripturæ) indiuiduo nexu cum promissione remissionis peccatorum cohæreat, duplicem aduersarij nostri pœnitentiam faciunt, vnā ante baptismum, quæ hodie tantum ad Turcas & Iudæos spectaret, & cui tamen plurimum attribuunt, admitterentes in ea, sed suo more facta, Pœnam & Culpam deleri. Alterā, quæ Culpam respiciat, quam à Baptismo contrahimus, quæ propterea grauiores pœnas meretur: & hic proinde Remissionem Culpæ separant à pœna, vt omnes Christiani corā Deo totidem peccatorum rei fiant quot à Baptismo suo peccata committunt. At diligenter legāt & relegant Bibliorum volumine quicquid continetur, vnicam Conuersionis hominibus necessariæ speciem inuenient: quæ, coram Deo, consistit primum in corde illo contrito & vulnerato sensu iræ Dei aduersus peccatum: deinde in apprehensione diuinæ misericordiæ, cuius nullum aliud obiectum est, nisi vnicus pretiosus ille sanguis Domini nostri Iesu Christi, qui tulit supra lignum peccata nostra, id est peccatis nostris pœnas debitas, quem nostræ conscientie vulneribus applicemus, quæ non alio

alio quàm fidei instrumento curari possunt.

Tertiò vera Conuersio consistit in sincera *Falsatio*
 peccatorum agnitione, primùm & maximè *2. confessionis*
 apud eum qui solus præcipuè offenditur, vt Da- *et agnitio-*
 uid ipse loquitur, Psalm. 51. 6. & ad illius mise- *nis peccato-*
 ri Publicani exemplum, Luc. 18. 14. deinde *rum que*
 quantum fieri potest apud eos qui læsi sunt, si- *in vera con-*
 ue priuari illi sint Matth. 18. 15. & 16. siue Eccle- *uersione*
 sia in genere, facto quoprià quod offendiculū
 ingens secū trahat. Cuius exemplum insignè
 præbèt nobis ipse Dauid & Ezechias, aliique
 ipsis similes: qui non tantum peccatum priua-
 tim agnouerunt & cōfessi sunt, sed etiam mo-
 numentis in ævum omne tradiderunt: cuius-
 modi exemplum etiam notandum est, non v-
 nius aut alterius tantum, sed totius eorum mul-
 titudinis qui Ephesi Magiæ sese addixerant:
 Act. 19. 19. Hic verò spiritus erroris pedetētim
 hoc promouit, vt primum sublatum sit discrimen
 inter confessionem peccatorum coram
 Deo communem & Christianis omnibus ne-
 cessariam, omnibus horis ac momentis, & eā
 quæ propria est & specialis iis qui ob scanda-
 lum admissum legitima Ecclesiæ censura ex-
 communicari, peccata publicè confitentur in
 Ecclesia & Christianorum cœtu, petentes se
 in cœtum fidelium recipi ac redintegrari: (quod
 sub Lege fuerat institutum & vsitatum in sa-
 crificiis quæ pro peccatis offerebantur:) præ-
 terea sublatum sit discrimen inter fraternam
 peccatorum agnitionem, siue priuatim, siue
 corā testibus, quod ipse Dominus præscripsit

apud Matth. 18. 15. & 19. & eam quæ priuatorum
 est, aliorum ad alios inuicem. Hæ species igitur
 confessionum hac falsa doctrina confunduntur sub
 cõmuni nomine Pœnitentiæ, hoc excepto quòd
 vltimam speciem parui faciunt. Nam præterquàm
 quòd, pro cœtu Pastorum & Seniorum, substituerunt
 monstrum illud Officialitatis, aut Episcopalis Curia, cõ-
 positæ ex procuratoribus & tabulis, in qua de
 Christo & eius Euangelio ne 2^{us} quidem, sed
 vtriusque horrendissimus contemptus, excommuni-
 cationes fiunt & redimuntur numerata certa pecunia,
 & quidem tam absurda ratione cuncta geruntur,
 vt vix futurum æuam sibi persuaderi patiatur
 mundum sic potuisse decipi, multoque minus
 credat Deum tanta patientia sanctæ suæ
 disciplinæ contemptores tulisse. Denique vt
 totam istam suo quidem respectu fabulam,
 sed Dei, horrendam tragediam, claudant:
 ad pleniorẽ absolutionem, substituerunt
 Presbyterum quempiam Confessorem
 omnium, quæ vocant, ordinariorum peccatorum:
 eorum verò quæ reseruata dicunt, Pœnitenti-
 arium, ac tandem summum Episcopum, à
 quo etiam typis excusa prostant pretia
 quorumlibet maximorum grauissimorumque
 peccatorum: vt coram hominibus tam effrænis
 impudentia magis sit conspicua, quos non
 pudet omnibus in genere peccatoribus pro
 Deo Presbyterum substituere: excommunicatis
 verò, pro Ecclesia, Pœnitentiarium.

Quarto,

Quartò, quò nonnihil huius persolutionis apprehensionem subleuarent quam ad satisfactionem per Iesum Christum præstitam adiici volunt: abusi peccatorum inæqualitate, primùm falsissimam & perniciosissimam peccatorum distinctionem commenti sunt. Nam alia quidem esse venialia, dicunt digna condemnatione, sed leuis alicuius pœnæ temporariæ, quæ non propriè Iesu Christi sanguine, sed quibusdam aculeis & morsu conscientiæ, & detestandæ & abominandæ aquæ suæ lustralis asperzione deleantur. Alia verò mortalia, id est æterna damnatione digna, quibus vt satisfiat, accipite, quam nobis isti monetam cuderint, in qua primus nummus est morsus conscientiæ, & ægritudo illa quam specioso nomine & proprio vocant Contritionem, sed quam deinceps adulterant falsa imagine, quum meritoriam & satisfactoriam apud Deum faciant, cum Iesu Christi sanguine tamen coniunctam, vt hæc omnia suum pondus habeant.

Alter nummus est auricularis apud Presbyterum Confessio, & quidem omnium sigillatim peccatorum, omnium se absolui cupientium, qua nulla maior conscientiæ carnificina excogitari potest.

Tertius, Absolutio quam Presbyter ille pronūtiat: de qua deinceps agemus sigillatim.

Quatta, satisfactio: & quidem apud Deum pro peccatis cōfessis, de qua sumus etiam pluribus paulò post dicturi, hæc pauca si addide-

*Falsa dī-
stinctio pec-
catorum in
venialia &
mortalia.*

*Adulterina
moneta
qua Deo
satisfiat.*

rimus hoc loco, nempe verè à Deo bonos istos & egregios scilicet Pastores excæcatos esse, in eo saltem quòd contra omnem ordinem & rationem etiam doctrinæ suæ, Absolutio præcedit Satisfactionem pœnitentialem: vt causam dicere nequeât quin absolutiones omnes istiusmodi sint conditionales, ac proinde incertæ, & irritæ.

Ignis æternus inferorum mutatus in ignem purgatorij ad tempus.

Denique annon hac moneta satisfit, vt soluentes demum liberentur? Minimè Gentium. Nam qui alienis peccatis viuunt, vt de Leuitico Sacerdotio scriptura loquitur, Hosee 4. 8. nimia conficerentur macie, nisi miseras ouiculas attonderent, immo & excoriarent, quas etiam mortuas laniare non erubescunt. Alia itaque hoc ordienda tela. Nempe pro innumeris peccatis, quæ non recensita pœnas æternas mererentur, & ad obliuiscendam Absolutionem acceptam in hoc mundo à Presbytero, ecce quid (si fidem ipsis adhibemus) Dominus in gratiam peccatorum eorum animabus præstiterit: nimirum, ignem illum æternum qui nunquã extinguitur (quod fatemur) mutatũ in ignem aliũ, cuius minorem quidẽ faciũt ardorem quàm ignis inferorum, sed tantò ardentiorẽ igne naturali in his terris, quantum inter se differunt ignis iste naturalis, & ignis simulachrum: deinde, inquit, pœnæ æternæ, mutantur in has pœnas temporarias in hoc igne, quod Purgatorium dicunt, in quo miseras animas oportet torreri, donec à viuentibus sit ad vltimum quadrantem pro ipsis satisfactum.

factum. Nam merendi status simul cum hac vita desinit.

Sin quærat aliquis, vbi sit hoc Purgatorium hærent dubij, sed tamen ita nodum secât, vt de eo nō inquirēdū anxie dicât. Sin vltèrius quærat, quod sit vnique peccato mortali temporis spatium præfixum, non æqualis omnibus illius est æstimation, & in genere nō est etiam de illo curiosius inquirendum. Nihilominus tamen verisimilior æstimation est annorum mille, in quodlibet peccatum admissum aduersus vnumquodque decem mādatorum: deinde mille isti anni supputandi sunt ex ordine præcepti aduersus quod erit peccatum: ac proinde sola concupiscentia decimo decalogi præcepto condemnata, decem milliū annorum pœnam sustinebit, quod sit illud decimum Legis mandatum: idololatria verò tantum duorum millium, & ita deinceps. En, obsecro, eximiam Theologiam, & summam cōsolationem quam ex hac doctrina secum auferunt ex hoc mundo excedentes. Nescio verò, an omnes hodie istam æstimationem approbent, sed tamen nihil in medium adfero, quod non palàm à bonis ipsorum ministris publicè sit prædicatum. Et proculdubio talem ipsorū æstimationem esse necesse est, quā suas indulgentias in myriadum myriadas & ampliùs extendant.

Veruntamen ne fortè animæ miseræ desperant, & nihilominus ignis ille, quo feruet eorū olla, foueatur, ecce remedium in promptu.

Æstimatione temporis satisfactio- nis pro quolibet peccato in Purgatorio.

Supplementum discipulæ superius dicta salutatione.

Magnus enim ille Clauiger, primū (vt ex alieno corio lata secat lora, & suos suorūq; satellitū loculos egregiè farcit) ecce fundit generales Indulgentias & Remissiones generales absolutorias à Culpa & Pœna: ecce iubilæa & indulgentias istiusmodi priuatas: en etiam indulgentias ex cuiusque voto vanales: & istis adde peregrinationes: vota huius aut illius rei in pœnas temporarias, cuiusmodi sunt ieiunia & eleemosynæ: adde præterea missas & tot cultus pro defunctis: adde denique & præcipuè tamen sanctorum sanctarūque merita, quæ distribuuntur ex hoc Ecclesiæ thesauro ab eo qui clauium cœli penesse potestatem esse mentitur, & quidem auctoritatem Angelis imperandi: cuius rei fidem facito quondam missum exēplat ab illo Papa Leone decimo, & aliis deinceps ipso nihilo melioribus. Denique horum omnium finis est, bonorum istorū Sacrificulorū qui sic manus iniecerunt in sceptra & coronas Regum, vita lautissima, postquam miseras animas suis somniis depastas in locum illum torrendas præcipientes dederūt, & viuos gementes, & his vētribus affatim omnia suppeditantes, cantionibus pascunt ac demulcent.

*Potestas v-
nius Dei
propria in-
communicabiliter, ad
presbyteros
& quidem
falsos trans-
lata.*

Verū quòd absolutionem presbyteri hic in Purgatorium ingressus præcedat, huic etiā oportuit aliquid subterni fundamentum hāc nimirum historiam, qua nititur sacramentum quod fingunt pœnitentiæ, quòd ad absolutionem & satisfactionem pœnitentialem. Et quidem

dem ita se hîc gesserunt, vt primû, sicuti superius explicauimus, suo illi Sacramento ordinû suæ hierarchiæ applicuerint hanc actionē Sacramentalem, quam ostendimus fuisse propriā & specialem Apostolatus, non minus quàm missionem Spiritus die Pentecostes: deinde vt sic abusi sint iis quæ hoc loco de sacrosancti puri verbi Dei ministerij auctoritate, de Sacramentorum administratione, & de iurisdictione Ecclesiastica dicuntur, vt transformarint in potestatem absolutam, quæ in presbyteros, quos voluerint, conferatur, non ad declarandam sententiā in cœlis latam & dictatam ex verbi Diuini regula & præscripto, & secundum pœnitentis fidem: sed suo arbitrio constitutam, vt pro voluntate sua claudant & aperiant, absoluant & condemnent, certa verborum formula lingua peregrina & ignota. Atque hæc omnia quis non vider coniuncta esse cum horrêda deprauatione & abolitione meriti Domini & veræ resipiscentiæ, siue illius causas consideres siue etiam effecta? Sed qui cumulus est abominationis, attēdite, quæso, quas satisfactiones pœnitentiales illi vocent. Nēpe repetitas quasdā precatiunculas, quibus Pater noster aut Ave Maria occinitur coram idolo quopiam, aut certa quædam ieiunia, vota, aut meritorias peregrinationes. Et, vt huic abominationi nihil desit, priuatas quasdam Missas præscribunt submissas vel altas, sæpius in Patris istius Confessoris commodum: ro- quidem profecto (quod sine horrore dicere nō

possum) abnegationes & abolitiones oblationis semel factæ realiter & personaliter à Iesu Christo in cruce in vitam æternam & omnium credentium salutem, quot isti fingunt oblationes corporis & sanguinis essentialis Iesu Christi Deo Patri, actuales & reales, pro viventium & mortuorum redemptione.

Conclusio

est ac tantum abominatum.

Quid verò nos ad hæc tandem dicturi sumus? Deus Optime Maxime, Pater, Fili, & Spiritus Sancte, gratias immortales agimus tibi pro tanto tuo beneficio, quòd mētes nostras illustrare dignatus sis ad istas abominationes cognoscēdas, & in cordibus formare studiū illas detestandi: ac supplices abs te petimus vt pro fœdis illis abominationibus tuā veritatē magis magisque nostris in mentibus insculpas, vt in ea vivamus & moriamur, & quū nostro sæculo veluti cœlitus eam iterum in terras demiseris, in tenebris adhuc versantes eadē tua gratia digneris illuminare, dissipatis ipsorum tenebris. Miseram tuam veram Ecclesiam & intus & foris ab erroris spiritu protege: nec iratus respice quid hominū merceatur animus ingratus, tantam tuam lucem respuentium & in cœlū illā relegantiū, sed Sancti tui nominis cognitionē in illis adauge, & insuper illos vera fide & resipiscētia imbue. Peccatorum nostrorum obliuiscere, sanctarūque tuarū promissionū memor, quos honore sancti tui ministerij dignatas es cum lato vera sapientia, zelo, discretionē, & aliis istiusmodi donis necessariis ad tuæ domus instaurationem: hostiū tuorum

tuorum qui tum in Oriente tum in Occidente sedent regnum ac solium euertere: tuorum electorum numerum imple, tibi que quicquid contrarium est destruens, citò veni Domine, tuis hostibus sub pedes tuos substratis os occlusurus, tuisque fidelibus seruis, à quibus in æternum lauderis, aperturus. Amen.



HOMILIA DECIMASEPTIMA.

Iohan. 20.

24. *Thomas autem unus ex duodecim, qui dicitur Didymus, non erat cum eis, quando venerat Iesus.*

25. *Dixerunt igitur ei alij discipuli, Vidimus Dominum. Ille vero dixit eis, Nisi videro in manibus eius vestigium clauorum, & immiserò digitum meum in vestigium clauorum, & immiserò manum meam in latus eius, nequaquam credam.*

26. *Octo ergo post diebus rursum erant discipuli eius intus, & Thomas cum eis: venit Iesus foribus clausis, & stetit in medio [ipsorum] & dixit, Pax vobis.*

27. *Deinde dixit Thomas, Infer digitum tuum huc, & vide manus meas, & profer manum tuam, & immitte in latus meum, & ne esto incredulus, sed credens.*

28. *Respondit autem Thomas, & dixit ei, Domine mi, & Deus mi.*

29. *Dicit ei Iesus, Quia vidisti me, Thomas, cre-*

didisti: beati qui non viderunt & crediderunt.

*Sūma vsus
præcipui
ex præcedē
tibus mani
festationi-
bus referen
di.*



ACTENVS audiuius quanta
quàmque stupēda fuerit omniū
Iesu Christi discipulorum incre-
dulitas, vt qui tā immemores fue-
rint eorum quæ toties Dominus
illos multò antè de sua tertio die resurrectione
futura præmonuerat, vt vix quæ oculis suis vi-
debant persuaderēt. Audiuius etiā, quomo-
do Dominus hanc ipsorum indignitatem im-
mensa & solita sua misericordia ac bonitate
superans, suarum promissionum memor, vi-
uus ipsis coram ipse apparuerit, variis locis,
tēporibus, variòque his vel illis habitu & for-
ma, vt qui hos testes essent deinceps audituri
loquentes, tantò facilius agnoscerent minimè
fuisse testes adornatos, nec vllum dolum aut
fraudem subelle. Præterea sunt ab eo gesta hæc
omnia die ipso quo resurrexit, ne nimium diu
suspensos teneret eos qui se abiici prorsus me-
ruerant: & vt impleret quod prædixerat ipsis,
Iohan. 16. 16. fore nimirum vt paulisper eum
non viderent, & rursus paulò post reciperēt.

*Thomæ in-
excusabile
peccatum
sanctò cer-
tius est te-
stimoniū tā
resurrectio-
nis Domini
quàm infi-
ræ eiusdē
sapientiæ,
patientiæ
& bonita-*

At quæ nobis explicanda iā historia super-
est, insignem inter reliquas omnes præcedētes
& subsequētes apparitionem cōtinet, quum
hic agatur de quodā ex eius domesticis discipu-
lis, qui nō infirmitate lapsus est vt cæteri, dum
hærent dubij: sed qui Mariæ Magdalene testi-
monium aliarumque mulierum, Petri & duo-
rum illorum discipulorum respuit: immo de-
cem aliorum discipulorum affirmationem, as-
seueran-

seueratium se Domini pedes ad manus vidisse, non tantum igitur hic crassam & inexcusabilem incredulitatem aspiciamus, sed pertinaciam mirum in modum obfirmatam, cum quadam arrogantia coniunctam, quasi condiscipuli somniarent aut nimis hebetes essent. Quibus omnibus accedit obstiduum totum, quo pertinax iste potuit rem totam pensitare, sed sibi tamen similis remansit. Actandem non omittenda indigna discipulo immodestia, vel petulantia, quod Domino & Magistro suo legem audeat prescribere. Ecquis autem hic est tot errorum reus? Nempe vnus ex duodecim illis Domini familiaribus & domesticis discipulis, quem etiam oportuerat apprimè recordari quid illi nominatim Dominus respondisset, Iohā. 14. 5. & 6. Quis hic igitur meritò non miretur tantam Filij Dei patientiam, qui tot crimina discipuli sui tam leniter tolerarit? quis immensam bonitatem, qui tantum bonum tot malis rependerit? quis incomprehensibilem sapientiam, quod ex tam crassis erroribus discipuli cœperit occasione Ecclesiam suam certiore faciendi de sua resurrectione usque in seculorum consummationem, testimoniis longè adhuc expressioribus quam superiora fuerint? & huc spectasse videtur Iohannes dilectus ille Domini discipulus, quum co Apostolorum omnium nomine loquens dicit. I. Iohan. I. I. se annuntiare sermonem vitæ, quod, inquit, audiuius, quod vidimus oculis nostris, & manus nostræ contractarunt de sermone vitæ nuntiamus.

*Usus huius
exempli in
ordinario
verbi Dei
ministerium.*

Hinc igitur imitari Domini exemplum discamus in reuocandis in viam iis qui extra viam aberrarunt, sicut Apostolus admonet. 2. Tim. 2.25. & 25. Vicissim autem qui parem lenitatē experiūtur, parem etiam agant pœnitentiā quā hīc tam incredulus & pertinax tam repente mutatus egit.

*Conciliatio
huius loci
de Thomæ
absentia
cum loco
Lucæ 24.31.*

Cæterum priusquā ad contextus expositionem accedamus, duæ hīc nobis occurrunt excutiendæ difficultates: prior, quānam hæc Thomæ absentia conciliari possit cū eo quod est apud Lucam, Luc. 24.33. vbi dicuntur duo illi discipuli, quibus Dominus apparuerat in via, abrupto itinere, Hierosolimam subito reuersi inuenisse vndecim discipulos, in vnum cum aliis coactos: quibus quoniam à se visa & audita narrarent, Dominus ipse repente superuenit, & stetit in medio ipsorum. Quidam igitur existimant Thomam tum quidem fuisse cum aliis præsentem, sed duobus illis discipulis quid in itinere sibi contigisset narrantibus ex indignatione, quod illa fabulosa esse putaret, egressum fuisse. At quom eius rei nullam historia mentionem faciat, nec sit verisimilis, simplicius ac verius responderetur, à morte Domini vsque ad electionem Matthiæ, qui duodecimus in locum Iudæ surrogatus est. Act. 1. 26. hunc cœtum, ad quem plerunque reliqui omnes discipuli conueniebant Hierosolymis, vt sese mutuò consolarentur, vocatum fuisse, cœtum vndecim discipulorum, licet non omnes illi cœtui semper interessent.

Alteræ

Altera difficultas cōsistit in eo, quòd in hac manifestatione Dominus expressè Apostolum instituerat, etiam discipulis dato Spiritus sancti dono speciali cum sacramento particali & speciali, quo gratia illa repræsentaretur: vnde videri possit Thomam, qui tūc abfuerit, in Apostolorum numero minimè recipiendum. Ac sanè verum illud esset si tum impleta fuisset Apostolorum missio: sed contrarium est conspicuum, tum ex ascensionis historia (in qua hæc ordinatio expressius notatur) tum maximè ex iis quæ die Pētecostes tam solenniter facta sunt, ex quo propriè duodecim illi Apostoli ceperunt munus suum exequi: quum disertè dicat Euangelista tunc temporis illos duodecim in vno & eodem loco fuisse coactos.

Hic verò quidā inquirunt curiosi in causam absentiae Thomæ: quorum alij dicere audent si sunt Thomam iam inde à captura Domini fugisse lōgius aliis, quibus se tum demum adiunxerit quum discipulos à sua resurrectione Dominus esset alloquutus. Sed vt curiosa quæstio, falsa etiam & calumniosa responsio est. Et in has angustias redigi solent curiosi, quos etiam plerumque contingit hac ratione prophanos fieri. Itaque fit mihi verisimile huic discipulo sua quædam fuisse priuata negotia, quibus impeditus illi cœtui tum nō interfuerit, vt minimè necesse sit, & contra regulam charitatis. 1. Cor. 13 5. suspicari voluisse ipsam socios deserere, quantumlibet esset in-

*Responsio
ad eos qui
Thomæ
Apostolum
tum in du-
bium, reuo-
cant.*

*Quæstio cu-
riosa de cau-
sa absentiae
Thomæ.*

credulus: & nonnihil indignationis ostendisset in verbis illis quæ ad cōdiscipulos habuerat, Iohā. 11. 16. quum ægrè Dominum Bethaniam sequutus, dixerat, Eamus & nos, ut cum ipso moriamur. Nec enim hoc animo affectus, eum ampliùs fuisset cum reliquis sequutus.

*Exemplum
in Thoma nō
facile negli-
gendos sa-
eros cœtus.*

Verum ex hoc exemplo discendum nobis, quantum peccet qui sæpissimè sacris cœtibus ob rem leuissimam sese priuant, quum potiùs in memoriam sit renocanda illa tam pretiosa Domini sententia, omni exceptione maior, Quærite primùm regnū Dei: & cætera omnia vobis adiicientur. Matth. 6. 33. Atque utinam Deus singulis nostrum concedat hanc gratiam, ut attentè meditemur ac perpendamus quæ in epuli parabola, Luc. 14. 18. dicuntur ab inuitatis interesse recusantibus, quum potiùs Deo nos vocanti protinus sit parendum: quandoquidem istud est certissimum & experientia comprobatum, semel sponte neglectæ cōcionis, alterius, & tertæ contemptum sequi, tandemque tam procul à via recedentes, vix in illam posse regredi: & sanè nimium frequentia & ordinaria sunt eorum exempla qui præcipientes in hac pericula feruntur.

Tot erratorum Thoma origo, fortissimis exemplis esse debet.

Thomam igitur memorat historia nō modò professum esse, tot testibus & testimoniis tam certis & indubitatīs fidem se nō adhibere, sed præterea mansurum in hac opinione, donec oculis suis contrarium doceretur. Quid amplius? Parū fidens oculis propriis, vult non tantum

tantum manus & pedes tangere, sed notas clauorum in illis inspicere, quasi parum attentè condiscipuli ista cōsiderassent. Quid ampliùs? Etiam vult digitos in lateris vulnus immittere. Hæ verò circumstantiæ distinctè considerari debent, vt hoc exemplo discamus quousque sese dent præcipientes qui sibi sapientissimi & fortissimi videntur dum sibi placent in defectibus: quod Petro contigisse videmus, qui à simplici negatione tandem in execrationem lapsus est. Quem sanè minimè dubium est tam profundè fuisse se immerfurum vt nunquam emergeret, nisi Dominus oculis clemētiæ suæ esset illū intuitus. Vnde verò tot errores Thomæ profluxerūt? Nempe, dum totus à sensibus pēderet, quos suæ fidei fundamētū iterit, plurimum etiam sibi arrogabat: quæ duo vitia sunt maximæ hominum pestes, & secum alia infinita trahunt, tandēque multa quoque mala pariunt: cuius rei fidem faciunt maxima pars hæresæ, quarum huiusmodi ingenia in Ecclesiā omnibus sæculis fuerūt feracissima. Absit tamen propterea, licet fides nostra nitatur sola Dei Omnipotentia & veritate, non tantum nostros sensus & captum infinitis partibus superante, sed etiam omnem Angelorū intelligentiam, vt negemus tam intelligentiā nostram, tum sensus ipsos posse ac debere fidei nostræ inservire, tum in alium in nobis ipsis, quum fides nostra obiectum habet rem aliquam naturalem. Exempli gratia: quum de Domini nostri corporis veritate agitur, Diuus

Iohannes. i. Iohan. i. i. asserit se illum auribus
 audiuisse, & oculis vidisse, ac propriis mani-
 bus attigisse. Et hoc eodē argumēto Dominus
 suos de sua resurrectione facit ceriores. Luc.
 24. 39. ac Thomas grauiter lapsus est disci-
 pulorum narrationi fide non adhibita, vt nō
 in eo quidem simpliciter peccarit quōd ocu-
 lis suis optauit de resurrectionis veritate con-
 firmari, sed quōd noluerit aliter credere quā
 oculis suis intuitus, atque adeō clauorum etiā
 signum intueri voluerit, & ipsos digitos in la-
 tus immisos testes adhibere. Oculorum igitur
 iudicium, etsi est à sensibus, minimè tamē
 fuit in hoc articulo fidei reiiciendum. Sed quā
 tam fideles testes visa & audita narrarēt, Tho-
 mæ incredulitas nullo modo potest excusare.
 Atque adeō si huic historiæ fidem hodie recu-
 saremus adhibere, tōtque aliis in sacris com-
 prehensis, quarum fidem faciūt Prophetarum
 & Apostolorum scripta, proculdubio eiusdē
 cum Thoma erroris rei tenemur.

*Non imita-
 mur incre-
 dulum Tho-
 mam quum
 petimus à
 Transsubstā-
 tiatoribus
 & Confub-
 stantiatori-
 bus, vt ocu-
 lis nostris
 & manibus
 subiiciant
 Iesu Christi
 corpus sū suā
 doctrinam*

At quum hodie res est nobis cū iis qui per-
 suadere nituntur, verum Iesu Christi corpus
 essentiale esse actualiter in tot hostiis quot cō-
 sectarint, vt Transsubstantiatores loquuntur,
 aut cū pane & vino sacrosanctæ Domini Cœ-
 næ, vt loquuntur cum Consubstantiatoribus
 Ubiquitarij, nullam iniuriam ipsis facimus,
 nec fidem nostrā sensibus nostris subiicimus,
 etsi à sensuum veritate petimus aduersus eos
 argumenta. Nec enim de resurrectione cōtro-
 uertitur, quam agnoscimus & fatemur, licet
 oculis

oculis nostris Iesum Christum non simus intuiti: nec de veritate corporis ipsius, quam etiam credimus ex narratione quã audiui-
mus, conceptionis ipsius, natiuitatis, vite, mortis & resurrectionis, vt nullum aliud testimonium quàm quod Euangelistæ ferunt peramus: at quum de fidei articulo quem ipsi præsupponunt agatur, sed pugnante cum articulis veritatis, naturalis corporis Iesu Christi, quantumuis glorificati, & similiter Ascensioni & Reditui eiusdem ultimo die, non absurdum est quum iubemus eos oculis nostris exhibere corpus illud essentiale, quod aiunt, actualiter esse præses, aut in Missa, aut in sacrosancta Cœna, prius quàm nobis ita esse persuaderi patiamur, quandoquidem ipsemet Iesus Christus post resurrectionem, vsus est ad suæ præsentia testimonium & fidem argumento ducto ab eo quòd erat visibilis & palpabilis: argumento planè sophistico futuro, si corpus esse potest verum corpus non visibile nec palpabile. Atque hæc obiter hic dicta sunt, vt eorum ostendamus imperitiam & ineptias à quibus eiusdem incredulitatis atque Thomas arguimur.

Porro quòd ad vulnere illorum stigmata attinet, quum sit dilucidum, tam ex iis quæ superiore historia recitata sunt, tum ex iis quæ deinceps Thomæ Dominus est dicturus, verè illum à resurrectione stigmata illa in suscitato corpore retinuisse, non video equidem hoc loco nos vlla vrgeri necessitate, qua sit confu-

à nobis volun recipi.

Quid sit verè similiter nobis credẽ dũ de Domini nostri Iesu Christi stigmatibus eius corpori post resurrectionem in-

giendum ad aliquam extraordinariam dispensationem, quemadmodum quum edit ac bibit vnà cum discipulis à resurrectione, aut absurdum esse (saluo ramen aliorum iudicio, quum hic non agiteretur quæstio de articulis fidei fundamentalibus) dicere cicatrices illas quæ totidem sunt impressa testimonia victoriæ quam de suis omnibus & nostris hostibus reportauit, non modò nullam deformitatem attulisse corpori Domini glorioso, sed in illo fuisse glorificatas modo & gloriâ nobis ineffabili, immo & Angelis ipsis, quem admodum & reliquam ipsius corpus, quum frustra no dicatur, quod noster Euangelista desumpsit ex Zacharia cap. 12. 10. & ad lateris Domini perfessionē transtulit, fore vt vltimo die videant eum à quibus perforatus est: licet ea perfossio cuius meminit Propheta & conqueritur lôgè aliud quàm illius lanceæ vulnus aspiciat, nempe linguarum blasphemarum aculeos, quibus in cruce pendentem Dominum lancinarunt.

*Horrenda
inter ceteras
blasphemia.*

Quid hic verò de abominâdis & plus quàm detestandis istis hominibus dicturus sum, qui non erubescunt inter suas blasphemias, Domini vulnera exprimere, vulnera, inquam, Domini, ex quibus pretiosus ille Domini sanguis profluxit, quo solo peccata nostra delentur! O ora virulenta! ô impuras linguas! vsque adeò-ne bonum ac patientem esse Dominum vt ista vobis condonet? Sed progrediamur, nam hæc animus meminisse horret, quæ nemo qui verum Christianismi sensum

sum ac gustū habet audire sine horrore potest. Vos verò Magistratus, ad quos tantorum criminum notitia venit, nisi pœnas exigatis flagitiis illis condignas, mementote tamen Deum memorem futurum, ac vobis summum exitium imminere. Moneo, hortor, corā Deo obtestor.

Eia igitur, fratres, ut textum nostram repetamus, spiritualiter & religiosè faciamus, quæ hic Thomas tā absurdè, tāq; irreuerenter dixit. Hæc, inquam, Domini vulnera dies ac noctes meditemur, quæ peccata nostra Iesu Christo magis ac verius inflixerunt & impresserunt quàm ipsorum carnificum manus à quibus cruci affixus est, & quorum liuore sanati sumus Esa. 53. 4. & 5. ut oculis ea fidei intueamur tanquam adhuc stillantia nostræ redemptionis sanguinem: & nominatim latus illud perfossū, è quo tanquam vero vitæ fonte sanguis ille propitiationis, & aqua illa nostri laci defluerunt: minimè quidem digitum in illud immissuri, aut manum, sed nos totos immerfuri, tum anima tum corpore, quo toti aspergamur, perfundamur, & imbuamur intrinsecus, ut Patri gratiæ & misericordiæ grati simus, coram cuius tribunali nemo potest hoc sanguine non aspersus gratiam consequi. i. Petri. i. 2. Sic, inquam, hæc vulnera sunt consideranda & meditanda, non autem ad cruce lignas aut lapideas idolomaniā exercendo, collatis in Cruces honoribus qui soli crucifixi debentur.

*Spiritualis
& religiosa
consideratio
vulnerum
Domini nostri
Iesu Christi Tho-
ma facta op-
posita. &
supersticio-
sis crucifixo-
rum idolo-
latriæ.*

*Oppositio
maximorū
& indignis
simorum er-
ratorū Tho-
mæ & cle-
mentia ac
benignitatis
Domini tan-
tò magis ad-
miranda,*

Et hæcenus quidem esto dictum de Tho-
ma procul aberrante à recta via, iam superest
ut quanta gratia Dominus sit illum dignatus
consideremus. Primum igitur octiduum inte-
realapsum fuisse dicitur, in quo diem primum
efficit ille dies quo Iesus Christus apparuerat,
& octauum is quo Thomam alloquutus est,
qua circumstantiâ Thomæ peccata graui-
ora sunt, & quæ contrà bonitatem & clemen-
tiâ misericordis magnopere commenaât, sicuti
iam superius docuimus, ut illa repeti non o-
pus sit. Itaque nostra historia memorat Iesum
Christum iterum in medio discipulorum ste-
tisse, prorsus inexpectatum, quum ingressus
esset ianuis clausis: & eandem quam antea fe-
cerat, salutem ipsis dixisse: quo facto sic affe-
ctus est is qui reus incredulitatis peragebatur,
ut sponte culpam agnouerit, reipsa conui-
ctus. Nam quum Iesum Christum hoc modo
conspiceret ingressum, qui tamen, ut docui-
mus in historia superiore, nihil detrahebat de
vera essentia & natura veri corporis, sed erat
ipsius Deitatis testimonium euidentissimum:
& ex Domini nostri Iesu Christi sermone co-
gnosceret ipsum licet corpore absentem, ta-
men, ut verū Deum & *καρδιον πρῶτον*, ipsissima
Thomæ verba scire, minimè dubium est, quin
Dominus etiam illi cum culpæ agnitione in
animum immiserit remedium, nempe agni-
tionem veram Domini, qua primum reipsa
verum esse Deum agnosceret: (ac longè qui-
dem melius quàm quum Petrus omnium no-
mine

mine respondit, Matth. 16. 16. aut quàm illi duo quos in via Dominus offenderat, Luc. 24. 19.) deinde verè suscitatum hominem, quem priùs in mortuorum numero tenebat.

His nobis igitur semper agnoscendum, primùm quod ait Apostolus, nos naturâ nostrâ non esse idoneos ad cogitandum de rebus Diuinis quibus nostræ salutis arcana continetur 2. Cor. 3. 5. Deinde quantus sit, etiam diligentissimorum, stupor, quum in nobis operari Deus incipit: tum, quàm sit necessarius, præsertim verbi Dei ministris, spiritus discretionis ad deuios in rectam viam reducidos, cuius exemplum singulare nobis proponitur 2. Samuel. 12. 2. et si propter circumstantiarum infinitam varietatem certæ quædam regulæ tradi non possint quæ omni tempori, loco & personis conueniant.

*Triplex ad
monitio no-
bis ex his
peccatis
colligenda.*

Verùm miretur forsan aliquis, Dominum permittere discipulo, immo & inuitare ad id quod per incredulitatem & pertinaciam optauerat. Sed facilis responsio, non per se vitiosum & damnandum desiderium tangendi palpanðque Dominum (Nam si hoc esset, non prius Dominus vltro suos discipulos ad se tangendum & palpandum inuitasset Luc. 24. 39.) sed in incredulitate fuisse vitium, quam sanaturus Dominus, eò vsque sese dimittit, vt etiã eius quod petierat, illi potestatem faciat, & compellet eum istis verbis, Miser incredule, vide quò me demittam, ne ampliùs dubita de mea resurrectione, en me ipsum, en idem

*Quamodo
& cur Iesus
Christus
Thomam
inuitarit ad
id faciendũ
quod illi
incredulitas
& pertinacia
dictauerat.*

quod ante fuit corpus: Igitur attentè me cōsidera, & digito ipso lateris mei vulnus diiudica, ne per hoc stet quominus in credentiū numero censearis. Ac proculdubio, licet nimis pendendum sit homines in dubium vocare veritatem eorum quæ Deus ipse pronuntiauit, tamen quanta lenitate & patientia Deum quotidie tolerare opus est eorum qui vel firmissimam fidem habere videtur infirmitatem: vnde saepe factum legimus in vetere historia vt Dominus sese accommodarit signum aliquod postulāribus promissionum ipsius testimonium, vt Gedeoni Iud. 6. 17. & 36. atque adeò Regi Achazo succensuerit nullum signū flagitanti, Esa. 7. 11. quemadmodum contrā dare signa flagitanti nationi quam dicit adulteram & notham recusauit: quæ dissimilitudo non debet esse noua cuiuspiam. Nam Dominus qui cordium scrutator est, operatur hac in parte prout expedire nouit, in iudicium aut misericordiam, erga eos quibuscum illi negotium est.

Verisimilius est Thomam conspecto Domino confusum fuisse & exclamentū eius vulnere non attigisse.

Hic verò queri potest, an Thomas tum præsentia tum verbis Domini conuictus tamen perrexerit, digitum in lateris vulnus, vt inuitabatur, immittere. Aio nullam horum in textu fieri mentionem, deinde Dominū deinceps illi suam incredulitatem exprobantem, quòd credere noluiſſet ipsum redemptorem nisi ipsemet oculis intuitus, esset nullam facere tactus istius mentionem: vt, meo quidem iudicio, sit verisimilius, Thomam in se confusum & cul-

& culpam agnoscentem, statim exclamasse & veniam deprecatum esse, potius quàm in proposito perrexisse, quod summæ fuisset pertinaciæ testimonium, licet ad id inuitare videretur eum Dominus, non id eum sanè facere iubens, sed potius pudore mouendo suffundens. Verùm enimvero quicquid acciderit, hoc exemplo docemur in quæ præcipitia ferantur, qui sibi nimium indulgent, & quid de sensu nostro naturali possimus expectare, nisi à Spiritu sancto meliùs erudiatur.

Sequitur apud historiam, Thomam ex tam profundo veterno suscitatum exclamasse, vocésque abruptas edidisse, quibus quo effectulo loquutus sit, exprimitur, ac proinde variè quoque suppleri solent. Nam quidam has voces interpretantur, vt exclamationem indefinitam, quæ non in Iesum Christum propriè, sed in Deum in genere feratur, quod ferè contingit repentino casu quopiam deprehensis. Verùm hæc expositio manifesta est huius textus deprauatio, ab Arrianis rectum sensum locorum, quibus Iesu Christi Deitas probatur peruertentibus excogitata. Manifestum igitur est de Christo propriè Thomam hæc dixisse, seu voces has interpretemur quasi dixerit, Tu es Dominus meus & Deus meus: siue, O mi Domine, & mi Deus, quam phrasin expressit Græco sermone Apostolus. Thomas igitur Dominum suum agnouit non, minùs verum hominem à resurrectione quàm ante, quum Dominum vocat eodem nomine quo solebāt

Exclamatio Thomæ paucis complectitur quicquid nobis credendum est tam de duabus in Christo naturis, quàm de unitate personæ & officio Iesu Christi aduersas quoslibet hæreticos.

cum ante mortem appellare & non aliò. Ioh. 13.13. At longè deinde ulterius progressus est, tanquam verum Deum adorans: ut vno momēto Spiritus sanctus in hoc viro mirabili efficaciam sit operatus, quem de incredulo & tā insulsa sentiēte de Iesu Christo, quem nō aliō quā mortui hominis habebat, tam eximium & peritum reddidit Theologum, ut tota nostræ salutis summa in tres articulos hic redigatur, quatuor istis vocibus comprehensos. Vox enim illa *Domini*, Iesum Christū non tantū designat & agnoscit verū hominem, sed etiam officij ipsius respectu verum illum promissum Messiam cui Pater dedit omnem potestatem in cœlo & terra, & in suos electos in primis, quorum ipse sit caput, etiam secundum suam carnem: & hæc quidem Thomas sæpius audierat à Domino suo, sed nondū hætenus animo perceperat, Iohan. 5.27. Ne verò videatur idololatra, talem Dominum agnoscens, assurgit ad eius Deitatem, cuius præter tot testimonia quæ prius non animaduverterat, duo certissima ipsi occurrebāt indicia. Prius quòd ianuis clausis esset ingressus. Alterum, quod suscitatum ac rediuiuum videret propria virtute, quod facturum ipsum alias ex eo sæpius audierat. Iohann. 10.18. quæ potentia propria est & incommunicabilis vnus veri æterni Dei Iehouæ. Rom. 1.4. Itaque in his pauculis vocibus iam habemus quid nobis credendum sit, tum de duabus naturis in vnica persona coniunctis, tum de officio Mediatoris & Seruatoris in

ris in vitam æternam. Modus superest quo tā-
 ti boni fiamus participes, quem iterata vox il-
 la, *Mens* nobis indicat: nempe tantum eorum
 esse proprium, qui vera & viua fide ipso ap-
 prehenso, sicut ipse virtute sancti sui Spiritus
 se ipsis adiungit, soli possunt cum fiducia cla-
 mare, Abba, Pater. Galat. 4.6. in hoc Filio
 qui non solum est Dominus, sed eorum Do-
 minus: ac nō solum Deus, sed ipsorum Deus:
 qualem beatitatem Propheta prædicat, Psal.
 33.12. Beata gens cui Iehoua Deus eius: popu-
 lus quem elegit in hæreditatem sibi. Hæc ita-
 que breuis & dilucida confessio tanquam ful-
 mine capita percutit omnium hæreticorum,
 aberrantium ab illa fide & confessione, quæ
 personā & officium Filij Dei solius nostri Li-
 beratoris agnoscit & profitetur.

Iterum igitur aio, Dominum hic ratum ex-
 perientia fecisse tritum illud ac verissimum
 de Deo dictum. Exiguo momento multa Deū
 operari: vnde nostræ segnitiei & stuporis ni-
 mium frequentis merito pudere nos oportet,
 ac veluti stimulari & pudore suffundi. Verum
 tamē Thomam oportuit magno suo commo-
 do cēsurae alicui subiici, ne nimium efferretur,
 sicut conspicuum est ex Domini respōso, cui
 grata & accepta fuit hæc confessio, certiorē-
 que fecit discipulum illi eōvsque esse condo-
 natam culpam, vt de incredulo & æterna ma-
 ledictione digno, beatus factus sit, minimē
 quidem vlla tam subitæ mutationis vel con-
 fessionis merito, sed quoniam credidit, & h.

*Cur Chri-
 stus tanta
 benignitati
 admiscuerit
 quandam
 reprehensio-
 nem.*

fide suum Dominum & Deum amplexus est. Censuram autem adiicit Dominus, nimium in dubitando fuisse pertinacem, quem oportuerat credere, licet oculis propriis non fuisset illum intuitus: quādoquidem prater ceterorū, à quibus conspectus fuerat, testimonium, memoria ipsum oportuerat reperere quæ toties tum illi tum reliquis inculcauerat, de sua tertio die futura resurrectione: à quibus Domini verbis ipsum & alios prorsus pendere decuerat. Et hanc quidem censuram & paternam reprehensionem verisimile est non in vnus tantum Thomæ gratiam additam à Domino fuisse, sed ceteros etiam discipulos in illius partem venire voluisse.

*Iesu Christi
fili humani
sas est verè
naturalis,
cum omni-
bus eius pro-
prietatibus
essēcialibus:
sed tam frū-
ctus qui ad
nos inde re-
dit, quā mo-
dus eum per-
cipiendi est
omnino spi-
ritualis.*

Quæ deinceps sequuntur admodum necessaria doctrinam continent, quibus docemur nostræ salutis mysterium ita niti hac vera humanitate Iesu Christi, in qua peccata nostra tulit supra lignum, & cuius oblatione reconciliamur: vt tamen omnis fructus quem ex ea percipimus sit spiritualis & cœlestis, ac modus etiam per quem fimus illius participes. Nam hac redemptione deducimur in cœlum, & ad felicitatem illam spiritualem & æternam solis Dei filiis promissam tum corpore tum anima possidendam. Modus autem quo ad eam peruenitur, consistit quidem in verbi prædicatione externa quæ fit ore hominū, & in auditorum aures fertur, sicut reliquæ voces sensibus hominum explicandis, & fatendum est aduersus Phariseos illos Anabaptistas & Libertinos,

bertinos, & istius farinae homines minimè separandam esse Spiritus Dei virtutē ab hoc verbo externo, in iis in quibus ipsi visum est operari: licet etiam extraordinariè possit scientiā ac fidem quibusdam infundere, sicuti cum discipulis egit die Pentecostes, ac deinceps cum Paulo, & aliis quibus voluit: sed tamen Apostolicum illud stat immotum, nempe fidem, esse ex auditu, & auditum per prædicationem verbi Dei. Quoniam verò naturā cæcas habemus intellectus aures, quæque dicuntur nobis inutilia sunt nisi primum intelligantur, & in eius usum, cui dicuntur, cedant: ac neutrum fieri potest nisi sola Creatoris virtute, dantis nobis aures ad audiendum, & illuminantis oculos nostri intellectus, ac formantis in nobis per veram fidē applicationē huius Euangelij bene intellecti, Act. 16. 14. Ephes. 1. 18. sequitur totum hunc modum esse spiritualē, siue nos homines simplici verbo Euāgelij alloquātur, siue Sacramentorum accedat administratio: quorum exteriori administrationi, non minus quàm pronuntiationi verbi Euangelij quicūque vim ullam tribuunt virtutis illius spiritualis & vni Deo propriæ, à qua prorsus pendet, detestandæ idololatriæ & magiæ rei sunt. Itaque quò Dominus discipulorum suorum & reliquorum fidelium vsque ad secundum suum aduentum cogitationem auertat à præsentia corporis sui essentialis in terris (è quibus erat breui supra cœlos omnes ascensurus, quibus contineatur vsque ad vltimum diem,

Act. 3. 21.) docet eos qui licet suis oculis eū non viderint, crediderint tamen in ipsum, discipulorum, & in primis Thomę, incredulitatē non imitantes, fore beatos, & hac in parte maiore laude dignos quā qui nō crediderint in ipsum nisi oculis conspexerint, quod ipse Diuus Petrus agnouit. 1. Petr. 1. 8. Quem errorē discipulorum Iesus Christus vt emendaret diserte & maturē pręmonuerat discipulos expedire ipsis vt corpore ab ipsis abiret. Iohan. 16. 7. & Apostolus, minimē quidem negaturus aut trāsformaturus humanitatem Iesu Christi, sed vt raturum faceret quod dixi superius (nempe rectā eius cognitionem & apprehensionē spiritua-lem esse, nostrōsque sensus hac in parte nō esse instrumenta illius) dicit, etiam si Iesum Christum nouerimus secundum carnem (id est, visus sit & cognitus ad tempus vt sensibus vidētur & cognoscuntur homines) non tamē nouimus ampliūs secundum carnem, id est vlla sensuum apprehensione. 2. Corinth. 15. 16. Neque verō pugnant ista cum iis quę Iesus Christus dicit Luc. 10. 23. suos alloquutus discipulos, nempe beatos ipsorum oculos qui viderent quę videbāt. Iesus enim Christus his verbis comparisonem instituit suę manifestationis in carne, cum tempore Prophetarū, qui sub figuris tantū & vmbreis Legalibus eum erant intuiti & eminus conspicati, Hebr. 11. 13. Pręterea sic discipulos allocutus non simpliciter inhæret oculorum visioni sensuali, quę parum profuit exterius tantū illum conspi-

cientibus

cientibus, sed' gratiam coniungit qua Deus discipulos afficiebat, vt oculis exteriùs intuerentur ipsum, & interiùs eundem auditù nouissent oculis fidei, quibus datù erat eius verba percipere, sicut ipse loquitur. Luc. 8 10.

Iraque meritò possumus hic cæcitatem eorù deplorare, qui hanc Iesu Christi sententiã in mediũ adferunt, vt sese & alios in errore cõfirmet cõmentitiã illius realis præsentiã corporis essentialis Iesu Christi in terris, alij quidẽ in suis hostiis per Transsubstantiationem: alij in pane & vino sacrosanctæ Cœnæ per Consubstantiationem; atque hi, si Deo placet, incredulitatem eandem nobis cum Thoma exprobrant, nimium peruersè & impudenter nos calumniati. Nam; Dei gratia, nullus est in Christianorum symbolo fidei articulus quem non vt verissimum admittamus, et si nihil eorum quæ credimus in oculos vnquã incurrerit. Ac proinde meritò sumus in eorum numero confendi quos Iesus Christus beatos pronuntiat, vt qui crediderimus quod non vidimus. Verùm poscimus à Transsubstantiatoribus & Consubstantiatoribus vt doceant nos istis vocibus, Credendi quod non videris, hominibus licere quidlibet cõminisci, cui sit adhibenda fides tanquam vnicæ Dei veritati: aut priusquam incredulitatis nos condemnent, ostendant Iesum Christum præditum esse vero corpore, eoque tamen, quod neque in aspectũ cadere, neque manibus cõtrectari possit, aut vlla corporis dimensione circũscripsi,

E. j.

*Falsò hic lo-
cus adfertur
ad confir-
manda som-
nia Trans-
substantiato-
rum & Con-
substantia-
tionum.*

& in cœlos ascendere perinde esse atque ex
ex visibili factum esse inuisibilem: ac è cœlis
ultimo die reuerti, idem esse atque ex inuisibili
fieri visibilem: denique Iesum Christum habere
corpus non corpus: &, vt vno verbo dicā, pro
Christianis oportet nos in miseros illos Euty-
chianos transformari, qui confundunt pro-
prietates essentialis duarum naturarum: atque
adeo sensu communi priuatos, duas contradi-
ctorias simul & in eodem subiecto veras fa-
cientes: quod tā in vera Theologia, suis prin-
cipiis nixa, falsum est, quàm in communi ra-
tione, & omnibus humanis scientiis.

*Vfus genera-
lis totius su-
perioris hi-
storiae.*

Denique vt hanc historiam concludamus,
hinc quidem agnoscamus quàm sit misera no-
stra natura vel in ipsis regenitis: & quò vsque
prolabamur dum nobis ipsis indulgemus, vt
de incredulis pertinaces euadamus, nostræ-
que perditionis instrumenta, nisi miraculosè
pereuntibus Deus opem ferat. Inde verò con-
sideremus quàm magna sit & quàm infinita
patiētia & misericordia Dei nostri & veri Pa-
troris, oues aberrantes & se fugientes requirē-
tis, & nunquam nisi repertis, & in gregem re-
ductis quiescentis. Sed quò tantæ beneficentię
fiamus participes, supplices eum precemur,
vt eius simplici verbo fiamus dociles, liberè
peccata confitentis & bonitatem eius ma-
gnificè prædicantes & extollentes, ac denique
amplectamur vera viuāque fide hūc articulū
resurrectionis Domini, à qua nostra salus de-
pēdet, ac pleam tandem fruitionem corpo-
re &

re & anima, eorum quæ Deus nobis credendi
 sperandique gratiâ fecit expectemus. Amen.



HOMILIA DECIMA OCTAVA.

Ioh. 20.

30. *Multa verò alia signa edidit Iesus in disci-
 pulorum suorum conspectu, quæ non sunt scripta in
 hoc libro.*

31. *Hæc autem scripta sunt, ut credatis Iesum
 esse Christum Filium Dei, & ut credentes, vitam
 habeatis per nomen eius.*

Cap. 21.

1. *Postea patefecit se rursus Iesus discipulis
 ad mare Tiberiadis, patefecit autem sic.*

2. *Erant simul Simon Petrus & Thomas qui
 dicitur Didymus, & Nathanael qui erat ex Cara
 Galileæ, & filij Zebedæi, aliique ex discipulis eius
 duo.*

3. *Dicit eis Simon Petrus, A beo piscatum. Di-
 cunt ei, Inus & nos tecum, Profecti sunt, & ascen-
 derunt in nauigiū statim, & illa nocte nihil ceperunt.*

4. *Mane autem iam exorto stetit Iesus ad lit-
 tus: non tamen cognouerunt discipuli Iesum esse.*

5. *Dicit igitur eis Iesus, Pueri, nunquid obso-
 nij habetis? Responderunt ei, Non.*

6. *At ille dicit eis, Iacite rete in dexteram na-
 uigij partem, & inuenietis. Fecerunt ergo, & non
 amplius valebant illud trahere præ multitudine
 piscium.*

E. ij.

7. Dicit ergo discipulus ille quem diligebat Iesus, Petro, Dominus est. Simon ergo Petrus quum audisset Dominum esse, amiculum succinxit (erat enim nudus) & abiectus se in mare.

8. Alij vero discipuli nauigio venerunt (non enim longè aberant à terra, sed circiter cubitis ducentis) trahentes rete [plenum] piscium.

9. Vt autem descenderunt in terram, vident prunas positas, & piscem impositum, & panem.

10. Dicit eis Iesus, Adferre ex piscibus quos modò cæpistis.

11. Ascendit Simon Petrus, & traxit rete in terram plenum magnis piscibus, centum quinquaginta tribus : & quum tot essent non est fissum rete.

12. Dicit eis Iesus, Venite, prandete. Nullus autem discipulorum audebat eum interrogare, Tu quis es? quum scirent Dominum esse.

13. Venit ergo Iesus, & accepit panem, & dat eis, & piscem similiter.

14. Hac iam tertia vice patefecit sese Iesus discipulis suis, quum resurrexisset à mortuis.

Cur Domi-
nus toties
& tam ex-
pressè dome-
sticis suis
discipulis
apparuerit,



ACTENVS Euangelistæ nobis recitarūt quomodo Iesus Christus eodem suæ resurrectionis die, & iterū octiduo post, discipulis suis videndū & agnoscendum se præbuerit, tum vndecim illis præcipuè, tum præter eos aliquot aliis ex quo primo die vsque ad vltimum eius ascensum in cælos triginta octo interfluxerunt dies. Act. 1. 3. quorum spatio minimè dubitandum est quin sese multis

multis conspiciendum præbuerit, & variis locis, quemadmodum Apostolus testatur. I. Cor. 15. 5. 6. & 7. quæ apparitiones quum non sint sigillatim ab Euangelistis præscriptæ, quemadmodum superiores, & quæ proximè sequitur, noster Euangelista hic duos illos priores versiculos contextus quem explicandum legimus, interiecit, ut qui de aliis apparitionibus mentionem audirét fieri, quàm de iis quæ scriptis erant mandatæ, minimè putarent fuisse confictas. Sin quærat aliquis, cur igitur sequentem recitare, & quidem pluribus voluerit: aio propter quasdam insignes circumstantias factum id esse, quæ maximè propriæ fuerunt Apostolati, sicut deinceps visuri sumus. Adde fuisse tertiam, quæ si non omnibus illis duodecim, saltem eorum parti maximè contigit, ut quos oporteret maximè præ reliquis de Domini resurrectione certiores fieri, quam toti mundo patefacerent, & persuaderent, non tantum ex aliorum auditam narratione, sed cuius ipsi testes essent oculari.

Verisimile fit etiam apparitionem illâ, quæ sequenti capite continentur, fuisse velut ultimam, & ascensionis ipsius diei proximam: & interim Euangelistam ostendere voluisse nobis finem & usum omnium præcedentium manifestationum, quæ in vrbe Hierusalem contingerât, quarum hæc postrema fuit finis & clausula: atque etiam veluti conclusio totius historię eorum quæ Iesus Christus dixit & fecit in hoc mundo, in illū diem usque quò à nobis

E. iij.

*Cur hæc conclusio-
nem Evan-
gelistæ su-
perioribus manifesta-
tionibus sub-
iecerit.*

hinc in cœlos abiit. Et hoc quidem nominatim monitum volui, ad prophanorum quorundam hominum audaciam arguendâ, quos non puduit scribere hos duos versiculos in Euangelistæ contextum irreplisse, aut hoc loco transpositos, qui sub finem sequentis capituli melius inseri posse videantur.

*Quæ signa
coniuncta
fuerint à
Iesu Chri-
sto cum his
apparitioni-
bus.*

Vt autem ad nostri contextus expositionem reuertamur, Euangelista non dixit simpliciter Dominum alias multoties discipulis apparuisse, sed alia multa signa edidisse in discipulorum suorum conspectu: quod meo quidem iudicio, multi perperam exposuerunt, quasi Dominus, quum Thomam est alloquutus, tunc alia multa extraordinariè fecisset præter ingressum illum ianuis clausis, quodque Thomam sic alloquutus, ostenderat non opus esse sibi quopiam ex quo disceret, quid se absente homines dicerent, cogitarent, ac facerent, verum certè diuinitatis testimonium, quod noster Euangelista diligenter obseruauit, iam inde ab ipso tempore primi miraculi, Iohan. 2.24. fuisse animaduersum à Nathanaële. Iohan. 1.49. & 50. Hec igitur potius ad alias apparitiones, quæ, ut diximus, spatio dierum illorum triginta octo contigerunt, referenda sunt, & aliorum etiam quam vndecim discipulorum respectu. Phraus autem illa loquendi docemur Domino in illis suis apparitionibus non fuisse propositum simpliciter docere suam animam iterum hac resurrectione coaluisse cum hoc ipso corpore quod crucifixum & sepultum fuerat

fueraſt: ſed etiam monere diſcipulos minimè ſe reditum eſſe ruruſcum iſtiſ in terris victurum vt antea: ſed cœlorum poſſeſſionem accepturum, ibique vitam longè ab hac terreſtri diuerſam, cœleſtem nimirum & æternam victurum, licet in quadrageſimum uſque diẽ integram ac plenam eiꝯ poſſeſſionem reiecerit, & hoc iſtorum infirmitati conceſſerit, vt cum iſtiſ ederet ac biberet. Quamobrem cū hiſ apparitionibuſ ſemper addidit teſtimonia tam ſuæ Deitatis quàm nouarum qualitarum eiꝯ vitæ, cuiꝯ per reſurrexionem erat poſſeſſionem adeptuſ: veluti cū iſtiſ tam repẽtè apparuit, itidẽ que diſparuit: quum tenuit iſtorum oculos, vt ex facie non agnouerint, & cætera id genus, quæ noſter Euangelifta voce illa ſignorum designauit.

Quò referenda ſunt quæ noſter addit Euangelifta nempe fructuſ & uſuſ articuli reſurrexionis Domini ſatiſ comprobatæ, tam præcedentibuſ apparitionibuſ, quàm ea quæ ſequẽti capite deſcribitur: & tribuſ capitibuſ ea comprehendimus. Primum, vt Ieſum illum credamus eſſe Meſſiam & Chriſtũ promiſſam in Lege & Prophetiſ: quod verum non eſſet, niſi propter noſtras offenſaſ eſſet mortuꝯ, & ſuſcitatuſ propter iuſtificationẽ noſtri, Rom. 4.25. Alterum, eſſe iſpſum verum Dei Filium, & verum Deum, vt veruſ homo eſt, quod hæc hiſtoria clarè patefecit, præter ea quæ tota vita ſua dixerat & fecerat. Tertiũ horũ omniũ finẽ eſſe, vt reipſa ſoluſ ſit & agnoſcatur veruſ Ie-

*Summa fru-
ctus quem
ex reſurre-
xione colli-
gimus.*

sus, id est vnicus Seruator omnium in ipso cre-
dentium, & nullus alius, nec in totum, nec ex
parte.

Et horum quidem Euangelistæ verba satis,
perspicuam fidem faciunt, ac proinde vel so-
lus hic locus plurimum valet ad refellenda
quæcunque spiritus erroris potuit ac poterit
vnquam aduersus veram Deitatem dogmata
fingere, vel contra veram vnionem duarum
naturarum in vnica persona, vel contra offi-
cium huius vnici nostri Mediatoris aut Re-
demptoris: à quibus hæresibus vrinam Deus
nos vnà cum tota sua Ecclesia semper, hoc præ-
sertim corruptissimo seculo, defendat & as-
serat.

*Falsissima
& impu-
dentissima
applicatio
huius histo-
rie ad pri-
matum Ro-
manum.*

Accedamus ad sequentem historiam, cuius
partes duæ sunt, vna eorum quæ ante cibum,
altera eorum quæ post cibum contigerunt,
quarum vtramque noster Euangelista copio-
sè persecutus est habita ratione circumstantia-
rum omniũ, tum temporis, tum loci, tum per-
sonarũ, tum singulorũ dictorũ factorũque:
quorum omniũ idem est finis atque superio-
rum in genere: sed nominatim, quædam conti-
nēt propria & specialia duobus ex illo nume-
ro duodenorum discipulis, Petro & Iohanni,
dilecto discipulo, quod ex ipsa contextus se-
rie satis est cōspicuum: at non ex opinione fal-
sissima eorum qui sibi & aliis persuaferunt sua
somnia, putà Christum, quemadmodũ in prio-
re illa superiore apparitione, absente Thoma,
suos Apostolos instituerat, sic hac tertia ma-
nifesta-

nifestatione generalem & vniuersalem in terris vicarium ordinasse, qui suo nomine totam Ecclesiam regeret & administraret, perpetua successione, quorū primus Petrus electus sit, ex promissione Petro facta. Matth. 16. 18. cū illi clauēs Regni cælorum se daturū, suāque Ecclesiam super ipsum ædificaturum, pollicetur. O impudens mendacium! totique historiæ Euangelicæ & Actorum Apostolicorum tam contrarium, vt non indigeat vlla refutatione, nisi spiritus erroris vis & efficacia sic paulatim inualuisset, vt pederentim huic substrato fundamento sedem illā abominationis superstruxerit. Sed ista pluribus persequendi locus erit cōmodior, in huius historiæ parte secūda.

Vt dicamus igitur de priore parte, primū occurrit quædam difficultas, quam alibi iam attigimus & explicuimus, quid nimirum impulerit discipulos ad eundum in Galilæā, contra Domini mandatum, quum primò ipsis apparuisset, Luc. 24. 49. quo iuebantur manere Hierosolymis, donec induti fuissent virtute ex alto: quod demum die Pentecostes impletum est. Respondimus vocem illam Manendi idem significare atque domicilium & habitationem habere, non autem certo cuidam loco sic adhærere vt ne mouere inde te vsquam possis. Ac proculdubio statim perfectō illo in Galilæam itinere, manifestatione Domini quæ hic recensetur, discipuli Hierosolyman confestim redierunt, vt facilè colligitur ex iis quæ Luc. 24. 50. memorantur. Ve-

*Quomodo
& qua oc-
cassione hi
discipuli su-
sciperint il-
lud iter in
Galilæam,
quum tamē
Hierosoly-
mis manere
iussi essent.*

rum tamen vrgente quopiam negotio se-
 ptem hi discipuli videntur ad hoc iter susci-
 piendum impuls. Quòd verò saltem ex isto
 numero quinque discipulorum quatuor erant
 Galilæa oriundi, Simon Petrus, duo filij Zebe-
 dæi & Natanaël Iohann. 1.44. Matth. 4.18. &
 21. & statim atque venerunt in Galilæam pi-
 scari cœperunt, facile colligitur discipulos
 Hierosolymis quadam penuriâ laborâtes, hos
 vel propter priuata negotia, vel ab aliis missos
 (qui secundum Domini mandatum Hieroso-
 lyms manebant) in patriam excurrisse, sibi
 victum aut necessaria quæsituros. Quamobrè
 non leui iniuria grauarent hos discipulos, qui
 existimarent ipsos oblitos Legationis illius
 cuius à Domino munus acceperant, (iam
 tum etiam ipsis data sui Spiritus abundâtiâ,
 rantisper dum expectant reliquorum imple-
 tionem) Apostolatui renuntiasse ad pristi-
 nam artem reuersuros: futura illa discessione
 valde contraria illi animi non temerariæ sed
 sanctissimæ alacritati, qua vocâtem ipsos Do-
 minum erant sequuti, & deinceps perrexerât,
 quam ob rem etiam à Domino laudantur,
 Matth. 19.27. & 28. quum præsertim capto Do-
 mino sic diffugissent, Matth. 26.56. vt nihil o-
 minus omnes in vnum coacti sint ac coie-
 rint in vrbe Hierusalem, sicut in historiâ primi
 diei Dominicæ resurrectionis audiuius.

*Quomodo
 quod Deo
 dabimus of-
 ficiū, sit*

Quod verò hi discipuli rebus suis consule-
 runt ad piscationem reuersi, nihil præter offi-
 ciū ipsos fecisse dicimus, eo quo diximus mo-
 do.

do. Primùm enim istud in genere dici potest ac debet, Euangelio non aboleri officia œconomica graduum societatis humanæ: sed contrà eò vsque confirmari vt doceat mutuum officium omnium in familia graduum, & dicantur ij deteriores infidelibus, & fidem abnegasse, si qui domesticis non prouident, 1. Tim. 5. 8. Verùm hæc adiicienda, Dominum ostendere modum qui sit adhibendus in huius domesticæ rei cura: is autem positus est in paucis istis vocibus, Quærite primùm regnum Dei, & cætera omnia vobis adiicientur. Nam si ab istis factum erit initium, (contrà quàm solet vulgus hominum) prospera omnia futura sunt, quòd zelo gloriæ Dei duce, vera sapientia regatur omnes cogitationes & actiones eorum qui ad hunc scopum collimant, à quo fecerint initium, & in quo pede indefesso perrexerint. Ex qua scientia discitur, quid cuique facto sit opus, quum primum illud caput, quod officiū nos docet erga Deum pulchrè conuenit cum secundo, quod ad officium erga homines spectat. Contrà, quid agendum istis inter se tam malè cōsistentibus, vt alterū alteri cedere sit necesse. Sic Abrahamus quum Deo parere & in patria remanere nō posset, patria sua & reliquis omnibus posthabitis ducem Dominū secutus est. Et ne remotiora exempla quæramus, quum nec Andreas, nec Petrus, nec filij Zebedæi possent Iesum Christum, vt iuebantur sequi, & artem suam simul exercere, illam vt Christum sequerentur abiecerunt: sic

proximis officij debiti regula in cuiusque vocatione: duobus istis inter se coherentibus. Nam alioqui vel tantillum discerepantibus vt Deus offendatur, cessat omnis mutui officij obligatio.

Matthæus telonium reliquit: quam ipse deinceps Dominus omnibus ipsum secuturis regulam præscripsit. Matth. 19. 29. & quidē expressis verbis, Luc. 9. 62. quod ipsemet suo docuerat exemplo, inde ab ætatis anno duodecimo, Luc. 2. 49. & deinceps, ex quo directè munus suum exequi cœpit. Luc. 2. 4. & iterum respondens iis à quibus interpellabatur & dicētibus illum quærī à patre & fratribus. Matth. 12. 46. 38. Hic verò quo à Satanæ fraudibus nobis caveamus, sapē maxima vita regentis obtentu virtutum, duo sunt nobis præcipuē consideranda. Primū, ut alterum alteri cedat ob causam sanctam, iustam & necessariam. Alterum ut bono & recto fundamento nixa conscientia cedamus iis quibus cedimus: qua in re Iesu Christi & Apostolorum ipsius exēplar nobis proponamus imitandū, quo nullū aut hac in re aut in vlla alia tutius habere vel expetere possumus ac debemus. Itaque Iesus Christus dum adveniret tempus quo totus incumbere debebat in susceptum à se officium Mediatoris inter Deum & homines, mansit cum matre sancta Virgine, & Iosepho, qui pater eius habebatur ab ignaris mysterij nostræ salutis, & erat ipsis subiectus, Luc. 2. 51. etsi maturē præmonitos voluit, non fore hunc illius statum diuturnum. Et hoc ipsum eis reipsa confirmavit, à primo miraculo quod edidit in Cana Galileæ: à quo tempore non destitit obambulare, velut abiecta omni matris & omnium aliarum istiusmodi rerū cura. Act. 10. 37. & 38. quū
non

non habeat, inquit, Filius hominis vllum locū vbi caput inclinet, id est proprium in quo maneant domicilium. Luc. 9. 58. quod nimirum vtrumque simul, vt antea, non posset officium implere.

Nihilominus tamē pater ex historia, Iesum Christum, quem falsò sibi patronum vendicāt, Mendici illi Monachi fratres, certū quodā habuisse domicilium, primū Nazareth, deinde verò Capernaumi. Matth. 4. 13. vbi minime dubium est quin eius curā habuerit, cuius ne in agone quidem horrendæ mortis memoriam deposuit. Matth. 19. 26. Quapropter quod Dominus dicit apud Lucam 14. 26. de odio habendis patre vel matre, vxore, liberis, fratribus & sororibus, vitæque propria propter ipsum, non simpliciter intelligenda sunt, quasi odio habēdi sint quos Deus & sensus communis nos amare iubent, nisi deteriores esse volumus infidelibus. 1. Timoth. 5. Verū his dictis exprimitur, officio nostræ vocationis erga Deum oportere quælibet alia officia quibus alij aliis deuincimur, atque ad eò nobis ipsis naturaliter, lōgè postponi, & quidem huc vsque vt parui faciamus sine vlla exceptione, quæcunque nos à Dei cultu possunt auertere: quo nomine tantopere laudatū Leui legimus, vt etiam sacerdotium adeptus sit, Exod. 33. 29. quod figurata locutione Dominus significat, Matth. 16. 23. & Apostolus explicat perspicuè & dilucidè. 1. Cor. 7. 29. & 31. Sic domestici Domini discipuli statim à prima vo-

*Quomodo
intelligen-
dum Domi-
ni manda-
tum de pa-
tre, matre,
vxore, libe-
ris ad se-
quendum
Dominum,
relinquen-
dis.*

catione familias reliquerunt: & quasi non habentes fuerunt: nec enim manere domi poterant, & eū à quo vocabantur continuò sectari. Neque verò tamen dubitandum est, quin ij qui patrem aut matrem, aut familiam habebant, semper testati sint, quātum fieri potuit ac debuit, sic tamen ut ne Christi vnquam ab oculis, ut ita dicam, recederent, Iesum Christum non abolere mutua officia, quę natura ipsa dicit, & Lex ipsa Mosaica prescribebat, quam sua traditione Pharisei peruertebant. Marc. 7. 11. & 12. Ita verò se rem habere vel ex eo patet, quòd Apostoli fungentes officio, cui omnia, ut par erat postponebant, uxores etiam suas circumducerent. Quid si dixerimus hos discipulos oblata occasione arripientes, ac prouidentes quid sibi legatione illa muneris Dominus imposuisset (etiā nondum planè commissum sibi murus intelligebant) hoc iter suscepisse familias inuisuros, & illis prouisuros, nihil absurdum, nihilque non valde verisimile dixerimus. Quid igitur istud factum habet commune cum Votis Monasticis, & Medicorum illorum ordine, qui non quidem ut apes illę mellificę, sed ut muleę ligantur & heluantur pinguißima quęque & omnia suo cōtactu fœdant, nec tamen erubescunt impurā illam & otiosam vitam suam, vitam Apostolicam nominare? Nam quòd ad eos qui concionantur, præterquàm quòd verè sunt attriti Baalam, ut eos Prophetę vocant, à quo ad munus istud, nisi à spiritu confusionis vocati sunt?

sunt? An enim ignorant, veteres Monachos, hodiernis dissimillimos, pro Laicis & priuatis hominibus habitos fuisse, atque adeò monachum manibus non laborantem fuisse profure habitum?

Sed præter superiora illa Christianis omnibus communia, quatenus quemque Christianum oportet res omnes secundum suam vocationem, officio quod Deo debet postponere, notandum istud diligenter hic Apostolos dici piscatum rediisse, quod fortasse parum conueniens eorum muneri videri possit, etsi non ea mente ut in posterum piscatoriam artem exercerent. Ac sanè si quis Ecclesiasticus, ut nostri Catholici Romani loquuntur, hodie manibus suis opus aliquod mechanicum exercuerit, magnū admiserit piaculū, etiā ab Officialibus puniendū. Et, ut quod res est fatear, adeò quidē pingue aqualiculum & propēso sexqui pede extantem habent, ut non opus sit eos laborare. At longè maius piaculum fuerit, quo vel totus orbis concutiat, si fortè contingeret eum, qui euectus est in tam sublimem dignitatis gradum, ementita DD. Petri & Pauli successione, faceret quod hic Petrum, propter allatas à nobis superius rationes, fecisse legimus: multò magis si sequeretur exemplum Apostoli in medio sanctissimi & laboriosissimi sui Apostolatus cursu, victum sibi & quibusdam qui cum ipso erant manibus paratis. Act. 18.3. & 20.34.

Quorū hæc verò dicat aliquis? Annon

*Quousque
& quomodo labor
manuum
& sacrosan-
ctum mini-
sterium non
simpliciter
inter se pu-
gnant.*

*Contraria
directio*

*huius
sponde
tur.*

enim oportet vocationum esse distinctionem? qui seruiunt altari, de altari viuere? sacrosanctum ministerium esse in honore & pretio? Paucis ad hæc omnia respōdeo, munus administrandi Verbum Domini naturâ suâ & subiecti respectu quâ longissimè differre ab huius mundi negotiis: quamobrem etiam Dominus noster rogatus eriscundæ familiæ iudex esse recusauit, Luc. 12. 14. ac de terrenis Dominationibus loquens, non modò illas distinxit, sed etiam aliter quàm sub Lege separauit. Matth. 20. 25. Adde munus istud rã onerosum esse, vt strenuissimus & gnauissimus quisque, multis tamen parasangis ab eo, vt illud obeat distet, licet omnibus huius vitæ negotiis vacuus. Admitto cum Apostolo spiritualium seementem facientes, posse nihilo inferiore iure merere carnalia, quàm mercedem postulare mercenarij. 1. Cor. 9. 11. Agnosco Domino deberi in sancto suorum maximè fidelium seruorum ministerio maiorem reuerentiam quàm ulli terreno Regi vel Principi à subditis debeatur, ex ipsius Domini verbis. Matth. 10. 40. teste etiam horrenda illa vindicta qua Prophetæ quondam vltus est cōtemprum, 2. Reg. 2. 23. Hæc, inquam, omnia, lubens admitto, & aio eos qui inexcusanda malitia & ingratitude, miseros Pastores in eam necessitatem adigunt, vt manu sibi victum quærant, indignos esse nomine Christianorum: & multò magis eos qui Dominum in sacrosancto suorum seruorum ministerio contemnunt. Absit tamē inde concludam

cludam, laborem vel ingenij, vel manuum, cū ministerio prorsus non posse conuenire, modò non is sit labor quò à ministerij exercitio ministri auertantur, aut illius laboris cui incumbitur naturâ aut indiscretionē, aut alio quolibet affectu sacrosancto ministerio contrario. Nam contrâ Pastorem in has angustias redactum, & à ministerio nō recedentem, aio laude summa dignissimum. Itidem dico posse quempiam legitimè vocari ad sacrosanctum ministerium, aut ab arte mechanica, aut ab officina, aut ab aratro, sicut olim Elizaus. i. Reg. 19. 19. aut sicut Amos ille bubulcus, & agrestes ficos colligans. Quod tamen sic dictū putate, vt quum res bene sunt cōstitutæ, literatos homines & eruditos, & aliūde bono testimonio ornatos illis præferri posse ac debere, tâquam magis idoneos nemo dubitet. At quum ordo in manifestam confusionem trāsformatus est, sicuti Domini temporibus cōtigit, quum abiectos illos piscatores elegit, & tabernaculorum opificem ad mundi totius superbiam debellandam: ac ij qui Architectorum & ædificantium titulo gloriantur præfracti sunt, & domus Domini destructores sunt, quis Dominum impediet quominus eligat quos libebit, & hominum vilissimos & abiectissimos quosque, ad superbiam mundi depressimendam & confundendam, mittat? i. Corinth. i. vers. 26? Nam, quum sic ipsi visum est, mulieres elegit quibus homines pudore suffunderentur, & mirabilia in medio populi

sui operaretur, teste Debora. Iud. 4. 5. & Hol-
da. 2. Reg. 22. 14. Benedictus verò Dominus
Deus noster, qui nostris temporibus in multis
regionibus & regnis idem effecit, per multos
fidissimos & excellētissimos seruos suos, quos
nemo, nisi immeritò, spiritu alio quàm Dei
ductos fuisse dixerit: vt non propterea tamen
liceat vlli sacrosanctum ordinem, ex Dei ver-
bo institutum de vocationibus & mediis ordi-
nariis violare.

*Nemo ma-
gis superius
dictorū reus
quàm Ca-
tholici Ro-
mani qui
nobis eadē
obiiciunt.*

Contrà, quĩnam, obsecro, magis impuden-
ter abutuntur obiectionibus hætenus allatis
quàm qui non erubescunt eas nobis oppone-
re. Nam si vocationem spiritualem oportet di-
stingui à dominationibus & occupationibus
temporariis, ne cum iis misceantur, vnde fit vt
boni isti Pastores abusi munerum spiritualiũ
obtentu ad inuadēdas Dominationes & Prin-
cipatus huius mundi, sola spiritualitatis huius
nomina & laruam retinuerint, vt temporalē
potestatem, Regibus ac Principibus ereptam
sibi reseruarent? Quĩ fit quòd ipsis intoleran-
dum videtur, vllum de Ecclesiasticorum cœ-
tu, quem vocant, mechanicam vllam artem
exercere, & tamen ambiunt primos gradus do-
minationum terrenarum, & iisdem honori-
bus coli volunt? Et quo iure cultum altaris ia-
ctitant, quem maxima pars illorum ignorat,
ac de quo nunquam cogitauit? & cuius etiam
maximam partem eorum pudet? Quo iure de
altari Domini gloriantur, quod in altare Da-
masi transformarunt? Nam Christianorum
altare

altare ministerij respectu pulpiti est veritas. Honorem verò sacro ministerio debitum quòd attinet, præterquàm quòd propriè consistit in eo, vt fideles sese tum verbis tum re ipsa ex animo præbeant morigeros iis quæ à fidelibus Domini seruis eius nomine proponuntur, deinde in externa quadam reuerentia & honore, quæ meritò sibi vindicat tam sanctũ & eximiũ munus in quo Dei Filius repræsentatur, proh dolor! nõne tristi & infaulta experiẽtia doctose esse nos oportet maius in excessu quàm in defectu esse periculum? Et hoc saltẽ decebat ex ipsius Petri exemplo. Act. 10. 25. & 26. Reuerendissimos illos didicisse, & monstrũ illud in primis, quod crepidam suam maximis quibũsque Imperatoribus osculandam porrigere non erubescit, vino scortationum inebriatis, donec Deus meliorem illis mentẽ reddiderit.

Sed ad historiam reuertamur, in qua dicuntur hi omnes, inuitante Petro, piscationi operam dedisse, & ita quidẽ vt quum totam noctem laborassent, nihil tamen cœperint: quæ fuit ad sequens miraculum præparatio, quo Dominus voluit hanc apparitionem insigniorem esse: sicut etiam eo quòd paratum prandium tam extraordinario modo repererunt: tum quòd rete non scissum est, licet plenum ceterum quinquaginta tribus magnis piscibus: ex quibus eruenda sunt nobis plurima capita doctrinæ & consolationis, omissis allegoriis quas nullo fundamento quidam hic innunc-

rum horum piscium somniarunt.

*Extraordi-
naria pis-
catione le-
sus Chri-
stus suam
Deitatem
probanis.*

Primum igitur consideremus hoc miracu-
lo Dominum testatum fecisse nō modò mor-
tem de sua potentia nihil detraxisse, vt iam
contrà ingrederetur in possessionem summæ
illius potentia & dominationis quam in cœ-
lo & in terra, exuta infirmitate carnis, adeptus
est. Nam iubente Domino rete ipsos in dextrâ
nauigij partem iacere, virtute Domini pisces
in rete delapsi sunt morem ei gerentes, quæ
diuina Iesu Christi virtus simili miraculo iam
antea facta fuerat conspicua. Luc. 5. 4. & 8.

*Non fortui-
tò labitur
præda in
venatorum
cassēs.*

Hinc verò discendum nobis in genere, licet
Dominus homini in animalia terrena domi-
nationem permiserit, quam auctoritatem Do-
minus à diluio renouauit & ampliauit, facta
homini potestate illis in victum vtendi. Gen.
9. 2. & 3. sibi tamen primo Deum eorum pro-
prietatem reseruasse: deinde summam rerum
omnium creaturarum dispositionem, quarum
ne minima quidē in terram decidit sine Crea-
toris speciali voluntate & decreto. Matth. 10.
29. Non igitur temere aut fortuitò, sed singu-
lari Dei bonitate & liberalitate præda cadit in
venatoris casses: quod pulchrè Iacobus didi-
cerat, qui à patre interrogatus, quānam ita re-
pentē inuenisset quod ipse venationem arbi-
trabatur, Iehoua Deus tuus, inquit, fecit vt mi-
lli occurreret. Genes. 27. 20. Idem Petro quo-
que ad didrachma persoluendum, ex Domini
mandato contrigerat. Matth. 17. 27.

Quoties

Quotiescunque contingit igitur onustas
mentis

mēſas bonis Dei rebus creatis nos intueri, ſaltem cōſiderare tunc nos oporteret, aues in aëre volantes, piſces in aquis natantes, tot animalia in terris repentia, nec in forum, nec in manus noſtras, nec in menſas fortuitò venire: ſed nobis liberali manu Dei noſtri concedi & immitti. Quæ conſideratio doceret nos etiam earundem uſum rectum in omni ſobrietate cum gratiarum actiōe; ſicuti contrà parum de hac liberalitate & donatoris egregia volū- tate cogitantes dona illa ſic in ſeipſis retinēt, & ſenſus omnes occupant, vt rectus eorum uſus in deſtandum abuſum & condemnatio- nem vertatur, Deo tandem illam ingratitudi- nem vindicante,

*fructus ex
hac doctri-
na ſit nobis
colligendus.*

Multò magis quum de Dei donis ſpiritua- libus & cœleſtibus agitur, quis aliande ſibi cō- tingere gloriabitur quàm ſingulari & ſpeciali Dei liberalitate, omnium bonorum auctore & donatore. Iacob. 1. 17. diſtributore, 1. Cor. 12. 11. & directore? Philip. 2. 13. Et huc quidem ma- ximè Dominus hoc miraculo reſpexit, quo di- ſcipulis per hāc ſimilitudinem piſcium piſca- tionis repræſentauit, quantum in hominum piſcatione, quam erat ipſis pollicitus. Marc. 1. 17. promouerent.

*Dominus
factis ſuis
Apoſtoliſ
hominum
piſcatori-
bus de pi-
ſcium piſca-
toribus, no-
bis in hoc
miraculo
repræſen-
tat verum
exemplar
Eccleſiæ
Chriſtianæ.*

Dominus itaque de piſcatoribus olim pi- ſcium factis hominū piſcatoribus in hoc mi- raculo expreſſit verum exēplar Eccleſiæ Chri- ſtianæ ex huius mundi laeo vniuerſo colligē- dæ ipſorum reti, verbi inquam adminiſtra- tione mox ipſis committēda. En igitur coram

*Allegorica
generalis
expoſitio
huius mira-
culi.*

ipsummet auctorem & magistrum totius huius piscationis: en operarios præcipuos quibus primum & potissimum usus est: en denique pisces hac piscatione collectos & ab aliis segregatos qui in hoc lacu sorbent iniquitatem ut aquam. Iob. 15. 16. id est, credentium coagulationum, quæ tres partes vna copulatæ faciunt corpus illud mysticum, cuius vnicum caput est Christus, suis omnibus membris dans vitam & motum, in quibus alij quidem ductores sunt, alij sinunt se duci, quæ quidem ad nostram ædificationem hic nobis distinctè consideranda sunt.

Observationes de Domino prout variè apparuit.

Hic vnus itaque Magister & Dominus, aliquandiu versatus in hoc lacu, & verus piscator, qui alios omnes piscatores piscatus est, adueniente tempore quo ex hoc lacu recessurus erat in altum illud & firmum folium, apparuit in hac manifestatione non supra lacum in lacu, ut alias Mat. 14. 25. sed ad littus, representans, ut dixi, thronum illum pacatum & supra cælos omnes euectum, ad quem portum tendunt piscatores, in quo cum iis quos erunt piscati placida quiesce fruuntur. Itaque summus hic piscator & Magister ostensurus se ab illis recedere, minimè quidem ipsos deserturum, sed contrà, quemadmodum ex solo gratuito Patris decreto descenderat in mundum, quo tempore minimè omnium expectabatur, ita cælitus gubernaturum & rectorum, tam ipsos piscatores quàm quos ipsi piscarentur: & quidē ita coactos & cōseruatos in exiguo & imbelli

rect

reti in specie, tuiturum in mediis huius lacus tempestatibus & procellis, & ad optatū portum tandem deducturum, in quo paratum ab ipso solo prandium nanciscantur, sicuti præmonuerat Iohan. 14. 2. & 3. & Patrem rogaue-
rat. Iohan. 17. 24. quorum omnium causa vni-
ca ipsius eadem infinita & gratuita bonitas.
Quibus autem instrumentis ista perficiantur?
Exteriore verbi sui sono, & interna sua virtu-
te & efficacia diuina, qua piscatores hos de i-
pso tunc non cogitantes excitauit & afflauit:
quemadmodum quum orbem terrarum Euā-
gelicæ tubæ clangore percelluit, missis vndi-
quaque piscatoribus istis, verè tantum abfuit
vt ab hominibus expectaretur, vt contrà præ-
cipui inter discipulos maximè fluctuarent,
Luc. 24. 21. & familiarissimis vix tum eius re-
ditus tum hoc omne mysteriū persuaderi po-
tuerit.

De piscatoribus verò notandum, primū hic illos nobis exhiberi terrena qualitate pi-
scatorum piscium, vt alia cœlestis nobis signi-
ficetur piscatorum hominum ad salutem. Ob-
seruandum deinde cœtum istum, qui septem
hominum fuit, quorum quatuor ex Apostolo-
rum erant numero qui spiritualis ædificij sub
illo capite architecti erant futuri: tres reliqui
ex discipulorum aliorum, Dominum voluisse
nobis velut ante oculos ponere duos ordines
operatorum, quorum opera erat in hoc ope-
re suo promouendo deinceps vsurus: suscita-
tis ex numero reliquorū suorum discipulorū

*Observatio-
nes allegori-
ca de pisco-
toribus.*

iis qui Apostolis sese adiunxerant, tum ut ma-
 teriam præpararent, cuius rei habemus exem-
 pla. Act. 8. 4. 5. & 14. & 11. 19 & 20. 21. tum ut ab-
 solueret quæ Apostoli non poterant eodẽ te-
 nore perficere: ad quod opus vsi sunt iis ma-
 ximè qui se comitabantur, veluti Timotheo
 1. Tim. 1. 3. & Tit. 1. 5. & aliis quos D. Lucas no-
 minat Euangelistas, Act. 11. 8. & Apostolus E-
 phes. 4. 11. & ita distinctè solent Euāgelistæ vo-
 cari. Terriò notanda hic electio Domini, tam
 quatuor illorum ex vndecim familiarium di-
 scipulorum numero, qui totum Apostolorum
 cœtum repræsentarent, quàm trium aliorum
 qui Euangelistas: nempe inter Apostolos pri-
 mum tres illos eosdem quos suæ transfigura-
 tionis in mōte testes elegerat. Matth. 17. 1. & a-
 gonis extremi sub horâ qua captus est, Matth.
 26. 37. & quos nominatim coram aliis Aposto-
 lis commendarat, Petrum putà Matth. 16. 18. &
 duos Zebedæi filios Marc. 3. 17. quorum alte-
 rum amore speciali cõplexus est, alterũ verò,
 Iacobũ nempe, dignatus est ea gratia, ut cœtus
 illius sui primitias oblationis esse voluerit.
 Act. 12. 2. Quibus hic Thomã adiici Dominũ
 voluisse sit verisimile, ne prior eius culpa eius-
 dẽ Apostolatui præiudiciũ adferret; sicut ean-
 dem ob causam, ut in hac historia videbimus,
 Dominus Petrum in pristinum statũ restituit,
 tribus cõfessionibus totidem abnegationibus
 oppositis. Tres verò reliquos quòd attinet, no-
 bis satis sit Nathanaelem, qui solus ex tribus
 illis nominatur, etsi non fuit ex illorum duo-
 decim

decim domesticorum numero, testimonium retulisse omnium hominum excellentissimū, Iohan. I. 47. Hic verò cauēdus nobis astus Sathanæ, de quo paulò post dicturi sumus, quasi hæc donorum inæqualitas, gradum aliquem superiorem aut inferiorem constitueret in yno & eodem æquali Apostolatu, aut Evangelistæ functione, à qua cogitatione fidelissimi Dei serui procul fuerunt remoti, memoria repentes doctrinam sui Magistri, Luc. 22. 25. vel ipsa Petri doctrina teste, à quo spiritum mendacem præueniente Domini Ecclesia maturè de hac ipsa re præmonita est. I. Pet. 5. 3.

Quarto loco notandum, istos piscatores nō habere singulos singulas naues, sed in vna & eadem omnes naui fuisse, non eodem tamen omnes loco: ac non habere singulos suū proprium rete, sed vnicum, quod quisque iacit suo loco, tum in iaciendo tum in extrahendo mutuo consensu. Istis igitur aio nobis repræsentari vnitatem tam Ecclesiæ (licet ex variis membris collectæ) quàm Apostolatus, & Evangelicæ doctrinæ, sicut vnus Deus est, vnus Christus, vna fides & vnum baptisma. Cæterū apparitio hæc rā subita & inopinata eius qui totius huius operis initium est, tum efficientis causæ respectu, tum formæ exterioris & interioris, tum materiæ, tum denique omnium istorū finis, monere debuit hos piscatores maximum esse discrimen inter Apostolatum, & munera quæ vitæ huius propria sunt, quorum aut plerunque labor inanis est & irritus, aut

*Omnes hi
piscatores
sunt in vna
& eadem
naui, &
vnum rete
iaciunt &
extrahunt
vno consen-
su.*

saltem similis est auræ statim euanescentis: ac
 proinde prorsus hanc piscatoriam abiiciendâ,
 vt alteri toti vacarēt seridò magis quàm hactē-
 nus, quandoquidem præter id quod iam erant
 experiri & fassi in prima professione, Luc. 22.
 36. ipsis suis oculis intuebantur hoc miracu-
 lo, Dominum tātòpore ipsorū obediētiae be-
 nedixisse, cōcessa tam extraordinaria piscium
 captura, quæ sanè non ab ipsarum iudustria,
 nō à labore procellerat, sed ab eius vnus gra-
 tia, cuius mandato rete proiecerant, cum hac
 conditione, *Et inuenietis*. Hoc ipsum prodesse
 debuit ipsis, & sine dubio valde profuit in A-
 postolatus exercendo munere quod nō ex sue
 voluntaris arbitrio dispensarent, quasi Domi-
 nus magnis illis & tam excellentibus promissis.
 Iohan. 20. 21. & 23. absolutam illis potesta-
 tem tribuisset: & probaturus esset quicquid i-
 ipsi probauissent: sed contrà præterquā quodd
 ipsis commissi muneris executionem prorsus
 oportuit pendere & regi ab huius summi Ma-
 gistri voluntate verbo eius expresso, priuatis
 etiam admonitionibus, quum sic ipsi videre-
 tur, regerētur, quibus sine exceptione morem
 gererent, cuiusmodi specialia multa nobis e-
 xēpla proponuntur. Act. 13. 2. & 16. 6. & 9. & 21.
 13. Præterea miraculo illo sunt edocti, & nos
 hodie docemur, quæ vera sit obedientia, nē-
 pe quæ in vnicum Domini præceptum fertur,
 perspicuum id quidē & probè intellectum: ac
 deinceps conuenientiam inseparabilem inter
 Domini mādatum & huius retis iactum. Inde
 vicissim

vicissim discendum nobis quantum discrepet tam vera obedientia fidelium, à vanis & stultis deuotionibus, quàm veri Pastores, (in quorum rete qui dilabitur felicissimi sunt) à falsis, quorum rete lethale cane peius & angue fugiendum est.

De piscibus verò coactis in istud rete, si bruta hæc animalcula, quæ sola Dei ipsis incognita prouidentia impulit in istud rete, ex Dei voluntate ceciderunt, quid iis fiet quibus hanc gratiam Deus concessit, non tantum ut ratione & intelligentia præditi sint, sed aures etiam habeant ad eum audiendum & cognoscendum à quo in hoc rete conuocantur & cōcluduntur, minime quidem in piscatorum vsus, qui captos à se pisces consumunt ac deuorant, sed ad veram vitam, vnà cum piscatoribus, adducendi, ab huius mundi sordibus separati, vti Dominus pari similitudine totum istud adumbrat. Mat. 13. 48. 49. & 50. & sicuti sunt intelligenda quæ de puro frumento in aream Domini colligendo scripta sunt, Matth. 3. 12. Annō igitur ipsos tantò promptiores & dociliores esse decet, vt veluti faciant impetum in ipsum, Matth. 11. 12. siquidem qui vitam in eo profundit, reperit? Matth. 10. 38. Verum parū est istis piscibus rete subiisse, nisi in eo permaneant, donec ad littus trahantur: quæ constantia quum grauitèr oppugnetur eorum trepitatione qui resiliunt, hostium potentiam cōferentes cum viribus admodum exiguis, aut porius nullis horum ita miserè conclusorum piscium, confugiendum

Observationes allegoricae de piscibus.

nobis est ad eius inuictam Omnipotentiam qui piscatoribus & piscibus eam valde clarè & perspicuè pollicetur, qui capi se sinunt ab eo aduersus quem nullus dolus, nec vis vlla, quidquam potest: quum expressè pollicitus sit qui est ipsa veritas, se nullum foras eiectionum eorū quos Pater ipsi dedit, Iohā. 6. 37. qui nimirum ita sunt cum veris credētibz, vt sint ex eorum numero, ac proinde in hac fidelium coagmentatione manent. 1. Iohan. 2. 19.

*Temerariū
Petri inge-
nium muta-
tum est à
Domino in
zelum ar-
dentissimū
ad suos
etiam con-
discipulos
confirman-
dos.*

Cæterum quædam peculiaria sunt huius historiae capita non leuiter prætereunda. Nam Petrus quidem vt consuetam hic alacritatem & promptitudinem erga socios ostēdit, quod auctor ipsis huius piscationis fuerit, idem etiā præstitit in illa priore hominum piscatione, quum die Pentecostes tam intrepidè sermonem aggressus est inter *συναποστολῶν*, Act. 2. 14. non ambitione sanè, sed quod Dominus immutato naturali eius impetu temerario, Mat. 16. 22. & Luc. 22. 33. & 9. 33. in feruentissimum zelum & singularem constantiam & magnanimitatem, etiā ipsius ad reliquos discipulos cōfirmandos opera voluit vti, Luc. 32. 24. Hic idem ardor eum impulit, sicut aliàs nonnunquam, Matth. 14. 29. vt sancta quadam impatientia præuenire socios dum studet in lacum se proiecerit, natando ad Dominum accursurus, quum non sit verisimile, si vt aliàs super aquas ambulasset, id Euangelistā silentio fuisse præteriturum. Præterea notandum eū fuisse veluti primum & præcipuum in extrahendo

rete

rete ex aquis quod ex II. versu colligi posse videtur.

Esto igitur, Petrus agnosceatur singularibus donis à Domino præditus præ reliquis Apostolis, quem etiã ipsi, teste tota Lucæ historia Apostolica, plurimi fecerunt, & honore debito coluerunt. Quin etiam admittamus actionibus Ecclesiasticis illũ sæpè præfuisse, & eandem administrasse. Nam reuera in omnibus consultationibus, ad vitandam *αἵρεσιν*, oportet aliquem præire qui rem ordiatur & cõcludat, & in Domo Dei præsertim ordine fieri omnia par est. I. Cor. 14. 40. At non omnis ordo gradus est: nec propterea vnquam reperias Diuum Petrum in socios vllam aut habuisse, aut sibi arrogasse, auctoritatem, quorum vnus fuit communis & indiuisus Apostolatus, tantũ abest vt speciali ratione Iesu Christi vicarius, fuerit præ aliis, aut vniuersalis Ecclesiæ caput quod sine blasphemia dici non potest, detestanda potius quàm refutanda.

Verũ, vt Petrus ardentior in exequendo, non tamen in agnoscendo magistro fuit acutior. Nam discipulus dilectus Petrũ prior admonuit: qua in re conspiciamus dona sua Deũ cuique, prout ipse libuerit, admetiri, I. Cor. 12. quo loco Paulus hanc materiam pluribus persequitur: rectam vsum docet tum huius vniuersalitatis, tum inæqualitatis, quemadmodũ etiam Ephes. 4. 11. & 12. & 16. quo nimirũ quũ huius corporis Ecclesiæ, cuius Iesus Christus est vnicum caput singula peculiarem suam

Dona Dei singularia in Petro ex singulari Deibonitate nihil habent commune cum falsissima & blasphema dominatione, quæ illi tribuitur.

Necessaria est donorum Dei inæqualitas ad totius corporis augmentũ. Sed singulis membris nõ statim in ordine magnæ reuerentiæ inuehiuntur confusio.

functionem habeant, & mutuas operas omnia propter hanc diuersitatem & inæqualitatem requirant, vsus etiam & fructus in huius corporis vsu & incrementum. At quum hic ordo sanctissimus pedetentim tam miserè deformatus sit, minimè mirum est si miserum istud corpus monstruosum & informe à capite ad calces, effectum, à natua & vera sua forma dignosci non potest. Nihilominus tamen Dominus istius corporis lacera membra semper conseruauit, donec diuina virtute paulatim coalescant, vt passim aliquod iam istius vnionis sentiamus effectum, prout operariorū suorū laboribus benedicit, vt verus iā eius vultus incipiat iis apparere, quos huius sæculi princeps nō prorsus excæcauit, sicut Paulus loquitur, 2. Cor. 4. 3. & 4. tantisper dum pergat Dominus pro immensa sua misericordia suum inimicum oris sui Spiritu prorsus conficere, 2. Thess. 2. 8.

*Cur agnitū
Dominum
discipuli nō
ausi sunt vl-
tro compellere. Et
quousque
nobis imi-
tandus hic
timor inter-
rogandi Do-
minū quum
se nobis
offers.*

Quædam porrò superest in hoc textu nobis difficultas, cur nimirum quum non eò vsque discipulorū oculi retinerētur à Domino quin ab ipsis agnosceretur, nō tamen ausi sint eum interrogare. Sed quum disertis verbis Euangelista dicat, illos sciuisse esse Dominum, satis apertè nos docet discipulos, minimè dubitantes quin sciret Dominus se ab illis agnosci, & tamen se ab illo non audirent compellari, retētos fuisse Magistri reuerentia, ne sermonē ipsi priores ordirentur: quum tamen sit extra omne dubium Dominum tādē apertè & planè se illis

illis patefecisse, ac eosdem docuisse & pro more confirmasse: licet non quæcunque Iesus Christus dixit fecitue scriptis tradita sint ab Evangelista, cuius rei deinceps rationem reddit. Nihilominus tamen, quâdoquidem nostra fides est ex auditu, & auditus præsupponit doctrinam, siue nos prior Dominus alloquatur, siue mentem iniiciat illum interrogandi, ex horum discipulorum silêtio duo nobis extrema fugienda discamus. Nam hinc quidem diligēter est nobis cauenda, in salutis nostræ negotio, negligentia, aut in indignitate & insufficientia desperatio, quin diligentiam adhibeamus in fide nostra confirmanda, diligenti rerum credendarum inquisitione, quò facilius ad nostræ salutis portum appellamus. Quemadmodum enim nemo satis potest virium suarū naturaliū impotentiam agnoscere: sic contrā sperāda sunt omnia nobis ab eo à quo sumus cōditi vt ipsum agnoscamus, colamus & veneremur: cui sancta etiam importunitas grata est, Luc. 18. 5. & 7. quum vt ait Dominus, violēti regnum cœlorum rapiant. Matth. 11. 12. & hoc quidem nobis adumbravit illa Iacobi cū Angelo lucta, Genes. 32. 26. & Moïsis oratio, Exod. 32. 10. & 32. quemadmodum etiam pulsantibus aperiturum se pollicetur. Inde verò Dominus omnes immundos & pollutos suæ domus limine arcet, pollutos, inquam, exterioribus pollutionibus Lege interdictis. Quâto magis igitur hypocritas? superbos & suis imaginariis meritis inflatos? prophanos & contem-

ptores aduersus quos iam dicta sententia est horrenda, Psal. 30? Inter duo extrema media est sancta audacia, gratuitis Domini nixa vobis, & blandis inuitationibus, Venite ad me omnes qui fatigati estis & onerati, & ego faciam vt quiescat, Matth. 12. 28. Inuoca me in die tribulationis, & eruam te, Psal. 50. 15. Petite & dabitur vobis, pulsate & aperietur, Luc. 11, 19. & similibus tota passim Scriptura, modò cor illud contritum adferamus, Psal. 51. 19. & Abrahama dictum imitemur, Gen. 28. 18 quod nos etiam edocet totus egregius ille Psal. 95. illius vnus nixi merito in quo solo grati sumus: Ephes. 1. 6. Denique demittenda & deicienda capita. si volumus extolli, & in inferos vsque descendendū, si cupimus in cælos vsque euehi. Quicumque verò sic præparatus os Domini interrogabit, vbi nos ille alloquitur, nempe in sacrosancto suo verbo quod in Ecclesia proponitur, nunquam responso vacuus abiit.

*Conclusio
præceptorū
fructuum
quos ex hac
historia nos
par est percipere.*

Denique vt hunc locum absoluam, hæc historia nobis à Dei Filio relinquitur instar thesauri inæstimabilis, non tantum ex quo hauriamus tertium quoddam testimonium resurrectionis ipsius & virtutis expressius quàm superiora omnia: sed ex quo discamus vnde sacrosanctum ministerium pèdeat: quomodo qui ad id vocati sunt, sese gerere debeant, mutuas operas cōferentes: quomodo Dominus tam piscatores quàm piscandi rationem & piscatos tueatur ac regat, quò confugiamus omnes

omnes ad hoc rete, extra quod nulla est salus: cæteris hominibus in huius mundi aquarum gurgitibus & voraginibus sese mergentibus, & in vltimum exitium ruentibus: ac simus in eorum piscium numero de quibus in hâc sententiam Dominus alibi loquitur, Matth. 13. 47. quum non concludantur in hoc rete vt præda fiant ac deuorentur, instar ciborum corruptibilium huius mundi: sed contra vt piscatores cum piscibus offerantur illi qui semel seipso, id est beatitate & felicitate, quam ipse nobis solus acquisiuit, tum piscatores ipsos, tum etiam pisces pascet, quod alia talëtorum similitudine declaratur, Matth. 18. & longè clariùs in similitudine sementis collectionis, Matth. 13. 8. & 23. Vtinam verò Deus nobis hâc gratiam concedat, quibus Dei Filius iterum veluti renascens datus est, eruris ex tam immensa & profunda idololatrię & superstitionis abyssu, datis etiam nobis tam peritis piscatoribus, à quibus ex tā variis nationibus collecti sumus, veluti nostris oculis intruemur, vt in eius Ecclesiam confugientes sub sanctæ ipsius tutelæ prouidentia, tandem ad beatam illam diem perueniamus, in qua simul omnes tam piscatores quàm capti hac piscatione pisces Domini & Magistri nostri æternæ gloriæ coheredes fiamus. Amen.



HOMILIA DE CUMANONA.

Ioh. 21.

15. *Quum ergo prandissent, dicit Simoni Petro Iesus, Simon, fili Iona, diligis me plus quàm hi? Dicit ei, Certè, Domine, tu nosti quòd amem te. Dicit Pasce agnos meos.*

16. *Dicit ei rursum secundo, Simon, fili Iona, diligis me? Ait illi, Certè, Domine, tu nosti quòd amem te. Dicit ei, Pasce oves meas.*

17. *Dicit ei tertio, Simon, fili Iona, amas me? Tristitia fuit affectus Petrus, quòd tertio dixisset ipsi, Amas me. Dixit q̃ ei, Domine, tu omnia nosti, tu nosti quòd amem te. Dicit ei Iesus, Pasce oves meas.*

*Quàm reli-
quis omni-
bus functio-
nibus sit o-
nerosus sa-
cro sancti
ministerij
munus, &
quanto stu-
dio suos di-
scipulos do-
minus insti-
tuerit.*



ATENTE nobis humanæ vitæ munia & functiones omnes considerantibus, & earum cum sacro sancto ministerio Euangelij collationem instituentibus apparebit, hanc tantò illis onerosiorem & ponderosiorē quantum libra est vncia ponderosior: siue consideremus eam in se, quatenus statum conscientiae respicit & vitæ cœlestis, quum reliquæ res humanas & caducas ac fluxas tractent: siue eos quibuscum est ipsi negotiū cōtumaces & refractarios Euāgelicæ doctrinæ, Rom. 8. 7. & 2. Cor. 3. 5. siue Satanæ furores ac machinationes occultas, speciatim aduersus eos

eos qui ad eius opera dissoluenda & eius imperium euertendum missi sunt, siue malignū animum & desperatā rabiem satellitū, quibus huius mundi Princeps abutitur: siue denique perpendamus quid ferat Domini præceptum, Renuntiandi sibi ipsi, quæ propria Christianorum est conditio, & qua in re decet istos operarios aliis exemplo præire. Non abs re igitur Dominus, quum penè per quadriennium eos erudiuisset, quorum opera volebat vti, velut architectorum in ponēdis fundamentis huius ædificij. 1. Cor. 3. 10. se tam studiosè illis à sua resurrectione patefecit, & priuatim de rebus ad functionem suam pertinētibus instituit, sicut, ex superioribus historiis didicimus, & in ea nominatim quam in manibus habemus, cuius quum prior pars sit à nobis exposita, ad alteram transeamus. Hoc autē ab illa priore differt ista posterior, quòd hæc sit propria & peculiaris Petro, licet singulos ex ea fructum percipere necesse sit: quum propterea Dominus hæc omnia dici ac fieri non priuatim & in occulto, sed palām, videntibus & audientibus sex aliis testibus, fideliter rem totam reliquis narraturis voluerit. En autem huius occasionem.

Vidimus in historia passionis Domini, Petrum, qui tantum sibi virium arrogabat, tam abiecti animi fuisse vt terrena abnegatione Dominum negaret, ancillarum & famulorum voce perterritus, ad execrationem vsque: corde tamen aliud sentiente: vt lapsus sit infirmi-

G. ij.

*Applicatio
huius doctrinae
ad Petri personā.*

rate non odio, nec apostasia à Domino prius apud se meditata: vidimus etiā à grauiore lapsu renocatū à Domino, statim excessisse domo Caiaphæ & amarè fleuisse: seque cæteris discipulis adiunxisse: testatūque etiam inter reliquos discipulos se nihil minùs quàm Dominum obliuioni tradidisse, quem ipse Dominus etiam pristinæ Apostolatus dignitati restituit. Ex quibus liquidò constat veram eius pœnitentiam fuisse Domino gratam & acceptam, ac proinde coram Deo deletum eius lapsum, licet grauissimum, sit nobis conspicuū.

*Iesu Christi
scopus in
hac histo-
ria non fuit
eligendi Pa-
pam, & to-
tius Ecclesiæ
Christiane
caput, sed
suum Apo-
stolatu
ut integrā-
ti.*

Non immeritò miretur igitur quispiā, quānam Dominus, quum nūquam parcat ex parte tantum, sed peccata pœnitentiam agētium dicatur in maris profundum proiicere, ne vnquam veniant in eius cōspectum Miche. 7. 19. iam vulnus istud refricare velle videatur. Idcirco spiritus mendacis conductitia mancipia libenter persuaserint, Dominum vti prius Apostolatum instituerat cap. 20. 21. nunc etiam in hac manifestatione in D. Petri persona (veluti ratum facitenē quod erat ipsi pollicitus,) Matth. 16. 18. Petrum instituisse & declarasse Apostolum suum & vicarium in vniuersam terrarum orbem. Ad quorum argumenta singula, quæ sibi ex hac historia videntur erui, paulò post respondebimus. Notādum interim ex interrogationibus quibus discipulum suū Dominus cōpellat, vel omnium oculis perspicuè subiici, quemadmodum veteres interpretes hac in re nobiscū consentiunt Domini-

scopum

scopum fuisse, quum discipuli sui præ cæteris omnibus opera veller vt, eundem in pristinum statum redintegrare: & sua diuina prudentia rem istam sic administrasse, vt res illæ abiurationes recte sint tribus expressis solennibus & publicis confessionibus: minimè quidem quasi non prius illi condonato lapsu, sed quò Petrus ipse in obeūdo suo munere triplici quadam redintegrationis forma confirmatior esset, & discipuli, totaque etiam Ecclesia, lapsum illum sic rectum intelligeret, vt in posterum nō exprobarer, nec de eius vocatione vel doctrina dubitaret, aut notam vllam ei inureret. Quibus vt par est positis, iam ad nostri contextus expositionem accedamus, & quomodo ad hunc omnia scopum referantur, demonstremus.

Dominus igitur post cibum prior ipse Petrum vltro compellauit, vt ab eius sola & unica bonitate fauorem hunc esse profectum norimus, tam primæ vocationis discipuli, quam eorum omnium quæ deinceps illā secuta sunt: nisi fortè dicatur, Petrū bene vsum priore gratia, Dominum ad secundam ipsi cōferendam inuitasse: quod nobis libèter persuaferint, qui docent bona regeneratorum opera esse meritoria cōtinuationis aut ampliatiōis fauoris Dei: cui, saltē in hoc exēplo, opinioni nullus locus est. Ac proculdubio verū istud reperitur in nemine: minimè quidē quòd Dominus nō augeat dona sua in iis qui prioribus fideliter vtūtur. Mat. 25. 23. sed quòd hoc augmentū

*Sola Dei
gratia est
initium, me-
dium & fi-
nis salutis
electorum.*

ab eadem gratia gratuita promanet, non autē ab vlllo cuiuslibet bene operantis merito, vel ipsa teste Ecclesia, Psal. 44. 4. & 115. 5.

*Exemplar
perfectissi-
mum eius
cura quam
pastores o-
portet gere-
re suarum
omniū, & ma-
ximè aberrā-
tium, duo ta-
mē extrema
fugientes.*

Eodem exemplo docemur etiam, fidos Dei seruos exemplū solius veri pastoris in hoc sacrosancto ministerio imitatos, oportere tanta cura & studio deuias oues in viā reducere (immo etiam quorū deplorata esse videtur salus) vt primū, si fieri potest, lapsus eorum praeueniāt: quōd ipse Dominus Petri lapsum praeueniēs docuit. Mat. 26, 34. & quale pastoris officiū describitur, Ezech. 33. 8. Quo si nihil promouerint, nō tamen desinant aberrantē insequi, donec inuentā, si fieri potest, & in humeros iniectā, in gregē reducāt. Ideo dicebat Apostolus ille fidelis, Quis offenditur quin ego vrar? 2. Cor. 11. 29. At hic extrema duo cauēda, Nā vt quidam aded sunt seueri ac tetrici vt miferos peccatores statim in inferos detrudant: contrā quidam aded sunt mites ac faciles vt quā scalpere & fricare scabiē oportebat, palpant & mulceant. Sin quærat aliquis, quis hic modus adhibendus, aio duo hic maximè requiri ad huius medicinæ temperamentum, morbi nimirum veram notitiā, vt nec minor quā sit efficiatur, nec aded grauis vt eū æger immedicabilē existimet. Deinde cognoscendus laborantis status, ne videātur empiricorum similes, eandem omnibus medicinam propinantiū, aut sutorū cuilibet pedi eundem calceū aptantiū. Quamobrē singularis à Pastoribus diligentia & cura requiritur, & talis cū
ouibus

ouibus cōmunicatio, vt omnes ex nomine cognoscant, quantū fieri potest ac debet. Ioh. 10. 3. Ad quod officiū faciendū, nemo satis ardentē potest à Domino spiritū discretionis petere. I. Cor. 12. 10. ne sacrosanctū ministeriū iudicio nostro leui vel seueriori subiiciamus: sed ingenium nostrum contrā subiiciamus & accommodemus ad ædificationem singulorum, siue consolemur, siue corripiamus.

In hunc vsum sacrarum historiarū accurata lectio est necessaria, inter quas hæc in primis ostendit non admittendos in Ecclesiæ administrationem eos qui peccatis omnibus vnā priuatam admonitionem sufficere volunt, abutentes Domini verbis de priuatis & occultis lapsibus, Matth. 18. 35. nullum discrimen constituentes inter publica peccata cum offendiculo Ecclesiæ, & priuatos lapsus: nec inter admonitiones pastorales & Ecclesiasticas, id est quæ fiunt cum cognitione & iudicio seniorum in cœtu, quem hodie vocant, Consistoriali. Scimus enim quid contrā Paulus statuerit, I. Timoth. 5. 20. & quod in hoc ipso Petro exemplum statuerit, Galat. 2. 11. & 14. Porro si discipulum suum, cuius culpa fuerat tam momentanea, quique tam multis modis suam pœnitentiam testatus erat, Dominus tamen iterum examini subiecit, & eò adduxit, vt contraria peccato confessione condemnaret, & quidem in tali cœtu, quo quæso fundamento offendiculorum plenam vitam agentes de censuris Ecclesiasticis con-

*Eorum qui
qualibet
peccata pri
uatim repre
hendi vel
lent.*

quererentur, quum ne cogitauerint quidem de culpæ suæ agnitione? Quin etiam quibus hanc Deus gratiam concessit, vt serio peccatorum sensu afficiantur, & omnibus effectis suam illam μετάνοιαν testentur (si verè & ex animo cupiunt offendiculum suum aboleri & in ædificationem eorum quos offenderint immutari, imò totius Ecclesiæ) magnopere falluntur, & in seiplos peccant, nisi patiantur secum agi, quemadmodum Dominum hic egisse cum suo discipulo videmus, vt Deo sua laus vbique tribuatur.

*Namquam
obliuisci de-
bemus pec-
catorum, quo-
rum Deus
ipse est obli-
tus.*

En igitur quomodo hic se cum insigni moderatione Dominus gesserit (qui nobis proponitur in te simili tanquam exemplar perfectissimum) ita Simonem alloquutus, Simon, fili Ionæ, diligis me plus quàm isti? Et hoc quidem non ignorans quærit, sed sui discipuli conscientiam, & moderatè tamen vellicaturus: omnino Petro sibi in memoriam reuocante, vltimis illis vocibus admonito, quàm temerè & parum circumspectè verba illa profudisset, Matth. 26. 33. *Etiā si omnes offenderint in te, ego non offenderar.* Attamen iam hic lapsus illi condonatus erat. Hinc itaque discamus singulis momentis Deum orare vt nostros lapsus omnino tradat obliuioni. Verùm quum ex memoria nostra tā facilè effluant eius erga nos beneficia, sanè opus est nobis aures ab ipso vellicari, immo stimulis admotis nos excitari, vt eorum memoriā recolamus, atque adeò vt refricet iam obductas cicatrices: nos
verò

verò vicissim oportet exemplum imitatos magnorum illorum Dei seruorum, putà Danielis, Dan. 9. 5. & nostri Apostoli 1. Timoth. 1. 13. & 15. & 1. Corinth. 15. 9. nunquam peccatorum licet condonatorum obliuisci: quo fiet vt tum in tanto beneficio agnoscendo simus diligentiores, tum in cauendo magis solliciti ne rursum in eadem præcipites feramur. Quoniam verò plerunque secus facimus, sciendum à Deo nos magnam gratiam consequi, quum eorum quæ obliuioni tradideramus memoriam refricet, siue percussa intus tantum nostra consciëntia: siue per alios, qualescunque sint, & quocunque tandem affectu ducantur admonita. Tantum abest igitur vt nobis recalcitrandum sit, vt contra Deo gloriam dare nos oporteat, Petri exemplum sequutos, & gratias agere quod non patiatur nos veterno sopitos interire, licet plerunque per quos excitamur, parum sint de nostra vel salute vel consolatione solliciti, tantum abest vt occasionem habeamus conquerendi, quum per eos admonemur quibus animarum nostrarum cura commissa est. Quod verò quidam patiuntur quidem scalpro suorum vulnerum cicatrices scalpi, sed secundam manum ac multò minus tertiam ferre possunt, delicatulos istos velim ex Domino sic cum vno ex dilectissimis ipsis discipulis agere discere, quid hic sibi faciendum sit. Tum enim dicitur quidem Petrus apud se contristatus, sed non aduersus Magistrum suum exacerbatus. Quamobrem tristitia

illa nihil aliud fuit, nisi ægrotudo quedam animi, quòd cum Domino, cum suis con-discipulis nimis magnum argumentum præbuisset ter illum interrogandi, prius quàm verbis eius acquiesceret: ut hic inter præcipuos fructus ipsius Resipiscentiæ non immeritò sit numerandus, tantùm abest ut noxium illi fuerit istud tertio repetitum examen.

*Exemplum
modi qui est
adhibendus
in peniten-
tiam agen-
tium exami-
ne.*

Vicissim verò considerandus nobis in hoc examine modus què Dominus adhibuit, nullis additis ad discipuli pœnitentis responsa verbis acrioribus aut exprobrationibus, sed contrà, quòd discipulum indigere consolatione potius & consolatione cognosceret, quàm vlllo acerbiori medicamèto, respòlis eius acquieuit, etsi voluit illa sæpius iterari: & quod maius est sua gratia ter crexit: quemadmodum terna abnegatione prius exciderat: quod tam ipsi quàm eius sociis ac toti Ecclesiæ debuit prodesse vsque ad sæculorù consummationem.

*Quàm; ne-
cesse sit cor
nostru exami-
nari,
Deum amet
necne.*

Itaque Petri respòsiones sunt sigillatim expendendæ, & Domini vicissim in singulas conclusiones. Sed prius hic excutiendæ Domini sic Petrum compellentis interrogationes. *Simon, fili Iona, amas me?* Quæ sapè minimè sunt sciscitantis verba, ita ne se res habeat, necne, sed eum quem alloquebatur excitantis ad seriò de iis cogitandum, & elicienda ex eius ore quæ præsentibus condiscipulis inferuissent. Atque ô utinam hæc Iesu Christi

Christi verba singulis horis ac momentis nostri cordis aures ferirēt. Deusque nobis hanc gratiam concederet, vt cum Petro sincerē possemus respondere, veriti ne fortē ante ipsius tribunal stantes non interrogemur an ipsum amemus, nec-ne, sed condemnationem auferamus prout ipsum vel amauerimus, vel amare simulauerimus. Nam, obsecro, quo magis vrgemur. Neque verò nobis solis hæc admonitio debet inferuire, quòd habere pacem in conscientiis nequeamus, nisi de Dei amore certi simus: & vicissim nostra in Deum charitas sit testimonium eius erga nos dilectionis, velut effectum nos ad cognitionem causæ suæ deducit: sed iis omnibus qui ad functiones aliquas, priuatas aut publicas vocantur, si modò felicem aliquem ex ipsis exitum expectamus. Est enim illud fixum ratumque, Deum comitantem eos à quibus amatur, etiam benedicturum viis ipsorum, vt de Iosepho dicitur, Genes. 39. vers. 21. & 23. contrà verò maledicturum improbis & omnibus ipsorum operibus. Hoc igitur primum esto caput obseruandum in iis qui ad publicas functiones vocantur, immo & in omnibus negotiis, vt ad eas pij ac religiosi homines promoueantur, quatenus illa prouideri possunt, vt Daid pulchrè cecinit in eximio illo Psalm. 101. nec tamen bene semper ad vsum reuocauit. In primis autem quum agitur de sacrosancto ministerio, locus esse debet huic obserua-

tioni. Nam quò pluribus donis quispiam ornatus est, velut scientiæ & aliorum donorum, eò maior adhibenda cautio in istiusmodi homine vocando ad tale munus, nisi Dei amor dona illa comitetur & exornet, qui solus est vera amussis ad quam bona omnis conscientia est examinanda. Idipsum nos Christus in hac historia docet, suum Apostolū, & tertio quidem interrogans priusquā in Apostolatū reintegret: quemadmodum etiam Spiritus sanctus nos docturus notat quibus discernantur ij quorum animo Dei timor & charitas insedit, & radices altas egit ab impiis & Dei contemptoribus, elegantem descriptionem proposuit. 1. Tim. 3. & Tit. 1.

*Cur Petrus
non ad interrogat
grā Dominus
interrogatio
nem respon
derit.*

Accedamus igitur ad Petri responsiones, quarum duæ priores fuerunt, Etiam Domine, tu nosti quòd amem te: tertia verò, Domine tu omnia nosti: tu nosti quòd amem te. Videmus autem Petrum semel atque iterum non ad integram interrogationem respondisse, quippe Dominus non tantum ex Petro quesiverat, an ipsum amaret, sed addiderat, *Plus quàm alij discipuli.* Intellexerat sanè causam Petrus cur istud adderetur, nempe quòd memoriam illi refricaret quàm remercè prius iactasset se non tantum sequi Magistrum paratum, & pro illo vitam profunderè: sed etiam addidisse, cessantibus aut contrariis facientibus reliquis, se tamen perfecturum. Maluit igitur Petrus hanc culpam tacendo fateri quàm ulterius respondere. Alteri verò parti sic responderet, ut quum

animad-

animaduerteret Dominum non dixisse, Méne amasti, sed An me amas, & his verbis eius resipiscentiam satis clarè admittere, velut arripuerit Domini verba. Præterea, dum facit Dominum suæ responsionis iudicem, ostendit se Iesum Christum non tantum vt verum hominem à mortuis suscitatum, sed etiam verum Deum ac cordium scrutatorem agnoscere.

Ne verò nobis persuaderi sinamus Petrum hic de se profiteri perfectum amorem Domini, qui de nullo mortalium dici potest, excepto Domino nostro Iesu Christo: sed amorem sincerum discernere à ficto & simulato his verbis voluisse: quæ de nostra fide & spe & aliis omnibus donis, quæ Sp.S. Dei Filius largitur, sunt etiam intelligenda.

*Multum
ter se diff.
runt sincerum
& omnino
perfectum.*

Hoc Petrus testatur facturum, se ex animo loquutum ostendit, quum dictorum suorum iudicem eum constituit qui falli nescius est: facile quidem dictum verbum, & quo verè Deo debitus honor redditur, & in veritatis solio Deus collocatur, sed de quo serid cogitandum prius esset quàm efferendum. Nam qui rem falsam aut incertam affirmare & cōprobare nititur his verbis, Deus scit (quod nimium frequenter in ore omnes habent) licet alia iurifiurandi formula non accedat, horrenda se blasphemia polluit, Dominum abominanda impietate transformans, in omnis mendacij & falsitatis auctorem. Et si verò nobis hic sermo non excidat, tamen oportet

*Maximus
ac nimium
frequens
abusus h
rum verbo
rum, Deus
scit.*

nos singulis horis & momentis sciētes Deum audire, videre & nosse omnes nostras cogitationes: quarum, quum illi placuerit, & iudex & vindex futurus sit, ita coram ipso præsertim tantæque cū sinceritate ambulare, ut corde non aliud premamus quàm quod ore profitemur, & contrà Domini præsentia cor nostrum & os cum recta bonæque conscientia regat.

Hoc Iesu Christi, respōso totius Evangelij ministeriū continetur.

Iam Domini paucorum quidem verborum responsum, sed admirandæ bonitatis plenum audiamus. Nam præterquā quòd suæ pristinæ dignitati tribus repetitis interrogationibus restituat vnū ex suis præcipuis discipulis, qui ab eadē toties repetita abnegatione exciderat, his pauculis verbis totius sacrosancti ministerij summā cōplexus est, tā eorū quibus administratur respectu, quā qui illud ministrat: ingēs sanè thesaurus, lōgè ipso cœlo ac terra, totaq; præsentī vita pretiosior, qui pauculis istis verbis continetur, *Pasce oues meas, & Pasce meos agnos.* Et quidē hic quatuor verba sunt tantū, sed apud Euāgelistæ Græcū textū, quinque: vox enim Pascendi respōdet duabus Græcis *βοσκειν* & *ποιμαίνειν*, quorū illud significat simpliciter pascere, hoc verò quiddā amplius significat, nempe totius gregis gubernationem & administrationem.

Vnde Pascendi vox pro Gubernare capere videtur.

Quòd ad Pascendi vocabulū attinet, quod huic voci Pastus respōdet, quo Domini Verbum intelligitur: & vocem Gregis, quæ tribuitur sancto Ecclesiæ cœtui, sacra Scriptura, atque adeò

adeò veteres historiæ omnium nationū fidem nobis faciunt, agriculturam, quæ posita est in terra colenda & pecorum cura, fuisse hominū primas artes, donec primū ad commodū & vtilitatem hominum, deinde etiam ad luxum multæ aliæ inuentæ sunt, & quotidie inueniuntur, aliæ quidem vtilis ac necessariæ, aliæ verò superflue, & tantū iis commodæ, qui vt sese oblectent tanquam ad voluptates tantū nati, otiosam vitam ex pāuperum laboribus agūt.

Verū tamen, vox illa Pascendi, quū de munere dicitur docendi salutis doctrinam, docet primū ad hoc munus electū, non ad delicias aut otium vocari, sed contrā ad perpetuū corporis & ingenij studiū ac laborē. Deinde licet respectu rerū earū de quibus agit, & scopi ad quē collimat, rerū omniū humanarū dignitatē hoc munus lōgè superet, tamē à mūdo haberi non tantū abiectissimum & vilissimum, sed etiam maximè exosum esse, & persecutorū crudelitati vehementer obnoxiiū: adeò vt nō magis istis pastoribus & eorum ouibus cōueniat cū mundo, quā inter se cōueniunt lupi, leones, tigres, & aliæ istiusmodi feræ, & boni pastores cū suis gregibus. Huius rei fidē tota Ecclesiæ veteris historia facit: quā ob causam Dominus cum verò Christianismo crucem coniunxit: tum Pastorum, tum etiam ouium respectu, qua de re sumus paulò post pluribus acturi. In præsentia verò diligentius nobis expendendæ voces Pastoris & pascendi.

Primū igitur verus & vnicus huius Ecclesiæ

*Pocilla
Pascendi no-
tatiū huius
muneris pō-
tus & il-
lius contem-
ptus homi-
num huius
seculi nō sū-
t.*

Iosua Chri-

*Plus propriè
verus &
unicus est
pastor huius
gregis.*

Pastor esto Dei Filius Iesus Christus, in quo hœ-
oues electæ sunt ab æterno, ex Patris benepla-
cito. Ephes. 1. 4. & 5. à quo suo tempore voca-
tur. Ephes. 1. 9. Esa. 54. 13. Ioh. 6. 45. sicut suos A-
postolos elegit immediatè, Iohan. 20. 21. & dat
Pastores & doctores ad coagmētationem san-
ctorum. Ephes. 4. 11. & 12. per ostium intrantes,
quæ legitima est Electio, cuius regula nobis
proponitur. 1. Tim. 3. 2. 3. 4. & Tit. 1. 7. 8. 9.

*Quod sit ve-
rorum Pa-
storū opus.*

Quodnā verò Pastorū istorū opus est? Lo-
qui ipsos oportet. Ad hoc enim missi sunt, sub
maledictionis pœna, si secus faxint, Rom. 1. 14.
1. Cor. 9. 16. & sic opponuntur canibus mutis,
Esa. 56. 11. At quod verbū ipsoꝝ esse oportet?
Verbum reconciliationis, 2. Cor. 5. 18. omnium
Dei arcanorū dispēsatio. 1. Cor. 4. 1. nēpe Iesus
Christus pro nobis crucifixus, 1. Cor. 2. 2. Et
hāc quidē ipsoꝝ orationē, quæ salutis doctri-
na profertur, nullo verborū apparatu, nulla fu-
cata eloquētia, nec humana sapiētia, simplicē
esse opōrtet, eius vnus virtute nixā, qui ea quę
stulta sunt in mūdo elegit, vt pūdefaciat sapiē-
tes, & quæ sunt infirma in mundo, vt pūdefa-
ciat robusta. 1. Cor. 1. 27. & 2. 1. 4. Verbum istud
præterea singulis applicandum & distribuē-
dum, non ieiunè aut frigide, sed ita propolita
doctrina, vt cōtradictētes cōuincantur, Tit. 1. 9.
& morum obedientia vt aberrantes à recto,
corriganter, 2. Tim. 3. 16. vt nihil subterfugiat
eorum quæ conducunt, Act. 20. 20. sermonem
prædicent tempestiuè, intempestiuè: instēt, ar-
guant, obiurgēt, exhortentur cū omni lenitate
& do-

& doctrina. 2. Tim. 4. 2. Et, quod maius est, Pastorem oportet non tantum in genere sui gregis curam gerere, sed etiam nosse singulas oves, & nominatim cōpellare, Ioh. 10. 3. publice & per singulas domos, nocte & die, Act. 20. 31. oves aberrantes requirere, Matt. 18. 12. mularum vulnera ligare, laborantes confirmare, Ezech. 33. 16. Quemadmodum autem pascua hæc ad aquas limpidas esse oportet, sic Pastorem gregi suo morum exemplo præire decet, 1. Pet. 5. 3. Denique postulat boni Pastoris officium ut tanto suas oves amore complectatur, ut vitam pro ipsis sit paratus exponere, ad boni Pastoris illius exemplum. Ioh. 10. 12. alioquin hoc munere prorsus illi abstinendum.

In primis autem istud obseruandum est, eum qui propriè solus & verus Pastor est, non dixisse Petro, Pasce tuas oves, aut tuos agnos, sed, Pasce meas oves, & meos agnos: & ita fecisse testatum, se nec vendere nec permittere suas illas oves aut agnos Pastorum arbitrio, sed se usum lactis ipsarum concedentem ipsis, 1. Cor. 9. 7. & quidem moderatè, 1. Tim. 6. tradere tantum custodiendas, quarum reddenda sit ratio: quandoquidem certis finibus potestas circumscripta sit, quam ampliari vel restringi nefas sit, ut loquitur Dominus apud Ezechiel. 33. tantum abest ut dominium in illas acceperint. Hoc ipse Paulus testatur 2. Cor. 1. 24. & Dominus Pastor Pastorum & vniuersi gregis, eò usque se demisit, quatenus se ministrum cir-

*Pastores
sunt magni
illius Pasto-
ris & Do-
mini procu-
ratores.*

cuncisionis agnōuit, vt sapiùs palàm professus sit, se nihil ouibus proponere quod non à Patre prius accepisset.

Diligentissimos quosque Pastores oportet maximum defectum agnoscere.

His omnibus sic, vt par est, ritè expensis, nisi perire volumus, nos, inquam, quibus Deus hoc onus imposuit, eo nos honore afficiens vt tanti tamque pretiosi thesauri administrationem nobis commiserit, quem tanti redemit, quid ad hæc dicturi sumus? Dicam nō sine magno dolore. Nos omnium primos quàm plurimorum defectuum ingenuè fateamur & agnoscamus reos. Nam etli per Dei gratiã verè possumus affirmare, nos hæctenus puram verbo Dei comprehensam veritatem prædicasse, & etiamnum hodie prædicare, quid tamen præstitisse nos dixerimus, si quæ nostræ partes fuerint inspiciamus? Vbi zelus, vbi cura, vbi studium pastorale? O Deus Optime condona, ex immensa bonitate, nostros defectus: nobis bonam & rectam conscientiam conserua: imple nos tuę gloriæ zelo: in nobis adauge scientiam, prudentiam, charitatem, constantiam virtutésque similes ad tātum onus sustinendū necessarias, denique nostris laboribus facilis ac beneuolus benedicito. Vos verò, qui hodie personam ouium sustinetis, Deo vestros pastores assiduīs precibus commendare ne desinite, quò sic ab ipso regantur, vt ipsi bene vos regant, vt tandem vltimo illo & maximo die, summus & vnicus Pastor nos agnitos in verū suum ouile recipiat, quotidie miseris suis ouibus ereptis è leonis rugientis faucibus, &
omnibus

omnibus mercenariis ac falsis Pastoribus, tandemque omnibus suis & nostris aduersariis. Et hæc quidem de Pastoris nomine hætenus.

Ouium verò nomen quòd attinet, Dominus ipse est eius expositor, Ioh. 10. 27. hoc nomine vocans eos omnes qui vocem suam audiunt & sequuntur, ut vitam æternam det ipsis. At quoniam multi ad conuiuium inuitantur, qui tamen non accedunt, quorū mentio fit in

Ouium istud vocabulum strictius accipitur apud Deū quàm apud Pastores.

parabola, Luc. 14. 18. multoq; plures sunt vocati quàm electi, Mat. 22. 14. immo plerunque contingit Dominum mittere suos seruos ad eos qui magis indurantur eo verbo, vel ipsis Moyse & Aarone testibus, Exod. 7. 3. & 4. & Esa. 6. 9, & 10. & maxima parte Prophetarum: immo ipso teste Prophetarum omnium principe, quem scimus lapidē illum angularem ab architectis reiectum, & lapidem offendiculi populo, à quo tamen priore maximè decuerat ipsum agnosci, Luc. 2. 34. & Esa. 62. 2. idcirco quum agitur de sacrosancto ministerio, vox ista Ovis non est adeò angustè accipienda: sed Pastores oportet, Dei relinquentes prouidentia arcanam & intimam cognitionem verarū ouium à falsis, verbum prædicare promiscuè omnibus illud audire cupientibus: immo postulat ipsorum officij ratio ut eas quæ gustum omnem amiserunt etiam inuitent.

Hæ voces Ouium & Gregis aliter attributa sunt Prophetis Apostolis & Euangelistis, quàm hodie de Pastoribus, doctores & senioribus dicantur.

Et quidem hac in re certus quidam ordo est obseruandus. Primùm igitur non eadem est ratio vocationis Pastorum & Doctorum & Seniorū, atq; olim Prophetarū, Apostolorum

& Euangelistarum.

Nam Prophetæ quidem, quemadmodum immediatè vocabantur à Domino, sic ad hos vel illos loquebantur, vt Dei Spiritus ipfos dirigebat. Apostolis verò mūdus vniuersus fuit, velut prouincia, duce Spiritu Sancto, sic tamen officio suo defungentibus ne alter super alterius fundamento ædificaret. Euangelistæ verò nullum quidem certum locum fixum ac constitutum habuerunt, sed tamen non vt Apostoli hūc illūc excurrerunt, sed prouinciis inseruierunt, prout ab Apostolis in has vel illas mittebantur: quod satis conspicuum est ex Actis & epistolis Apostolicis. Pastoribus vero Doctoribus & Senioribus certæ quædam Ecclesiæ sunt assignatæ & priuatim commissæ, quod facile conspicitur ex Act. 20. 28. & 1. Pet. 5. 2. vt sic institutum ordinem nemini fas sit violare.

Quæ conuenientia inter oues naturales quadrupes & oues spirituales gregis Domini.

Deinde magna est obseruanda nobis differentia inter oues quadrupes, & eas de quibus hic agimus oues Dei Spiritu renatas. Ioh. 3. 6. capita sursum in loca cœlestia tollentes Colo. 3. 2. victum & pastum habentes è rore cœli, & ex vtero auroræ natas. Psal. 110. 3. Nihilominus quum Deo visum sit ita suos filios nuncupare nomine ouiu, nō temerè prætereunda est conuenientia inter animalia illa quadrupedia, & veros Dei filios. Porro nemini mirū videri debet homines hīc à Deo remitti ad bestias, ex quibus officium suum discāt: quemadmodum ad asinos ablegamur, præsepe nostrum agniti.

turi. Es. 1. 3. & ad hirundines & istiusmodi aues
 vt salutis nostræ tempus agnoscamus. Ier. 8. 7.
 & ad passeret, quorum exemplo aduersus in-
 credulitatem & diffidentiam corroboremur.
 Matth. 6. 25. & 26. præter alia non pauca istius-
 modi Scripturæ loca. En cur etiam hoc loco,
 propterea quod per peccatum nascimur, non
 ratione homines præditi, sed alij brutis ipsis
 stupidiore: alij, & quidem maxima pars, san-
 guinem aliorum plus quàm tigres aut leones
 sitientes, feri & indomiti homines, Dominus
 dicitur in suis operatus per suum spiritum, eos
 in oues transformare: quum hoc animal sit in-
 ter cætera mansuetum, simplex, placidum, tra-
 ctabile, non vehementer clamosum, nō mor-
 deat, non petat cornu vel ungulis, sed summæ
 utilitatis, ac nulli noxium: immo ne resistens
 quidem lanionibus iugulum petentibus: quæ
 omnes conditiones ad viuum nobis represen-
 tantur in omnibus sanctis viris, quorū historie
 conscriptæ sunt, & in primis in eo qui omnis
 perfectionis est exemplar, & quo nos oportet
 indui, Rom. 13. 14. qui mille modis indignissi-
 mis laceffitus & contumeliis proscissus, non
 modò malū malo nō repēdit, vt ad lanienam
 etiā ductus, ne os quidem ad destruendum a-
 peruerit, quin etiam pro iis seruandis precatus
 sit à quibus Cruci affigebatur, Luc. 23. 33. vt nō
 abs re clara voce hoc ediderit, Discite ex me,
 quod mitis sim & humilis corde, Matth. 11. 33.
 Hæc igitur nobis in sacri simplicitas tâtopere
 commēdatur, non vt bestiis simus similes, sed

omni malitia vacui simus, & placido pacatòq; ingenio simus. Deniq; patiētia illa est magnopere nobis in sacris cōmendata. Accipite verò descriptionem in genere huius veri ouiuū gregis, Esa. II. 9. Non nocebunt & non occident in vniuerso monte sancto meo: quia repleta est terra scientia Domini. Et eòdem præterea capite Propheta, vers. 6. 7. & 8. vim & efficaciam monstraturus Spiritus Dei, futuram inter eos qui Christiani dicuntur, sic loquitur, Habitat lupus cum agno, & pardus cum hædo accubabit, vitulus & leo, & ouis simul morabuntur, & puer paruulus deducet eos. Vitulus & vrsus pascentur: simul requiescēt catuli eorum & leo quasi bos comedet paleas. Et delectabitur infans ab vbere super foramine aspidis: & in cauernam reguli, qui ablaetatus fuerit, manum suam mittet.

*Detestandum pro-
uerbium,
Qui ouem
simulat à
lupo vo-
ratur.*

En, inquam, veram imaginem verę Eccesię re ipsa & nomine. Hic autem omnino cauendum falsissimum & perniciosissimum illud prouerbium, Qui ouem simulat à lupo deuoratur. Nam contra quotquot de hoc mundo sunt, velut in vnguibus & faucibus magni illius Leonis prædę inhiantis, & animas ac corpora illorū vorātis versantur, quibus si parcit ad tempus, cōsultò id facit, vt alios cū aliis cōmittat, & mutuę lanienæ exponat, ac cū ipsis, tanquam cum muribus feles, colludat. Vnica autem hominibus via est ex eius faucibus sese eripiendi, si fiant oues eius gregis de quo hic agimus, sub magni Pastoris illius tutela & præsidio

fidio qui nullam vnquam perdidit à patre sibi commissam. Ioh.6.29.& 18.9. licet eas mittat velut in medium luporum, Matth.10.16. sed sub tam tuto præsidio psal. 61. vt nulli tutiore loco sint quàm qui prorsus derelicti fuisse videbantur. Matth.10.38.

Sed quid ego sum ad ista dicturus? aut unde facturus initium? aut vbi desinam si quales sumus dicere tentauero: nòs,inquam, qui Ecclesiæ reformatæ nomen ementimur coràm Deo & hominibus. Nam obsecro, nonne maiore in dies insania laboramus? contumaces sumus? variis nostris concupiscentiis & voluptatibus inferuimus, & malitia & vitio pleni, digni quos omnes oderint, quum alij alios oderimus? Tit.3.3. alij alios lacerantes & deuorantes, Gal. 5.15. Annon denique nostrarum virtutù hæc sunt insignia, iniustitia pleni, scortatores, impij, auari, maligni, inuidi, cædibus, rixis, toti ex fraudibus cõsuti, sycophantæ, obtrectatores, Deum odio habentes, iniuriosi, contumeliosi, superbi, insolentes, iactatores, malorum inuentores, rebelles parentibus, discordes, ἀσύντοι, nūquam placabiles, sine misericordia, licet quid à nobis Deus postulet minimè nos lateat? An non verò Deus ista cœlitus intuetur? non cognoscit? non vindicabit, non sui iudicij tarditatem grauiore seueritate pensabit? Vulpes dolosæ & fraudulentæ, Læstrygones immanissimi, fœneratores, qui domos integras deuoratis, & miserorum egenorūque sanguinem absorbetis: tigres ac

Applicatio huius doctrinæ ad maximam huius ouis partem.

leones, qui prædis vestris & rapto ciuitatem sanguine repleuistis & quotidie repletis: Vos etiam litigatores & litium fautores, quousque tandem Domini verbum & fideles eius seruos contemnetis? An expectabitis dum magnus ille pastor, qui hactenus nostrum stuporem & indurationem sua patientia superauit, virgam suam abscindat, sicut tandē fecit illi suo veteri populo? Zachar. 11. 9. An expectabimus donec ostio clauso nobis dicatur, Abite à me operarij iniquitatis, non noui vos, Matth. 7. 23. An expectabimus donec sedētem in folio iudicem aspicientes dicamus mōtibz, Montes, cadite super nos, abscondite nos à conspectu eius qui insidet throno, & ab ira agni? Luc. 23. 30, Apocal. 6. 16. Sed irriti tunc futuri sunt clamores. Tunc enim horrendum illud fulgur vltimò emittetur in contumaces & indomitos, Abite maledicti in ignem æternum, qui præparatus est Diabolo & eius Angelis. Ecquis autē non tremet leone rugiente? Amos. 3. 8. Ecquis nouit an hæc hodie vel hoc ipso momento euentura sint? An non enim, obsecro, nostris flagitiis ista promeruimus. Non cernimus, etiam ante portas, vel ab Oriente in Occidentem vsque tela sua ignea Dominū hinc inde vībrantē? Annon audimus nostris auribus ingentes securium ictus, quibus Dominus distringit, abscindit, euertit dēfissimarum sylvarum arbores? Interea tamen frōtem exporrigimus, & cœlū ipsum petimus audacia. At stabit immotus ille thronus, omnibus

in il-

in illum impingentibus, elisis & attritis. Agite igitur, nūquid satis aduersus Deum peccatum est? nunquid satis diu aduersus Deum fuimus contumaces? Serio tandem de istis cogitemus, Dei iudicia quisq; nostrum horreamus, in facies nostras procidamus, ac cū Daniele, lōgè meliore occasione dicamus, Peccauimus, iniquitatē fecimus, impiē egimus & contumaces fuimus, & recessimus, & declinauimus à mādatis tuis ac iudiciis. Non obediimus seruis tuis Prophetis, qui loquuti sunt in nomine tuo, regibus nostris, principibus nostris, patribus nostris, omnique populo terræ. Tibi Domine iustitia, nobis autem cōfusio faciei, Daniel. 9. En fratres, qualē hodie nostrā orationē esse oporteat, aut nunquā: immò vereor ne fera nimis hęc pœnitentia futura sit. Quicquid autem contigerit, etsi ego cū meis collegis eandem meritò vobiscum pœnitentiam imploramus, coram Deo testamur hodie nos monendis vobis non defuisse, & animas nostras liberaſſe. Deus verò de nobis & vobis statuatur, sicut ipsi visum fuerit.

Supereſt iam vt excutiamus fundamenta eorum qui, vt caput illud suum imaginarium, stabiliant, à quo reliquum corpus non minus fanaticum suum sensum ac motum trahit, hęc verba ex sua sententia detorquent: quasi Dominus prius institutis suis Apostolis Ioh. 20. 21. & 22. in ipſorū omnium præsētia, iam in hoc minore cœtu Petrum declararet & ordinaret caput totius Ecclesiæ, & solum vni-

*Responsio
ad eorum
obiectiones
qui Papa-
tum ex istis
stabilire
nituntur.*

*Prima ob-
iectio ex
verbis Pe-
tri, Pafce
oues meas.*

uerſalem vicarium repræſentantem in terris
Ieſum Chriſtum cum ſimilibus aliis multis
intolerandis blaſphemiis. Primùm igitur di-
cunt, nulli ex Apoſtoliſ alij quàm Petro di-
ctum, & quidem tribus repetitis vicibus, Paſ-
ce meas oues. At falſum hoc. Nam omnibus
Apoſtoli� dictum eſt, primum quidem quum
iſtis apparuit eodem ſuæ reſurrecciónis die,
Luc. 24. 47. & 78. & iterum eadem ipſa hora,
Ioh. 20. 21. ac tertio tandem quum in cœlos
aſcenderet, Matth. 28. 19. Marc. 16. 9. Act. 1. 8. &
quidem uſus longè amplioribus dilucidiori-
bus & diſertioribus verbis. Sed vt iſta relin-
quamus, quid ad D. Petrum in tantam digni-
tatem euehendũ iuuat in medium id adferre,
quod potiùs illi foret ignominioſum, niſi te-
ctũ eſſet immẽſa Præceptoris bonitate & mi-
ſericordia, quũ citra controuerſiã tertio repe-
tita illa interrogatione Dominus illi tres ab-
negationes exprobrarit, quas deinceps triplici
cõfeſſione eluit, quã ex ore Petri elicuit, toties
illo in Apoſtolatus ſui munere redintegrato?

*Secunda
inſtitia ex
nominibus.
Ouium &
agnorum.*

Deinde dicunt hac ouium voce intelligen-
das Eccleſias peculiareſ cum ipſarum Paſto-
ribus & Prælatiſ vt loquũtur, à quibus gignũ-
tur Agni, ideſt ſinguli fideleſ diſtinctè conſi-
derati, ad eò vt, ſi fideſ iſtiſ adhibeatur, reli-
qui etiam Apoſtoli, Petro ſubiiciãtur. At quiſ
hanc iſtiſ allegoriam cõceſſerit? Cuiuſ enim
ſatiſ notum eſt in tota ſcriptura, Chriſtianoſ
omneſ intelligi nomine Ouium, quæ expreſſè
diſtinguntur à ſuiſ Paſtoribuſ & Conducto-
ribuſ:

ribus: vt iterum hæ Oues discernantur in eas quæ iam ad aliquam cognitionem peruenerunt, & eas quæ adhuc tenellæ sunt & lactentes velut agni. Qua distinctione Dominus docet quanta cura & diligentia veros pastores oporteat incūbere in verbo Domini singulis dissecādo & distribuēdo, 2. Tim. 2. 15. lacte nimirum adhuc infantibus, & cibo solidiore iis qui concoquendi illius & digerendi facultatē habent, 1. Cor. 3. 2. & Heb. 5. 12. Ac proculdubio valde istud mirandum esset, si tam vera esset hæc expositio quàm falsa est & ridicula, Dominum à discipulis toties interrogatum, quis maior esset inter ipsos futurus, nō recordatum tunc ipsis Petrum nominare, quū contrā, disertissimis verbis doceat, nullum inter ipsos fore dominatum, Matth. 20. 25. Marc. 10. 42. Luc. 22. 25. & contentos esse oportere præsentia spirituali sua, qui verè summus Pastor est & eminent tã inter ipsos quàm totam Ecclesiam vsque ad seculorū consummationē.

Verūm, excipiunt aduersarij, nonne satis abundè & perspicuè Dominus Petrum designauit caput vniuersale suæ Ecclesiæ in hoc mundo, quum promisit se daturum illi clauēs Regni cœlorum, & suam Ecclesiam super hanc petram superstructurū? Matth. 16. 18. At quoties admonuit ipsos ac docuit, tum rationibus tum adductis Scripturę locis, tum testimoniis veterum, quemadmodum tunc Petrus responderat, & fidei cōfessionem illam ediderat non priuato suo tantūm, sed sociorum reliquorum

Tertia exceptio aduersariorū de hac historia cum promissione Petro facta collata, Matth. 16. 18.

nomine: sic etiā has clauēs, id est potestatem ligandi & soluendi, ac proinde, vt Christus est optimus horum verborum interpres, potestatem remittendi & retinendi peccata in nomine & voluntate eius cuius vnus hoc ius est, Luc. 5. 21. tum nō vni Petro fuisse promissam, sed omnibus Apostolis, quæ post resurrectionem potestas in ipsos collata est. Ioh. 20. 23. & Marc. 16. 15. & 16. & in Apostolorum persona, omnibus veris pastoribus legitimè vocatis: simul vnum corpus cōstituentibus, quo Ecclesiæ vnitas repræsentatur, quemadmodū vnus est Deus, vnus Christus, vnum sacrosanctum Ministerium, vna fides, vna spes, & vna salus? Nam veteres Patres, etiam quos iam aliquatenus Episcopus ille Romanus fallebat, id ipsum obseruarunt, donec pro Ecclesiæ totius vnitatē Apostolus vniuersalis Ecclesię obtrusus est. Et tamen Dominus velut tantum errorem præcaueret, pro eo quod hanc sanctam auctoritatem pollicitus Petro dixerat, Dabo tibi clauēs, in illarum traditione dixit vnā omnibus, Mitto vos vt Pater me misit, & Accipite Sp. S. & Ite & docete omnes nationes, nulla Petri præ cæteris Apostolis facta nominatim mētionē. Quòd autem ad Ecclesiæ fundationem attinet, quis non videt Dominum his verbis, Tu es Petra, & super hanc petram ædificabo Ecclesiā meam distinxisse suū Apostolū omnium nomine loquutū, à cōfessione quā ediderat, his verbis, Tu es Christus, Filius Dei viuentis? Quū igitur istud ædificiū nullo
 alio

alio quàm Iesu Christo niri possit, Ephe. 2. 20.
 & 1. Pet. 2. 6. quemadmodum ipse Paulus di-
 fertè docet, nullū aliud poni posse fundamen-
 tum quàm vnicum Iesum Christum, perspi-
 cuum est Dominum eo loco Petrum alloquu-
 tum esse vt repræsentantem totam Ecclesiam
 in ea confessione quam ediderat. Quid am-
 plius? si huius administrationis summa posita
 est in Verbi prædicatione, & Sacramentorum
 administratione, vbi tandem inueniemus re-
 liquos Apostolos Petri scholam adiisse ab i-
 pso docendos, aut Petrum sibi talem aliquem
 in socios dominatum arrogasse? Contrà Hie-
 rosolymis accusatus, & quidem iniuriâ, nonne
 coram Ecclesia facti sui rationem reddit, Aët.
 11. 3. & 17. Annon eorundem consilio in Sama-
 riam ipsum cum Iohanne mittentibus obse-
 quitur? Ac quanta Pauli fuisset arrogantia, re-
 prehendentis ipsum Antiochiæ & quidē co-
 ram omnibus? Gal. 2. 11. & 14. Quorsum etiam
 Petrus de sibi commissâ functione maximam
 orbis partem truncasset, Gentes nimirum, cō-
 tentus vt plurimum Euangelio circūcisionis,
 vt Paulus erat præputij, sicut inter eos conue-
 nisse videmus, Gal. 2. 7. & 9. & Dominum i-
 psum ore proprio præscripsisse talem Paulo
 functionem? Aët. 9. 15. & 26. 17. Denique vt i-
 stis concedamus falsò ab ipsis excogitatâ Pe-
 tri in reliquos eminentiam, vnde tādē pro-
 babunt eam ad successores transiisse, & Romę
 potiùs quàm alterius vrbs cuiuspiã propriam
 esse? Ac denique, si se ita res habet, quo iure

Romannus Episcopus, modò Petri, modò Pauli
 ut libuerit, successorem dicet? Sed quid pluri-
 bus immoramur in istis refutandis quæ nulla
 ratione nec specie rationis nituntur? Paucis i-
 gitur rem totam absoluo, Successorem Petri,
 superioribus omnibus datis & concessis, dici-
 mus oportere non tantum cathedram, sed Pe-
 tri doctrinam ostentare, quum Dominus sua-
 rum ouium & agnorum curam minimè ligneo
 vel lapideo pulpito, sed in illo sedentibus ad
 hoc munus exercendum commiserit.

*Quarta
 exceptio
 aduersaris-
 rum ex ver-
 bis Christi
 ad Petrum
 indefinitis.*

Denique qui caput istud vniuersale tuen-
 tur, hac ratione nituntur, quòd Dominus Pe-
 trum alloquutus non dixit, Pasce meas Oves
 in Oriente vel Occidente, vel alio quouis lo-
 co, sed indefinitè, Pasce meas Oves: vnde infe-
 runt Petrum hinc designatum fuisse pastorem
 omnium Ecclesiarum sine exceptione. Sed præ-
 ter quàm quòd iam diximus, hæc si ita essent,
 tamè Petro fore tantum illa propria, quando-
 quidem nec hoc loco nec alibi fit vlla mentio
 vel Petri successoris, vel Romæ, vel vllius alte-
 rius vrbs: viros istos bonos saltem affici pu-
 dore oporteret, inter ea quæ indefinitè dicta
 sunt, ab iis quæ vniuersaliter, non distinguen-
 tes, nimium impudente sophismate. Ex istis i-
 gitur Iesu Christi verbis, verè quidem conclu-
 di potest Diui Petri Apostolatam, non fuisse
 in vlla natione regione vel vrbe conclusum: ac
 proinde ipsum Apostolatu suo ab iis spoliari
 qui de Apostolo faciunt Pastorem vel Epi-
 scopum, primum Antiochenum (quod est fal-
 sissimum

fiffimum) deinde Romanum: specioso fanè
 prætectu, quòd Roma terrarum maximæ par-
 ti dominaretur. Verùm, quod maius est, quæ
 hîc indefinitè dicuntur, alibi vniuerfaliter tam
 Petro quàm sociis ac collegis eius his verbis
 committuntur, *Ite, & docete omnes nationes.*
Matth. 28. 19. & In vniuersum orbẽ terrarum
profecti, prædicate Euangelium omni crea-
turæ, Marc. 16. 15. quæ si coniungantur cum
 iis quæ hic indefinitè dicuntur Petro, satis di-
 lucidè patefacient, vnum & idem omnium ef-
 se munus Apostolorum, eundem Apostola-
 tum, nulli certo loco astrictum, sed in vniuer-
 sum orbem indiuisè: ad quos deinceps Paulus
 decimus tertius accessit, quorum omnium v-
 na fuit dignitas & authoritas ministerialis:
 trêdecim illos viros sic regente Sancto Spiri-
 tu, & quocunque locorum ipsi placuit, mit-
 tente, vt nullus eorum falcẽ in alienam mes-
 sem miserit, sed fidelem omnes operam hinc
 inde, prout à Domino vocati sunt, strenuè na-
 uauerint. Nihilominus tamen Apostolatus
 Petri Iudæis maximè dicatus fuit, & Pauli Gẽ-
 tibus, absque vlla æmulatione, auso tamen D.
 Paulo, Deo gloriam tribuẽte, de se prædicare,
 se ampliùs quàm illos omnes laborasse, *1. Co-*
rin. 15. 10. Quid verò futurum putamus si cõ-
 parationem instituamus summi & solius ca-
 pitis veræ Ecclesiæ cum fictitio illo & imagi-
 nario Vicario, & satellitibus eius, aut tota illa
 hierarchia, cum veris pastoribus re & nomi-
 ne? Sed hâc materiam desino pluribus in præ-

sentia persequi.

*Usus gene-
ralis &
præcipuus
superioris
doctrinæ.*

Hanc igitur illis cloacam relinquentes, quibus tam bene olet, Deum precemur ut ex immensa sua gratia tam eximia documenta quæ hac historia continentur altius animis nostris infigat, & in primis ut pro immensa sua misericordia fratrum nostrorum reliquias ex illa Babylone eripiat, tot populorum in ultimam perditionem, pastorum inopia, ruentium misertus, ac pro immensa rapacium luporum & mercenariorum multitudine, fideles seruos in messem suam immittat, quibus in dies benedicat, ac tueatur, donec plenitudo temporum adueniat quæ constituit, ut cum ipso viuamus & regnemus in æternum. Amen.



HOMILIA VICESIMA.

Ioh. 21.

18 *Amen, amen dico tibi, quum esses iunior, cingebas te, & ibas quò volebas: quum autem senueris extends manus tuas, & alius te cinget, & transferet quò noles.*

19 *Hoc autem dixit, significans qua morte glorificaturus esset Deum. Et quum hoc dixisset, dicit ei, Sequere me.*

20 *Conuersus Petrus videt illum discipulū quem diligebat Iesus, sequentem, qui & ipse recubuerat in cæna illa super pectus eius, & dixerat, Domine quis est ille qui te prodit?*

21 *Hunc ergo quum vidisset Petrus, dicit Iesu, Domine, hic autem quid?*

22. *Dicit*

22 Dicit ei Iesus, Si velim eum manere donec veniam, quid ad te, tu me sequere.

23 Exijt ergo sermo iste inter fratres, discipulum illum non moriturum: sed non dixerat ei Iesus, Non morietur: sed, Si eum velim manere donec veniam quid ad te.

24 Hic est discipulus ille qui de his testatur, & hæc scripsit, & scimus verum esse testimonium eius.

25 Sunt autem & alia multa quæ fecit Iesus, quæ si scribantur sigillatim, ne mūdum quidem ipsum opinor capturum eos qui scriberentur libros. Amen.



ERIT I medici plerunque consueuerunt primū ab ægrotis morbos depellere, deinde hoc non contenti diætā aut modum viuendi præscribere, vt in posterum morbos caueant. Idem præstitit Dominus erga discipulum, postquam collapsum erexisset, ac monuisset sibi in posterum à simili lapsu caueret, non futura pari cōditione, quādoquidem mortem effugerat. quam triplici Domini abnegatione merebatur: sed iam seriò agendum, & re ipsa comprobandum pluris ab ipso Magistri gloriam fieri quàm propriam vitam. Quapropter maturè se ad hoc certamen accingeret, fide & Constantia munitus, quum antea sibi ipsi nimium confidens, vnus ancillulæ voce perterritus collapsus esset. Hic si quis excipiat medicum sic suum agrū

*Ternis illis
interrogationibus et
responsionibus Domi-
nus non tām disci-
pulo suome
deroluit,
sed in poste-
rum etiam
ne caderet
providere.*

alloquentem, ac redituri periculi & mortis etiam inde sequuturæ præmonentem parùm gratam illi medicinā adhibere visum iri. Aio, verum illud quidem esse in hac morborū specie sanitatem lædentium, & Mortis quæ vitam eripit, sed non in ea Mortis specie quam hic discipulus erat passurus, qua contrà ad veram vitam & sanitatem aditus patefit. Denique licet Dominus absolutè loquatur, non conditionaliter, vt forte Medicus ægrum pristinæ valetudini restitutum moneret fore, vt nī sibi caueat, & diætā præscriptā obseruet, in morbum immedicabilem recidat: tamen hæc admonitio Domini valde fuit utilis, immo necessaria prorsus huic discipulo, ex veteris illius ac triti prouerbij vsu, tela præuisa minus nocere. Qua ex re percipimus quātax curæ Domino sit salus miserorum peccatorum pœnitentiam agentium, quos alioqui sua gratia indignos poterat reiicere, aut ex parte tantū illis providere: quæ pluribus mox persequemur.

*Quomodo
figurato ser-
mone Do-
minus vsus
sit.*

Denique Dominus maturè discipulum admonet qua via sit illi deinceps incedendum, vsus aptissima phrasi loquendi, petita à Iudæorum vestimentorum ritu, qui togis longioribus, sicut Orientales populi penè omnes utebantur, vt quoties se ad iter accingerent vestes succingerent. Hic est igitur verborum Iesu Christi sensus, Haftenus succingebas te, & ibas quo volebas, sed veniet tempus quo te alius cinget, id est corpus tuum & brachia vinciet te ad suum, nō ad tuum arbitrium, ductu-

rus:

rus: sic indicans ipsum non morte naturali, sed carnificum manibus moriturum. Neque verò dubitandum quin ita contigerit, cuius fidem faciant multi ex veteribus, nominatim etiam cruci affixum memorantes, quò spectare videtur etiam illa verba, fore ut manus extendat. Nolim autem hac de re contendere, licet scriptores in circumstantiis plurimum inter se discrepent. Quòd verò de Apostolo, & quidem maximè Iudæorum, factus est Episcopus Romanus, manifesta est falsitas, quum præsertim velint ipsum sedisse, ut loquuntur, Antiochiæ septem annis, & Romæ 25. quod cum temporum supputatione, & Actorum historia non magis conuenire potest, quàm luci cum tenebris.

His itaque partim incertissimis narrationibus, partim falsissimis omissis, redeamus ad verba Domini, in quibus illud nō leuiter prætereundum, moneri Petrum hæc illi euentura quum senuisset. Ac reuera à morte Domini ad decimum quartū & vltimū vsq; annū Imperij Neronis, in quē reicitur mors D. Petri & D. Pauli, intercesserunt anni circiter triginta sex aut triginta septē. Fuit autem hæc præmonitio valde utilis & necessaria Petro, ut primū sciret satis otij de illis cogitādi sibi à Domino cōcedi: deinde ut hanc à mūdo suorum laborum mercedem expectaret: tum ut in mediis illis laboribus & periculis quibuscum oportebat eum luctari, Dei præsentis auxilio fretus ad tempus illud vsque præfixum impavidus per-

*Cur Domi-
nus expres-
serit id Pe-
tro euentu-
rum quum
senuisset.*

staret. Verumtamen in genere tantum de istis
 pramonuit discipulum, ut quemadmodum cer-
 to sciret se quicquid aduersus eum molirentur
 aduersarij, tamē ad longævam ætatem peruē-
 turum (cuius eximium habemus exemplum
 Actorum 12.) sic vicissim perpetuò sibi, quum
 eam ætatem attigisset, cauere & paratus ad
 obsequium esset.

*Hæc verba,
 Quò noles.
 indicant
 mortem vio-
 lētā. quā
 minime
 fuisset Pe-
 trus electu-
 rus data si-
 bi optione:
 ut nihilo-
 minus spō-
 se mortem
 obierit pro
 Domino.*

Sed quædam occurrit difficultas in verbis
 Domini, ducendum nimirum quo nollet. Nam
 quæ ad Apostolum inde redit gloria si mortē
 inuitus, passus est? Nec enim ipsa mors Domi-
 ni Patri grata, qui solum hilarem datorem di-
 ligat: nec nostra reconciliatio fuisset, nisi cum
 perfecta obedientia coniuncta ad mortem vs-
 que Crucis. Magna verò fieret illi iniuria, qui
 flagris cæsus à Concilio cum sociis, cum tanto
 tamen gaudio recessit, quòd digni habiti es-
 sent qui pro nomine Iesu contumelia afficerē-
 tur, si quis eum suspicaretur aliter affectum
 fuisse vltimo pro Christo supplicio afficien-
 dū. Quamobrem falsissimus ille & plane ridi-
 culus & barbarus tractatus de morte D. Petri
 & D. Pauli, nomine quidem Lini cuiusdam
 vulgatus, (quem Linum volūt primum à Pe-
 tro Episcopum Romæ sedisse) sed ab imperi-
 to quopiam confictus ad libitum indignus est
 cui in fabulosa quadam narratione fides ad-
 hibeatur. Dicit enim Petrum, quum se quæri
 sciret, Romæque excederet in Iesum Christum
 incidisse, non quidem noctu per intellectualē
 visionem, ut apparuit Paulo, Act. 23. 11. & 27.

*Historia
 falsissima
 de marty-
 rio Dni Pe-
 tri & Pau-
 li, nomine
 Lini Epi-
 scopi Ro-
 mans edi-
 ta.*

33. nec in exstasi, vt eidē Apostolo, Act. 22. 17. & 2. Cor. 12. 2. sed media luce, quē Petrus conspectū sine aliis, vltro citrōq; habitis sermonibus interrogarit, Domine quo abis? (quę narratio prorsus repugnat Apostoli verbis, Act. 3. 1.) Dominū verò respōdisse. Romā proficiscor iterum crucifigendus: quo tanquam oraculo Petrum admonitum, & quasi mortem metuēs fugeret reprehēsum, in vrbem rediisse, statimque apprehensum cruci fuisse affixum. En, inquam, fabulam quæ peregrinam huic loco quem tractamus expositionem adferret, & in eum fortassis etiam sensum est excogitata. Verum tamen, quamlibet inepta & ridicula, tamē admissa est, cum aliis infinitis istiusmodi ridiculis fabulis, & adeò quidem vt etiamnum hodie Romæ ostendatur locus in quo id gestum affirmant, ante portam Latinam, quam vocāt, adeò fuerunt quidam audaces in confingendis istiusmodi mendaciis, alij adeò faciles & stolidi in iisdem recipiendis, etsi mendacij satis eos arguat idem Apostolus D. Petrus, quum ait Act. 3. 21. Iesum Christum contineri cœlis oportere, nimirum secundū corpus, vsque ad rerum omnium instaurationem: quemadmodum etiam Angeli postquam in cœlum ascēdisset fuerant discipulos alloquuti, & fidei nostræ articulo congruenter, quo credimus vltimo die futurum eius ad nos è cœlis reditum, & non antè. At non mirū est hanc realem & actualementem apparitionem ab iis excogitatam, qui sibi persuadent ipsum essentialiter & rea-

liter esse in tot hostiis quot consecrauerint, & quidem in locis infinitis eodem momento. At pro tam indignis commentis, non dubium est quin Dominus istis verbis, Quò noles, intellexerit vincula & violentam mortem, quam opponit plenè libertati quo libet proficiscèdi; ac non tãquam Apostolus inuitus ad mortem raperetur, quum sit extra omne dubium, ipsum libentissimè, sicuti diximus, mortem obiisse. Nihilominus tamen nō tantum quatenus natura mortem abhorret, sed etiam quatenus in maximè perfectis supersunt reliquæ infirmitatis, ex quibus nascitur illa lucta inter carnem & spiritum, non dubium est quin voluntas etiam obsequentiissimorum Dei seruorum mixta sit aliqua carnis repugnantia, licet superâte carnem in ea lucta spiritu: cuius rei fidem nobis facit illa tristis Apostoli, quantumlibet strenui, fortis & magnanimi & victoris lamentatio, his verbis, Non quod volo hoc ago, sed quod odi, hoc facio. Rom. 7.15.

*Diversitas
fuit sed bene
composita, & nullo
modo repugnans
inter voluntatem
Iesu Christi ad
mortem pro nobis
properantis, & diuinam
Patris & ipsius
voluntatem.*

Quinimo, Dominus ipse, quod longè maius est, cum horrore præsentiscens non tantum dolores in cruce perferendos, (vt quidam arbitrati sunt) sed maximè horrorem iudicij Dei Patris sui, aduersus peccata nostra quæ in se susceperat (qui longè maior fuit animæ cruciatus quàm crucis, & cuius respectu pro nobis factus maledictio dicitur, quatenus nimirum pro nobis fideiusserat, Gal. 3.13.) supplex Deum patrem deprecatus est, vt si fieri posset, hunc calicem non biberet, additis tamen istis vocibus,

vocibus, verumtamen non vt ego volo, sed vt tu. Absit tamen Christo vllam carnis in se luctam tribuamus. Quapropter pro eo quod sanctissimi quique homines non modò diuersitatem sentiunt inter voluntatem carnis & voluntatem spiritus, sed etiam maximam contradictionem & repugnantiam, ac proinde vitiosam imperfectionem admixtam bonæ voluntati, diuersitas tantùm & ad momentum fuit in Iesu Christo, inter apprehensionem sensualem, & volūtatem Patris sui suamq; ipsius, quatenus est Patri coëssentialis & coæternus Deus, sine peccato tamē, aut vlla imperfectione. Hęc autem differentia nobis sedulò est obseruanda, tum vt intelligamus quousque Dei filius sese pro nobis exinaniuerit, tum etiam vt ei nihilominus nihil tribuatur, quod aliquid de ipsius perfectissima perfectione & ab omni macula pura detrahat.

Nos verò ex hac phrasi loquendi, tanquam ore proprio filij Dei dictata sententia, de vno ex Apostolis ipsis præstātissimo, in excellentissimis Dei seruorum sanctissimorum operibus aliquid vitij semper inesse discamus. Nā, obsecro, quæ maior obedientia, vel quæ maior dilectio potest esse cuiusquam mortalium ea quam testati sunt fidelissimi Dei serui, dirrissimos quosque cruciatus, quibus Satan & satellites eius sæuierunt, libenter & summa cum alacritate tolerantes, ad Dei & Domini nostri Iesu Christi filij eius gloriam promouendam? Quamobrem etiam Martyrum no-

*Etiam in
martyrū,
obedientia
vel maxi-
ma subest
aliquid viti-
ij.*

mine, idest testium Domini designantur. Nihilominus in spontanea illa voluntate, etiam fuit Nolle quod maximè volebant, vt loquitur tam strenuus athleta de se Paulus Apostolus, aduersus seipsum his verbis exclamans, *Delector Lege Dei quòd ad hominem interiorem: sed video aliam legem in membris meis rebellātem legi mentis & captiuum reddentem me legi peccati quæ est in membris meis:* per legem mentis intelligens sanctum illud propositum quo se in Dei obsequium quatenus eius Spiritu regenitus, submittebat: legem autē membrorū vocans reliquias naturæ corruptæ, tum cupiditatum inde nascentium resistentes adhuc ei quod erat in ipso spirituale, licet tamen in ipso victore Spiritu.

*Abusus in
tolerandus
ex Marty-
rum passio-
nibus inue-
nitur*

Quānam igitur erit meritorium, & æterna vita condignum, quod reliquiis carnis aduersus spiritum pugnantis est mixtum, disertissimis verbis Apostolo pronuntiante, nihil eorum quæ patimur respōdere gloriæ quam expectamus? Ac si nulla fuerunt merita martyribus pro seipsis, quānā aliis acquisiuerint? Quis tabellio contractum istum stipulatus est? Et tamē hodierni nostri Romani Catholici, docent, Martyres non tantum ex condigno promeritos gloriam, in quam absit negemus eos receptos, sed, quod maius est, sanguinem eorum cum Iesu Christi sanguine miscent ad salutem viuentium, reliquias ipsorū venerantiū & ipsos inuocantium: & quidem eo deueniunt impudentiæ, vt quorundam morborum ipsis

ipsis sanationem attribuant. Annon verò manifesta hæc est impietas & abominanda idololatria, licet iam dudum altas radices egerit, quòd non adhibitus sit modus in laudandis martyribus in cœtibus iis qui annuatim ad ipsorum sepulchra conueniebant, incipientibus Ecclesiis à persecutionū cœtu respirare? Et hæc prorsus ἀπίστα meritò viderentur, nisi legē illæ aureæ, quas vocāt, istiusmodi fabulis ridiculis & prodigiosis essent refertæ; atque adeò nisi Spiritus erroris efficacia fuissēt hætenus imperitæ multitudinis hebetatē mētes, eorum desperata malitia, quos verè hodie, si aliàs vnquā, dicere possumus cū Osea, populi peccata comedentes vehemēter saginari. Os. 4.8.

Sed aiunt, qui in Dei maximè admiranda opera inquirunt, quid opus erat fideles Dei seruos ita cruciari, quandoquidem, qui ex cruciatibus eos liberat etiā, eos poterat arcere? O stolidos & amentes homines! quis vnquam sine pugna victoriam reportauit? Fateor igitur, pati quidem iustum, sed patiēdo iustum vincere, adiiciendum dico, atque adeo si conferantur quæ præsentī tempore perpetimur cum gloria in nobis olim retegenda, longo à se illa interuallo dissidere, vel Apostolo teste: Rom. 8.18. Quis igitur iure meritoque de Domino conqueretur, quandoquidem qui tormentis sic excruciantur leui afflictione & momentanea in æternū summæ gloriæ pōdus transeunt, 2. Cor. 4.17. & carnifices illi ac persecutores cōdignam suis flagitiis, pœnā pen-

*Copiosè respondetur
in qui con-
queruntur à
Domino
coniūctam
crucē cum
sacrosancti
Euangelii
professione.*

dēt æterni exitij, à præſente Domino & potēte ipſius gloria? 2. 1 heſſ. 1.9. An verò æquum foret ſeruos alia via fieri participes ſummæ illius gloriæ & felicitatis quàm qua Dominus ad eandem peruenit, nimirum vt in hac vita perſequutionem patientes mox cum eodem glorificentur, vt in paſſionibus & gloria fiant Dei filio conformes, Rom. 8. 28. 2. Tim. 2. 12. Ac proculdubio tantum abeſt vt de Domino cōquerantur, quos ipſi viſum eſt ſtigmatibus ſuis decorare, vt contrà ſibi ducant non paruo honori quoſcunque pro Chriſto cruciatus & contumelias ſuſtinēt, prout etiam admonētur à Domino, Mat. 5. 11. & 12. Act. 5. 4. quū ſingulis electis datum quidem ſit in ipſum credere, ſed non etiam omnibus pati pro eo in quem crediderunt, Philip. 1. 29. Tormētorum autem vim & magnitudinem quòd attinet (quorum vel ſolus metus has voces iſtis admirātorum operū Dei ſubducti ſupercilij carptoribus & momis extorquet) nonne ipſa experientia omnium ſeculorum docuit, inuiſta conſtantia tot filiorū Dei, cuiuſlibet ſexus & ætatis, Deū, ſine cuius arbitrio & permiſſione nec huius mundi princeps, nec ſatellites ipſius ſeſe mouere, nedum vt ſuam carnificinam exercere poſſint, nunquam paſſum eſſe nec paſſurum etiam ſuos ſupra vires tentari? 1. Cor. 10. 13. Ita ſuos Apoſtolos exercuit primum carcere & comminationibus, Act. 4. 21. dein flagris, Act. 5. 4. antequam lapidibus illos & ſanguinis effuſioni exponeret, Act. 7. 59. Nec enim agimus de

de falsis & abominādis stigmatibus execrandi illius idoli, quod Sancti Francisci nomen præ se fert: at reales & actuales sunt passionēs, quas fides nunquā irrita comitatur, & spes quæ nūquam pudefacit, quibus fit vt minimè quidem imaginariè, sed reipsa, in media cruciatuum acerbitate, dulcedine quadam innarrabili afficiantur: & in ipso dolorum & angoris æstu, gaudio quodam incredibili perfundatur, res inuisibiles & æternas spiritu contemplātes, & momētaneis angoribus opponētes, 2. Cor. 4. 18. adeò vt vitam in ipsa quantumvis cruēta & sæua morte reperiāt: ita tamen vt nihil cū stultis illis & profanis Philosophis habeant commune, qui homines ἀπαθείς esse voluerunt, obsecro, fratres, nonne hunc Domini fauorem hoc loco experimur, quandoquidem in tam horrendis totius orbis motibus & tempestatibus, immò in ipsis leonum faucibus versantes nos tamen hæcenus fouit, & fouet in schola sua, quos in tāto otio tāmq; admiranda tranquillitate erudiat præ aliis tā multis populis & nationibus, vt ista vel ipsos nostros hostes insensissimos & capitalissimos admirari necesse sit, & ratum illud sit quod Propheta canit, Psal. 23. 5. At quorsum hanc lenitatem, nisi vt ipsi quando, vbi & quomodo-cumque visum ei fuerit respondere parati simus? At verò nobis quid tanta discentium in hac schola negligentia, & contumacia minatur? Næ, maximam in plerisque omnium leuitatem & inconstantiā portēdit, si nos ad cru-

cem usque & sanguinem Dominus vocarit. Et hoc tamen honore dilectissimos suos affecit.

*Nemo re-
rè Christia-
nus est nisi
ad marty-
rium appa-
ratus, cum
Dei sum-
re, licet non
omnes
Deus hoc
honore af-
ficiat.*

Verum enim verò, licet suorum infirmitati Dominus consulens, non omnes huic examini subiiciat: tamen singulos qui re ipsa Christiani esse volunt sic affectos esse par est, ut sponte suam vitam Domino, eius auxilio & gratia freti consecrent. Sed quorsum ista? Minime sanè ut salutem in iis quæramus nostrā, sed ut gloriæ & honori qui inde redit ad Deū seruiamus, cui promouendo reliquis omnibus sine exceptione posthabitis, omni cura & studio vacare nos oportet, si modò ex filiorum eius ad id creatorum numero sumus, Ephes. 1. 6. adeò quidem ut licet nulla nobis gloria seruaretur in cœlis reposita, nec speraretur pretiosum illud conuiuium quo sponsus est amicos suos his verbis inuitaturus, Amici mei, edite, bibite, saturamini meis amoribus, dilecti mei, Cantic. 5. 1. tamen sola gloriæ illius cōsideratione (cuius virtus perficitur in eorum infirmitate qui patiuntur, superata nihilominus Satanæ & mundi totius potentia) debemus hanc crucem rebus omnibus antepone-
re. Hoc ipsum nobis Euāgelista his verbis declarat, Dominum sic indicare voluisse discipulo qua morte esset ipsum glorificaturus. Nā licet, siue Deus sua iudicia exerceat in improbos, siue sua immensa patientia toleret, propter iniquitates suas tandem eius furori destinatos, Rom. 9. 22. siue suis benedicat benedictionibus tēporariis aut spiritualibus, 1. Tim. siue

sive ipsos vt bonus pater castiget, Heb.12. 6. in gloriam eius immensam & infinitam omnia illa cedant, tamen nunquam melius quàm in suorum infirmorum seruorum tentationibus & explorationibus glorificatur: siue potèntiam eius inuisibilem consideres, qua tantæ suorum imbecillitati vires sufficit: siue promissorum veritatem, fortissimis suis athletis ita seruatis: siue denique terribilem & stupendam executionem qua ratas comminationes aduersus omnes istorum carnificum conatus facit: quibuscum miserrimè tunc agitur quum de Dei filiis triumphare sibi videntur.

Sequitur altera pars huius historiæ, qua cō-
 tinetur alius inter Petrum & Dominum ultro
 citròque habitus sermo, de tertio tamen alio,
 nempe dilecto discipulo. Huic sermoni præ-
 buit occasionem dictum illud Domini se, ve-
 lut inde digressuri, in viam dantis, & Petrum
 sequi se iubentis, qui conspecto discipulo di-
 lecto etiam sequente, Dominum interrogare
 cōpulsus est, an etiã discipulus ille sequeretur
 eos. Verùm ex Domini responso facile colli-
 gitur Petrum vltèrius spectasse, admiratum
 ita discipulum dilectum relinqui: ac memoria
 repetentem, vt verisimile est, aliàs (velut in
 trāsfiguratione & agonia illa in horto) à Do-
 mino ipsum fuisse cum Iacobo fratre testem
 suorum istiusmodi arcanorum aduocatū. Præ-
 terea Petrum auditis certaminibus quæ sibi
 sustinenda Dominus prædixerat, ac memorẽ
 eius quod hic nominatim exprimitur, ver.20.

*Literalis
 expositio
 secunda
 partis hu-
 ius histo-
 riæ.*

nempe in vltima illa Domini cum discipulis
Coena discipulum illum dilectum à Domino
rogatum, ex eo didicisse quod palam aliis de
Iuda proditore noluerat indicare, ioh. 13. 24.
& 26. & se solum à Domino iam vocari com-
item, condiscipulo parem voluisse gratiam
referre, ac sciscitatum quid illo tandem fieret!
quam Petri curiositatem Dominus ita corri-
puit, vt de eo tamen aliquid illi Dominus in-
dicarit, sicut suo loco sumus audituri, & ratio-
nem cur hanc historiam Euangelista hic inse-
ri voluerit expensuri.

*Petrus al-
ter inselle-
xit quàm
Dominus
mādatum
illud i-
psū se-
quendi.*

Petrus igitur Domini verba, quibus illū erat
sequi iussus proprio & naturali sensu accepit:
sed ex euētu satis apparet Domini mentē non
simpliciter fuisse, vt Petrus hoc illum tempo-
re sequeretur, sed longē vltēius progressum,
voluisse Petrum admonitum, ne in iis quę sibi
imminere audiebat certaminibus, ita se gere-
ret vt antē fecerat, sed contrā re ipsa testatum
faceret, se non frustrā tertio repetiisse Domi-
num à se amari, atque adeò eius in vita fortis-
simē & constantissimē profundenda exem-
plum imitaretur. Denique Dominus discipu-
lo sic in memoriam reuocabat verba quę sæ-
pe antea discipulis inculcarat, Matth. 10. 38. 16.
24, Marc. 8. 34, Luc. 9. 23. & 14. 27. Quisquis
Crucem suam non tollit & me sequitur, non
est me dignus.

*Iesus Chri-
stus est so-
lum & per
secundum ex-
emplar vi-
ta Chri-
stiana.*

Hinc igitur primū discamus quale sibi
verē Christiani omnes exemplar debeāt pro-
ponere, & ad quem scopum omnes suas cogi-
tationes,

tationes, dicta factaq; dirigere in mediis huius vitæ procellis ac tempestatibus, quæcunq; sit particularis omnium vocatio, Iesum nempe Christum, solum veram & perfectam lucem, Ioh. 11. 9. qui luceat nobis in mediis huius mundi tenebris, & ita regat ne vnquam à recta via deflectamus.

Hic verò in primis duo capita nobis sum-
mopere sunt obseruanda, ne vnquam ad læ-
uam aut dextram deflectamus, qua de re mul-
toties à Domino monemur, Luc. 9. 62. néve
vnquam admota manu aratro retrogradia-
mur. Sic nonnulli, crucis ferēdæ tædio, paula-
tim à recta via deflectunt, siue quòd ad do-
ctrinam, siue quòd ad morum honestatem at-
tinet, cum lupis vlulantes, vnde tandem acci-
dit, nisi Deus illorum ex mera sua & speciali
gratia misereatur, vt nūquam in rectam viam
reuertantur. Sic in auia præcípites feruntur,
qui sibi nouas Dei colendi rationes, *ἰδιόλογον-
σκείας*, & vias regnum cælorum adipiscendi
comminiscuntur: quales olim fuerunt Phari-
sæi, quibus successerunt egregiæ illæ regulæ
monachales, quibus tam multi passim spiritu
erroris excæcati sese vltro subiiciunt. Alij,
Deo, scilicet, sapientiores, rationes nouas
ineunt conciliandi lucem cum tenebris, spe-
cioso Pacis & rerum indifferentium obten-
tu. Alij penitus, ad suum vomitum instar ca-
num, aut suum ad lutum relabuntur, 2. Petr.
2. 22. Alij viam eminus spectant, tandém-
que mundo excedūt, ignari quorsum aut quo

*Christum
sequuntur
nec ad læ-
uam nec
ad dextrā
deflectant,
nec etiam
retro aspi-
ciant aut
in viam
ram fa-
ciant.*

consilio à Deo in illum missi sint: quum contrà nos oporteat, si volumus in cursorum, & præmium auferentium haberi numero, τοῖς ἐμπαρορθέν ἐπεκλεινομένοις scopum versus ferri, Philip. 3. 13. nunquam benefaciēdo segnescentes, 2. 1 thess. 3. 13.

*Iesus Christi
nobis
præiens
etiā suum
auxilium
hoc iter in
gressis pro
mittit.*

Istis omnibus opponenda sunt Iesu Christi Domini nostri hæc verba, Sequimini me, quæ non tantum dixit viam rectam nobis monstraturus, quandoquidem solus ipse est via, veritas & vita, Ioh. 14. 6. sed etiam vt freti virtute & præsidio tanti Ducis & iam victoris nobis præeuntis, veraque & inuicta arma suis militibus suppeditantis, sicut experientia iam inde ab initio seculorum testatum fecit, impauidi depugnemus.

*Falsa Ie-
su Christi
imitatio-
nes.*

Hic verò cauendus summopere Satanæ actus, qui verissimo illo & certissimo fundamento docens homines abuti, vitam videlicet Christianam positam esse in imitatione Domini nostri Iesu Christi, veri illius exemplaris & formulæ essentialis, miseris quibusdā idiotis sic illusit, vt persuaserit illis imitandum esse Iesum Christum in rebus quas nunquam fecit vt imitandas proponeret: & obliuionē inducens contrà rerum earum in quibus illum conuenit, secundum regulam & exemplum quod ipsemet suis præscripsit, imitari. Hinc si quibusdā ex ipsis veteribus credimus, promanauit institutio ieiunij quadragesimalis, specioso obtentu ieiunij illius quod semel in vita Dominus Iesus Christus ad sui muneris media-

Mediatoris plenam executionem se accingens celebrauit, quadraginta dies & totidē noctes prorsus à cibo abstinens, non ad simile ieiunium fideles inuitaturus, sed hoc opere miraculoso probaturus Euangelij prædicationem, quam inchoabat, doctrinam esse manantem cœlitus non humanitus: simili quoque miraculo confirmata legis Mosaicæ doctrina: Exod. 24. 18. Hinc stolidus ille & impurus mos profluxit sputi in Baptismo additi, quò miraculum Iesu Christi quod Ioh. 9. 6. recitatur, isti hic imitentur: & alia item ridicula gesticulatio ex alio Domini miraculo hausta, Mar. 7. 34. Hinc ille valde ridiculus, & sæpe nō admodum acceptus halitus Suffraganeorum, & vicariorum in ordinatione presbyterorum, ex ridicula & ineptissima Iesu Christi imitatione, sicuti suprā docuimus, Ioh. 20. 22. Ac si infinitarum ceremoniarū primam originem inuestigemus, quibus puro Dei cultui nō modò nihil accessit honoris, sed reuera sensim adulteratus est & transformatus, ac tandem in horrendas idolomanias & impietatem desiiit, inueniemus partim illas à Iudaismi reliquiis partim etiam ab Ethnicorum cloacis haustas. Vt autē vera Iesu Christi imitatio distingua-
tur ab omnibus illis tam stupidis & indignis abusibus, teneamus omnia Iesu Christi dicta & facta quę suos voluit imitari, ad praxin perfectæ pietatis erga Deum, & veram ac perfectam charitatem, qua nos tota sua vita complexus est, reuocari. At quod propriū illi fuit

& peculiare Mediatoris & Redemptoris respectu, & quod etiam fecit vt Deus æternus, non sanè quidem nobis imitandum, sed potius in illo suspiciendum & adorandum.

*Quousque
sanctorum
viro-
rum i-
mitanda
sint exempla.*

Breuiter Iesus Christus est exemplar, ad quod oportet fideles in sua quemq; vocatione, priuata vel publica, sese tam veræ pietatis quàm charitatis & mutuæ conuersationis respectu componere. Nō tamē diffitemur, in sacris historiis plurima per Dei gratiam, passim excellentissimorum Dei seruorum exempla nobis proponi diligenter consideranda & imitāda, quando quidem etiam nos ipsos, nisi in Dei maledictionem incurrere volumus, totius vitæ nostræ curriculo bono aliis vitæ & sanctimonie exemplo præire decet, Matth. 18. 7. & hanc ob causam Christiani filij Lucis nominantur, & luminaria in mundo splēdētia, Philip. 2. 15. At quoniam homines sunt perfectissimi quique, ac proinde peccatores (quod etiā dilectus ille discipulus admittit, se ipsum in eorum numero recensens, 1. Ioh. 1. 8.) ideo, antequam nobis vllum proponamus cuiuscūque viri exemplum imitādum, siue eorum qui Spiritus Sancti in sacris præclaro testimonio sunt insignes, siue aliorū veterum aut neotericorum, vita functorum, aut adhuc viuētium, in primis eorum exempla sunt ad Lydium lapidem examināda, nempe, quòd ad doctrinā, Sacras Scripturas à Spiritu Sancto Prophetis & Apostolis dictatas: quòd ad vsum autem vitæ, Iesu Christi vitam exemplar vnicum dicimus

mus & regulam ad quam singulorum hominū facta & dicta exigantur, vt possimus eos imitari, quomodo & quatenus ipsimet imitatores Iesu Christi fuerunt, vt loquitur Apostolus, I. Cor. II. I.

Præter superiora, quum Dominus discipulum præmoneat de certaminibus ad mortem vsque tolerandis, obseruandum nobis est præter firmitatem nostram cum Iesu Christo, quæ posita est in eorum imitatione quæ Iesus Christus dixit & fecit, aliam præterea superesse membris cum capite conformitatem, quæ in communicatione passionum capitis huius & membrorum consistit, quibus cum iisdem hostibus communibus eandem veritatem oppugnantibus est negotium: minimè quidem quòd adhuc in se hoc caput patiatur, (quandoquidem plenam adeptus Christus victoriā in cœlos ascendit, & ad Dei Patris dextram regnaturus sedit) sed quòd adhuc in mēbris suis oppugnetur & persecutionem patiatur, quod sibi ipsi factum imputat, Act. 9. 4. & Coloss. 1. 24. donec ex promissione Patris suos inter necione hostes deleuerit, & solidā ex iis victoriam reportarit, Psal. 8. 7. & 110. 1. quod ipsum Apostolus copiosè persequitur. I. Cor. 15. & Hebr. 10. 13. Idcirco Dei filiorum omnes passionēs hoc nomine Crucis significantur, non quidem vt eo supplicij illius genus tantum designetur, quo tam ipse Dominus, quàm post ipsum aliquot alij sunt affecti, & nominatim Petrus (si vera sunt quæ de ipso sancti quidam

*Alia cōformitas inuer
Iesum Chri
stum & e
ius mēbra
in commu
nicatione
passionum
eius, aduer
sus eosdem
hostes, &
ob eandem
causam.*

viri olim memorię tradiderunt) sed quòd licet persecutiones & perpeſſiones, qualescūq; ſint, eiufdem omnes generis & menſurę non ſint, tamen ex eodem fonte & iifdem hoſtibus, odio nimirū & malitia Diaboli & mundi permanent. Sed hic nobis tria potiffimū capitula, ne offendamus, ſcitu neceſſaria ſunt.

Prima differētia in conformitate paſſionum Ieſu Chriſti & membrorum ipſius.

Primum eſt, in hac conformitate ſuperiorū reſpectu, hęc Domini noſtri Ieſu Chriſti Crucem plurimum à Cruce cui Dei filij ſubiiciuntur differre. Ieſus enim Chriſtus iuſtus pro iniuſtis paſſus eſt, Dei reſpectu, tanquam ſponſor noſter ac fideiuſſor. Et ita quidem mors illa coniuncta fuit cum horrendo Dei furore aduerſus noſtra peccata, quibus exſoluendis ſe ſpōſorem Dominus noſter interpoſuerat. Cōtrā verò filij Dei percutiuntur, non irati Dei manu, ſed improborū manibus, Deo ſic permittente & volente, non quidem aut ex eorum malis aut incommodis voluptatem capiente, aut ipſis irascente: ſed illis contra velut ex amicorum numero ſelectis, quibus vtatur instrumentis ad virtutem ſuam & potentiam magis ac magis illuſtrandam, quum hoſtium ſuorum conatus omnes franguntur, eorū conſtantia quibus tamen nihil infirmius aut vilius mundus habet, 2. Cor. 12. 9. non ſecus, ac ſi quis magnanimus & ſtrenuus miles aduerſus Cataphractum militem luctaturus, nō lanceam, non alia iſtiusmodi quibus alter eſt inſtructus arma corripere, ſed eum proſtraturus & pudore verecūdijque ſuffuſurus virgam in manus

nus assumeret, veluti Dominus Moysen aduersus Pharaonē armauit, & Dauidē suum aduersus Goliathum, vt infinita alia istiusmodi exempla silentio præteream. Et ne procul ista repetamus, quot & quanta nostro seculo vidimus & videmus istiusmodi admiranda Domini opera? Nam, obsecro, quas alias copias, quos alios exercitus immani illi, & horrendæ bestię septem collibus insidenti, Monarcharū & potentissimorum orbis Dominorum viribus circumsepta, quàm vilissimos, & contemptissimos in hoc seculo homunciones Dominus opposuit? Et vt paucis omnia complectar, nonne acies gladiatorum nostris chartis est re-tusa? Nonne scriptis nostris ardentes illorum flāmæ extinctæ sunt, vbi, quando & quomodo Deo placuit, & adhuc ei placet? Sin excipiat aliquis, iustum interea pati: fateor, sed addendum, quæcunque iusti patiuntur in hoc mundo leuia esse, præ gloria æterna nobis hodie incomprehensibili, sed tamen has perpeffiones exceptura, 2. Cor. 4. 17. Adde præterea quoscunque cruciatus, aut quàm diuturnos ferant, prout admetiri tentationem ac explorationem Deo placet, magnum tamen illum Deum viuētem, qui nunquam suos finit tentari supra vires quas largitur, præsentem ipsis adesse, 1. Cor. 10. 13. Idcirco tantum abest, vt dirissimos quosque cruciatus passi, de Deo conquesti sint (qui tamē nec sensus nec mētis ac rationis expertes erant) vt contrā nunquā se beatiore existimarint, quàm quum in illis

passionibus versarentur, Act. 5. 41. Rom. 5. 3. Gal. 6. 14. quemadmodum ipse Dominus illos ante docuerat, Matth. 5. 12.

*Secunda
differentia
inter passio-
nes Iesu
Christi &
membro-
rum.*

Altera differentia, longè maioris etiã momenti, posita est in eo quòd Domini passionibus sunt nostrorum omnium peccatorũ pretium & redemptio. At Martyres, vt præclare dixit olim quidam Episcopus Romanus, non dederunt, sed acceperunt coronas, & de constantia martyrum nata sunt exempla patientiæ, non autem dona iustitiæ. Nam mors ipsorum, personas eorum solas respexit, & nemo martyrum sua morte persoluit alterius debitum. Et, quemadmodum alius quidam ex vetustissimis celeberrimis doctoribus scripsit, etsi pro fratribus nostris moriamur, nullus tamen vnquam sanguis martyrum fusus est in remissionem peccatorum, vt pro nobis Iesus Christus sanguinẽ suum fudit. Nam in eo non proposuit nobis exemplum quod imitemur: sed gratiam dedit de qua gratias illi agamus.

*Martyres
gratis non
meritis co-
ronantur:
& qui ab-
usus tui ad-
mittantur.*

Tantum abest igitur vt Martyres suis passionibus acquisierint, aut meriti sint gloriam qua Deus eos coronauit, vt contrà nunquàm glorificandi fuerint, nisi primùm fuissent plenè & gratuito iustificati, quòd fide apprehendissent eum in quo solo grati Deo facti sunt, Ephes. 1. 6. Ac proinde Iesus Christus non potest meliùs spoliari nomine Mediatoris & Redemptoris, quàm fictitio illo Ecclesię thesauro, quem vocant, qui tam falsis vel potiùs imaginariis mercibus tanto pretio diuenditis

viuunt

viuunt : & hæc quidem hæctenus, ne hanc Camarinam amplius moueam.

Tertiò, ne tenebræ Lucis nomine vocetur, *Causa facit martyrem nō pœna.* diligenter notandum est & in memoriam reuocandum, non omnem persecutionem, etiam ad mortem ipsam, contineri hac conformitate de qua hic agimus : sed tantum Iesu Christo fieri conformes in passionibus eos qui verè pro ipsius nomine persecutionē patiuntur, & ad eius gloriam tuendam & amplificandam : non simpliciter vocante Domino beatos eos qui persecutionem patientur, sed additis duabus his voculis, *pro Iustitia.* Item, *Propter me, mentiendo :* & Apostolus ait, *propter Iesum Christum :* & alibi non dicit simpliciter, nos pati & mori, sed addit, *cum illo.* Non igitur pœna, sed causa facit Martyres Domini per sui sanguinis effusionem, sicut ex veteribus quidam optimè dixerunt : ac proinde non veniunt in partem huius conformitatis, nec peccatorum nostrorum iustæ punitiones : neque stulti & temerarij pro qua doctrina patiantur prorsus ignari : multoque minus martyres diaboli : cuiusmodi sunt pertinaces omnes & peruicaces hæretici, ad mortem usque doceri se non ferentes : nec quicquid est infanorum & amentium illorum, qui Deo se & proximis inutiles reddunt, ac tandem sibi ipsis exitium adferunt, existimantes se rigidiorē quodam vitæ instituto quam comminiscuntur, posse vel pro peccatis suis coram Deo satisfacere, vel etiam, tum sibi, tum aliis Paradi-

sum mereri. Qui non modò falsus error est, sed prorsus abominandus, vt qui, si non omnino, saltem ex parte, beneficium nostrę redemptionis aboleat.

*Membra
sunt capiti
conformia
non minus
in gloria
quàm pas-
sionibus.*

Denique, quòd facilè desponderemus animum, & vera sanctaque Dei filiorum cōstantia, fortitudo & magnanimitas, furor veriùs dici posse videretur, si tantum in perpeffionibus Christo capiti conformes fieremus, altera pars huius conformitatis in eius gloria necessariò, etiam addenda est, dicente Apostolo, 2. Timoth. 2. Si cum eo mortui sumus, cum eo etiam viuemus: si toleramus cum eo, etià cum eo regnabimus, secūdam illam Domini promissionem, Quicumque me confessus fuerit coram hominibus, confitebor eum etiam coram Deo Patre meo, Matth. 10. 32.

*Non modò
licet, sed et-
iam expe-
dit, de al-
terius statu
certi ali-
quid scire:
sed certis
quibusdā
conditioni-
bus & fi-
nibus.*

Transeò ad illa Petri verba, *Hic verò quid?* quod si simpliciter exponamus, quasi Petrus tantum sciscitaretur an dilectus discipulus etiam esset eum sequuturus, tum Dominus videretur non habuisse iustam occasionem eum tam asperè reprehendendi, nec etiam ad rem quæsitam respondisse. Longius igitur spectasse Petrum apparet, Dominumque vt καρδιο-
γνώσκω respondisse Petri cogitationi, quid nempe futurum esset dilecto discipulo, istius quæstionis occasione capta ex iis quæ de se prius audiuerat. Vnde nascitur quæstio, liceat ne de alterius facto nobis inquirere. Nam in eo grauitè Petrum fuisse lapsum extra dubiū est, quandoquidem propterea Dominus eum,

&c

& quidem cum quadam acrimonia reprehendit. Respondeo, non simpliciter prohibitum in alterius res inquirere: sed contra qui de se tantum cogitat, vix hominis nomine dignum esse, tantum abest vt Christiano dignus sit: sed non propterea tamen aut de re qualibet, aut de singulis inquirendum dicimus. Quamobrem inquirentes in aliena bono fundamento niti, & intra limites certos oportet contineri.

Itaque primum omnium inquirentem in aliena oportet esse tum de sua vocatione, tum de recto & sincero animo suo persuasum. Nā qui secus faxit, pessimo principio pessimum finem assequetur. Vocatio verò specialis aut generalis est. Generalis singulos homines obligat, sine exceptione, ad quærendam proximorum vtilitatem cum gloria Dei coniunctā: id est omnium eorum quos iuuare vel à quouis malo possunt eripere. Specialis vocatio vel publica est, qualis Pastorum suarum ouium, aut Magistratuum suorum subditorum, respectu: vel priuata, vt patrum & matrum in familias, mariti & vxoris, herorum & seruorum, amicorum in amicos, vicini in vicinum, & alia istiusmodi iusta legitimāque vincula, quibus alij necessitudinis aliis mutuò deuinciuntur, ac proinde alij in alios inspicere & inquirere tenentur, siue cum authoritate & imperio (& quidem cum quadam coërcitione, quum ita vocatio flagitat) siue charitate & beneuolentia Christiana. Huiusmodi porrò inquisitiones non modò decent, sed etiam necessariae

*In alios in-
quisituros
Vocationē
oportet ha-
bere vel ge-
neralē, vel
specialem:
priuatam
aut publi-
cā, cū recto
proposito
& sincero
animo.*

sunt, tam ad conscientias liberandas, quàm ad fouendam hominum societatem. At cum vocatione requiritur is quem secundo loco dixi, rectus & sincerus animus, ab omni opinione sui vacuus, & ambitione alienus ex aliorum censura sibi auctoritatem parandi, multoque magis ab omni odio, & similibus passionibus, in quibus non vltimum locum Curiositas vocationis egressa limites obtinet.

*Deinde distinguenda
personae in
quas in-
quiritur.*

Deinde, magno studio distinguendae sunt personae in quas inquiritur, aut praesentis, aut praeteriti, aut futuri temporis respectu: minimè quidè vt *προσωπολήπται* simus, sed quòd praeter generalem vocationem & obligationem de qua loquutus sum, etiam specialiū habenda sit aliqua ratio, sine praedudicio tamè, statim alioquin inde multis ac infinitis cōfusionibus sequuturis: veluti si Magistratus quispiam in alterius ditionis quempiam inquirat, aut pastor in alienū gregem suam administrationem exerceat, aut maritus in alterius vxorem, aut pater in alterius familiam: aut deniq; alter in alterius vocationem particularem inuolet.

*Tertiò, considerandum
qua de re
inquiratur, & cauendum ne
nimium in
credendo
leues si-
mus.*

Tertiò diligenter expendendum qua de re inquiratur: qua in re sepe grauissime peccatur. Multa sunt enim quorū inutilis cognitio, vel ad Dei gloriam, vel ad proximi salutem, quum prorsus sint inania. Alia quæ potiùs occultanda, quàm scrutanda vel diuulganda. Alia quæ nihil ad inquirentes attinent, & de quibus (si tales habentur vt silentio praeteriri nequeant) admoneri satis sit eos quibus illa cura demãdata

data est. Alia sunt eiusmodi sua natura, vt in ea Dominus inquiri prohibeat, quæ sibi soli reseruauit: ac proinde quorû inquisitione scriptura vocat, Peccatû ariolorum, tam abominandum coram Domino, vt expressè declararet se tot populorû Chananæorum internecionem huic peccato tribuere, Deut. 18. 12. Ac proculdubio nō modo sacra Scriptura passim istiusmodi sciscitationes oraculorum expressissimè & magnis cōminationibus, Exod. 22. 18. Leui. 19. 26. & 31. & 20. 6. & 2. & Deut. 18. per totum caput: sed etiam bonæ & sanctæ veteres leges imperiales, prohibent. Vnde igitur, obsecro, passim ista in orbe Christiano sic inualuerūt, vt in ea non animaduertatur. Sed præter superiora in quibus peccatur grauissimè, quiddam est præterea magni momenti in quo non minùs grauiter peccatum ab iis qui nimium in credendo sunt faciles: vt ex auditis vel inquirant vel reprehendant: vel etiam temerè quod condemnandum est admittant: vel quod probandum reprobent: vnde infinitæ rixæ & contentiones ac inimicitia nascuntur: quo malo nos potissimum hîc, quod nō sine ingenti dolore dico & piorum omnium, laboramus, vt immedicabilis morbus videatur.

Ex quibus omnibus infero, verum quidem illud esse, mutuò nos oportere de alijs esse sollicitos & curam alios aliorum habere, quod sine inquisitione fieri nequit: sed in hac potissimum, si qua alia re, postulandum à Domino Spiritum discretionis & sapientiæ, cum rectæ

*Recta conscientia cū
charitate
coniuncta
& spiritu
discretionis
docet quomodo in a-
liorū inquirendum sit
ita.*

conscientiæ integritate & vera charitate, & quidem maximè quod istius modi inquisitionibus Deus nos aut summi boni aut summi mali facit instrumenta. Quamobrem vtrumque summa diligentia cauendum extremum, ne istius demandatæ nobis prouinciæ administratio polluat, vel dum officio defumus, vel vocationis limites excedimus. Quem ad finem referendæ sunt in sacra scriptura passim obuiæ de harum rerum vsu legitimo admonitiones.

Natura Petri temeraria illi hic in duo non leuia peccata impulsit.

Si igitur vt ad contextum reuertamur, aliquis interroget, qua in re Petrus hic lapsus sit, aio lapsum, nō malo quidē affectu, sed curiositate manante à spiritu illo nimiū prōpto & sæpe nimiū temerario, qui deinceps cum tēpore in singularem & ardentem zelum in eodem est mutatus: vt mox dicemus. Duplex igitur fuit huius curiositatis error: prior quod quod quum illū de se cogitare & iis quæ ipsi euentura Dominus prædixerat oporteret, de socio cogitat: alter quod temerè & sine occasione quærit quod à nobis Dominus vult ignorari: nisi quum illa suis seruis extraordinariè reuelare dignatus est.

Lapsus eorum qui in alios inquirunt.

Prior lapsus ille sanè nimiū est nobis frequēs, vt in aliena potiùs inquiramus & peruideamus quàm in nostra: minimè quidē aliorum commodis magis quàm nostris studentes, sed ex vana & futili curiositate, qua deinceps aut de aliorum commodis liuor & inuidia, aut detectis in proximo quibusdam vitiis, opinio nostri nascitur, quasi meliores aliis sumus,

sumus, cernentes in alterius oculo festucam, sed in nostro trabem non animaduertentes, Matth. 7.3. aut frequens in ore omnium excusatio, non meliores nobis esse alios.

De altero verò, docemur non tantum Do-
mini verbo, Genes. 2.17. Heb. 9. 27. Rom. 5.12. sed etiam experiētia quotidiana mortē sicuti
omnibus hominibus decreta est, sic etiā ean-
dē incertā, putā quo modo, quāve hora cuili-
bet contingat, Deo volente nos ab vnica sua
pendere prouidētia: & hac incertitudine mo-
neri, semper nobis standū paratis, & inuigilā-
dum, ignaris quando simus ad summū Iudicē
rapiendi: felice futuro seruo illo quem Domi-
nus repererit vigilantem & precantem. Neq;
verò sunt ista reiicienda in vltimum illum v-
niuersalis iudicij diem, sed etiam intelligenda
de vltimo die vitæ cuiusque: id docente Do-
mino, Matth. 24.42. & 25.13. Marc. 13.35. Luc. 12.
37. & 21. 36. Summo igitur nostro commodo
Deus voluit, & vult, nos scire & agnoscere
quanta sit vitæ nostræ breuitas & instabilitas,
quod tamen nimium multi tradunt obliuioni,
sic in hoc mundo vitam quasi semper in eo
mansuri degentes, Psal. 49.12. Ideoq; Propheta
Deum rogat vt vitæ nostræ breuitatem & in-
constātiā semper eius cogitationi subiiciat.
Psal. 39.5. & 90.12. Modum verò mortis & ho-
ram nos latere sapientissimè voluit. Nam si
mors iam iam imminens expectaretur, maxi-
ma pars hominum tanto terrore percellere-
tur, vt de hac vita traducenda minimè cogita-
ret: sin autem longiùs abesse putaretur, pœni-

*Deus vitæ
cursum no-
bis incogni-
tū esse vult
summo no-
stro bono:
quem qui
præter aut
pro se aut
pro alijs
præter na-
turales cau-
sas seruam-
tur, grauif-
simè Deum
offendunt.*

tentię locum superfuturum contemptores dicerent. Itaque ex gratia & speciali ratione Dominus aliquid de suę vitę cursu certis quibusdam amplius patefecit, veluti Mosi, Deuteron. 32. 49. & 50. & Elię. 2. Reg. 2. 3. Ezechię bis. El. 38. 1. & 5. Sic Dominus hoc loco Petro violentam mortem prædixerat, quum ad maturam ætatem peruenisset: qua manifestatione Petrum oportuit esse contentum, non autem socij sui, bonam, vt ita dicam, fortunam expiscari.

*Quot quotique hic
abusus.*

Itaque tenendum nobis, omnes istos ariolos, vates, Magos, & in primis Astrologos iudiciarios, & horoscoporum natiuitatum dispositores, quatenus audent rationum & observationum naturalium limites transilire, sua natura tamen incertissimarum, quasque nemo negauerit, licet certissimas & hominibus cognitissimas, sic tamen in Dei manu & potestate versari, vt earum effectus ex arbitrio suę voluntatis producat, aut retardet, ac denique prorsus transmutet. Qui verò confugiunt ad istiusmodi rerum futurarum prænuntios, horrendę profanationis & contumacię coram Deo rei sunt, in cuius secreta volunt penitiùs scrutari, dignissimęque grauissimis pœnis, si suo munere Magistratus fungerentur. Nam si simplex illa Petri curiositas quid socio suo euenturum esset sciscitantis, non ex astris, non ex diuinis aut ariolis, sed ex eo vno à quo fieri poterat certior, subasperam illā Domini correctionem meruit: quid iis futurū est qui cœlos

los libēter penetrarint, arcana Dei scrutaturi, nobis immanem illam Gigantum audaciam ante oculos ponentes, de qua poëtarum scripta meminerunt, & his responsis plerunque freti res arduas & abominandas ac detestandas aggrediuntur, quorum nostro seculo nimium frequentia sunt exempla, adeò profani sunt homines & impietatis pleni?

Verum enim verò perpendamus in hoc facto singularem Dei sapientiam cum immensa misericordia coniunctam, discipulum quidem suum corripientis, sed eius lapsu tamen vtentis, in alterius commodum, immo & totius Ecclesię vtilitatem, tam est modis omnibus in suis consiliis Dominus admirandus. Nam quum duo illi discipuli inter cæteros excellentibus donis essent ornati, & illorum opera Dominus sic esset vsurus in iaciēdis Ecclesię suę fundamentis, vt illius fuerint, quod ad ministerium, veluti columnę, Gal. 2. 9. Dominus quum præmonuisset se alterum nempe Petrum, morte violēta recepturū ad se, voluit eādē manifestatione & eōdem momento suam Ecclesiam consolari, satis perspicuè pollicitus, se diu Ecclesię suę lumen illud alterum conseruaturum, discipulum nempe dilectum, cui propterea gratiam illam concessit, vt præter ternas suas epistolas, duos illos excellentes thesauros nobis præterea reliquerit, historiā nimirum Euangelicam, in qua multa complexus est ab aliis omitta: & præterea suam Apocalypsin, id est tot arcanorum reuelationem

*Dominus
ex immēsa
sua bonita-
te Petri cu-
riofitate a-
busus est ad
alterius di-
scipuli in-
dicandam
vitę condi-
tionem, ad
Ecclesię
suę conso-
lationem.*

in quam in seculorum vsque consummationem Ecclesia velut suam helicem intueatur adeò vt huius libri respectu videatur ille discipulus adhuc in viuis esse, & cum mortalibus loqui, minimè quidem vt somniarunt qui Domini verba perperam interpretabantur: sed reuelationū illarum respectu. Nam Apocalypsin nulla iusta subest occasio, in dubium reuocandi.

*Quomodo
rata fue-
rint quæ de
discipulo
Dominus
cū condi-
tione di-
xerat.*

Nec magis esse suspectum oportet quod de eius vita scriptum legimus in historia Ecclesiastica, nimirum ab suo reditu Ephesum ex insula Pathmos, in quam relegatus fuerat, Apoc. 19. vixisse ipsum vsque ad annum quartum Imperatoris Traiani, qui incidit in annum sexagesimum quartum à Dominicæ resurrectionis historia: quo tempore non dubium est quin mortuis reliquis Apostolis, Ecclesiæ sint eius præsentia valde recreatæ, valde illa sanè necessaria, vt testis oculatus audiretur eorum quæ ipse & socij eius docuerant & monumentis tradiderant de Domino nostro Iesu Christo, quod idem ipse minimè reticuit. I. Ioh. 1. 1. & 4. 6.

Fabulosa verò sunt & fictitia quæ temerè scriptis tradita à plerisque, sunt credita de sepultura & sepulchro ipsius, manaruntque à falsa illa opinione, ipsum mansurum in mundo vsque ad vltimum aduentum Domini, ac proinde nunquam moriturū: qui quidē error ex istis Domini verbis malè intellectis profuxit. Ac voluit noster Euangelista, de se lo-
quutus

quutus in tertia persona, in hac historia fundamentum illius erroris detegere, in eo satis apertè declarans quam conscientiam in reliquis omnibus suis scriptis præ se tulerit, quātūque ab omni ambitione fuerit alienus.

Quam difficile sit spiritū evāgelis cohibere ne serpat.

Sed quandoquidem hic error, frustra hoc de se Iohanne ferente testimonium, sic inualluit, ut non potuerit aboleri, & quidem eò usque; ut vix quadragesimus annus agatur ex quo quidā impostor & socius insignis illius nugatoris & Apostata Postelli, nuper mortui Lutetiæ, ausus est in Gallia palàm sese Iohannem illum Evangelistam resuscitatum profiteri, qui tandem apprehensus Tholosæ crematus est: quis miretur similes nugas infinitas, immo istiusmodi multa falsa & impia iisdem artibus Satanæ nata, nec minus temere & leuiter credita & monumentis conscripta in Ecclesiam sensim irrepisse.

Superfunt nobis explicanda verba illa quibus noster Evangelista totam hanc suam historiam Evangelicam claudere voluit, ut certò constaret Ecclesiæ ipsum fuisse certum & oculatum testem eorum omnium quæ scriptis mandarant. Nam inde ab Apostolorum temporibus, Satan tantum potuerat apud suos satellites, ut Apostolorum nomine multa falsissima somnia confingeret, passimque disseminaret, qua de re nos Apostolus præmonuit, 2. Thess. 2. 3, & 3. 17. quorum etiam maturè catalogum Ecclesia confecit, & deinceps in magnum Decretum inseruit, sub nomine Gela-

Ratio generalis qua Evangelista ad suam historiam veritatem asserendam impulsus est.

ſij Episcopi Romani, anno Domini 495. Verumtamen non ideo malo isti occursum est. Nam ita sunt hi libri damnati, vt nihilominus abusus qui in illis continentur inuecti ſint, ac pedetentim in Ecclesia ſic confirmati, vt vix hodie poſſint euelli. Sed præterea, præterquam quòd quædam iſtiusmodi ſcriptorum exemplaria in plurimis bibliothecis conſeruata ſunt, tantum potuit Satan noſtro ſeculo vt multos eorum typis etiam excuſos euulgaret, & quidem cum permiſſione & bona venia Regum & Imperatorum peſſimis conſultoribus deceptorum: tanta hodie tamque eſfrænſis eſt iſtorum hominum audacia paſſim impunita, quam Deus vtinam, pro ſua miſericordia, compeſcat.

*Dua ſpecta-
les ratio-
nes quibus
Euangel-
iſta impul-
ſus in Ec-
cleſiæ com-
modū ita
ſuam hiſto-
riam clau-
ſit.*

Verum noſter Euangelista videtur duabus de cauſis ad hanc hiſtoriam hoc teſtimonio claudendam impuſus. Prior eſt, quòd quum hiſtoriam penè totam texuerit ex iis quæ partim alij tres Euangelistæ, poſt quos ſcribere aggreſſus eſt, prorsus omiſerant, partim etiam ex parte tantum, metuendum eſſet ne id apud multos ſuſpectum foret. Altera, quòd quum veriſimile eſſet multa alia Ieſu Chriſti facta & dicta, non minùs iſtis vera, ſparſa fuiſſe inter fideles à quibuſdam, quemadmodum Apoſtolus ſententiæ cuiuſdam Domini meminit, quæ tamen in ſcriptis Euangelicis non extat, nempe, Beatius eſſe dare quàm accipere. Act. 20.35. & idem Apoſtolus trium apparitionum Ieſu Chriſti ab eius reſurrectione mentionem facit

facit 1. Cor. 15. quæ non memorantur ab Euangelistis, itaque vereretur ne hoc obtentu plurima in Ecclesiam mendacia irrepererent (quod nihilominus magnis etiã editis voluminibus cõtigit) declarare cõstituit re vera non omnia Iesu Christi dicta vel facta sigillatim fuisse monimentis scriptorum tradita, quod admodum difficile, immo *αδύνατον* fuisset futurum: sed simul etiam docere ista quæ tã ipse quàm alij Euangelistæ scriptis, duce Sancto Spiritu, tradidisset sufficere fidelibus: quibus protectionibus alibi noster Euangelista etiam usus est, veluti Ioh. 19. 35. & 20. 30. quibus locis etiam rationem præscribit discernendi vera à falsis de rebus iis omnibus quæ de Iesu Christi factis vel dictis dici vel conscribi possent nequis imponi sibi patiatur.

Itaque vt sanctam istam doctrinam ad vsum nostrum referamus, hinc quidem discamus, primùm ex ratione quam Dominus sequutus est in reuocando & redintegrando discipulo, à quo tam malè fuerat agnitus, Dominum reuera ex sola sua immensa bonitate, sacrosancti verbi sui ministerij authorem, fundatorem, protectorem & promotorem esse. Deinde quantam diligetiam eos oporteat adhibere quibus hæc cura est demandata in rebus omnibus accuratè sigillatim expendendis, & iis maximè qui pœnitentiam agunt, siue in Ecclesiam introducendi sint, siue restituendi qui munus in ea publicum sustinere debent. Inde verò ex Petri responso, quàm dociles esse

*Ufus. præ
puorum hi
storia præ
cedentis ca
pituli,*

deceat eos quos vocare Dominus dignatur. Discamus etiam quid illę, Pastorum & Ouium voces ferant: ac quā sit necessarium omnibus hanc viam ingredientibus ad Crucem ferendā sese preparare. Precemur etiam Dominum, ex iis quę Petro dilectōque discipulo dicta superius, audiuius, ne suam vnquam Ecclesiam orbam relinquat, sed fidelibus ad se receptis Pastoribus, quando & quomodo voluerit, alios suscitet, qui cęptum ædificium promoveant, missis fidelibus Pastoribus & Doctoribus sibi inuicem succedentibus, quemadmodum se ad seculorum vsque consummationem suis adfuturum est pollicitus.

Sed in genere, supplices Dominum oremus nobis gratiam largiatur verum & vnicum Iesum Christum, qualem ipsum nobis testes illi authentici depinxerunt & ad viuum expresse-
runt, Iesum Christum, inquam, propter offensas nostras traditum, & excitatum propter iustificationem nostri, amplectendi vera fide, quę coram Deo, Angelis & hominibus testetur, nos iam mortuos esse peccato, & ad iustitiam resurrexisse cum eo, per primam resurrectionem: secundam & vltimam expectantes, qua erit omnia omnibus, vt cum ipso viuamus & regnemus in æternam. Amen.

★ ★
★

F I N I S.



INDEX RERVM MEMORABILIVM
QVAE IN HIS HOMILIIS
continentur.

A

Abrahamus sola fide iustifica-
tus 69
Abrahami patriam relinquentis
exemplum 444
Achitophelis consilium turbatum
163
Acoluthorum nomē solum in pa-
patu 327
Adami primi hominis creationis,
cū secundi Adami qui est Chri-
stus, collatio 35.36
Adami lapsu in meliorem statu
erigimur 294
Administri Dei quomodo dicantur
ministri 374
in Aduersis quid Deo responden-
dum 135
Aduentus Domini non anxie
scrutandus 30.31
Aetas vocandorum ad ministeriū
canonibus praescripta 350
Aetatum dispēsatio in Romana
curia 356
Afflictionibus cur exerceri fideles
bonum sit 134. & quomodo in
ijs Deo respondendum 136
Agricultura prima & praecipua
ars hominum 479
Amicitia quanta vis 137. &
quousque progredi liceat 138
Amicitia vera exemplum 109.

III.133

Amos ex bubulco propheta 58
Amor Dei omnibus orationibus
praire debet necessario 475
Anabaptistarum error de Sacra-
mentis 380
quomodo Angeli cum hominibus
ederint ac biberint 296
Angeli quomodo apparuerint ho-
minibus 277
Angeli cur primi resurrectionis
nuntij 61
Angeli duo Mariā Magdalena
apparent ad sepulchrum 125
Angeli lapsi Dei maiestatem hor-
rent 75
Angelus quomodo dicatur Dei
filius 332
Angelorum opera Deus utitur in
suis tutandis 42
Angelus resurrectionis nātius 41
Angelus saxum sepulchri reuol-
uens terret milites excubantes
49
Anima hominis immortalis 5
Animalis vita quae 244
Animis piorum & impiorum post
separationem à corpore quid fiat
8
Apparitionū quantus abusus 278
Apollos in Aquila familia erudi-
tus 174
Apostolica autoritas nihil habet
commune cum usurpatione An-
tichristi.

INDEX.

<i>tichristi</i>	334	<i>ter naturam subfiterunt</i>	48
<i>Apostatas non esse qui à Roma- na Ecclesia recesserunt</i>	330	<i>Aqua solidata sub Christi pedibus</i>	179
<i>Apostolatus prima dignitas</i>	332.	<i>Aqua in vinum versa</i>	179
<i>secunda</i>	335.	<i>Aqua signum in Baptismo</i>	369
<i>tertia</i>	339	<i>Arbitry humani qua vires</i>	215
<i>Apostolica vocatio qua sit , & quid illi cum alys commune</i>	331	<i>Ariolorum peccatum</i>	523.526
<i>Apostoli prius piscatores vocati ad Apostolatam</i>	449	<i>Arrianorum error</i>	233
<i>Apostolorum vocatio</i>	58	<i>Artes multe inutiles</i>	479
<i>Apostolicum munus non fuit per- petuum</i>	316	<i>Ascendere & descendere Christus quomodo ascatur secundum v- tramque naturam</i>	146
<i>Apostolorum prima missio nō fuit vocatio Apostolica</i>	331	<i>Asina Bileami loquuta</i>	ibid.
<i>Apostoli nullos habuerunt in A- postolatu successores</i>	337.338	<i>Ascensio Christi in cælos fuit rea- lis</i>	288
<i>Apostoli & Pastores ac Docto- res quomodo inter se differāt</i>	335	<i>Astrologia iudiciaria non leue peccatum</i>	526
<i>Apostoli Hierosolymis coacti cō- stantie exemplo sunt</i>	254	B.	
<i>Apostolicum munus fuit certis fi- nibus circumscriptum</i>	341	B <i>arbaries non ferenda in ra- tione docendi in Ecclesia</i>	249
<i>Apostolica vocatio suis finibus cir- cumscripta</i>	343	<i>Balsasar aspectu maiestatis Dei horruit</i>	79
<i>Apostoli per certos gradus eruditi & confirmati</i>	349	<i>Baptismus dicitur Lauacrum rege- nerationis</i>	381
<i>Apostoli simpliciter fuit creden- dum</i>	336	<i>Baptismi vis interior in quo posita</i>	379
<i>Apostoli sine exceptione fuerunt au- diendi</i>	344	<i>de Baptismo error Ecclesiarum. A- fricanarum</i>	375
<i>Apostoli quomodo adhuc hodie ruinas Antichristorum repa- rent</i>	338	<i>Baptismi veterum qua formula</i>	398
<i>Apostolorum potestas</i>	340	<i>Baptisari super mortuos quid sit</i>	65
<i>Apostolorum in persecutione e- xempla imitanda</i>	256	<i>Benedictiones Dei omnes gratuita</i>	90
<i>Apparitiones Christi variae</i>	436.	<i>Benedictionibus abutentes Dei in maledictiones sibi verti sentiunt</i>	93
<i>& quæ signa cum ijs coniuncta</i>	438	<i>Beneficia qua à Deo in privatos conferuntur ad totam Ecclesiam referenda</i>	82
<i>Aqua maris rubri & Iordanis præ</i>		<i>Beræenses examināt Pauli doctri- nam</i>	336

Blasphemorum hominum acris re-
prehensio 422
Bonitatis Dei in suos exemplum 133

C.

Calore verbi Dei cur non o-
mnes incalescant 250
Calumniatores Dei filiorum in sei-
pso malum accersunt 164
Canones de electionibus à Pontifi-
cij abolentur 325
Canonici libri soli sunt ij quibus fi-
des niti debet 211
Carnis resurrectio cur credenda 6
Caro & spiritus in regentis adhuc
luctantur inter se 292
Catechumeni olim qui dicti 398
de Charactere papistarum imagi-
nario 378
Cherubini in arcam incumbentes
150
Castigatio & amor paternus mu-
tuo coherent 135
Castigationum Dei finis 235.236
Causas secundas Deus moderatur
280
Censuras Ecclesiasticas varijs mo-
do tollere quidam nituntur 397
Censurarum Ecclesiasticarum ne-
cessitas 471
Charitas in Deum & proximum
quomodo concilianda 444
cur Christus caro factus est 17
Christi Deitas probatur 360
Christum ut hominem nosse nō suf-
ficit 192
Christi Humanitati quomodo in
sefe omnis honor debeatur 16
quo sensu Christus Adorandus
14
quomodo Christus nobis communi-

cetur 20
Christus & Iohannis Baptista vi-
tatio confertur 66
Christi sese post resurrectionem pa-
tescentis bonitas 62
cur Christus suam Resurrectionem
per Angelos priores patefecerit
61
an Christus clauso sepulchro resur-
rexit 44.48
Christus sua vi resurrexit 233
Christus quomodo inter mortuos
queratur 79
Christus ubi iam querendus 117
cur Christus sese prius patefecerit
mulieribus quem Apostolis 261
Christus Maria Magdalene ap-
paret 126
quomodo Christus alia forma dica-
tur apparuisse 180
quomodo Christus non sit agnitus
nec voce nec vultu à discipulis il-
lis duobus 179
cur Christus à resurrectione volue-
rit edere 295
Christus quomodo edit ac bibit à
resurrectione 13
Christi apparitio ad Lacum 454
cur Christus non sit passus se à Ma-
ria Magdal. tangi 141
Christus cum quibus vestimentis
apparuit 181
car Christum agnitam discipuli non
audeant interrogare 462
Christus in Galileam serepsit 255
Christum habuisse certum quoddam
domicilium 445
Christus quomodo adhuc patiatur
515
Christus quomodo praeuens nobis in

INDEX.

<i>Cæna exhibeatur</i>	47	<i>Collegialium Ecclesiarum sacrilegia</i>	329
<i>Christus totius scriptura scopus</i>	306	<i>Communicatio nostra cum Christo</i>	18. &
<i>Christus quomodo præsens aut absens ab Ecclesia</i>	151	<i>quo fundamento nitatur</i>	18. &
<i>Christum Papista quomodo non agnoscant Seruatorem</i>	310.311	<i>in ea triplex error condemnatur</i>	19. quomodo fiat 20
<i>Christianorum nomen quam magnum & quam pretiosum</i>	41	<i>Conciliatio quorundam locorum in historia Resurrectionis</i>	2
<i>Christianis quæ notitia salutis necessaria sit</i>	199	<i>Concilium Tridentinum quale fuerit</i>	161
<i>Christianorum aliorum erga alios officia</i>	82	<i>Concilij definitionem aliquam expectantibus quid sit respondendum</i>	200
<i>Cibos prophanâtes grauiter reprehenduntur</i>	240.241	<i>Confessio & agnitio peccatorum pars pœnitentie</i>	405
<i>Circumcisio fuit sigillum iustitiæ fidei</i>	381	<i>Confessor quis apud papistas</i>	406
<i>Cleopas à Domino reprehensus</i>	207	<i>Conformitas filiorum Dei cum Christo in passionibus</i>	515
<i>Cleopa à Christo interrogati responsum</i>	180	<i>Conformitas membrorum cum capite in futura gloria</i>	520
<i>Cleopa magnus error de Christo</i>	189.192.200	<i>Conformitas passionum Christi & membrorum</i>	516
<i>Cleopa erroris de Christo cause</i>	196	<i>Coniunctio signorum & rei significata</i>	362.364.372
<i>Cæna cur à Domino instituta</i>	328	<i>Conscientia cuiusque qua ratione confirmari possit</i>	87
<i>Cætuum sacrorum contemptus non leue peccatum</i>	418	<i>Conscientie terrores quantum malum</i>	93. & quomodo sedentur ibid. & 94
<i>Cognitionem salutis quantam singulos oporteat habere</i>	199	<i>Consecratio qualis apud Pontificios</i>	325
<i>de Cognitione Dei & salutis tres hominum species</i>	121	<i>Consecratio sacrificulorum quo ritu fiat</i>	382
<i>Cognitio naturalis de Deo qualis</i>	302	<i>Consilia hostium veritatis quomodo Deus frangat</i>	162.163
<i>Cognitio naturalis quam imbecillis</i>	220	<i>Consilium malum consultori semper pessimum</i>	170
<i>Collationes mutue non contemnende</i>	114	<i>Consistoriorum multi hostes</i>	397
<i>Collationes mutue sunt necessariae</i>	174	<i>Consolationes & reprehensiones quomodo</i>	

INDEX.

quomodo temperanda	275	quos errores secum trahat	266.
Constantiæ singularis exemplum in			267
Apostolus	254	de Corporis Christi præsentia ubi-	
Consubstantiatorum doctrina fidei		quitararia	44.45
articuli conuellantur	363	Corporis Christi præsentia in terris	
Contemptoribus Euangelij pœne		quomodo refellatur	283
quales parata	317	à Corporis Christi veritate qui ar-	
Contemptus verbi reprehensio	144	ticuli fidei nostræ pendeant	286
Contentionum plurimarum origo			287
175		Corpora quæ Angeli assumerunt	
Conuersionis ad Deum una species		longè differunt à Christi corpore	
404. & quæ sit vera conuersio			206
ibid. & 405		Corpora etiam induunt maligni spi-	
Cor examinandum Deum-ne amet		ritus	277
474		Corde credere quid sit	216
Corporis Christi veritas 46. cu-		Corruptioni Christus non fuit ob-	
ius à terris absentia nihil detra-		noxius à qua per ipsum liberatio-	
hit veritati præsentia Sacramē-		nem speramus	69.70
talis	47	quæ de Custodibus & mulieribus	
Corporis sui veritatem quo argu-		ad sepulchrum aduentu dicuntur	
mento Christus probet	286	quomodo sint concilianda	157
Corporis Christi præsentia essen-		Credendi verbi obtentu suos errores	
tialis dogma quibus argumentis		quidam inuentur	433
conuellatur	289	Cruce Dei filijs necessaria	134.135
Corpus Christi circumscriptum e-		Crucis nomine quæ passionēs noten-	
tiam à resurrectione	246	tur	515
Corpus Christi nobis in terris si		Cruce cum Euangelij professione cur	
præsens est monstrari, dum peti-		coniuncta	505
mus, non peccamus incredulitate		Culpa remissa non retineri pœnam	
420.421		à Domino	401
Corpus idem resurrexit quod fuit		Custodum ad sepulchrum calumnia	
crucifixum	287.288	nimis crassa detegitur	165
Corporis glorificati effugio non iu-		Custodes ad sepulchrum rem ut ge-	
uari ubiquitarios	46.47	sta est nuntiant	162
Corporis Christi in terris præsen-		Curiositas reprehendenda	225
tiam quærentes quantopere fallā-		Cypriani error de Baptismo	375
tur	245		
Corpus Christi licet glorificatum			
verum tamen corpus	288		
Corporis Christi omnipræsentia			

D.

David amentiam simulans
229

<i>David exortatus à Nathane</i>	127	<i>Doctrina docenda & applicanda</i>	207.208
<i>Davidis exemplum castigati post remissionem peccati</i>	402	<i>Doctrina salutis è scripturis sacris haurienda</i>	210
<i>David fugiens ad Achis</i>	256	<i>Doctrina salutis ut proponenda & recipienda</i>	343
<i>Deboræ extraordinaria vocatio</i>	58	<i>Dolus bonus</i>	227
<i>Dei maiestas omnibus tremenda</i>	74.75	<i>Domini aliter loquentis quàm sentientis exemplum</i>	227
<i>Deum & hominem oportuit esse Servatorem</i>	223	<i>Dona Dei ad Ecclesiæ communionem & adificationem referenda</i>	82
<i>abusus horum verborum, Deus sit</i>	477	<i>Dona Dei præsertim spiritualia ex eius singulari liberalitate</i>	452
<i>Dei placandi falsæ rationes</i>	94	<i>Dona Dei quælibet sine Dei charitate inutilia</i>	476
<i>Deitas Christi non fuit initio à discipulis bene cognita</i>	232	<i>Dona Dei inæqualia</i>	119
<i>quum Deus deserere videtur propius accedit nisi per nos steterit</i>	235	<i>Donorum inæqualitas nullum in Ecclesiâ facit gradum</i>	457
<i>Desperatio in suæ indignitatis agnitione fidei vitanda</i>	463	<i>Donorum Dei inæqualitas necessaria ad augmentum Ecclesiæ</i>	461
<i>Diaconi & subdiaconi e mentibus in papatu</i>	327	<i>Duobus discipulis Christus apparuit eodem suæ resurrectionis die</i>	171
<i>Dicere Domini est facere</i>	90	<i>Duorum discipulorum in viâ colloquium</i>	188
<i>Diei resurrectionis Christi collatio cum prima die creationis mundi</i>	32.37	<i>Duo discipuli à Christo cur interrogentur quum nosset quid dicerent 184. responsum eorum absurdum</i>	185
<i>Disciplina Ecclesiastica ministerij pars</i>	396	E.	
<i>Discipline Ecclesiasticæ abusus</i>	397	<i>Ecclesiâ vera quæ</i>	330
<i>Discipulos suos quanto studio Christus docuerit</i>	466.467	<i>Ecclesiæ vox non ad solos Pastores restringenda</i>	199
<i>Disparitio Christi qualis fuerit 243. cur sub initium cibi</i>	244	<i>Ecclesiæ veræ à falsâ discernendi ratio</i>	309
<i>Disputationes religiosæ multum differunt à contentionibus</i>	175	<i>an Ecclesiâ non possit errare</i>	195.
<i>Doctores etiam discipulos esse oportet</i>	174		199
<i>Docendi modus Christi & Phariseorum opponitur</i>	247	<i>Ecclesiâ catholicâ nomē hodie papiſtæ mentiuntur</i>	195
<i>Doctores omnes probandi</i>	345		<i>Ecclesiâ</i>

Ecclesia liberatio in Dei potentis manu 50
Ecclesia veteris cōsuetudo sub persecutionum astu 254
Ecclesia non desinit esse Ecclesia licet non eadem omnium de omnibus religionis capitibus opinio 258
Edere ac bibere post resurrectionem cur Christus voluerit 295
Electio legitima prima nota veri pastoris 319
Electiones in Papatu mutata in nominationes, & abolita 324. 325
Electio, Iustificatio & glorificatio inter se coherent 100
Electorum salus tota est à Domino 469
Eloquentia humana non simpliciter damnanda 249
Episcoporum luxus reprehensio 67
Episcopi portatui 326
Euangeliste qui fuerint 336
Euangelium quid sit 272
Euangelium verum à falso quomodo discernatur 309
Euangelium est stultitia sapientibus seculi 204
Euangelium doctrina est pacis 273
Euāgelij veritas ex Prophetis impletus patet 299
Euāgelij predicatione terra concussa est 39
Euangelium non est causa seditionum in mundo 272. 273
Euāgelij quantus hodie contemptus 187
Examen instituendum à Pastoribus de suis ouibus 398

Exhortatio ad Ecclesias Christianas 354
Ezechia mors quomodo à Prophetia nuntietur 227

F.

Fidelibus in mundo ut conuersandum 354
Fides vera 216. 217
Fides nulla est implicita 217
Fides historica, cui vera fides opponitur 343
Fides quo niti dabet fundamento 297
Fides fidelium non est implicita, nec vicaria 141
Fides articulos qua re oporteat niti 76. 77
Fidei articulos certis principijs niti 221
sine Fide, ac cognitione nemo seruatur 198. 199
Fides etiam maxima incredulitate permixta 292
Fides cum sensu naturali non potest conciliari 123. 124
Fides aliquādo interrumpitur 100
Filius hominis quomodo Christus vocetur 148
Filius Dei Christus non est adoptiuus ibid.
Fletus ac gemitus Dei filios in hac vita comitatur 134
Foribus clausis ingressus Christus quo miraculo 266. 268
Fortuitum nihil 452
Fractio panis quid sit 238
ex Fractione panis Christus agnitus 238. 242
Fraternitas nostra cum Christo non à nostra dignitate sed Dei beni-

gnitate pendet	100	ab Apostolo	192
Fraternitas nostra cum Christo		Homo & Deus qualis	302
quàm pretiosa	151.152	Hominem & Deum oportuit no-	
Fraternitas cū Christo quàm pre-		strum Seruatorem esse	222
tiosa 101. & collatio cum seculi		quis Honor ministerio debeatur	
vanitate	102	448.451	
Fratrū nomine quomodo nos Chri-		Hostibus Christi omnia metuen-	
stus dignetur	99.101	da	51
G.		Humanitate Christi vera tota no-	
in G alileam ire quomodo in-		st. a salus nritur	430
beantur Apostoli	97		
cur Apostoli in Galileam iter su-		I.	
sceperint	442. & deinceps ad	I nnis clausis quomodo Christus	
446		ingressus dicatur 265.266.268	
Gaudium Dei filiorum propriū	133	Ieiunium quatuor temporum unde	
Generatio spiritalis Dei filiorum		326	
qualis sit	36	Ieiunium quadragesimale unde	512
Gentium vocatio	34	Iesu Christi missio cum Apostolo-	
Gloria corporis Christi non ademit		rum missione comparatur	340
illi proprietatem substantiæ	1246	Ignis cœlestis proprietates	251
Glorificatio corporis Christi nihil		Ignis nomine cur pœna aeternæ desi-	
in eius substantia mutauit	288	gnentur	8
Gratuita sunt omnia Dei dona		Ignis æternus in ignem purgatorij	
90		mutatus	408
Gubernatores quos Paulus vocet		Ignorantiæ plus quàm scientia om-	
396		nibus inest	122
H.		Ignorantia non excusat	78
H alitus suffraganeorū ex fal-		Imitatio stulta factorum Christi	
sa imitatione Christi	513	382.383	
qua conuenientia inter Halitum		Imitationes falsa factorū Christi	
Christi & Spiritus dona	366.	512	
370		Impatentia magnopere peccatur	
Halitum Christi pontificij quàm		29	
ridiculè imitentur	382	Impatiētia Dominum expellit	237
quomodo Hierosolymis iussi Apo-		recte Imperandi scientia	85
stoli manere qui prius in Gali-		Importunitas sancta Deo grata	
leam ire iussi fuerant	346	236	
Historiæ quomodo quoue iudicio		Impositio manuum qualis apud Pō-	
legenda	153	tificios	325
Homo Christus quomodo vocetur		Improborum successus ipsis sunt per-	
		niciofi	

INDEX.

<i>niciosi</i>	163	<i>tenda</i>	211
<i>Incredulitas quàm altas agat ra-</i>		<i>Interpretationes falsa unde digno-</i>	
<i>dices in nostris animis</i>	291	<i>scenda</i>	212
<i>Incrudelitas ex humana ratiocina-</i>		<i>cur Interroget Christus ea quæ no-</i>	
<i>tionemanat</i>	204	<i>uit</i>	184
<i>Incredulitatis causa 154. & reme-</i>		<i>Ioannes Apostolus Ecclesie com-</i>	
<i>dia</i>	Ibid.	<i>modo supernixit alijs Apostolis</i>	
<i>Incredulitatem non excusat huma-</i>		527	
<i>na ratio</i>	203	<i>de Ioanne fictitia narrationes</i>	528
<i>Incredulitatem suam quàm stupen-</i>		<i>lona exemplum Ninivitis subversio-</i>	
<i>dis rationibus homines foveant</i>	214	<i>nem prædicentis</i>	227
<i>Incredulitatis exemplū in ipsis A-</i>		<i>Iosue exemplum fugam simulantis</i>	
<i>postolis</i>	153	228	
<i>Incredulitatem Apostolorum cur</i>		<i>Iosue idem ac Iesus</i>	190
<i>Dominus pedetentim correxerit</i>	293	<i>Israëlitæ Aegypto liberati eadem</i>	
<i>ex Incredulitate Apostolorum quis</i>		<i>nocte qua prædictum erat 28. &</i>	
<i>fructus ad nos redeat</i>	294	<i>Babylonica captivitate</i>	Ibid.
<i>Incredulitas arcet Dominum in-</i>		<i>Iudaorum hodie falsa religio</i>	309
<i>gredientem</i>	237	<i>Iudicia Ecclesiastica qualia sint</i>	
<i>Incredulitas quāta difficultate tol-</i>		393. & eorum species 394. &	
<i>latur</i>	235	395. 396. 398. & quousque rata	399
<i>Indulgentia pape</i>	410	<i>sint</i>	399
<i>Infirmi quomodo tolerandi</i>	126	<i>Iustificatio nostra gratuita</i>	20. 21
<i>Infirmittatis humana exemplum</i>	63	<i>Iustitie corruptio quanta</i>	168
<i>Infirmittas filiorum Dei eius gloria</i>		<i>Inuentum pastorum obicientibus</i>	
<i>illustrat</i>	516	<i>respondetur</i>	357
<i>Ingressus Christi ianuis clausis</i>	279	<i>L.</i>	
<i>Innocentius Papa decretalium au-</i>		L <i>Aborem manuum dum dam-</i>	
<i>tor</i>	379	<i>nant Pontificij tamen ipsi-</i>	
<i>Inquirere in alios num liceat</i>	520.	<i>met dominationes inuadunt &</i>	
<i>que ratio</i>	521. 522. 523	<i>regna</i>	450
<i>Inquirentium in in alios lapsus</i>	524	<i>Labor manuum & ministeriū in-</i>	
<i>Inquisitio Hispanica</i>	161	<i>ter se non pugnant</i>	447
<i>Inquisituri in alios vocationem ha-</i>		<i>Lapis angularis ab architectis re-</i>	
<i>beant oportet</i>	521	<i>iectus</i>	194
<i>Intelligentia carnis Deo non potest</i>		<i>Lapsibus fidelium Deus ad bonum</i>	
<i>subiici</i>	120	<i>finem utitur</i>	229
<i>Interpretatio scripturarū unde po-</i>		<i>Lectorum larna in papatu</i>	327
		<i>Lex Domini quibus det sapiētiam</i>	306

<i>Liberi arbitrij vires quales sint ho-</i>	
<i>mini relique</i>	301.302
<i>Ligandi & soluendi potestas A-</i>	
<i>postolu data quomodo in suces-</i>	
<i>sores translata</i>	400
<i>Linguarū cognitio in Ecclesia ne-</i>	
<i>cessaria</i>	352
<i>Lingua verus vsus</i>	176
<i>Lintea in sepulchro reposita</i>	117.
	118.119
<i>Litium reprehensio</i>	110
<i>Lux spiritalis multas hoc mundo</i>	
<i>patitur Eclipses</i>	38
<i>Lux naturalis in nobis quid possit</i>	
	301
<i>Luci creata cū spiritali congruen-</i>	
<i>tia</i>	32.37
<i>Lucis filiorum nomen expēditur</i>	37
<i>Lucis filij cur Christiani dicantur</i>	
	514
<i>Lucis naturalis quales sint vires</i>	
	183

M.

M acedoniani negarūt Dei-	
<i>tatem Spiritus</i>	359
<i>Maieſtatis dinine varia effecta</i>	
<i>pro varijs subiectis</i>	74
<i>Manendi verbi significatio excuti-</i>	
<i>tur</i>	347
<i>Maria virgini Christum prima ap-</i>	
<i>paruisse quidam impudenter con-</i>	
<i>ſingunt</i>	114.115
<i>Maria Magdalena qualis persona</i>	
	106. & circa eam varius error
<i>ibid.</i>	
<i>Maria Magdalena flens ad sepul-</i>	
<i>chrum</i>	122.125
<i>Maria Magdalena & aliarum</i>	
<i>mulierum ad sepulchrum profe-</i>	
<i>ctionis conciliatio</i>	106

<i>Maria Magdalena vehemens in</i>	
<i>Christum studium</i>	137
<i>Maria Magdalene confidenter</i>	
<i>Angelos alloquitur</i>	127
<i>qua occasione Maria Angelos al-</i>	
<i>loquens retro se conuerterit</i>	129
<i>Maria Magdalena fit Apostolorū</i>	
<i>apostola</i>	132
<i>Maria Magdalena non agnouit</i>	
<i>primò Christum</i>	129
<i>Maria Magdalena munus com-</i>	
<i>missum quantum</i>	145
<i>Maria Magdalena sensus quo-</i>	
<i>modo retenti à Christo</i>	180
<i>Martyres gratis non meritis coro-</i>	
<i>nantur</i>	518
<i>Martyrum passionēs non sunt me-</i>	
<i>ritoria</i>	504
<i>Martyrum passionēs</i>	518
<i>ad Martyrium esse paratos oportet</i>	
<i>verè Christianos</i>	508
<i>Martyrem causa non pœna facit</i>	
	519
<i>de Martyrio Petri fabula</i>	500
<i>Martyrum inuocatio etiam in qui-</i>	
<i>busdam morbis quàm sit dete-</i>	
<i>ſtanda</i>	505
<i>Mediatoris officium soli Christo</i>	
<i>conuenit</i>	341
<i>Medicos peritos Christus imitatur</i>	
<i>in Petro sanando</i>	497
<i>Mendacium & simulatio quomodo</i>	
<i>differant</i>	226
<i>Merita sanctorum Christi meritis</i>	
<i>ſubſtituuntur</i>	310
<i>an Mentiētes ludant operam</i>	170
<i>de Meſſia error Iudaoru</i>	200.201
<i>Meſſiam oportuiſſe pati</i>	224
<i>Meſſias duos faciunt Rabini</i>	224
<i>Metus varia ſpecies</i>	93.96
<i>Milites</i>	

<i>Milites ad Christi sepulchrum excubantes perambulsi</i>	48	<i>Mors piorum somno comparatur</i>	8
<i>Ministerium Evangelicum à Domino institutum</i>	313.314	<i>Mors secunda quid</i>	ibid.
<i>Ministerij totius summa</i>	478	<i>Mors animæ quid sit</i>	6
<i>Ministerij sacri functio quàm onerosa præ reliquis omnibus</i>	466	<i>Mortem hodie non propriè esse peccari pœnam</i>	385
<i>Ministerium Evangelicum maxime oppugnatur à Satana</i>	313	<i>quomodo Morti obnoxij quibus culpa peccatorum condonata est</i>	385
<i>Ministerij Deus auctor aliter quàm aliarum rerum</i>	314	<i>Mortui sumus in peccatis natura</i>	302
<i>Ministerium & labor manuum nõ pugnant inter se</i>	447	<i>inter Mortuos Christum querere quid sit</i>	79
<i>Ministerij contemptus in Deum fertur</i>	315	<i>Mortuorum cura</i>	64
<i>Ministri quomodo sint cooperarij cum Deo,</i>	374	<i>Mortuorum inuocatores sunt idololatræ</i>	377
<i>Ministri opera distinguenda non separanda à vi interiore Spiritus</i>	380	<i>Mulierum incredulitas indigna quibus se Christus patefaceret</i>	62.63
<i>Ministri quomodo vocentur ex numero non literatorum</i>	356	<i>Mulierum error in Christo querendo</i>	84
<i>Miracula solus Deus potest facere</i>	376	<i>Mulierum ad sepulchrum venientium historica narratione quinã concilianda</i>	4
<i>Miraculo factarum rerum à Deo consideratio</i>	179	<i>Mulierum ad sepulchrum venientium historie series</i>	54
<i>Miraculorum donum quomodo in Dei seruos collatum</i>	376	<i>cur Mulieribus se prioribus Christus à resurrectione ostenderit</i>	57
<i>Misericordia Dei non abutendum ad peccata</i>	108	<i>Mulierum simplicitati Deus sua providentia succurrit</i>	70
<i>Missæ sacrificium</i>	328	<i>Mulieres ab Angelo reprehensæ</i>	78
<i>Missæ est abolitio Cænæ.</i>	370	<i>Mundi & rerum quæ in eo sunt vanitas</i>	102
<i>Missio Apostolorum cum Iesu Christi missione confertur.</i>	340	<i>Mundi prioris cum posteriore futuro collatio</i>	37
<i>Mortis Domini & eiusdem resurrectionis cum morte & resurrectione Ecclesiæ collatio</i>	50	N.	
<i>Mors Christi ignominiosa magna eius gloria</i>	200	<i>Natura due in Christo distincta remanserunt à resurrectione</i>	245
<i>Mors prior quid sit</i>	7	<i>Nazarenus quo sensu Christus dicitur</i>	192

<i>Nazarenus fuisse Christum intolera- nda ignorantia sacerdotes crediderunt</i>	189.190.191	<i>quomodo conciliandum</i>	443
<i>Negligentia in inquisitione rerum ad salutem pertinentium summo- pere cauenda</i>	463	<i>Officia monstrosa in papatu</i>	329
<i>Nestorianorum heresis</i>	148	<i>Omnipotētiā Dei multi suis som- nijs obtendunt</i>	283
<i>Nestorianorum error</i>	233	<i>Omnipotentiā Dei malè obtendunt aduersarij</i>	363.364
<i>Nolle mortem Petri quomodo in- telligendum</i>	500	<i>Omnipotentia Christi bisariam consideranda</i>	11
<i>Nolle quoddam in voluntate Dei seruorum</i>	504	<i>Omniprasentia corporis Christi quos secum errores trahat</i>	266.267
<i>Noua creatio idem cum Regenera- tione</i>	21	<i>Opera regeneratorum non mereri coram Deo</i>	469
<i>Noni Testamenti libri Græci & Latini in monasterijs conseruati</i>	352	<i>Opera fidelium optima tamen im- perfecta</i>	69
<i>Nuntij Papæ</i>	161	<i>ex Opinione falsa omnis religio na- scitur</i>	194
		<i>Opinionum discrepantia in Eccle- sia ab Apostasia distinguenda</i>	259
		<i>non quæuis Opinionum diuersitas à Deo nos separat</i>	260
		<i>Opum caducarum quātum studium</i>	187
		<i>Opus imperfectum Deus nunquam relinquit</i>	235
		<i>Onem qui fit deuorari à lupis dete- stando prouerbio dicitur</i>	486
		<i>inter Oues quadrupedes & oves gre- gus Domini collatio</i>	484.485
		<i>Oues singulas exemplo Christi pa- stores noſcunt</i>	139
		<i>Oues suas Christus prior querit</i>	139.
		<i>& earum vicissim officium</i>	140
		<i>Onium & Gregis voces aliter Pro- phetis & Apostolis quàm ho- diernis pastoribus conueniunt</i>	483
		<i>Onium huius gregis grauis reprehē- si</i>	487
		<i>Onium diuersa ratio coram Deo & pastoribus</i>	483

Pacem

O

Obedientia Christi perfecta,
ius nobis ad vitam acqui-
rit

389

Obedientia prompta & alacris re-
quiritur

90

Obedientia filiorum Dei

458

Obedientia martyrum etiam imper-
fecta

503

Obedientia necessaria fidelibus

85

Obedientia vera quantum à deuo-
tionibus stultis discrepet

459

Obstetricum Aegyptiarum exem-
plum

218

Occasiones omnes calumniarum vi-
tandæ

255

Occursus Domini quomodo exci-
piendus

91

Officia æconomica non tolli Euan-
gelio

444.446

Officium erga Deum & proximos

INDEX.

P.
Pacem suis discipulis Christus
 quomodo precatus 271
Pacem adfert Christus quam pre-
 catur 274. nos alij aly tantum
 precamur Ibid.
Pacem quomodo Christus adferat,
 quum se gladium adferre dicat
 272. & 273
Panis & vinum in Cæna Domini
 365
Panis baculus à Dei benedictione
 240
Papæ auctoritatem stabilire volen-
 tium rationibus respondetur 489
Papæ quanta auctoritas tribuatur
 310
Papæ & clerus suis ipsorū Cano-
 nibus excommunicantur 325
Papæ tyrannus ex vocatione A-
 postolica refellitur. 333. 334
Papæ luxur & arrogantia quan-
 ta. 67
Papæ non vult iudicari licet ani-
 mas in inferos ducat. 326
Papæ tyrannidem stabilientiū ar-
 gumenta, quæ simul refutantur
 489. 90. 91. & deinceps ad pag.
 usque 96
Paradisus quid sit. & collatio Pa-
 radisi in quo Adamus collatus
 fuit cum altero quem speramus
 37
Papistas grauius aliis infidelibus
 peccare 310
Pascendi vox in Ecclesia quid si-
 gnificet 478. 479
Passiones Christi 287. & 518
Passio Christi & eiusdem resurre-
 ctionis victoria, sunt duo capita

totius salutis 307
 in Passionibus Deus suis prestò ad-
 est 517
 non quauis Passio martyriū est 519
 Passionum Christi & membrorum
 eius quæ conformitas 516
 Passiones presentes non respondent
 futura gloria 505
Pastor summus Christus cuius a-
 ly pastores sunt tantum serui 481
Pastorum munus quale 479
Pastores & Doctores à Deo quo-
 tidie mittuntur 316. quomodo ho-
 die audiendi 317
Pastoribus non indifferenter adhi-
 bendam fidem 190
Pastoribus intelligenda quæ alios
 docturi sunt 300
Pastorum auctoritas circumscripta
 481
Pastorum officium in sibi commissis
 ouibus regendis 121. 208. 209
 de Pastoribus nō malè quidem sen-
 tiendum, sed tamen eorum doctri-
 na probanda est 198
Pastores veri à falsis quomodo dis-
 cernendi 140. 196. 309. 319. 341
Pastorum & Doctorum verorum
 nota altera 345
Pastorum verorum quod sit opus
 480. 481
Pastorum officium in docendo 86.
 395
Pastoribus in reprehensionibus quid
 obseruandum 209. 210
Pastorum est singulas oues nosse 139
Pastorum in querendis & medi-
 candis ouibus officium 470. 471
Pastorum in suas oues requisite vi-
 gilantiæ exemplar Christus 263

INDEX.

quomodo Pastores quidam eligantur ex non eruditis	556.449	Peccatorum nunquam oportet obliuisci licet Deus illa sit oblitus	472
Pastores quosque diligentissimos magnos defectus agnoscere par est	482	Pecunia omnia donat	169
Pastoribus necessaria non administrantes ingratisimi	448	Pelagianorum error refellitur	301
quo sensu Pater dicatur Deus & caput Iesu Christi	148.149	Perfectum & sincerum inter se differunt.	477
quo sensu Deus Pater noster dicatur	150	Periculorum apprehensione quomodo non terreantur fideles	95. & 96
Patienter Deus expectandus	29	Persecutionibus coguntur potius quàm dissipantur greges Domini	98
Pauli exemplum facientis malum quod non vult	504	Persecutionibus ingruentibus quid agendum	254.255. & 256
Pauli Apostoli exemplum in persecutione	88.89	Perseuerantia augentur in fidelibus Dei dona	113.
Paulus suas membranas sibi mitti postulat	174	Personæ in quas inquireretur distinguende	522
Peccatum quid sit	384	Petentibus aperitur	464
Peccata omnia priuatim reprehendi debere docentes reprehenduntur	471	Petri & Iohannis collatio	119
pro Peccatis qua moneta pontificij Deo satisfaciant	407	Petri ingenium temerarium in celum mutatum	460
Peccatorum omnium non eadem coercio	471	Petro primatus falsissimè tribuitur	440.461
Peccatores Deus ad pœnitentiam prior inuitat	126.127	Petrus publicè lapsum suum confessus	471
Peccata condonandi penes quem sit potestas	389	de Petri morte tractatus fabulosus	500
Peccatorum in venialia & mortalia falsa distinctio	407	Petrum ducendum quo nolit quomodo intelligendum	500
Peccata Deo nobis rememorante non conquerendum	473	Petrus à Domino redintegratus in Apostolatu non factus vicarius Christi	468
Peccati duo effecta, Culpa & pœna	384	Petrus ad alteram interrogationis partem tantum respondit	479
Peccatores qua lenitate in viam reuocandi	416	Petrus crucifixus ut quidam voluit	499
de Peccatoribus etiam maximis nunquam desperandum	107	Petrus senectutis promissionem accipit	499
		Philippus ab vrbe Gaza Azothum	

INDEX.

thum transportatus	245	sia	351.245.342	
Philippus Diaconus Euangelium annuntiat	322	Præsentia Christi in terris refellitur	433.434	
Philosophorū placita multi etiam hodie ponunt religionis fundamenta summo errore	205	Præueniuntur à Deo homines	90	
Pietas habet promissiones vitæ præsentis & futuræ	92	Precum prophanatio	241	
Piscatione extraordinaria Christi Deitas probatur	452	Presbyter qui in papatu	328	
Piscatores piscium facti piscatores hominum	453	Primatus Petri quibus rationibus stabiliatur	441	
de Piscatoribus allegorica expositio	455	Principio naturali Christus sui corporis veritatem probat	285.286	
Piscatorum omnium una navis & unum rete	457	Probatio singularum omniū sui ipsius non tollit pastorum officium	399	
de Piscibus allegorica expositio	459	Promissionū diuinarū exitus quomodo expectandus	281.282	
Pænis variis cur castigentur Dei filij	402.403	cur Promissum patris vocetur sanctus Spiritus	358	
Pænitentia duplex ex pontificiorum sententia	404.406	Prophanorum grauis reprehensio	240.241	
Pænitentia manat à Dei gratia	126.127	Propheta vox quomodo Christo cõueniat	192. & ab alijs Prophetis quomodo discernendus	193
Pænientiã agentes quomodo examini subiiciendi	473	Propheta extraordinariè suscitati	320	
Pænitentiarius quis sit apud Pastas	406	Prophetarum & Apostolorū alia ratio quàm Pastorum & Doctorum	483	
Pontifex quam sibi auctoritatem arroget	310	cur ex Prophetis Christus dicta sua confirmari	210	
Pontificios grauius peccare quàm alios infideles	309	Propheta seruus quomodo iussus nullum in via salutare	143	
Portitorum solum nomen papatus retinuit	327	Prophetiarum impletio fidem facit implendorum	199	
Potentia Dei opponenda humane ratiocinationi	280	Prophetiarum veritas euentu confirmata	298	
Præda non temerè cadit in casses venatorum	452	Prophetiarum collatio cum euentu necessaria est ad fidem fulciendam	299	
Prædicationis verbi tres part.	332	Prouidentia Dei nec impediri nec retardari potest	27.28.70	
Præsentia Christi qualis in Eccle-		Prouidentia Dei in res omnes quo-		

- modo consideranda 219
- Providētia Dei in praeueniēdis ho-*
stium suorum consilijs 162
- Prudentia & discretio non negli-*
genda 253
- Psalmorū cur Christus nominatim*
meminerit inter scripturas 298
- Pulchrum à bono nunquam distin-*
guendum 183
- Purgatorij fabula quastuosa* 167
- Purgatorij institutio, locus, tēpus in*
eo pro singulis peccatis 408.409
- Q.
- Q***uadragesimale ieiuniū unde*
manavit 383.312
- Quærentes Dominum nunquā fru-*
stra querunt 72.73
- Quatuor tempora quæ dicta* 326
- R.
- R***atio naturalis pernicioſa in*
noſtræ ſalutis myſterio 205
- Ratio hominis qualis ſit* 215
- Ratio humana non bene iudicat de*
Dei operibus 279
- Rationibus humanis cōtumaces e-*
tia poſſunt præter Scripturas con-
vinci 218. *ys Paulus utitur* 220
- Rebellionis noſtræ exemplū* 63.290
- Redemptionis articulus per unicū*
Servatorē Θεοῦ δῶρον naturalib.
principijs etiam probatur 221
- Regeneratio noſtra pedetētim per-*
ficitur, ut vitium adhuc virtuti
mixtum ſit 292
- Regeneratio & Sanctificatio idem*
sunt 21. *& paulatim perficitur*
112.113
- Reges civiliter adorantur cum co-*
rona & ſceptro 15
- Religiones aliæ omnes præter verā*
falſa fundamenta Dei placandi
ponunt 94
- Religio noua quæ ſit dicenda* 200
- Religionis fundamentum infirmif-*
ſimum Opinio aut rumor 190
- Religionis noſtræ fundamēta Phi-*
loſophis ludicra ſunt 281
- mandatum Domini de Relinquē-*
dū patre matre & cæi. quomodo
intelligendum 445
- Remiſſio peccatorum gratuita* 387.
388. *eſt alterum caput fructus E-*
uangelici 308. *cum reſipſcentia*
ſemper coheret 108. *cuius propria*
ſit 389.391
- Remiſſio peccatorum continet in ſe*
integram abolitionem peccatorū
culpæ & pænæ 384.401. *fieri nō*
poſeſt ſine inqueſtione à paſtori-
bz 393. *à pontificijs prorsus cor-*
rupta 401.402.403
- quomodo Remittantur peccata &*
puniantur eadem 386.387.388
- Remittendi peccata poteſtas qua-*
tenus Apoſtoli data 391
- quomodo Remittantur aut reti-*
neātur peccata à Paſtoribus 391
- Reprehenſiones neceſſariæ* 208
- Reprehenſiones dulci & amaro tē-*
perandæ 275
- Reprehenſio grauis* 488
- Reprehenſio contemptus verbi Dei*
316
- Reſipſcentia non eſt in hominum*
arbitrio poſita 108. *primum ca-*
put fructus quem ex Euangelio
percipimus 307. *nunquam ſepa-*
randa à remiſſione peccatorū 108
- Reſurrectionis hiſtoriæ ſeries* 3
- Reſurrectionis vox tripliciter ac-*
cipitur

<i>capitur 5.6 prima & secunda quid sunt</i>	9
<i>Resurrectio Domini ad quam speciem referatur</i>	9.12
<i>Resurrectio Christi & eius Passio sunt summa capita salutis</i>	307
<i>Resurrectio Domini multū à priorū resurrectione differt 14. pluribus testimonijs testata 55. testimonia quæ papa quatuor contigerunt 39. cur per Angelos primum patefacta 61. cur gradatim patefacta 171. cur non palam Hierosolymis</i>	54
<i>Resurrectionis Christi dies & hora</i>	26
<i>Resurrectio Christi quo sensu patri tribuatur</i>	234
<i>Resurrectio nō ademit Christo proprietates corporis</i>	287
<i>Resurrectionis Dom. fructus</i>	23.439
<i>Resurrectionis priorū & impiorum differentia</i>	10
<i>Resurrectionis ultimæ doctrina vulgo credita</i>	232
<i>Rhetorices artificio non est locus in docendo verbo</i>	206.247.248
<i>Romana Ecclesia non pōt esse universalis 323. nec est Ecclesia</i>	330
<i>Romani Iudeorum perfidiam ultimi sunt</i>	164

S

S acerdotum Leviticorum in veritate Domini sepelienda collatio cum Papiisticis	159.194
<i>Sacramentum quid significet</i>	361
<i>Sacramenta solus Deus potest instituere</i>	368
<i>Sacramenta quinque inuecta in Ecclesiam 368. & ritus peregrini</i>	

ni	369	
Sacramenta non sunt tantum memorialia & tessera, sed opiparis	380. omnia tribus rebus constāt 368. sine verbo sunt corpus sine anima 366. usus eorum quos sit 361. vis eorum interior non pendet à signis 377. nec ab administrantis dignitate vel intentione	372.373.375
in Sacramentis tripliciter erratum	368.369	
Salutis initium medium & finis à Domino		459
Sanctificatio non uno momento perficitur in nobis 21.22. non tranquillat propriè conscientias	22	
Sanctificari cibi quomodo dicantur		239
Sanctorum viarum exempla quousque imitanda		514
Sanguis Christi est solutio pænæ nobis debite		389
Sapientia humana reali hominis est pessimum instrumentum		183
Sapientissimorum plerumque facta stultissima		183
Satisfactiones publicæ quæ		410
	411	
Shamgaris vocatio ex bubulco		68
Sholarum Christianarum institutio		351
de Sholarum depravatione admonitio		353
Schola Geneuensis		356
Scientia salutis unde haurienda	121.367	
Scientia certa salutis requiritur in fidelibus 173. & quæ hic extrema		
M.	ij.	

fugienda	173	plex	247
Scientiarum inutilium quantum		Sermones futiles condemnandi	176
studium	187	Seruare se & alios Timotheū qua-	
Scripta patrum ut legenda	304	modo dicat Apostolus	382
Scripturarum auctoritas unde pē-		Seruator Christus qualis agnosca-	
deat.	218	tur à Pontificijs	310.311
Sacra scriptura mirabiliter con-		Seruatorem oportuisse Hominem es-	
seruata	352	se ac Deum	222
in Scripturis querendus Deus	303	Signa & res signata quomodo inter	
in Scripturis sacris solis Christus		se cohæreant	361.364.372
querendus	121	Signa distinguenda non separanda	
de Scripturarū obscuritate	303.304	à rebus significatis	380
unde Scripturarum obscuritas in		Signorum & rerum signatarum a-	
plerisque	305	nalogia	365
Scripturas sacras ab omnibus opor-		cur Signis tribuatur nonnunquam	
tet cognosci	212	nomen rei significata. & cōtrā	381
Scripturas non iactare sed proferre		Significatarum rerum distinctio	
doctores oportet	224	362.364	
Scriptura sibi inuicem testimonium		an Simulatè aliquid faciendū	226
ferunt	298	Simulatio, dissimulatio & menda-	
Scripturas sufficere ad seipsas ex-		cium quomodo differant	226
plicandas	303	Simulatio & dissimulatio quomodo	
Securis supernatans	545.179	de Deo dicatur	227.228
Semipelagianorum error refutatur		Societatis humane officia non tol-	
301		luntur Evangelio	443
Sensus naturalis non potest cum fi-		Solus occasus allegorica exposit.	237
de conciliari	123.124	nihil Spirituale in homine regenito	
Sensus humani impediunt rerum		non mixtum carne	292
diuinarum apprehensionem	284	Spiritualis vita qua dicatur	7.244
Sensus corporis opus habent ut sin-		Spiritualis Sancti Deitas asseritur	
gulis momētis à Deo regatur	182	359	
Sensus nostri mouentur ex Dei vo-		Spiritus Sanctus vocatur promissū	
luntate	242	patru	358
an Sepulchro clauso Christus re-		Spiritus Sancti communicatio te-	
surrexit	44.48	stimonium Deitatis filij	360
Sepultura cura, cur propria fidelium		Spiritum Sanctum quomodo Chri-	
64. & qui ritus	65.66	stus dederit Apostolis, & eun-	
Sequi se Christus quomodo iubeat		dem iubeat expectare ipsos Hie-	
singulos	512	rosolymus	348
Sermo Christi & ratio docēdi sim-		Spiritus S. non est personis alliga-	
		tus,	

<i>tus, & quātopere in ea re fit peccatū & hodie peccetur</i>	194.306
<i>Spiritus Sanctus pro donis</i>	358
<i>Spiritus & carnis lucta in sanctis</i>	292.504
<i>de Spiritus apparitione quam discipuli sibi fingeant</i>	277
<i>Sputi in Baptismo additi ridiculus mos</i>	513
<i>Stephani morte Ecclesia creuit</i>	98
<i>de Stigmatibus Christi quid verisimiliter credendum</i>	421
<i>Sancti Sudarij idololatria</i>	117
<i>Suffraganeorum halitus</i>	513

T.

T <i>empora Deo relinquenda</i>	30
<i>quomodo Deus ex Tenebris nostros lucem eruat</i>	185
<i>Tenebræ hominum quantæ</i>	235
<i>Tenebris multis lux cælestis sape opacatur</i>	38. & 39
<i>Tepor in rebus diuinis cauendus</i>	90
<i>Terra sementem excipiens non omnis eadem</i>	116
<i>Terra motus pendōte in cruce Domino & resurgente</i>	40
<i>Tertio die resurrexisse quomodo dicatur Dominus</i>	16
<i>Testimoniij voce restringitur Apostolica vocatio</i>	343
<i>Theologia quid sit</i>	297
<i>Theologia Scholastica sigillis confertur quibus veritas sepeliatur</i>	159
<i>Theologia Scholastica qualis</i>	352
<i>Thomæ peccatum inexcusabile</i>	414. 415. 419. 424
<i>Thomas cur à Domino sit inuitatus ad id in quo peccarat</i>	428
<i>Thomæ confessio complectitur sum-</i>	

<i>mam Christianismi</i>	427. 428
<i>de Thomæ absentia & Apostolatu quæstio curiosa</i>	417
<i>Timoris variae species</i>	93 96. 264
<i>Timor Dei à metu & pauore quantum differat</i>	95. 96
<i>Timor Dei remediū aduersus quolibet timorem</i>	51
<i>Transubstantiatorum infirma ratio ad præsentiam Vbiquitariam fulciendam</i>	433
<i>Transsubstantiationis doctrina fidei articulos conuellit</i>	363

V.

V <i>biquitariorum error quantus quaq; perniciosus</i>	44. 234. 246. 283
<i>Vbiquitarij non inuantur disparitione Christi</i>	244
<i>Vbiquitaria doctrina quos articulos fidei conuellt</i>	266. 289
<i>Vbiquitariorum doctrina seipsam refellit</i>	267
<i>Venalia omnia in curia Romana</i>	167
<i>Verbi administrationis tres partes</i>	332
<i>Verbis tribuere vim ullam intrinsicæ est Magicum</i>	377. 378
<i>Verbo sua quomodo Christus operatus est</i>	378
<i>Verbum Dei non tantum audiendum sed meditandum est</i>	173. 174. 177
<i>quinam Verbo Dei non omnes afficiantur</i>	250
<i>Verbum externum à virtute Spiritus non separandum</i>	430
<i>Verbi Dei contemptus reprehensio</i>	

INDEX.

144.187		cantur conuenisse, quum tamen	
Verbū ἄρχον Pontificij pro Scri-		Thomus absuerit	262
ptura iactant	305	Vnguentis se vngi Christus quo-	
in Verbo Sacramentali error	369	modo passus sit	66.68
377		Vocat Deus quosunque quomo-	
Veritatē obruere nitentes nihil pro-		docunque ipsi libet	145.172
movent	43.159	Vocantem Deum ut oporteat sequi	
Vespera primi diei quomodo intel-		91.143.144	
ligenda	269	Vocatio legitima qua	318
quibus Vestimentis indutus Chri-		Vocatio ordinaria non temerē vio-	
stus à resurrectione	181	landa	59
Veterum scripta ut legenda	304	Vocationi extraordinaria quando	
Vetus Testamentum mirabiliter		sit locus	59.320.321
conseruatum	352	Vocatio non debet fieri temere.	350
Vie Domini in suis operibus admi-		in Vocatione quomodo quisque pos-	
vande	55	sit conformari 87. quibus frau-	
Violenti regnū cælorū rapiunt	129	dibus Satan à Vocatione sin-	
Virga Moysi in serpentē versa	179	gulos auertat	86
Virginis Mariae idololatæ	311	Vocationem apud Pontificios nul-	
Visionibus inopinatis homines ter-		lam esse	323
reri soliti	72.74	Voluntas Christi à Patris volun-	
Vita prior & animalis quid dica-		tate diuersa non contraria	502
tur	7	Voluntas Dei fundamentum fidei	
Vite humane cursum cur Deus ve-		219	
lit nobis esse incognitum	525	Vnctio extrema papistica non est	
Vite humana breuitas quàm co-		sacramentum	368
gnitu nobis necessaria	525	Vulnerum Domini religiosa con-	
Vndecim Apostoli quomodo di-		sideratio	42

F I N I S.

4.13

3

pared
v 1968

by J. MacDonald, MSc

MS Corners removed + returned (= Let MS
MS Strip on spine removed 150

